

موقع اقدار

مؤلفی :

أدومو ده موله

مترجمی :

ا. م. م.

طابع و ناشری :



در سعادت

کتبخانه عسکری — نجات زاده ابراهيم حلمی

۴۶ — باب عالی چاده سی — ۴۶

شمس مطبعه سی — باب عالی قارشوسنده نومرو ۴۳

۱۳۲۸

موقع اقتدار

مقدمه

نه قدر نامرغوب اولورسه اولسون بر حقیقتك بیانندن
کری طور مامنی اك بویوك وظیفه عد ایدرم .
بو کتابی نشر ایتمکله او وظیفه بی ایفایه چالیشیور و (آغلو
- ساقسون عرقنك اسباب تفوقی) عنوانلی اثرمک عین زمانده
تمه طبیعی و ضروریه سنی و یرمش اولیورم .
ادمون ده موله ن



مبارزاتمز انجق موقع اقتداره صاحب اولمق ایچوندر

— ۱ —

بز (فرانسزلر)

منازعات سیاسی و دینیہ ایچنده پویاز .

بعضیلرمن بوندن ممنوندرلر و شو بولانیق صوده بالیق
آولامفه چالیشیرلر . بعضیلرمن ایسه ، کندیلرینی بک مکدر
ایدن بو حاله قارشى منسوب اولدقلری فرقه نك موقع اقتداره
کچمسندن بشقه چاره کوره مزلر .

بیلمزلرکه فرقه لری زمام حکومتی اله آنجه یابه جفی شی
ایش باشنده بولنانلرک تبدیلندن عبارت قاله جق ونتیجه اوله .
رق ، اولجه موقع اقتدارده بولنانلر ، طریق مخالفته ارجاع
واونلرک مخالفی اولانلر مقام اجرایه اصعادایدلش بولنه جقدر .
لکن بو یکیلرک اصول اداره سی ده عین صورتله کیفی ،
نحمله فرسا و مرکزیت پرور اوله جقدر . قوه حکومتی اله
کچیرنلر ایچون دکل ایسه ده اوموقی ترک ایدنلره کوره بویله
اوله جقدر .

آرتق جور و تعدی کور مکدن ، موقعلرندن اخراج ایدلمش اولمقدن طولای پروتستو ایدنلر عین اشخاص دکلدر . اولجی معتسفلر بودفعه مظلوم واسکی مشتکیلر ایسه عین معاملات ناروا ایله محکوم اوله رق موقعلرینی تمامیه بجایش ایتمش اوله . جقلدر .

اوحالده ؟ شو کیفیت طرز سیاسی واجتماعیه نه تبدل حصوله کتیره جکلدر ؟ خصوصیه اونی اصلاح ایلش اوله . جقمیدر ؟

بالعکس ، موقع اقتداره کچمکه چوقدن بری منتظر اولان بکی هیئت حکومت ، اسکیلردن دها کسکین دیشلر طاقنه جق و (الحکم للغالب) قاعده سنه اتباعاً ، اوته کیلردن زیاده مطالباته قیام ایده جک و یکی اشتها لری تسکین ایچون باره مصارفک بردفعه دها تزیییدی لازم کله جکلدر .

واقعا بویر اثر تبدلدر . لکن سزجه مدار اکتفا وخو-
شنودی اوله بیهل جقمیدر ؟

بوتبدلات ، برمدت صکره بینه تکرر ایده جک و حال وموقعی دها زیاده فنا لشدیره جقلدر . سزده دائما خوشنود قاله جقمیسکز ؟ بز و قتیله اون دردنجی لوئینک او معظم حکومت مطلقه . سنک ، بعده صره سیله اختلال کیرک و برنجی ایمراطور لفق و صوکره دیگر اشکال اداره مطلقه نک وینه ایکنجی ایمراطور لفق

مصارفنی تأدیه ایتدک ، شمیدی ایسه ، بالناوبه گاه محافظه کار ،
گاه رادیکال اولان جمهوریتک مصارفنی تسویه ایتدکه یز .
دکیشمه یین برشی وار : اوده دائماً تادیاتده بولمقلمزدر .
تبدل ایدن شی ایسه ، تأدیاتک کمتدکجه تزایددر .

موقع اقتدارده بولندقلری ، بودجه دن کچندکاری ، هر
ایسته دکاریخی یا بقی حقنه مالک اولدقلری ایچون بو حال مصیب
کورنلره خطاب ایتیمورم ؛ بلکه ، شووضعیتدن خلاصه بر چاره
تحریریسی ایچون کوزلریخی درت آچش ، آرتق بو حال دن اوصامش
وبوندن حقیقی وقطعی بر صورتده وقولاً دکل ، فعلاً قورتلق
امانده بولنش اولانلره خطاب ایدیورم .

غیر قابل تحمل اولان بو حال وموقعدن قورتلق ایچون
بر یول ، کنیش بر یول واردر که هر کس بو یولدن یوریه -
هیلیر . یابویولدن کیتلی ، یاخود محوی کوزه آلمیدر .

التزام ایتدیکم مقصده ، مبهم سوزلرله وشونک بونک خاطر -
ینه مماشات طریقیه واصل اوله میه جنم طبعیدر . حقیقی هر کسه
پوتون وضوحیه کو سترمک ایچون آجیق وقطعی سوبله مک وبونده
نبات ایتک ایجاب ایدر .

آره مزده کی اختلافات موجوده نک یالکز سیاسی اولمیب ،
دها زیاده دیانت ویا دینسزک اختلافاتی اولسی حال وموقعی
اغلاق ایتدکه در .

«پولتيقه ايله ديانت ويادينسزلك مسئلهلى قارىشىدىزىلمايدىر.»
سوزىنىك تكرر ايديله جىكىنى بىلىم . بوسوزك تكرر ايدىر كه او
مسئله لك برى برىنه قارىشىدىر لىغنه دلالت ايدىر . وبوسوز
بشقه لىغنى آلاىمىچون سپر اتخاذا اولمىقىده در .

هرشيدىن اول ، سربستىنه اداره كلامى ايلك وصوك دفعه
اوله رق قرارلىشىدىر لم : حقيقت حالده دىنى اوله رق شمدى يه
قدر هيچ برىحاربه وقوعه كلمه مشدر . دين نامنه وقوع بولان
محارباته بونام انجق برىهانه اتخاذا اولمىقىده . كرك ماضيدىه كرك
حال حاضرده انسانلرك اه رضاسى ايچون برى برلىله اورو-
شد قلىرىنه بوغازلاشد قلىرىنه ويكدىكرىنى تضيق وتغريب ايتدىكلر-
ينه انجق صافدىلار اينانه بىلىرلر . انسانلرك سلاح بدست اوله رق
ايتدىكلرى مجادلات شديده مكافات اخرويه يه نائليت املنه دكل
بلدىكه منافع سياسيه يه ويغما وغارت احتراصاتنه مبتيدىر [*]
ديانت ويادينسزلك غيرتنك كودلىسى محضا بو مقصدى ستر
ايچوندر .

بزده دين مسئله سنك او كه سورولمى شبهه سزدر كه حسيات

[*] صاحب اترك عموميت اعتباريله سويلدىكى بوسوزك دائره شمو-
لندن مستقنا وبناء عليه بويله بر حكمدن واجب التزىه جهتلر اولدىغنى
ذكر ايتىك لازمدر .

(للمترجم)

دینه نك افكار عمومیه اوزرنده بویوک بر تأثیری اولمسندن طو-
لایی ، بوقدر قوتلی بر معاونندن محروم قالماق فکربنه مستنددر .
دیانت ویا دینسزلك جر منفعته آلت انخاذایدلمشدر .

بوتون بوبهانه لرله بر جوق قادینلر ، چو جققلر ، اختیارلر
قلیچدن کچیرلمشدر . بوقتل عاملرك عشق الهی سائقه سیله اجرا
اولندیغنه وجناب حق عننده مستحسن کورلدیکنه احتمال
ویريله مز .

ایشك فناسی ، بر جوق خلقك ، بر کونه صفت و صلا-
حیتلری اولمدیغی حالده دیانت نامنه اداره کلام ایتمسیدر . بونلر
بر سرمایه تجارت کی هر ایشده دخی استعمال ایدیورلر . اونلر
قدر منفعتدار اولمیان ، یاخود صافدرون ویا سطحی نظر ،
ذکاسی محدود ، جاهل بر طاقم آدملرده ، دین نامنه رفع آواز
ایدنلره ، امر دیانت و مجاهده ده اونلردن آشاغی یه قلاماش اولمق
ایچون اقتدا والتحاق ایدیورلر .

ایشه دیانتك بوسوء استعالی سببیه درکه بر جوق کیمسه لر
حسیات دینه دن تباعد ایتمشدر .

فی الحقیقه دیانت علیهنده کی بغض وعداوتك اسبابی بالخاصه
دیانتك بویله شایان نفرت بر صورتده استعمالیدر .

جداً ظن ایدر میسکزکه ، هر هانکی بر آدم سزك بر قاتولیک
یاخود بر پروتستان کلیساسنه ، بر موسوی یاخود بر ماصون
معبدینه کیتدی کزدن طولایی سزه کوجنسون !

اولسه اولسه ، اكر اعتقادكزه اشتراك ايتيورسه ، يالكز
سزه كوله بيلير . فقط بوندن طولاي سزي ازعاج واضرار
فكرنده بولنه ماز . مكر كه حال وحركتكز كنديسني ازعاج
ايدة جك برماهيتده بولنسون . اونى تلاشه دوشورن ، تحريك
واغضاب ايدن ، آغزينه شتم تعريضى ، انه سلاح تعرضى
آلغه سبب اولان شى ، پروتستان وياقاتوليك ياخود موسوى
معبدلرينك ، فران ماصونلغك خادم اولدينى حسياتك ، قوت
وحاكيى اغتصاب وكندى عليه استعمال ايچون برر واسطه
وآلت اتخاذايديله بيلمسيدر .

اساساً او آدمده بوندن بشقه اندیشه يوقدر ، فقط بواند
يشه ، او كا ميدان ويره جك سبب موجود ايسه مشروعدر ،
وسزه قارشى شبهه وبيقظ اوزره بولنمقدد حقليدر .

انسان قومشوسنك جنته وياجهنمه كيرمكه چالشمسنى
مسامحه ايله كوره بيلير ؛ لکن سياسيات عالمنده احراز ايدة جككز
موقى قايىق واكمككزى الكزدن آلق ايسته مسنه دها آزمساعد
بولورسكز .

- ۲ -

بوتون بوشيلر بك بديدر ؛ حتى اوقدر بديدر كه هر
كس كرك كنديسى كرك دینداشلى ايچون ادعا ايتديكى برحقه

سائر مذاهبه منسوب اولانلرك مالكييتنى رد وانكار ايدر. ايسته قاتوليكلرك ، دينسزلكى مسلك سياست اتخاذايدن سربستى افكار اصحابنه واونلركده، قراليت ياخود ده موقراسى قاتوليكلر بولتيقه سنى تعقيب ايدن قاتوليكلره قارشى اولان اعتراضلرى بوسيدن نشأت ايتكمكدهدر .

بونلر هپ منطق و صميميتدن ، حتى حقيقتدن تماماً عاريدر . فى الحقيقه ديانت و يادينسزلك مسائل سياسيه واجتماعيه نك حلى دعواسنده بولنه جق اولورسه كندى حدودى تجاوز ايتمش اولور .

حالبوكه مسائل اجتماعيه نك نه قاتوليكلرك ، نه پروتستانلر نه ده موسويكك ويا سربستى افكار نقطه نظرندن برصورت حلى موجود دكلدر .

بناءً عليه شونتيجه يه واصل اوليورزكه آهنگ اجتماعينك زمان و مكانه كوره بالضروره تبدل و تخلف ايدن مسائل تشكليه سنك حل و فصلى ادعاسنده بولنان هر دين اساساً بر شريعت موضعيه در .

بالعكس بوتون ملل واقوامه شامل اولديغنى ادعا ايدن بر دين ، آهنگ اجتماعينك زمان و مكان ايله بك زياده علاقه دار اولان مسائل تشكليه سى حقنده دكل ، مبادى عموميه سنه دائر اعتقادي اوله رق احكام قطعيه وضع ايدم بيلير .

مع مافیه بوملاحظاتك ، هیچ کیمسه بی دیانت و یادینسزلیکی
اغتصاب قوت خصوصنده کی مقصدینك استحصالنه آلت ایتمکدن
آلیقویه جغه اعتقاد ایده جك قدر صافدل دکلم. بووصایا هر وقت
بلا تاثیر تکرار اولمشدر. بوبانده فضله بر موفقیت قزانهمیه جغم
درکاردر . اله کچیرمك ایسته نیلن شکار پك جاذبه دار وامید
اولنان کار ایسه پك آشکاردر .

حالبوکه اثباتنه چالیشدیغم دعوی بشقه واونك مدلولی زها
پك چرق واسعدر .

بن دیمیورم که : « شونی یایمق فنادر » اکر بویله دیه جك
اولورسهم هر کسی کندیمه کولدیرمش اولورم . بن دییورم که :
« استحصال ایتمك ایسته دیککز منافع بر یتلمه مدن ، اساسسز
بر نمایشدن عبارتدر . موقع اقتدار نه سزه نه ده مملکتکزه اومد
یغکز منافعی تأمین ایتمیه جکدر .

بن سزی بشقه لرینی آلدادیغکزدن طولایی مواخذہ ایتمیورم ؛
بونی کمال صفوتله قبول ایده بیلیرسیکزر .

بالعکس ، دها زیاده وخیم اولدینی بالآخره تینن ایده جکی
وجهله ، کندی کندیکزی آلداتمعهده اولدیغکزه اعتراض
ایدیورم « ایشته شمدی آرتق اصل موضوعه کیریورز .

ايكنجى باب

قواى حكومتك سوء استعمالى يونان قديمك ، روما ايمپراطورلغىك ،
اسپانياك انقراضى انتاج ايتىشدر .

بوكتابدهكى بيانامله ظواهر حالك ضدنى التزام ايتىش اوله
جغى پك اعلا بيليورم ؛ لىكن بوبوش ظواهرىك آلتىده مستتر
اولان حقايق عاليه تاريخيه استناد ايدىيورم .

بوآنه قدر تفوق اجتماعى ، هپ قوه سياسيهك توسع وانكشا
فنده آرانمقدهدر . حالبوكه بوكيفيت اوواسطه ايله اصلا ، اصلا
حاصل اولمامشدر .

ايشته بونى اثباته چاليشه جغى .

بعده ، تفوق اجتماعىك دائما ، بشقه يولدن ، هنوز پك
آز كيمسهك ، موجوديتندن خبردار اولدىنى برطريقدن كلد-
يكنى ارايه تشبث ايدىجكم .

هرنه قدر تاريخ بشرىت تماميله يكيدن وهىچ اولمازسه بشقه
برشكده ، تنظيمه محتاج ايسهده ، بن بوامر تنظيمى بوراده اجرا

ایتمک ادعاسنده دکم . یالکز تاریخک بویوک ادواری نظریله باقلمسی معتاد اولان اقسامی حقنده بعض ملاحظات مختصره ایله افکار اوزرنده برتأثیر حاصل ایتمک ایسته یورم .

ظن ایدرم که مربوط قروکی، بوتون معلومات تاریخیه مزى آلت اوست ایده جک اولان بو دلائل و براهینک خطوط سیاسیة سنی قارئلره در حال کوستره جکدر .

بو قروکی تاریخک مختلف ادوارینی ایکی قسمة تفریق ایدر . اوست طرفده ، عمومیتله اک مشهور ، تقدیر و ستایشه اک لایق و تاریخک اک حقیقی ذروء کالی نظریله باقیلان ادوار شوکت سیاسیة کوریلیر .

بونلرک برر دور تدنی وانقراض ، برر ذروء کاذبه اولدیفنی کوستره جکم .

قروکینک آلت قسمی ، علی العموم دها آز شایان دقت و تقدیرات انسانیه و مؤرخین طرفندن عطف اهمیته دها آز لایق کوریلن ادوار مجهوله تاریخیه بی اراثة ایدر .

بونلرک ایسه بالعکس برر دوره سعادت و حقیقی برر ذروء تاریخیه اولدیفنی اثبات ایده جکم .

اکر اثبات مدعایه موفق اوله بیلیرسم ، هم بو کونکی نقطه نظر تاریخینک ، هم ده بزده کی ادراکات سیاسیة واجتماعیه نک کاملاً دیکشیدی کوریله جکدر .

تاریخك ذرۋە كاذبەلری


ادوار انحطاطیه

اون درونجی لوئیک برنجی نابوله شونك
حاکمیتی

اسپانیاده ایکنجی
فیلیك حاکمیتی

روما ایمپراطورلریك
حاکمیتلری

واسکندریك حاکمیتلری



آفئور-ساقسونلرك
انتشارات غیر
محموسهلری

انكلترده پارلامنتاریزم
وسلف-غوره دنگنت
جمهوریت معطله لری

روما جمهوریتی

یونانستان جمهوریتی

ادوار مسعوده

تاریخك ذرۋە حقیقه لری

— ۱ —

تاریخ یونانینک بالخاصہ نظر تقدیر مزی جلب ایدن قسمی،
آتنہنک وبعده فیلیپ ایله اسکندرک دور حکمداریسیدر .
بوسبلہ درکہ بوصوکرہ کنہ (اسکندر کبیر) عنوانی بخش ایدلمشدر .
حالبوکہ بوادوار ، یونانستانک انقراض قطعینسہ پیشدار
اولش واوئی تعجیل ایتمشدر .

آتنہنک وفیلیپ واسکندرک دور حاکمیتلری بزه یونانستانک
ناصل سرعتلہ دوچار انحطاط وناصلی تمامیلہ منقرض اولدیغنی
کوستیر .

فی الحقیقہ ، آتنہ یونانستانہ تشمیل حاکمیت ایدر ایتمز ،
بونی چکمین اسپارته برطاقم محاربات غیر منقطعہ یہ قیام ایدر ؛
بومحاربات اوبدبخت مملکتی قان وانقراض ایچنده براقیر . برقاج
سنہ ظرفندہ آتنہ مغلوب اولہرق فلعلہلری خاک ایله یکسان
ودونخاسی احراق ایدلمشدر .

اسپارتهنک حاکمیتی دها سریع الزوالدر ؛ الی سنہ بیلہ
دوام ایتمز . وآرتق اورتہدہ انسان ومملکت انقاضندن بشقہ
برشی قالماز .

بوانقراض اوزرینہ فیلیپک وبعده اسکندرک دولتی قورولور :
قرق سنہلک محاربات داخلہ واسفار خارجہ ، بعدہ انہدام

قطعی یکدیگرینی ولی ایدر . آرتق یونانستان رومانك ولایاتی
عدادنده بولنق درجه سنه اینر .

اوبویوك انكشاف سیاسینك برمبدء دكل برمنتها اولدینی
آشكاردر ، برقومك ناصل طوغدیغنی دكل ناصل اولدیكنی
كوستیر .

بدیهیدر كه بوانكشاف سیاسی یونانستانك شهرت عظیمه سنی
عرقك خصائل و فضائاتی و صنعت و ادبیاتنك تزهرات فوق العاده سی
اسبانی ایضاح ایتمز . یونانستانك احوال اجتماعیه جه اولان
امثالسر شعله سی بشقه منابعدن ، ادوار متقدمه تاریخیه دن
صدور ایتشدرد . لکن ناصل ونه کی سلسله اسباب ونه مثللو
تکملات تدریجیه ایله ظهور ایتشدرد ؟ ایشته اصل ایضاحی
لازم کئن شی . زیرا اقوامك نیچون تعالی ایتدکلرینی اوکرمنك
ناصل محو و نابید اولدکلرینی بیلمکدن دها آز فائده لی دکلدر .
روماده ، معظم قوای حکومت دورینك ایمپراطورلقله
برابر تأسس ایتدیکی کوریلیر . لکن او ائنده رومالیر ،
جهانه غلبه لرینی تامین ایدن قیاس ناپذیر فائیتی ذاتاً حازایدیلر .
ایمپراطورلنك اعلانی صرء سنده روما ، تکمیل ایتالایه ، قارتاجا
و مستملکاتنه ، ماکدونیا ، یونانستانه ، آسیای صغرایه ، مصره ،
اسپانیایه و بعده بری برینی متعاقب ، همان اسکندر کیرك حدود
حکمداریسنه قدر ، بتون بحر سفید اقوامنه حکم و نفوذینی

تشمیل ایتشدی . (آمیلقار) ی ، (آنیبال) ی ، ما کدونیا لی .
 فیلیپ ایله بویوک (آنتیکوس) ی (برهسه) ی و (فیلیوه من) ی
 بطلمیوسلری ، (ویریال) و مهرتاد و سائرہ بی مغلوب ایتشدی .
 (جبریلر) ی (توتونلر) ی چوققدن تخریب ایتمش ،
 غولیاہ غلبہ چالمش ، بویوک بریتانیا ایله جرمانیا نك تحت اطاعتہ
 آلمسنی تہیہ ایلش ایدی . روما عالمی ، آرتق ہیچ بروقت
 دہا اوتہ سنہ کچہ مدیکی برحدودہ ہان ہان مالک ایدی .

شوحالده ، رومانك شوكت وعظمتی ، حتی عظمت
 سیاسیہ سنی وجودہ کتیرن ، ایمپراطورلق دکلدر . بوشوكت
 وعظمت اوندن اول انكشاف تامنہ وروما اراضیجہ منہای
 حدودینہ واصل اولمشدی . ایمپراطورلفہ کلنجه : اونك یابدینی
 شی جرمانلرہ مقاومتدن واونلرک اطاعتی تأمین ایله اوغراشمقدن
 عبارت قالدی . وبالا آخرہ اونلر طرفندن وقوعبولان تجاوزلہ
 محو اولدی کیتدی . رومانك انقراضی ایمپراطورلقلہ باشلار ،
 حتی ایمپراطورلنك ظہوری بوانقراضك تظاہرندن بشقہ برشی
 دکلدر .

هیچ اولمازسہ ایمپراطورلق تاریخ قارشیسندہ پاك برسیای
 حکومتہ مالک اولدیمی ؟ ایمپراطورلر کندیلرندن اول رومانك
 اجتماعی و سیاسی بویوکلکنہ اساس تشکیل ایدن عنعنات قدیمہ بی
 محافظہ ایتدیلرمی ؟

ناصل محافظه ایده بیلرلردی که ، قسم اعظمی حتی اصل
رومالی بیله اولمیوب خالص و حقیقی باربارلردن یاخود ولایاتده
پروقونسول صفتیله اقامت ایده ایده باربارلشمش آدملردن ایدیلر.
یدی پرنس یتشدیرن (آنطونن) سلاله سی اصلاً اسپانیولدر.
بعده (سپتم سه وهر) ایله باشلایان سوریه لی برسلاله، دها صکره
(ایللیریا) لی برسلاله کلیر. بو ایکی سلاله آره سنده، رومانک
مختلف ایالاتندن توره مش برطاقم جنراللرک تحتہ چیقیدینی
کوریلیر. بو صورتله اوزون و متعدد ادوار اختلالیه ائناسنده
یکدیگرینه رقابۃ تحت سلطنتی آز چوق ائغال ایدن متغلبلر
داخل حساب ایدلمکسزین، باربارلق عالمندن یتیشن ایمپراطورلر
اولدجه مهم بریکون تشکیل ایدرلر.

روماده ایمپراطورلرک عمومیتله ناصل ظهور ایتدکلی کافی
درجه ده معلومدر. بونلر، بریالنده پروقونسول ایکن ارتکاب
و ارتشایتمک، آصوب کسمک، کرک افراد اهالی کرک
خزینۃ دولت حقنده بغماکر لکک و چاپو لیلیفک هر درلوسنی
اجرا ایلک صورتیله اکتساب ثروت ایدرلردی.

بو وجهله ادخار ایدیلن پاره ایله پروقونسوللر عسکر جمع
و تحریر و اونلری اعاشه ایدرلر و عسکرک شوق و صداقتی،
رومایه حکمران اولوق و روما عالمک غنائمی الده ایتک خیلا-
تیه تحریک ایلرلردی. بو عسکری تمامیله قبضۃ اطاعت و انقیاده

آلڊقلىرىنى آكلانچە ، برفرست مناسبه ظهورنده همان ايمپراطور .
لقلىرىنى اعلان ايتدريز وروما اوزرينه يورورلردى .
عموميتله بو حال چوق دوام ايتمزدى ؛ زيرا هرايالتده يكيدين
برطاقم پروقونسوللر اكتساب ثروت ايدهر ك ، كنديلرينه
صادق عسكرلر جمعيله روما اوزرينه يوريك ايجون ايلك فرستدن
استفاده ايدرلردى .

بوسيله دركه ، روما ايمپراطورلى ، بعض دفعه تحت
حكمداري سنده ، عين زمانده ، اون بش الى يكرمى ايمپراطور
كورمك مختيارلغنه نائل اولمشدى !

مع مافيه بوسريع الزوال سلطنتك دوام ايتديكى مدتجه
ايمپراطورلر ك جنبشهنده حدونهايت يوقدى . قوت واسطه سيله
موقع اقتدارده كلنديكى ايجون ينه او واسطه ايله و خصوصمتدن ،
حتى عدم شوقندن وحتى بيكانه لكندن شبه ايديله بيلنلر ك طرد
وتبعيدى صورتيه محافظه موقع ايجاب ايدىوردى .

ايمپراطورلر ك قسم اعظمى انسان چهره لى جانوارلردن
بشقه بر شى دكلردى . بونلر نوع بشر ايجون باعث شين
وخجالت ايديلر .

(تى بر) نامنده كى ايمپراطور بيكلرجه مظلومى بر اشارتله
يوكسك برقيادن دكزه آتدبره رق محو و اتلاف ايتدبرردى .
ايمپراطو (قاليكولا) حقيقى بر مجنون ايدى . بار كيرينه

قونسولك پايه سى توجيه ايتمك، (ژوپى تر) نامنده كى معبود اعظمى
محو وازاله ايتك ايستردى . برضربه ده اوره بيلمك ايجون ،
بوتون روما اهايلينك تك باشلى بروجود اولمىنى تمى ايلردى !
ايمپراطو (قلود)، (مساليا) و (آغرى يين) ناملرنده كى زوجه .
لرينك تحت نفوذده قالمش مسخره بر بدلا ايدى . كنديسنى
(آغرى يين) تسميم ايدهر ك جزاى سزاسنى ويرمشدر .

(نهرون)، بيلديككز وجهله بر (نهرون) ايدى !
عسكر طرفندن ايمپراطور نصب ايدلديكى حالده كنديلربنه
بخشش اعطاسندن استسكاف ايلديكندن طولايى متعاقباً قتل
ايديلن اختيار (غالبا) بوناق بر آدم ايدى .

(ويته ليوس) يمكن بشقه برشى دوشونمز براوبور ايدى .
(ناسيت) ديمشدر كه : « بو آدم ، ايمپراطورلق صنداليه سنه ،
صانكه يلك سفره سنه اوطورور كى ، اوطورمشدر . »
(وسپاسيەن) ايله (نى توس) واقعا ناموسلى ايديلر . فقط
(نى توس) انجق ايكي سنه اجرأى حكومت ايدە بيلدى .

برادري (دوميسيەن) خشين برظالم ايدى . ينه ناسيت بونك
حقنده شويله سويله مشدر : « زماننده دكر ، منفيلرك اجساديله
اورتمش ، قيار ، مغدورينك قانلريله بويانمش ، روماده خوف
ودهشت حكمران اولمقده بولنش ايدى . » ايمپراطور مومى
اليه ، زوجه سنى اتلاف ايتمك نيتنده ايكن ، قاريسى خبر آلهرق
اونى اولديرمشدر .

(نروا) ، (ترایان) ، (هادرین بن) ، (آنطونین) و (مارق اورهل) ایمپراطورلغه شرفبخش اولمشدر .

لكن (مارق اورهل) ، بالآخره دنائتيله مشهور اولان اوغلی (قومود) ی پك فنایتشدیردی . اشکنجه دوری بونك زماننده تکرار باشلار . مظلومینی کورهش میداننده بوغازلامق مراقنده اولان بو غریب ایمپراطور ، نهایت ینه بو صورتله اولدیرمك ایستدیکی آدم طرفندن احناق ایدلمشدر .

(دیديوس ژولیانوس) مظلم برسفیدن بشقه برشی دکلدی . (قاراقلالا) ، برادری (ژوتا) یی خنجرله مش و آلتی سنه سورن دور حکومتی بوتون قتل عاملرله کچمشدر .

(هلیو غوبال) جنایت وسفاهت خصوصنده اسلافی کچمکه موفق اولمشدر !

بوزماندن اعتباراً ایمپراطورلغك انقراضی کسب سرعت ایدر و باربارلرک امواج استیلاسی بولوت مذهبی بیقایوب اورته دن قالدیریر .

بو ناجسدار جانورلرک قسم اعظمی ، ثلثاندن زیاده سی مقتولاً هلاک اولمشدر .

ایشته بونلره طائد تاریخك شایان عبرت اولان وبر عدالت آلمیه موجود اولدیغی احساس ایدن قسمی بودر .

تاریخك اوقدر مدح و ثنا ایلدیکی بومعظم قوای غمومیه

دورینک و بواسطه خاص و جنایاتک ، روما اقبالنک اسباب حقیقه .
 سنی ایضاح و بیان ایده جکنه صحیحاً اعتقاد ایتزسیکز . حقیقت
 حال شودرکه ، روما عالمی ، ایمپراطورلغک بوانفساخ و انحلالنه ،
 محضا ، ایمپراطورلق دورندن مقدم اولان اسکی رومانک وجوده
 کتیردیکی تعاملات و تأسیسات سایه سنده او قدر اوزون مدت
 مقاومت ایده بیلمشدر .

بومعاملات و تأسیسات نه ایدی ؟ بونی براز آشاغیده تحری
 و تدقیق ایده جکز .

— ۲ —

باربارلرک استیلاسی رومانک وحدت اداره سنی اوزون بر
 دره بکلک دورانقسامنه تحویل ایدر . انجق آلتنجی عصر میلادیده ،
 اسپانیاده ، ایکنجی فیلیپه معظم قوه حکومت شکل اداره سنک
 - تاربخده یرطوتان بوکبی ادوار حکمرانینک - یکی بر نمونه سی
 تکرار تأسس ایدر .

اسپانیانک ، پورتوغالک و برجدیدک حاکم مطلق اولان
 ایکنجی فیلیپ ، بونلردن ماعدا ، حاکمیتی ناپولی به ، میلانه ،
 فرائش قونته به و فلمنکه طوغری توسیع ایدیوردی . مغربلیر
 اسپانیادن طرد ایدلش ایدی . و بوقوی الشکیمه حکمدار ،
 هم قوه سیاسیه بی ، همده امشالی نامسبوق بر صورت غیر

معترضه ده اوله رق قوه دینه بی اله آلمشدی . ساحه حکومتی ، هیچ بر زمان کونشسز قالمیه حق درجه ده واسع ایدی . حاکمیت سیاسی و دینه به مالکیت اگر بر عرقه تفوق اجتماعی بخش اید بیلیرسه ، اسپانیانک ، سائر بالمله ملل واقوامدن زیاده بوکا بر دلیل تشکیل ایتسی لازم کلیر .

حالبوکه ، ظاهرأ بوقدر شمشعه دار اولان بو عظمت و اقبالک قرق سنه بیله دوام ایتدیکی حتی ، ایکنجی فیلیپ دها حیاتده ایکن ، بردن بره و کمال ولوله ایله یقیلوب کیتدیکی معلوم بر کیفیتدر . شایان نفرت بر استبدادک آلتنده ازیلن اسپانیا ، فیلیپک وفاتنده ، یعنی ۱۵۹۸ ده ، آرتق مغلوب اولمش و نفوس و ثروتی توکنمش ایدی . اسپانیا ایچون ، بردها آلتندن قالقه . مدینی او اوزون دور انحطاط باشلامش ایدی . یارم عصرلق بر حکومت مطلقه او بویوک و شجیع قومی پریشان ایتک ایچون کفایت ایتشدی .

یوانحطاط ، اسپانیانک و پورتوغالک تحت حاکمیتنده بولنان آمریقای جنوبینک بوتون انحاسنه یاییلیدی . آمریقای جنوبی بی آمریقای شمالی ایله بر مقایسه ایدیکزده باقکزر .

ایکنجی فیلیپ ، دینی ، بر آلت حکومت انحاذ ایتک صورتیه قاتولیکلکه ، اسپانیایه ایتدیکنندن دها آز فئالق ایتماشدر . و ، قاتولیک دینی ، مدافعلرینک اک آزدر ایتلیسی

اولان بو آدمك ايند برديكي ضربه نك تاثير اتندن آلآن قورتيله .
 مامشدر . حاكيت سياسييه بي الده ايتك ايچون دينك برواسطه
 اوله رق استعمال ايدلمسي خصوصنده حالا باقي اولان تمايلاتك
 قسم اعظمي بزه اسپانيادن انتقال ايتمشدر .

مولدي اسپانيا اولان مشهور جزويت جمعيتي بو طريق
 ومسلكي بزه اورادن ادخال ايتمشدر . جمعيت مذكوره شهرت
 مكتسبه سني وساثر بوتون صنوف رهبان آره سنده كي موقع
 مخصوصي اسپانيايه مديوندر . شو حال ، جزويتلر حقنده كي
 افراط مدح وقدحك اسپاني ايضاح ايدر . جزويتك حقيقت
 حاله ايكي طرفي كسكين بر سلا حدر . سز بو سلاحي
 محاصملر كزه قارشى بكنديك كز صورته استعمال ايدميه .
 جك كز كي ، خصملر كزده سزك عليه كزده بكندكلى كي
 قوللانه بيليرلر . بناء عليه ، بعضيلري موقع اقتداره صاحب اولق
 خصوصنده كي مجسادلانده جزويتلري امثال سز بر معاون عد
 ايتدكلى كي ، بعضيلري ده بالعكس بونلرك اورته دن قالمسني
 كنديلري ايچون بر مظفريت قطعيه تلقى ايدرلر .

جزويتلرك يا خود محاصملرينك مظفريتي حل مسئله
 ايتيه جكدر . يالكز مسئله بي طرفيندن برينك حاكيتي لهنه
 چويره جكدر . بكا قاليرسه هرايكي طرفك حاكيتنده برفرق

اساسی کورمیورم . چونکه ، هرایکی صورت دخی ، افرادی حکومتی از دیرن بر طرز اداره نك غلبه سندن عبارتدر .

علاً بیان ایدرم که ، بن نه از نلر ونه ده از نلر میاننده بولنق ایسته م . بنی بشقه لرینك حقوقه و بشقه لرینی ده بنم حقوقه رعایت اجبار ایده جك بر اصول اداره تختنده یاشامق خصوصنده کی ممتنع الابطال اولان حقی اعلان ایدرم .

بناءً علیه ، طرفیندن هر هانکی برینك دیکرینه غلبه سنی کورمکه مستفید اولمام . زیرا متبوعك تبدیلیندن بشقه برشی یامش اولیه جغمی و اداره نك ده عین اصول اعتسافکارانه دن عبارت اوله جغمی پك اعلا بیایرم .

افادات آنفه و آتیه اولدجفه واضح بر صورتده کوستریور و کوستره جکدرکه ، فرقه و مذهب و یاصنف طرافدار لغندن تمامیه عاری اوله رق ، بو آتشین مسائله تناس ایدیورم . مجادلات سفیله ایچنده آز چوق اعتدال و سکونت ، حریت فکریه و اخلاقیه سنی محافظه ایده بیان هر کس بونی تسلیم ایده جکدر .

بوملاحظه عین زمانده هم جزویتلرک طرفدارانه ، همده علمیداراننه توجیه خطاب ایتمکلکمه صلاحیت ویریر ظن ایدرم . بویکی فرقه دن هیچ بری یکدیگری آرزولری وجهله تماماً قهر و تدمیر ایتمکه موفق اوله میه جقلردر . حادثاتك عکس العمل طبیعیمی ، دائماً مغلوب طرفی تکرار موقع اقتداره

کثیره جک و طرف غالبی تکرار مقام اقتداردن اسقاط ایدمه جکدر .
اورته ده انجق تعاطی اولسان ضربه لک خاطر اتندن و بر کرته
دها سقوط ایتمش اولق آجیسندن بشقه برشی قالمه جقدر .

مع مافیه ، هرایکی جهته دهه ، حق و حقیقتک صداسنی
ایشتمکه ، منافع عالیّه انسانیّه بی و تاریخک ارشاداتی آکلامغه
قابلیتی آدم لر هر حالده موجوددر . کک جزویتلردن کک
سربستی افکار اصحابندن بر جوق طانید قلم واردر که بو قابلیتی
حازدر لر . بو حقایقه قارشی کوز یوممقه اک مبرم وظیفه لرنده
تکاسل ایتمش اولور لر .

اگر بو نمایشی صوکنه قدر تعقیب ایتمک ایسترلر سه ، الحاله
هذه یابد قلی وجهله ، احراز قوت ایچون مجادله ایتمک صورتیه ،
هرایکی طرفی ده محو و نابود ایدمه جک ، دیگر بر اصول اجتماعی به
قبو آچمده اولد قلی غایت اکلایه جقدردر . شمیدن بونی
نظر دفته آلق کندیلری ایچون دهه فائده لیدر . یکدیگری
متعاقب بر صورت مشئومه ده نابید اولان ، درجه پستیده کی
اشکال اجتماعیه کی محذوف اولمقدن ایسه ، کندی کندیلری
اصلاح ایتملی مرجعدر .

اوجنجى باب

قوۋە حكومتك سۇ استعمالى فرانسەنك انحطاطنى
انتاج ايتىمىدەر .

— ۱ —

واقعا بىز ، اسپانىيانك دوچار اولدىنى حالە هنوز كىلدك
ايسەدە ، كوزمىزى آچەلم ، زىرا اونلرى اوعاقىتە سوق ايدىن
عين دىردى بىزدە چكىورۇز .

اون دىردىنجى عصرە طوغرى مملكتىمىزدە ، كرك انكلىزلك
كرك سائر اقوام شماليەنك هنوز كورمىدكلىرى بر صنف مخصوص
ظهور ايتدىكى كورىلىر : (حقوقيون) دن بحث ايتىمك ايشە .
يورۇم .

بو حقوقيوندىركە ، روما نظريات حقوقيه سنك ، يعنى ايمىر .
اطورلق حقوقنك تعاملات وعنعات منسيه سنى يكىدن فرانسە يە
ادخال ايتىمىلردىر . بونلرك حرص وامللرى ، فرانسە قراللىقى ،
طبقى (ژوستين بن) ايله (تەئودوس) ك طرز حاكىمىتنە مشابە بر حالە
قويمىق ايدى : « قرالك آرزوسى قانون دىمكىدەر . » ايشە

بونلرك نظريه سى بوايدى . بونظريه نى قوانين عتيقه دن طوبلا
به بيلدكلرى احكام ايله تاييد و ثوتيق ايتديلر .

فرانسه مؤخينندن (ميشله) بوطرز و مسلكى غايت كوزل
برصورتده تصوير ايتمش و ديمشدر كه : «حقوقيون، (سن لوئى)
احفادينك زمان اداره سنده فرانسه نك باشنه بلاكسملشدر .
بونلر ، روما نظريات حقوقيه سنى و ايمپراطورلرك اصول اداره
ماليه سنى كور كورينه تقليد خصوصنده ، شايان نفرت برسرين
قانلياقله حركت ايتديلر . خطا و صواب ، هر شيئه : «قانونده
بويله يازيليدر» ديه جواب ويره بيلدكدن صوكره هيچ بر
اعتراضه دوچار اولمازلردى . ازمنه متوسطه نك بوظالم ييقيجىلىرى ،
اعتراف اولمليدركه ، ازمنه حاضره اصول اداره ملكيه سنك
مؤسسلىدر . »

حقوقيون حكومت قرايه نك مشاورلكنى احراز ايتديلر .
بو غايت طبيعى ايدى . زيرا بونلر قراللرك توسيع نفوذ و صلا .
حقيقى امرنده اونلره اغواكارانه و صاايدة بوننقده ايديلر .
حريت شخصيه و محليه نى حصر و تحديد ايدن هر حكمدارك
يائنده ، اون بشنجى عصر دن اعتبارآ ، هيچ برهيئك ، حكمدارك
احوال و حركاتى قدر ، مشروع اولمديغنى تايمين ايدن و تجاوزات
واقعه نك حقيقى ، دوچار تعدى اولانلرك حقسز اولديغنى ، عالمانه
برصورتده ، تصديق و اثبات ايلين برر حقوق شناس كورلمكه
باشلادى .

كذلك ، كرك سراى قرالى كرك پارلمنتو ، بورالره حقوق شناسلرك قبوللرى نتيجه سى اوله رق ، حكومت مطلقه اصولك تكرار تاسيسى ايچون برر دارالاستحضارات حاله كيردى . (او كوستن قى به رى) ديوركه : « ايشته اودارالاستخضار . لرده فواى حكمدارينك منفرد ومطلق وهر كس حقنده مساوى وقانون وعدالتك منبع يكانه سى اولدينى نظريه سى ، هر كون دها زياده اعلان وتطبيق اولندينى تظاهر ايتشدرد . حكومت مطلقه قراليه نك مؤسسلى وناظرلى اولان قرون وسطى حقوق شناسلى ، بويوك انقلابچيلرك مقدرات مشتركه سنه تابع اولدiler . ايچلرندن اك جراثيللى بيله اخلال ايتدكلرى منافعك وپامال ايلدكلرى اخلاق وفضائلك عكس العملى تحتده ، محو اولدiler .

فى الحقيقه اجراسنه تشبث اولسان ايش اوزون وكوچ اولدى . افكارى ، نفوذ حكومتك عائله ايشلرينه مداخلات دائمه سنه آليشديرمق قولاي اولدى . كرك حقوق شناسلرك قراللىر ، فضله مقاومته تصادف ايتدكلرى محللرده ، تعاملاتك يرينه قوانين محرره يى اقامه صورتيه ، بالاده كى نظريه يى يواش يواش تطبيقه باشلاديلر . بويله جه اك مهم فاميليا ايشلرينه ارباب حقوقك مداخلات جبريه سنى ونتيجه اوله رق مأمورين حكومتك قومون وايلات ايشلرينه مداخلاتنى تزديد ايتديلر .

نفوذ قرالی حقوق شناسلرک افغانه بویوک برمنونیتله یاردیم ایدیوردی. زیرا اولر، قوای محلیه یی تنقیص ایتمک صورتیه، قرالیت حکم و نفوذینک توسع و انتشاری خصوصنده وسائط تهیه ایدیورلر. مثلاً (والوا) خاندانه منسوب اک صوکره کی قرالر، بیکلرجه مناصب عدلیه و مالیه وجوده کتیردیلرکه، بو مناصبده بولتانلر یواش یواش تشکلات اجتماعی طبعیه نک برینه قائم اولدیلر. قوه حکمداری یه عبودیت و صداقله مألوف اولان بومأمورلر اصول مرکزی برقات ده افراطه وار. دیردیلر.

حال تدنی یه کلن اصول اداره عتیقه اکابر مأمورینک، اختارات ووصایا ایله ویا طرفکیرلک صورتیه یاخود بر طاقم تعلیمات رسمیه ایله نفوذلرینی تشمیل ایتمدکری هر هانکی برکارلی ایش، هر هانکی بر شعبه فعالیت بولمق مشکل ایدی.

ایشته بویله جه حکومت واحده یواش یواش یکی بر حال و صورت اکتساب ایتدی: ظالم و غدار کسیلدی. اون دردنجی لوئی فرانسه ده بویکی طرزده کی حکومت مطلقه نک اک بویوک تمثال مشخصیدر.

مظالم و تعدیاتک آرتق یا اکز فعلاً تطبیقیله اکتفا اولنیه رق، بومعاملات بر نظریه و بر قاعده شکلنه قونلدی. حتی اون دردنجی لوئی، ولی عهدینه ویردیکی تعلیماتده شوپولده بیانانده

بولنیوردی : «حوزه حکومتزده بولسان هرشی ، نه حال وکیقیتده اولورسه اولسون ، عینیه بزه راجعدر ... بناءً علیه قراللرک حاکم مطلق اولدقلرینه وبالطبع کرک طائفة کینسائییه کرک اشخاص غیرروحانییه عائد بالجملة اموال و ثروتک ، احتیاجات عمومیة دولته کوره ، بر مدیر مدبر صفتیه ، هر زمان صرف واستعمالنه ، تمامیه وکمال سربستی ایله صلاحیتدار بواندقلرینه قناعت حاصل ایتلیسیکز . »

وکلای دولتن (لوووا) ، حسب المداهنه افندیسندن ده ایلرییه کیده رک ، دیدی که : «هرکیم اولورسه اولسون ، بوتون تبعه کر شخصلرینی ، ثروتلرینی ، قانلرینی ، بوباده برکونه ادعایه حققری اولقمسزین ، هپ سزه بورجلیدرلر . بونلری فدا ایتمکه سزه هیچ برشی ویرمش دکل ، انجق وظیفه لرینی ایفا ایتمش اولورلر . زیرا هرشی سزکدر . »

حاکمیت حقنده کی بونظریة فوق العاده ، ده اون دردنجی لوئیک حال حیاتنده بیله آناری ظاهر اولان ، برتفرقه اجتماعیه و مددهش برسفالتیه منجر اولدی . واک نهایت انقلابی وبعده ایمراطورلغک ظهورینی انتاج ایتدی .

اون دردنجی لوئی ایله ژاقوبنلر وناپولهون ، مختلف اسملر و مختلف البسلر آلتنده عین شخصدن بشقه برشی دکلردر . فی الحقیقه ، (قونوانسیون) وایمراطورلق دورلری سلطنت

مطلقه نك تعاملات سياسيه سنى ادامه ايتديلر . دكانك لوحه سى
دكيشديرلدى ايسه ده عين متاعك فرختنه دوام اولندى . حاصل
اولان ترقى ، حقوقيون طرفندن استحضار و اون التنجى لوئى
طرفندن تأسيس ايديلن طرز اداره مركزيتك الك اوافق تفرعاه
وارنجيه قدر ، استكمالندن عبارت قالدى .

بويله جه ، يواش يواش برپولتيقه مه قانيزماسى ايجاد اولندى كه
حكومتك قوه اراديه سندن ماعدا بر قوه ابتدائيه موجود برا -
مقدى .

بوماكنه يى پارچه پارچه سو كوب تعريف و تدقيقه چاليشه لم :
اون دردنجى لوئى بالخاصه زمينى تهيه و تسويه ايتدى .
حائللىرى يعنى ماكنه نك ازوب او كوتمكه مسخر اولدينى آدملىرى
ضعف و سكوت ايجابرايلدى . بوتسبشده مشهور ايكي ناظر دن ،
(ريشليو) ايله (مازار دن) دن ، معاونت كوردى . هر كسه كندى
فعالنك شرفى ويرمك ايچون بونى اخطار ايدىورم .

خلاصه : اشبو صفحات تشبثاتك باشليجه نتيجه سى ،
اون دردنجى لوئينك خلف ثابتنى سياستگاهه ، صنف روحانى
ايله اصيلزدكانى اعدام و يا نفيه ، فرانسه يى ده انقلابه سوق
ايتمك اولدى .

دور انقلاب هر شيشى محو ايدىرك صوك مشكلاتى برطرف
ايتدى . و نهايت برنجى ناپوله ثون چرخ اداره يه باشليجه اقسام
واجزاسنى و بوتون تكميلاتى بخش ايتمكه موفق اولدى .

بو منظومه اداره نك ، كنديسندن اول ايشله مش اولان
 ماكنه لردن مدار تفريق اوله جق اك صنعتلى جهتي، مركزده
 قوه محرکه طرفندن اجرا اوله جق اوفاجق بر حركتك،
 متسلسلاً، جسم اجتماعينك اك اوزاق نقاط انتهائيه سنه قدر
 انتقال ايتسيدر . اوزرينه كوچوك كوچوك عسكەرلر ركز
 اولمش قفس شكلنده تخته دن اويونجاغى طائيرسكز : بر
 چوجق تخته نك اوجندن طوته رق بوتون بوبكلى ايسته ديكى
 كې اويئاته بيلير . ايشته بزم سياسى ماكنه مز بويله در .
 بوماكنه نك ناصل بر انتظام ايله ايشلديكنى وبوتون موانعه
 نه وجهله غلبه چالديغى كورمك موجب استفاده در .

— ۲ —

ولاياتك اسكى تقسيماتى منظومه اداره نك حركاتى تصعييدن
 بشقه برشى ياييوردى . بوتقسيمات، مركزله محيط ييننده، بر
 جسم اجنبى كې حائل تشكيل ايدييوردى . اون دردنچى لوئى،
 مأمورلرلك دائما عين صورته تكرر ايدن افعاليه ، قواى
 محليه نك مقاومت و تمايللرinx ذاتاً خيليدن خيلى باصديرمش
 ايسه ده ، بو قدرى كافى دكلدى . بو ولايتلر عنعنات تاريخيه بي
 حالا بك زياده تمثيل ايدييوردى . بونلر لزومندن فضله برطافم
 طبيعى زمرةلر تشكيل ايتمكه برابر ، درجه اتساعلرى

يکديکرينه غير مساوی ایدی. بناءً عليه، اداره ماکنه سنک منتظماً ایشلمسی ایچون، یالکیز کرک محلی کرک تاریخی اولان مخالفتلرک اورتهدن قالقمسی دکل، ماکنه نك حرکاتنک هر طرفه متساویاً ویکنسق بر صورتده توزیعی لازم کلیوردی .

بوسیدین طولاییدرکه (ده پارتمان) تشکیلاتی ایالاتک یرینه قائم اولدی . ده پارتمان تقسیماتی عادتا بر مهندس الندن چیقمش کییدر . بونلر تامامیه یکنسق و صنعی ویکدیگرینه مشابهدن بشقه بر علامت فارقه بی غیر حائز، بر طاقم دواژدن عبارتدر . آرتق بونلرده حسیات محلیه آرقه سنه کیزلنش مخالفلردن قورقمغه محل یوقدر .

ایشته باقکیز، مرکزدن انتقال ایدن حرکات ولایاته ناصل مشکلاتسز نفوذ ایدیور : بو حرکات بر طرفدن والی، دیگر طرفدن مجلس اداره ولایت کبی، مضاعف چرخلر واسطه سیله اجرای تأثیر ایتمکده در .

والی حکومت مرکزیه نك تجلیسندن، بر تمثال مصغرندن بشقه برشی دکلدر . کیفی بر صورتده نصب وعزل اولنور . مامورینک الک یوکسک بر اتموذجیدر . والی بولندیی ده پارتمانک یابانچیسیدر . بوندن طولای محلی مأموریتنه ارتباطی پک آزدر . و حکومت کنديسني دها ابی النده طوته بیلیر .

والی طوغریدن طوغری یه ناظرله مناسبتده بولنور . پولیس

اداره سی، حبس خانہ، مؤسسات نافعہ و خیرہ، امور معارف، طرق و معابر، طاہر و سائرہ کبی قیود رسمہ، موزہ لر، الحاصل دہ پارتمانک بوتون امور اداره سی والینک امری آلتندہ۔ در۔ قابلیجہ اطباسندن بدا ایلہ، مکتب معاملرینہ قدر قرق بر صنف مأمورک تعینی حقنہ مالکدر۔

والیہ امور و معاملاتندہ ولایت مجلسی اداره سی معاونتندہ بولنورک، مجلس مذکورک صلاحیتی عین زماندہ ہم امور حقو۔ قیہ، ہم دہ امور اداره یہ شاملدر۔ بو مجلس یرلی اولیان و حکومت طرفندن تعیین اولنان اعضادن مرکبدر۔ مجلس والیہ صداقتہ مربوطدر۔ ایشته بو چرخلر حرکات مرکبہ نک متسلسلاً انتقالی ایچون اولوب، توقیف و تعطیلی ایچون دکلدر۔ لیکن برده ولایت مجلس عمومیسی وارد رکاهالی طرفندن تعیین اولنور۔ باری بو مجلس ماکنہ نک ایشلمسنی توقیف و تفتیش و خلقہ چارہ برق ازوب قیرمسنی منع ایدہ بیایرمی ؟

مجلس عمومی ولایت دائرہ سندنہ انعقاد ایدر ؛ مجلسک استقلالنی تأمین ایچون محل اجتماع ای انتخاب اولنمشدر ! مجلس والینک کوزی اوکنده اوله رق، انجق صورت قطعیدہ تعیین اولنش اولان اوقاتدہ طوپلانیر۔ اولجہ تعیین و تحدید اولنان مواد خارجنده برشی مذاکرہ ایدہ مز۔ بو مواد حقندہ بیله قطعی بر لایحہ تنظیمی حقنی حائر دکلدر۔ زیرا والی مذاکراتک

کان لم یکن طوتسنی طلب ایده بیلیر . نہایۃ الکلام، مجلس امور اداره ولایتدن هیچ برینہ مداخلہ ایده من .

کرچه، ده پارتمانک بودجه سنی قبول و تصدیق ایدر. احتمال کہ بویله جه کیسه نک آغزی النده اولان کیسه نک مالک اولدینی حکم و نفوذی اکتساب ایتمش اوله جقدر. واقعا مجلس ایسک اوجنی آوجنده طوتیور اما، طبقی، آغلامسون ديه الله رشی طوتوشدیریلان چوجوغه مشابہ بریولده. حقیقت حالده ایسه کیسه نک آغزینی آچوب قاپایان مجلس دکدر .

مصارفک قسم اعظمی مجبوری التصدیقدر . مجلس یالکز بر مبلغک قبولنه دکل، بومبلغک کافی اولدیغنک تصدیقنه ده مجبوردر . بونک عدم کفایتنه یالکز حکومت حکم ایده بیلیر . وعند الحاجة، علی العاده بر امرنامه ایله لازم کلن صرفیاتی اجرا ایدر . شو حالده، اجرا آت حکومتک سلسله جریانی مجلس عموم . مینک اشکال ایتدیکنه مطمئن اوله بیلیرز . بناءً علیه، هر هانکی برشی اولورسه اولسون مجلس عمومینک اوکا مانع اولدینی مسبوق دکدر .

حقیقی بر تقسیمات اداریه دیمک اولان و حکومت مرکزیه نک اجرا آتی عمیق بر صورتده انفاذ ایچون وجوده کتیریلن لوا وقضالرده ایسه بواجرا آت دها زیاده غیر قابل تعویقدر . متصرفلر طوغریدن طوغری به والیه تابع برر مأموردن

بشقه برشی دکلدر . بونلرده حکومت طرفندن نصب و کیفه کوره عزل اولنورلر . محل مأموریتلرینک یابانچیسیدرلر .
 قوه حکومت بوصورتله ولایتک هر طرفنه نفوذ ایدر .
 وتقسیمات اداره ملکینک منتهاسی اولان نواحی به بلا مانع واصل اولور .

حیات محلیه وتشبثات شخصیه نك نواحیده کندينی کوستره .
 جکی امید اولنه بیلیر . فی الحقیقه ناحیه لر قوای مرکزیه دن بعید وبالعکس عائله لر ، پارمق اوجیله تماس ایده جک درجه ده ، یاقین ایسه ده اولرله تماسه موفق اوله مامقده درلر .

ناحیه لرك ایکی قوه ظاهره سی واردر که بلدییه مجلسی ایله بلدییه رئیسیدر . لکن بونلر ساده جه برر خیال دن عبارتدر .
 قوه حقیقه حالا و دائماً حکومتک النده در . دولت ماکنه سنک مواصله قایشی مملکتک نقاط انتهائیه سنه قدر کلهرک ، ولایات والویه وقضالرکی کی . ناحیه لرك ده چرخ اداره سنی تدویر ایدر .

حکومت نواحی به عا ئد ایشلرک قسم اعظمی طوغریدن طوغری به در عهده ایتمش و قسم متباقیسنه ده نظارت ایتمکده بولنمشدر .

پولیس اداره سی ، طرق ومعابر ، امور معارف ومذاهب حکومتک النده در .

ضابطه بلديه تشكيلاتى ، قرق بيكدن زياده اهالىسى اولان شهرلرده ، رئيس جمهورك اراده سيله وجوده كتيريلير . وبونلرك مأموريتلرى والى ومتصرفلر طرفندن تصديقه محتاجدر . عادى برکوى بکجيسنک بيله مأموريتى متصرف طرفندن اجرا اولنور . وعزللرى والينک امريله وقوع بولور .

برسوقانگ آچلمسى بلديه مجلسنک ، مجلسى عمومى ولايتک ، مهندسلرک ، يول محافظه لرینک ورئيس جمهورک رايلىرینه متوقفدر .

حکومت ، مکاتب ابتدائيه معلملرينى ، حتى نواحينک آرزوى قطعيسنه مخالف اولدينى تقديرده دخی ، تعيين واونلره نظارت وامرلرينى انفاذه کنديلرينى اجبار ومکتب پروغرا . ملرينى تعديل ايدمبيلير .

يسقپوسلرله کوى پاپاسلرينک وحتى اک کوچوک برپاس وکيلنک امر تعييننه ، کنديلرينه ويرديكى تخصیصاتدن طولايى ، مداخله ايدر .

شوحالده ، مجالس بلديه نه کي اجرا آته مقتدردر؟ بومجلسلرک برر تمثال خيال اولدقلرينى سويلشدم . مجالس مذکورهنک وظيفهسى ، سيرک فاصله لرله انعقاد وبودجه يى تدقيق وتصديق ايتمکدن عبارتدر . لکن بوندن برنتيجه چيقماز . زيرا بوبودجه لر صورت قطعیه ده والير طرفندن تنظيم اولندينى کي ، اونلر

طرفندن تغییر و تبدیلی ده ممکندر. بلدیہ مجلسنک مقرر آتی والی به عرص اولنور و مرعیتی انجق والی طرفندن تصدیقه وابسته در. بلدیہ رئیسنه کلنجه، اہالیدن زیادہ حکومتک بر وکیل مرخصیدر. والینک برامری اوکا ایشدن ال چکدیرہ جکی کبی، رئیس حکومتک ارادہ سیلہ عزل دخی اولنہ بیلیر، وظیفہ سنی والینک امری آلتندہ ایضا ایدر. واجرا آتی انجق والینک تصدیقنه اقتراں ایتدکدن صوکرہ کسب قطعیت ایدہ بیلیر.

حکومت ماکنہ سنک غایت مکمل اولدیغنی و یوقاریدن آشاغی به هیچ بر طرفدہ مشکلاتہ تصادف ایتمکسزین ایشلدیکی سویلہ مکدہ حقلی دکلمی یم؟

لکن سویلیہ جکلمک هپسی بوندن عبارت دکلدرد. دیگر طرفدن، ینہ مرکزجہ ایشدیان وعین صورتلہ حرکت ایدن سائر بر طاقم ماکنہ لر، ہر نقطہ دن امور ادارہ بی یا قالا مغہ و افعال اختیار بہ بی توقیفہ باشلا یورلر.

اول امردہ عدلیہ ماکنہ سنی الہ آلہ لم : قوۃ عدلیہ، حاکمک نصب وعزلی و ترقیات و تبدلاتی کبی و سائلطہ اونی صیقی صیقی به کندینہ ربط ایدن، حکومتک الندہ در. فرانسه عدلیہ سنک، عدم استقلالی قولایلقہ اثبات اولنہ بیلیر. فرانسه حاکمی دولتک بر ماموریدر. برفرقہ سیاسیہ موقع اقتدارہ کلنجه، ایلاک ایشی حکامک « تصفیہ » سی و هیچ اولماز سہ تحت صداقہ

آلتمسیدر . «لهژی تی میست» لر ، «بوناپارتیست» لر ،
 «ره پوبلیکن» لر یکدیگرلرینی بو صورتله اتهام ایدیورلر .
 حکومت قوه عدلیه اولان نفوذینی ، آرزوسنه کوره نصب
 وعزل ابتدیکی صلح حاکمیری واسطه سیله ، نواچینک اک
 اوزاق محللرینه قدر حس ابتدیریور .

ایکنجیسی اصول عسکریه درکه ، مرکزی اولان ترتیباتی ،
 آلمانیا ده اولدینی کبی ، منطقه تشکیلاتنه توفیقاً تعدیل اولنماشدر .
 هیاته یکانه مدار حیات اولان فکر مشروع تشبث و حس مسئولیت ،
 حریه ناظرلرینک النده جامد برر هیئت قرطاسیه حاله
 کیرن ، بوجسیم موجودیت عضویه بی جانلاندیره میور . پولتیقه نك
 تاثیراته تابع اولان بورؤسانک تحت اداره سنده ، افکار مستقله
 اربابی سوء ظن آلتنده بولندیرلقدده و بویوک رتبه لره ترفیع
 طریق کنیدیلرینه مسدود و تلمقدده یا خود بونلر ، هیچ اولماز سه ،
 برکناره آتمقدده در . دیگرلری ایسه ، بالعکس من غیر استحقاق
 ترفیع و ترقیلرینی پولتیقه نمایشلرندن بکله یورلر . ذاتاً بر طاقم
 پولتیقه جی جنرالرک باعث قیل وقال اولان طالع و اقباللری ، اک
 عادی بر چاوشی بیله باشند چیقارماق قابلیدر ؟

بوتضییقکارانه اصول و بوخشین منظومه حکومت ، یالکز
 ساحه اداره ملکیه وعدلیه و عسکریه بی استیلا ایتمکه قالمیوب ،
 دهاساسلی بر صورتده ، تشبثات شخصیه و محلیه عائد اولان

جهاته حلول ايتمشد. حکومت مرکزیه، دست ثقیل مداخله سنی امور زراعت و تجارت، معارف عمومیه و مذاهب دینیه و سائر به اوزاتمشد. حیات ملیه نك بوشعباتندن هربری برناظر مخصوص. صك امری آلتده، تشبثات شخصیه و محلیه بی توقیف و تصعیب و تارومار ایدن، بر مامور اردوسی طرفندن اداره اولنمقده در. مملکتك هر نقطه سنده و فعالیت انسانیه نك هر ساحه سنده اجرای تأثیر ایدن بو چرخ حکومت ایچنده انسان فصل قیلدانه بیلیر؟ ازمنه سابقه و حاضره نك هیچ برنده بر ملت بو قدر سرت، بو قدر تمام، بو قدر مکمل بر تأثیر میخانیک آلتده بولنمامشد. بو، جمعیات بشریه نك اداره سنه ما کنه ترتیباتنك تطبیقیدر.

براجنبی دارالفنون معلمی بر کون بکا دیورکه: «ممالک اجنبیه ده، اصول مرکزیتله اداره اولنور بر حکومتدن بحث اولندینی وقت، «فرانسه» کوستریلیر. فرانسه بو خصوصده قلاسیق بر مثال تشکیل ایدر.»

حقیقت، اروپای حاضرک، روسیه و روسیه دخی داخل اولدینی حالده، هر طرفی طولاشسه کز، فرانسه ایله، حتی اوزاقدن اوزاغه، قابل مقایسه اوله جق بریر بوله مازسیکز. کرک عناصر جه کرک تشکیلاتجه نهایت درجه ده تفاوته رغماً، بوتون بوملل اوروپائی، نواحی بی وحتی ولایاتی، افراددن اکثرینی احوال عمومیه به علاقه دار ایدن و اونلری انتخابجیلغه

حاضر لیان و دائماً یکدیگر لرزیده اختلاطه سوق ایابین و بر لرزیده یا قلاش دیران متعدد و واضح و غیر متبدل و سائط اجرائیه معرفتیه ، دولتک بسیط بر مراقبه سی آلتنبه اوله رق ، کندی کندیلرینی ایستدکلری کبی اداره ده سربست براقش لردر . بوضورتله انکلیزلرک « سهلف - غووه رنمت » تعبیرایتدکلری برنوع اداره مستقله اصولی توسع ایتمکده در . بناءً علیه بواقوام نزدنده بصیرت ، فعالیت و حتی مجادلات ، پولتیقه ایشلرنده دکل ، امور و معاملات محلیه ده تمرکز ایتمکده در . نه وقت که ملحقانک ساحه خصوصیه سنده فعالیت واسع بر صورتده اجرای عمل ایده بیلیرسه ، آرتق حکومتک ساحه اجرا آتیه تجاوز وارد خاطر اولماز . و حیات محلیه ، آسایش عمومی نسبتنده ، بوندن مستفید اولور . آرتق تشبثات شخصیه و حیات محلیه نك بواساس واسی اوزرینه ، تهلیکه لری ، مناسبتسزلکلری غلیانلری اکثریا عقیم و محدود قالان و هیئت اجتماعییه سرایت ایشمین ، اصول مشروطیت و حکومت شورائیه بنا اولنه یلیر .

فرانسز اداره ماکنه سی ده عین نتیجه یی ویره بیلور می ؟ بوماکنه نك ناصل ایشلدیکنی بوجه بالا کوردک . شیمدی ده تأثیراتی آکلامق ایچون فرانسز لری بوماکنه نك ایچنه قویه لم : اولنلری دیقتاتورلک طرز سیاسیدن ماعداسنه غیر صالح برحاله وضع ایتدیکنی کوره جکز .

— ۳ —

برفرانسز ، یوقاریده تعریف ایتدی کمز ما کنه نك چرخلری
آره سنه چوجوقلغندن اعتباراً کنديسنی قایدیریر . وابتدا مکتب
ما کنه سنه یاقالانیر .

ایلك دفعه اوله رق چوجوق مکتب ایتدائیده ، دولته
تنظیم اولنان پروغرامه توفیقاً ینه حکومتك نظریه سنی تعام
وتدریس ایدن و حکومت طرفندن منصوب بولنان معلمك
سیاسی آلتنده ، حکومته تصادف ایدر . چوجوقلرك قفالرینی
ایکی تخته آره سنده صیقیشدیره رق ییجیملرینی تعدیل ایدن بعض
اقوامه امتثالاً فرانسز مکتبی ، انسال جدیده نك افکارینی ،
رسمی قالبه دوکهرک ، ایستدیکی شکله افراغ ایتمکده در .

حکومه ، و حکومتك ، یکنسقلنی وانتظامی جهتیه حیرت
افزا اولان ، مؤسساته وکویا اوروپانك غبطه سنی جاب ایدن ،
تشکیلات سیاسی و اجتماعیه سنه حرمت ، بر عقیده دینه کی ،
بوکنج ومدافعه سز ذکالره تعلیم اولنمقده در . چوجوق بوکا
ناصل اعتقاد حاصل ایتمز ؟ او قدر اعتقاد ایدرکه ، اک بویوک
امیه سی اداره حکومت کیرمک ایچون باباسنك چفتنی چوبوغنی
ترك ایتمک اولور . قلم افندیسی اولمق ونه قدر جزئی اولورسه
اولسون ، قوه عمومیه دن برپارچه بی اله کچیرمک ، اک عادی

کویلینک بیله خولیا سیدر. الار قولار زراعتدن انصراف ایدرک، بر معلملی، بر قور یجیلنی، بر یول بکجیلکنی، هر هانکی بر اداره نك لاعلی التعین بر خدمتی باقلامغه صاوا شیر. فرانسر مکتبی قلم افندیکی مزاج و اخلاقی، بنده لك و خدمتکارلق میل و استعدادینی تمیه ایتمکده در.

طرز سیاست تبدل ایدیور، ایمپراطورلق حکومت مطلقه یی، جمهوریت ایمپراطورلقی، محافظه کارلر لیبرالری، لیبرالر محافظه کارلری تعقیب ایله یور؛ بر وقت تعبد ایدیلن شیر تحقیر، و تحقیر اولانلره تعبد ایدیلیور؛ یالکز برشی دکشمیور: دولتک نظریه سی و عقیده سی. بودائما یا شامقده در؛ و پروغراملرک تحولاتی، هیئت معلمینک تبدلاتی ایچنده، اون طقوزنجی عصرده فرانسر افکارینسک ثابت بر مارقه سی کبی، محافظه موجودیت ایتمکده در. محافظه کارلر، موقع اقتداره کجر کچمز، الک مستعجل اوله رق یا به جقلری شی، مکتبلره وضع بد ایتک اوله جقنی صا قلامیورلر. چو جو قلمزک ذکالری غالبلرک غنائمی میاننده بولنیور.

تدریسات اعدادیه و عالیه، حال ووقتی یرنده اولانلر ایچون، تدریسات ابتدائیه دن حاصل اولان تاثیراتی ادامه و تشدید ایدیور. زیرا قوله ژلری، لیسهلری، فا کولته لری و سایر مکاتب عالییه یی یدضبطنده طوتان ینه حکومتدر؛ اخیراً تربیه انا نه ده

وضع ید ایتمشدر . دولت خدمتہ یکانہ طریق وصول اولان پروغراملر و امتحانلر و ساطیتلہ حکومت، تدریسات خصوصیه بده مداخلہ ایتمکده در .

لکن بو مختلف مکتبلر میانده، عقائد مخصوصہ حکومتک اک بویوک تعلیمکاهی مکتب حقوقدر . او بر سوری اوزون ستیری آدملر، بالخاصہ اورادہ یتشدیرلمکده و حکومتک نظریه سی اونلرہ اورادہ تلقیح ایدلمکده در .

قیصرلک دورینک، اون دردنجی لوشیلر و برنجی ناپولئونلر طرفدن توسیع ایدیان، نظریه سی اورادہ محافظہ اولنمقده در . جسم مرکزیت ماکنه سنی تحریک ایدن مهندسلرک قسم اعظمی اورادن نشأت ایتمکده در . اسکی قرالیتی، استبداد و مطلقیت وادیسنه سوق ایدن حقوقیون و اونلرک، ناپولئونلرک تأسیساتنه اشتراکدن صکره، حکومت مناصبنده، فتح ایدلمش بر موقعده اوتورور کبی، یرلشهرک دولتک بودجه سندن وعمومک حریت مغصوبه سندن متمم اولان خلفلری، او مکتبدن یتشیر . فرانسه آوو قاتلرک شکاریدر .

مکتبدن جیقار جیقماز کنج فرانسز، قیشله یه یاقاسنی قابدیریر . قیشله نک مقصدی ایسه البته اوکنجی، افعال اختیاریه وتشبث شخصی وتنیه شخصیت ایچون تعلیم و تربیه دکلدر .

قیشله، اونی اطاعت مدرکانه یه دکل، مطاوعت عامیانه یه آالشده بربرکه، هر حالده بوا یکی شی بر دکلدر. بزم اصول عسکر یه مز نه بر آدم، نه ده بر عسکر یتشدر مز، اونک یتشدر دیک، مادون طبقه ده قوقله کبی ادرا کسز متحرکلردن، مافوقده بوروقراتلردن عبارتدر.

شو حالده قیشله، مکتبک باشلادینی ایشی مکملآ اتمام ایدیور دیمکدر. فرانسز اورادن، برما کینیست صفتیله اداره حکومت فابریقه سنه داخل اولغه یاخود، بوتون قواسنی اوتو- ماتیق بر صورتده تنظیم ایده جک اولان، حکومت ماکنه سنک سوق والجاسنه بلاشکایه و بلا تظلم تحمل و انقیاد ایتمهک تاملیه مستعد بر حالده جیقار.

ایشته بو حالده سن ازدواجه واصل اولور. مراسم ازدواجه، حقوق و وظائف و مناسبات زوجیه بی حاوی مواد قانونیه بی قرائت و احکامنی ایضاح ایدن، مأمورین حکومت مواجهه سنده اجرا اولور.

لکن تهلکه ایشه بوراده در.

اوغلنی اولندیردکن صوکره، پدر، اونک حال و موقعنی ایسته دیک کبی احضار و تامین ایده مز. حکومت، عائله رئیس لرینک ژوتلرینی نه یولده تصرف و اولادلری بیننده نه وجهله تقسیم ایتملری لازم کله جکنی، اینجه دن اینجه یه تعیین و تحدید ایتمک درجه سنه قدر، دست اهتمامی اوزاتمشدر!

احتمال که سز ، هر عائله نك درجه ثروتی ، حال و وضعیتی و منفعتی بر اولدیغی ؛ و بو منافع مختلفه نك یکنسق بر قاعده آلتنه قولسی غیر ممکن بولندیغی ؛ و فامیلیار رئیسری ، عائله لرینك و چو جو قلیرینك استقبالی تأمین خصوصنده ، دها اهلیتی و دها مستقیم بر صاحب رأی و حکم اولد قلینی ؛ و عائله رئیس لرینه و یر یله بیله جك الك اوافق بر صلاحیت تشبث ، فامیلیا لری امورینك اداره سی صلاحیتی دیمك اوله جغی ؛ و بوسبیله بو صلاحیت ، ابونك لوازم اساسیه سندن اولدیغی ؛ و حکومتك مداخله سی بو صلاحیتی تنقیص ایده جکنی ؛ و باشده انکلتیره و جاهیر متفقہ آمریقا واسقا . ندیناویا حکومتلری ایله آلمانیا و سائرہ کبی الك سربست ، الك قوتلی ، الك مسعودلری اولدینی حالدہ ، بوتون ماتلر پدرلره بو حریتی بخش ایتدکلرینی و بو حالدن چوق ممنون بولند قلینی بیان ایده جکسکیز .

اگر سز بوا د عاده و بوکا مماثل دها بر چوق مطالعاتده بولنه جق اولور سه کز ، فرانسر ملتک سیاسی ماکنه سنی ایجاد خصوصنده الك زیاده حائر تأثیر اولان حکم عجیبه یی آکلامغه مقتدر دکلسیکنر دیمکدر . وحدت ملیه و منطق زرده قالیورمی دیدیکز ؟ دیمك اولیور که سز اصلا بر فابریقه یی زیارت ایتمه مش وازمکه ، حاده دن چکمه و اوافق اوافق پارچه لمغه مخصوص بر ماکنه نك ناصل ایشله دیکنی کورمه مشسیکنر ! .. اوراده موضوع بحث اولان شی ،

اختیاری و سرستانه فعالیت، هیأت مجتمعه محلیه نك امر اداره سند مختاریت، خاصه تفكر و محاكمه به مالکیت دكل، مجتمعا و بر حرکت منتظمه ايله اجرای وظیفه ایدن موتورلر، پیستو-نلر، دیشلی چرخلر، مواصله قایشاری و خصوصیه طوقاق ویا چکیچلر درر.

فی الحقیقه قانون، ثروتك بین الاولاد صورت انقسامی اینجه دن اینجه به، منتظماً و متشاكلاً تعیین ایدیور. یالکز مجموع ثروت دكل، ثروت دن معدود اولان هر نوع اموال. آیری آیری تقسیم اولیور. شو صورتله كه، مثلاً درت چو جوق بینده تقسیم اولنه جق براو، برتارلا ویا بر مرعی آیری آیری درده تقسیم ایدیور. قانون، چو جوق لردن هر برینك، انواع ثروتك هر بریدن بر حصه متساویه طلبنه حق اولدیغی بیان ایده رك، بوقاعده بی وضع ایدیور.

بو صراحت قانونیه نك، وظائف ابوتی نه درجه تسهیل ایتدیكتی دوشونه بیلیرسیكز. آرتق بر بابا ایچون، قوللرینی قاووشدیروب طور مقدن بشقه یا به جنی شی قالمیور؛ حكومتك دوراندیشلیکی اولادك مقدراتی تعیین واحضار ایدیور. لکن بو صورتله ملتزمده نه عجایب عائله رئیسلیری یتشدیریلیور؛ بزه اك یاقیندن تعلقی اولان، طوغریدن طوغری به شخصمزه عائد بولنان بر ایشی بیه اداره ایتمك كمزه مساعده ایدلدیكنه باقیلیرسه، طو-

غریبی امور مملکتی اداره خصوصاً چوق مهارت کسب
ایتمکده یز .

لکن فی الحقیقه، اونودیورم که، قانون مدنی، تمامیه سربست
آدملر یتشدیرمک ایچون اصدار اولنما مشدر . یایدیغنی پک اعلا
بیلن برنجی ناپولهئون، قواعدارثیه حقنده برادری قرال ژوزفه
شو یولده اشعارده بولنمشدر: « ناپولیده قانون مدنی بی تأسیس
ایدیکز؟ سزه مربوط اولیان هرشی بوصورتله آز زمانده منهدم
اوله جقدر ... و تأسیس ایده جککز مالکانه لردن بشقه اورته ده
بویوک عائله لر قالمیه جقدر ... یایدیغ قانون مدنی بی بکا اخطار
واونی تأسیسه اجبار ایدن شی پودر . »

بوناپولهئون، نه شایان حیرت درجه ده اوسته بر آدمدر! فاملیار
قدرتسزلک، بقاسزلق، انفساخ تدریجی درجه لرینه وعادنا
خس وخاشاک منزله سنه تنزل ایتمکجه، کندیسنگ تأسیسکرده سی
اولان او آغیر اداره ماکنه سنک ایشلیه میه جکنی نه کوزل آکلا
مشدی! بر لحظه فرض ایدیکز که، عائله لر کندی منافع بیتیه لر
اداره حقنه مالک اولسونلر، یعنی بوداثره صلاحیتی تکرار الله
ایتسونلر؛ ایشته او وقت موجودیتلرینی مللی ایتمک و کسب تأسیس
وانتظام ایتمک و بابا اوجاغنده، بابا تارلاسند، فابریقه ده، بابادن
قلمه دکانده ادامه موجودیتیه موفق اولورلر؛ بویله جه اکتساب
قوت ایتمش اولدقلری حالده، نواحی به وایالاته عائد امورله

اداره سنی اله آلمق ایسته یه جکلر وعامیانه بر متابعت حالندن چیقهرق،
بودر که یه دوشمه مه نك یولنی بیله جکلر درر . حقیقت حالده ایسه
بومکن دکلدر ؛ زیرا اونق دیرده آرتق ماکنه ایشلیه مز. حالبوکه
بوماکنه هرشیدن اول وهرشیئک فوقنده اوله رق و هیچ بر مانعه
تصادف ایتیمه رك ایشله مسی لازمدر .

شمدی آکلایور میسککز که فرانمز قومنه تحمیل اولنان
قاعدۀ وراثت اون در دنجی لوئی طرفندن باش-لانیلان و برنجی
ناپولهئون طرفندن اکال ایدیان مؤسسۀ سیاسییه قبه سنك آناختار
طاشی مقامنده در ؟

بومؤسسده حکومتدن بشقه سی ایچون یر یوقدر . کندی
اراضیسی داخنده یرلشمک ایسته یین برکنج عائله نك حالی تعقیب
ایدیکز ؛ اوکا نه کی برطرز حیات تهیه اولنمشدر ؟ واوراده کند-
یسنی اقامتگاه قرویسنه ، تحت اداره سنده بولنان کویلیاره و ناحیه یه
ربط ایده جک احوال و شرائط بولسی قابلمیدر ؟

حکومت بر تقدیر قییا نه ایله ، اونك قوای تشبیه سنی صرف
ایده جکی و امور مایه یه خادم اوله جنی بوتون طرق و وسائلی قبا-
مشدر . قومونلرک بالذات حکومت طرفندن اداره اولندیغنی
و برکونه افعال مستقله یه میدان بولندیغنی کورمشدک . عینله امور
بلدیله نك ده زمام اداره سی الندن آلمشدر . شاید اصحاب اراضیمز
چالیشمق خصوصنده کی احتیاجلرینی تطمین و بولندقلری محللر

احوال زراعی سنی اصلاح ایتمک مقصدیله عادی برزراعت سند-
یقه سی تأسیسنه یاخود محلی برمسابقه کشادینه تشبث ایتسه لر ،
درحال یا والی ویا متصرف مشکلات اوستنه مشکلات چیقارمق
یاخود تشبث واقعی حکومتک اداره سی آلتنه آلمق ایچون میدانه
آتیار . بویله یا بئقله وطنی قورنارمش اولمق اعتقادنده بولنور .
حقیقت حالده ایسه چفتلک صاحب لر نی اقامتگاه قرویلرندن صو-
غوده حق اسبابی استکمال الیه مش اولور . بواسحاب اراضینک آرتق
یکانه آرزولری ممکن اولدیغی قدر اوزون مدت چفتلکدن شهرلره
قاچقدیر که هیچ اولمازسه اوزالرده اکلنجه اولسون بولورلر .

قسم اعظمی اداره ماکنه سنک استیلا سیله چفتلکاردن تباعد
ایتمش اصحاب اراضیدن متشکل اولان بویوک شهرلر من اهاالیسنک ،
اودائما متزاید صنوف معطله سی ایشته بویله تجمع ایتمکده در .

بولر هیچ اولمازسه شهرلرده او ماکنه نك ایشله مسنی اشکال
ایتمیورلر . لکن دقت ایدیکنز که بالذات اداره ایچون بشقه جهتمدن
بویوک برتهلکه تشکیل ایدیورلر . واقعا مکتبلرده حکومتک
پروغرامنه کوره یتشدیرلدکلری جهته بولر چکدکلری مشقتک
نه اولدیغی بیامیورلر سه ده ، باری مشقت چکدکلر نی اولسون
بیامیورلر . فقط شکل اداره بی اتهام ایده جک یرده طوغریدن
طوغری به حکومتی اتهام ایدیورلر .

حکومت بو وجهله ، اوستنه یورو مک لازم کلن شایان

نفرت بر مخلوق حالی آلمش اوليور . بو کون بر آدم قالقوبده
اونك عايهنده جهاد اعلان ايده جك اولسه ناصل اولورده
اودملر بو مجاهدي تعقيب ايتملر ؟

مع هذا بويله بر ديقتاتورك آرقه سندن قوشه جق اولانلر
يالکز اولورده دکلدر .

نه ايچون صنعتکارلر ، تجارلر و کوچوک اصنافدن متشکل
خلق دخي قيام ايتسونلر ؟ عجب اومعه و دماکنه بونلره قارشیده
حرکت ايتيورمی : بونلر دخي بوتون طرق حیاتده پنجه حکومته
مصادف اوليورلر می ؟ هيچ بر عمومی منفعت وارميدر که بونلر
اوکا دائر برلکده مذاکره و اتخاذ قرار ايده بيلسونلر ؟ امور
و معاملانك دوچار توقف اولديني کون .. هر بطنده بطن سابقك
آثاريني تخريب ايدن بر اصول وراثت و بوتون تشبثاتي منع ايدن
بر اصول اداره ايله ناصل توقف ايتمز ؟ — ايسته اوکون بوتون
مسئوليت انجق حکومته اسناد اولنه جقدر . زير اهرشيئي بايان ،
حسيات مايه يي قوروتان هب حکومتدر . ايسته بر ديقتاتور
موجود و مهيا بر چوق افراد .

فقط انقلاب فکر و مقصدينك ، اطرافه جلب ايده جکی
طرفداران ، يالکز زراعت و تجارت و صنعت اربابنندن عبارت
دکلدر . ديگر صنوف خاقدن و خصوصاً افکار منوره اصحابنندن
بر چوق طرفدار بولنه جقدر .

مکاتب ابتدائیه و رشديه و عاليه معاملى ، حکام و اداره
 مأمورلى کبى باجمله مستخدمين باشليجه بوصفدن يتيشير .
 دوشونمايدركه بزمكى کبى بو قدر تفرعالتى ، بو قدر قوتلى
 برماکنه ، الك عادى ناحيه مستخدمينه وارنجيه قدر ، درجه درجه
 نهايتسز هيئت مأمورين بولندججه ايشايه مز .
 مع هذا بو هيئت مأمورين ، اشغال اولنه جق موقعلرك
 ايکى ويا اوج مثلى فضله در .

خدمات عموميه حکومته نامزد اوله رق لزومندن فضله
 بو قدر مامور يتشمسى شرائط اجتماعيه باعايدر . مکتبلر مز ،
 طرز تدريس لر بله کنج فرانسلر لک افکارينه نفوذ ادارى حقنده
 بر حرمت ، براعتقاد مخصوص زرع والقا ايديورلر . مأمورين
 حکومتدن اولمق ، امور حکومتى اداره ايدن صنفه ، بويکانه صنف
 حاکمه انتساب ايتک ديمکدر . چونکه بشقه هيچ بر صنف او قدر
 ارائه موجوديته مقتدر دکدر . بوتون برماتى آوجنده طومتق
 و ، هيچ بر مقاومت کوستر مامکده اولديعى حالده ، اونى ايسته نلديکى
 کبى قوللانمق ، خلاصه مقدرات ملتک حاکم مطاقى اولمق ؛ نه
 جاذبه دارشى ايشته بافکيز ، کنجلر مز کنديلر بيه خدمت
 دوات مسلکنى کشاد ايدن مکتبلره ناصل تها لکله جان آنيورلر .
 درس پروغراملى تحمlden فضله آغير لشد بر لمق صورتيه ،
 حائلر مع زياده بوکستلديکى حالده ، خاق بيه ، نارلا قوشى
 آينه يه قوشارکي ، بو مکتبلره قوشيور .

ذاتاً ناصل قوشمسونلر ؟ نرهیه کیتسونلر ؟ اونلری زرا-
عتدن ، تجارتدن ، صنعتدن تنفیر ایلدیکز . فضله اوله رق ، قوه
تشبیهلرینی ازمک وبرکونه ثابت اثر میدان قویه بیلملرینی امکان
خارجنه چیقارمق صورتیه ، اوکی ایشلری غیر قابل بر حاله ا فراغ
ایتدیکز !

بوتون دیگر مسالک اللرندن آلمش لولان فرانسزلر بالضروره
مأموریت مسلکینه شتاب ایدیورلر . بونلر ، ماکنه نك صدمه سنه
دوچار اولماق ایچون اك اینی چاره ، او ماکنه نك اوسته چیقمق
وما کینستلر میاننده بولنق اولدیغنی تقدیر ایدیورلر .

لکن دیدیکم کی بونلره توزیع اوله حق صنوف خدماتدن
بك چوق زیاده طالب وار . بر حال وموقع که تهاکدن خالی
دکلدر . آچیقده بولنان بوییکلرجه آدم نه یاپسون ؟ برچوغی
مسالک شخصیه دن برینه تشبث ایدم بیله جک سنی تجاوز
ایتمشدر ؛ مع هذا بوباده نه استعداد نه ده آرزویه مالک دکلدر .
زیرا اداره حکومتک خاصه ممتازه سی هرکسه برمسالک مستقل
تدارکنه قابلیت ویره جک اولان قوه ابتدائییه وتشبیهی
اولدیرمکدن عبارتدر . بوروقراتلر استعداد فاتحانه یه مالک
دکلدر . آنغلو - ساقسون عرقی کره ارضک بر بویوک قسمنه
کندیلرینی حاکم قیلان اوفکر تشبثی ، اوبالاختیار حرکت
خاصه قویه سنی مأموریتلرده چالیشه رق الده ایتمه مشلدر .

سالف الذکر قادرو خارجی مامور لر ایچون حکومتک ده ویریلسندن بشقه امید یوقدر. هر صباح غزته لرینی آچنجه، عجباً افق سیاسیده بر نقطه سیاه وارمیدر، دیه منهالکانه آراشدیرمقده درلر. بوتنهالکاری یک مشروعدر. زیرا موضوع بحث اولان، بولندقلری حال و موقع وچولوق چو جقلرینک اعاشه سی مسئله سیدر. بونلر، مجادلات حیاته نومید قالان انسانلرکی، حکومت قارشى الك شدید اسباب شکایته مالکدرلر. ایستریسیکزکه بونلر اداره مؤسسه نك عالینده ایلک هجومی اعلان ایده جک اولان آدمی برمنجی صفتیله آلقشلامسونلر، دکلې؟ طبیعت انسانیه دن، اونک ویردمیه جکی شیئی اصلا طاب ایتمه مایدر.

دیه جکسیکیزکه: «اوله اما، اکر ایشسز مأمور لر حکومتک عالینده ایسه لر، مستخدم بولنان مأمورین ده بالطبع حکومتک لهنده درلر.»

مأمور تیجیلکک فکر ابتدائی بی تمیه ایتمدیکنی سویلشدک؛ بو بویله اولدینی کی استعداد فداکاری ده اصلا تقویه ایتمز. حکومت، بالذات حکومت عشقنه دکل، بودجه نك خاطری ایچون خدمت ایدیایر. موقع اقتداره کچن حکومتلر کلیر کچر؛ لکن بودجه باقیدر. باقی اولان شیئه مربوط اولدقلرندن طولابی اوآدملر مؤاخذه ایدیله بیایرمی؟ خصوصیه که اوشی، اونلرک

معیشتلرینی تأمین ایتمکده در . مأمورینک مشغولیت مشترکه ذهنیه سی، ممکن اولدینی قدر آرجالیشیق ، ممکن اولدینی قدر زیاده مظهر حمایه اولوق و ممکن اولدینی قدر افکار ذاتیه سی اظهار ایتمه مکدر . اگر بو معمای ثلاثی حل ایده بیایرسه ، کندینه بر موجودیت ثابته تأمین ایدر . وسقوطلرندن هیچ متضرر اولوقسزین ، بر چوق هیأت حکومتک یکدیگری آرقه سندن صره ایله کجوب کیتمنسه سیرجی قالیر .

حکومت ایچون مأمورلرک غیری مدافعله مصادف اولسنی تمی ایدرم . بونلر شیمدی به قدر هیچ بر حکومتک سقوطنی بردقیقه بیله توقیف ایدمه مشلدر . بونلر قیام ایدرلرسه ، آنجق ایش اولوب بیتدکدن صکره یکی حکومته ، قطعی اولان تساییمیتلرینی ولایتغیر اولان صداقتلرینی تأمین ایچوندیر !
بالاده تعریف ایتدی کمز اصول اداره به تابع اولان بر قوم ایچون بر منجی و ترجیحاً بر دیقاتور آرامقدن بشقه چاره خلاص یوقدر .

اول امرده شوراسی آشکاردرکه ، کندیی امور ادار سنده برکونه اشتراکی اولمیان بویله بر قوم ، مضطرب اولدینی خسته لقلری کندیی کندینه تشفیه ایدمیز . بتون قوای محرکه فعالیتی برر برر و منتظماً قیرلشدر . فضله اوله رق اخلاقاً و سیاستاً او قدر عصیلشمشدرکه کندینی طوپلامغه دکل ، حتی

بونی آرزو ایتمه بيله مقتدر دكلدر . يكدیكړندن متفرق
واختیار ذاتیسیله و سربستهجه حرکت ایتك اعتیادندن چوقدن
بری متجرد اولان بوآدملر کنسدی کنیدیلرینی ، حرکات
وضربانی یوتون قوای ملیه بی تشکیل ایدن او بویوك ماکنه نك
قارشیسنده پك كوچك كورورلر .

شو حالدۀ فرانسلرك بر خلاصكاره مراجعتلری لازم کلیور .
لكن عجبا نه ایچون بر دیققاتوری ترجیحاً تحری ایدیورلر ؟
بزم طرز اداره ملكیه و سیاسیه من حقنده سرد ایلدیكم
تعریفاتی لایقیله اكلا دیکز ايسه ، بوماکنه نك یالكز مرکزدن
تحريك اولنه بيله جکنه البته دقت ایتمشسیکزددر . فی الحقیقه بو
ماکنه یالكز برکشی معرفتیله ایشله دملك اوزره تأسیس اولمشدر .
یعنی بر اون دردنجی لوئی ، بر ناپوله ئون طرفندن وکنیدیلری
قوللانمق ایچون یابمشدر . بناءً علیه بونی قوللاننه جق برال ،
قوتلی برال ، بر دیققاتور الی بولمق ضروریدر .

بر عصر دن زیاده در که فرانسلر مائی بو (ال) ی آرامقده در .
لكن اعتقاد ایتاید که بودست متینی بولمق قولای دكلدر .
چونکه حالا تحری اولمقده و شمعی یه قدر تجربه اولنانلرك
هپ موفقیتسلر که دوچار اولدقلری کورماکده در بوماکنه نك
هرایکی بانسی یعنی اون دردنجی لوئی ايله برنجی ناپوله ئون بيله

اونك، آخر عمر لرینه قدر، ایشله منی تأمین واداره ایده جك قدر قوتلی بازویه مالك اوله مدیلر .

او حالدده هیچ برکیمسه آرتق بوما کنه بی ایشتمکه مقتدر دکلیدر؟ بوکا هیچ کیمسه نك کوچی یتیمی؟
ایشته مسئله نظر کزده توضح ایدیورکه بوندن بالطبع زیاده سیله ممنونم .

عجبا یالکیز برکیمسه نك کوچی یتشین بوما کنه برهیتك ده قوتی فوقنده میدر؟ معلومدرکه اشخاص متعدده نك قوتی یالکیز برکشینك قوتندن فضله در .

خیر — بونلر بل که دهامتفرق و بناء عالییه دهاقوتسزدرلر . فقط ما کنه نك قوه محرکه سنه القا اولنانك اوافق بر صارصینتی، مملکتك اك اوزاق نقاطنده در حال منعکس و محسوس اولدیغنه کوره، مجالس عمومیه اصولی قاریشقلق و اضطراب شدیدك برسبب دائمیسی حالی آلیر . تك برالك، هر نقطه نظر دن برجوق کورواتی و پاطردی بی موجب اولان بش یوز اله نسبتله، هیچ اولمازسه صارصینتی بی خفیف بر صورتده اجرا ایتمك کبی بر فائده سی واردر .

حال حاضرده افکار عمومیه نك بیکارجه صداسنی دیکله یکره شویکانه آوازده خلاصه اولنور : « پارلمان تاریزمدن بشقه هرشی! مجالس عمومیه اصول حکومتدن بشقه هرشی! »

بدیهی اوله رق قبول ایتلیدرکه : دیگر مملکتلرده جاری اولان مجالس عمومیه طرز اداره سی فرانسه یه قابل تطبیق دکلدر . شوجهتله که دیگر حکومتلر بشقه صورتله تأسیس ایتشلردر . عائله لر ، قومونلر ، ولایتلر کندی ایشلرینی کندیلری رؤیت و حکومت ایسه منافع عمومیه یه نظارتله اکتفا ایتدیکندن ، پارلمنتو مجادلاتنک عکس تأثیراتندن مملکت آنجق خفیف بر صورتده متأثر اولور . زیرا مجادلات واقعه منحصرأ افرادک و جماعات محایه نك دائرة صلاحیتندن بالاتر اولان ، منافع سیاسیة مایه یه تعلق ایدر . بزم مجالسمز ایسه بالعکس هر شیئه نظارت و هر خصوص حقنده اتخاذ قرار و انجمله اموری اداره ایتمک مجبوریتنده در . فرانسه طویراغنده ، اک اوزاقده کی قومونلره وارنجیه یه قدر ، هیچ بر منفعت یو قدرکه بونلرک الی آلتنده بولنسون و اوللر بومنافی هر کون هر ساعت رنجیده ایتسون . ایشته فرانسزلرک ، نه شخص واحدک نه ده اشخاص متعدده نك حکمران اولسنه نه دن طولایی تحمل ایده مدکاری کورولیور .

بونظریه غایت واضعدر ، اون دردنجی لوئی نك و برنجی ناپوله ئونك اداره ما کنه لری فرانسز ملتیی ، یالکیز کندی کندینی اداره ایتمک خاصه سندن دکل ، هر نه صورتله اولورسه اولسون اداره اولنق قابلیتندن بیله تجرید ایتشددر .

شو حالدہ بز ، دیققتاورلک اصولیہ عدیملققتدار مجلس
عمومیہ اصولی بیننده مذبذب قلمغہ محکومی بز ؟
خیر ، مستریح اولکیز ؛ بوسیاسی ماکنه نك ایشله می پک
آز زمانه منحصر وعلائم باهره اونک نهایتہ ایرمکده اولدیغی
مثبتدر .

اول امرده بودجه آجینی ایله فنا پذیر اولمق تهلیکسی
آلتنده در . زیرا بواصول ادارهنک خصیصه سی فوق العاده مصر-
فلی اولمقدر . بوبر اداره مسرفانه در : بوتون خدمات دولت
مأمورلر واسطه سیله رؤیت اولنق وهر مأمور معاشلی اولمق و بو
مأمورلرک عددی دائما تزايد ایتک صورتیله ، بودجه آجینی
برگرداب مخوف کبی دائما در نیاشمکده در . برمدت دها برطاقم
سطحی چاره لر ورسمی یالانلرله اورتوله بیایر سه ده ، بو کبی تدبیرلر
او بوشانی طولدیر مغه کافی دکلدیر .

دیگر طرفدن بو طرز حکومت ، براستیلا ایله نهایت بولمق تهلیک-
سنه معروضدر . محاربات خارجیہ ، داخلاً غیر قابل اقتحام
مشکلات ایچنده بولنان حکومتلر ایچون ، اشغال اذهان
خصوصنده اعظم تدابیردر .

اون دردنجی لوئینک واوندن صوکره تشکل ایدن اداره
جمهوریه نك و برنجی واو چنجی ناپوله ثونلرک زمانلرنده کی محارباتک
قسم اعظمی باشقه سیدلره مبنی دکلدی . بو مختلف اداره لر بو یوزدن

فنا پذیر اولمشلردر. فرانسه بوکونه قدر محافظه حیات ایتدی؛
 لکن بیک درلو جریحه لرله، قاتی وزنده لکنی غائب ایده ایده،
 کیتدکجه زده لندی. میدان محاربه ده حالا بر ویا ایکی دفعه ده
 احرازشان ایده بیایر. فقط نتیجه حال کونش کبی اشکاردر.
 قوی الشکیمه بر ملت بر مغلوبیتک آلتندن هر وقت قالقه
 بیایر. لکن حیات حقیقیه دن، فعالیت داخلیه دن محروم اولان،
 بر چوق عصرلردن بری انجق میخانیکی بر حیات سورن بر قوم
 چوقدن محکوم زوالدر.

بوعاقبتی بر طرف ایده جک بر چاره البته واردر.
 بو چاره ایسه ماکنه بی قیرمق وانقاضی اسکی خردوات میانه
 آتیق وبوصورتله عرقه مالکیت ذاتیه سنی اعاده ایتمکدر.
 لکن بن بوندن بحث ایتیورم. زیرا اعتقادات باطله لرینه
 طوقونلدی، فرانسه لرک آرتق هیچ قولاق لرینه لافیردی کیرمز.
 مع هذا افکار عمومییه بر اتحاد حاصل ایتک لازم
 کلیورسه، اوده حقیقه سلامت عمومییه تعاق ایدن بوایشک
 باشه جیقارلسی ایچون اولمیدر.

— ۵ —

قوای عمومییه طرز وسیع اداره سنک بر عرقه تفوق اجتماعی
 بخش ایده میه جکنی قاره البته ا کلامغه باشلامشدر. بو اشکال

اداره دائماً و متعاقباً مدھش سـقوطلره ، ولوله لی انھداملره ،
ھول انکیز سفالتلره بادی اولمشدر . بونلر تفوقی دکل ، انحطاط
اجتماعی بی انتاج ایدرلر .

تعبیر آخرله ، بوادوار معظمه تاریخیه بی برر دور تدینک
تعقیب ایتمی ، ادوار مذکورہ نك حقیقت حالده موجب سعادت
اولما ساندندر . بویله هر کسجه معلوم اولان برشیده اصرار
ایتمک چیرکیندر . بونی چو جو قلم بیلہ ادراک ایدہ جکی حالده ،
خلقک افکاری اودرجه تغلیط ایدلمش که ، بو حقیقتی کورمک
ایسته میورلر .

ایشته درجه شمولی تمامیلہ اکلاشلیمیه رق تکرار اولمان
شو : « تاریخی اولمان ملتیر بختیاردر . » سوزینک طوغریلنی
بوصورتله اکلاشلیمقده در . فی الحقیقه مؤرخلر ، ماضینک یالکز
مناقب فجیعه و مباحث مظنطنه یه سرمایہ تشکیل ایدن پارلاق
و هیجانی دورلرندن ماعدا صفحاتی مشاهده وضبط ایتزلر .
بویله ججه حقایقی تحریفه و حسییات معنویه بی تغلیطه خدمت
ایتمشدر . بونلرک روایاتی اوزون بر تاریخ شقاوتدن عبارتدر که
بونده همان دائماً فضیلت دوچار مجازات و سیآت مظهر مکافاة
ایدلمشدر .

بر حالده که ، تاریخ شو خلاصه مکروهه یه واصل اولیور :
حیات عمومیه ده ، اک ابتدائی آدملرک حتی وحشیلرک بیلہ

وجدانلری طرفندن اتمام ایدلمک شایان اولان و حیات فردیه ده
برلکه تشکیل ایدن شیلری مدح و ستایش ایتک . ایشته چو-
جو قلمزه تدریسندن حیا ایتدیکمز تاریخ!

کرك مؤرخین كرك افكار عمومیه یاكلش یول طوتد قلیرنی
وبر سراب مغفله آلداند قلیرنی ناصل اولوبده کورمدیلر ؟
بو خصوصده لاتین افکارینی و حقیقت حالده ایپراطورلغه
یعنی روما دورا نخطاطنه مخصوص اولان افکاری مسئول طوتمق
لازم کلیور. ایپراطورلق اصول اداره سی بوتون دنیا یه یاییله رق،
عین زمانده هم دینی ، هم سیاسی اولان واسع وبی حدود قوای
عمومیه طرزنده تخمیلرینی هر طرفه صاحبشدر . قیصرلق اصول
اداره سی آره مزده حالا باقیدر .

اکلاشیلیورکه اون دردنجی لوثی ، انقلاب ، ایپراطورلق
دورلرینک رجالی برخطوده روما ایپراطورلغنی کورکورینه
تماماً تقایده قدر وارمشلردر .

صنف روحانی ده ، صنف جسمانیه کبی لاتین نفوذی آلتنه
کیرمشدر؛ حتی صنف مذکور، علی الخصوص لاتین مملکتلرنده
طوپلامش و لاتین لساننه اک زیاده مربوط قالمش اولدیغندن
طولایی، بونفرزه ده از یاده منقاد اولمشدر. ایشته بوسبیلهدرکه،
مقدرات اجتماعی بی سوق و اداره ایتک ایچون، حاکمیت عمومی
واونی الده طوتمقده اولان منفعت مخصوصه فکری ، صنف

روحانیه میاننده افراطه وارمشدر . حکومت مطلقه فکری دیانته، ایمپراطور لرك تضییقات واعتسافاتندن زیاده، فئالق ایتمشدر . وساطتته ایقاع مضرت ابتدکی قدر دیانته ده ایتمشدر . مع التأسف بزم تربیه مز حالا لاتینلرك یعنی لاتین تدنيسنك بوغنغاننی اساس اتخاذ ایتمشدر .

بزم میرانك یالکیز ایشمز هکلن جهتلرخی قبول ایتملی ایدك . حالبوکه بالعکس هیئت عمومیه سیله وکور کور کورینه قبول ایتمك . عنعنات قیصریه ، سلطنتی افما ابتد و هیئت روحانیه نفوذندن قسم اعظمی غائب ایتمشدر . شمعی ایسه اختلافات سیاسی و مذهبییه مزی ادامه و تشدید ایدیور . اگر اصرار ایدمك اولور سهق بزی اسپانیانك ، پورتوغلانك ، جنوبی ایتالیانك و پولونیانك حال و موقعلرینه تنزیل ایدمك .

لانیق طمع موقع اقتداری اله کچیرمك خولیا سنده بولنانلره دیورمك : « سز ، فیایپلردن ، اسکندرلردن ، اوکوستلردن ، اون دردنجی لوئیپلردن ، قونوانس-یونلردن ، یاخود ناپوله-ئونلردن دها واسع بر نفوذ و حاکمیت اله ایتمکی البته امید ایتمز سیکیز . چونکه اک مدھش قوه حاکمیت مالک اولان بو آدملر بویوک تدنیلر ائناسنده ظهور ایتمشلردر . حالبوکه بونلر او تدنیلری توقیف دکل ، بلکه اونی تسریع و تشدید ایتمکدن بشقه برشی یا پاماشلردر .

دېك اوليور كه نه موقع اقتداره چمكله ، نه ده اواقتدارى
درجه افراطه واردير مقله بر ملت اعلا ايديله مز . قدرت اجتماعيه ،
سلامت اجتماعيه بويوزدن حصوله كله مز . «
يانره دن كلير ؟ ايسته بونى شمدي كوره جكنز .



دردنجی باب

قرون عتیقه ده حکفرما اولان جمعیاتک اسباب
تفوقی وجوده کترین، تشبث شخصیدر .

— ۱ —

تاریخک ادوار معظمه سی نامیه مطمئن بر صورتده یادایدیلن
اومؤلم اشکال ادارهیه انسانیتک ناصل تحمل ایتمش اولدیغنی
کندی کندیکنزه سؤال ایتدیکنز وارمی ؟ قوای عمومیه نک
انکشاف مفرطنده سلسله طبعیه ومشؤسی اولان سفالتله ،
عضب وغارتله ، ظلم وشهدتله عجبا انسانیت بوقدر اوزون
مدت ناصل تحمل ایده بیلیدی ؟

بوسؤاله یالکنز بر جواب واردر .

مذکور دورلرک هر برینه — حیات فردیه بی الک یوکسک
درجه ده تنیه وحیات عمومیه بی محدود بردآره داخلنده حصر
وقصر ایدن اصول اداره تحتنده انسانلری شایان تذکار شرائط
نابته وقویه اجتماعیه به محکم بر صورتده وضع وتثبیت ایدن — بر
طاقم ادوار مدیده تقدم ایتمشدی .

ه

بودار مسعوده اجتماعیه ظرفنده تراکم ایدن شایان تذکار
 سرمایه قوت و مقاومت سایه سنده در که انسانلر حکومات مطلقه.
 نك بادی اولدینی مشاق و شقاقه اوزون مدت طیاًتمشدردر .
 فقط مبحوث عنه ادوار سعادت اجتماعیه حقیقه موجود و او
 بر قوته مالك ایدی ایسه ناصل اولیورده تاریخنه شمشعه پاش
 اولیور ؟

مؤرخلرك بوسلسله وقایعی نظر دفته آلامش اوکا و مستحق
 اولدینی دقت و اهمیتی عطف ایتمه مش اولملری ایکی سببه مستند
 در که بونك میدان بداهته وضعی لازمه دندر .

اول امرده مؤرخلر ، بالخاصه وقایع سیاسیه نك پارلاقغیله
 فجاعته مجلوب اولمشدردر . قارئینك نظر دقتی جالب احوال
 و حادثات بومیانده بولنیور . مثلاً : محاربه لر ، رجال مشهوره
 عسکریه و سیاسیه نك ، بویوك حکمدارلرك تراجم احوالنه ، مجا.
 دلات مدنیه و دینیه و سیاسیه به و اساساً لجایعنا اولان بویوك فلا.
 كت و سفالتلره دائر مباحث کبی .

ذاتاً بوهیجانلی و قاریشیق عصرلر ، معاصرلری میاننده ،
 جالب دقت اولان و حیاتك عادی و یکنسقر رفتارندن خارج بولنان
 وقایعی اخلافه نقل ایتمك هوسیه میدانه چیقان برچوق مؤر.
 خلر و وقعه نویسار و خاطرات یازان مؤلفلر یتشدیرمشدردر .
 ایشته برنجی سبب بودر . ایکنجیسنه کلنجه :

مؤرخلر بالعكس حيات عموميه نك جانسز بر حالده بولنديني واقوامك حيات خصوصيه ايچنده محصور وبالخاصه ايشانمه مش طور اقلري آچقله وكندى مالكانه لريني تاسيس وتثبات شخصيه واستقلاله عائد حقو قلريني تايمين ايله مشغول اولد . قلري ادواردن بالالتزام صرف نظر ايتملردر .

قراكلق بر كيجه يه بكمزه ين بوسونوك ادوار تاريخيه دن متدهش اولان مؤرخلر حيات عموميه يه ويا مجادلات سياسي ودينه يه دائر اوتهدن بريدن بعض وقايي آولامقله اكتفا ايتملردر . وزعملرنجه بو وقايي ، تاريخك شرفيله متناسب بدرجه يه اصعاد ايتكم فكريله ، اللرندن كلديكي قدر اعظام واطرا ايتملردر . صوكرده ، حاكميت متسمه نك تاثير عظيميني احساس وبو وجهله تاريخه قيدده سزا كوردكلري وقايه بر چوك ايچندن كال سرعتله قاجوب قورتلق نوعندن اوله رق ، كال سرعتله بكمشلدردر . تاريخي اولان ملتير بدبختدر !

لكن بو مؤرخلرك يازدقلري كي تاريخلري اولميانلر بختياردر . اونلر ، علم اجتماعينك ضبط ايدميليديكي وبو علم ايله تربيه اولمش مؤرخين مستقبله نك روايت ايدم جكلري دها بك چوق استفاده لي ، مراقلي ومشمربشقه بر تاريخه مالكددرلر . قارئينه رهبرلك ايتكم وتعقيب ايلديكم دلائل وبراهينه بر

اساس حاضر لامق ایچون بن بوراده انجق بعض خطوط تاریخیه.
نك على العجله برطاسلاغنى يابه بيله جكم .

كرك قرون عتيقه ده كرك زمانم زده حكمفرما اولان اك
بويوك تماثيل اجتماعيه نك ناصل ساده وطبيعى ومظلم ، وصورت
ظاهره ده ضعيف وحقيقت حاله فوق العاده قوى وسائطه
تشكل وتننى ايتدكارىنى يعنى بو تماثيلك نه طريقه وجود پذير
اولديغنى بيانه غيرت ايده جكم .

بويله كوچوك بررساله ده اوزون اوزادى يه سرد دلائل
ايده م . لکن اسبابى تکرار ايتمکسزین ، يالکز هرکسه معلوم
اولان وقايه استناداً ، برتأثير حاصل ايتمکه چالیشه جغم .

— ٢ —

بحر سفيد عالمى بوکون آرتق قديم يونانيلر طينتنده بر
يونانى وجوده کتيره مز . شرائط محيطيه ، بالآخره عناصر
اجنبیه نك مختلف جهتلردن وقوع بولان آقینلری نتیجه سی
اوله رق ، غایت درین برصورنده تعديلاته اوغرامشدر . مع
مافيه اراضينك طاغلرله محاط كوچوك واديلردن متشكل و اقليمك ،
اشجار مشمره نك مبذولاً يتشدیرلمسنه مساعد اولسی کبی خواص
مادیه زمانمزه قدر ثابت قالمشدر .

بوخواص الحالة هذه النموذج قديمك بعض شمائل اساسيه.
سنى تكرار مشاهده ايتكمكمزه ياردم ايده جكدرد .
اليوم هپمز بينيورزكه ، قورسيقهده وبجورسفيدك سائر
بوتون جزائرنده اولدينى كې ، يونانستانده يكديكرندن بك فرقى
ايكى صنف خلق واردرد : كوچوك واديلر اهايلسى ايله طاغلى
اهالى .

بوايكى صنف آره سنده شايان دقت برارتباط موجوددر .
سبيلى سببىز ، وادى اهايلسى طاغه چيقار واوراده يرلشيرلر .
بوكا «طاغه چيچقمق» تعبير اولنور . ايشته او مشهور حيدودلىق
زمانزه قدر بوصورتله دوام ايتمشدر . طاغلردن وادى اهايلسنه
قارشى چاپوچياغه باشلارلر . واونلره معنى «مادة» تحكم ايدرلر .
هر كس بو حكايله لرى بيلير ؛ طبقى (ادمون آتوت) طرفندن
نقل و حكايه اولنان (هاجى استاوروس) ك وسائر بيك درلو
امثالنك ماجرالرى كې . يالكز قورسيقه اطه سنده الحالة هذه
طاغلرده بش الى التى يوز حيدود بولندينى تخمين اولنيوركه
حقيقى بر اوردو ديمكدرد .

فقط وهله اولاده انك زياده شايان حيرت اولمى لازم
كلن شئ بو حيدودلرك وادى اهايلسى نژدنده فوق العاده بر
نفوذه مالك اولدقلرينك كورلمسيدر .
(تينو) اطهلى بر ياپاسك اوغلى بولنان و (پارنه ز) ده يرلشهر ك

اورادان آتیه حکمران اولان حاجی استاوروسک سرگذشتی دکه یکنز ، ادمون آبوت دیورکه : « یونانستانه واصل اولدیغ تارپنخده بو آتیه قهرمانی (آتیقه) حوالیسی خالقنک باشنه بر بلا کسامشدی . عوام صنفنک جمعی اولان سالونلرده ، قهوه خانه لرده ، بربر دکانلرنده واورته حاللی آدملرک طوپلانقلری اجزاخانه لرده و بازار کونلرینه مخصوص اولان آهنگلرده و (پاتیسیا) یولنده یالکنز بو (بویوک حاجی استاوروس) دن بحث اولنور وژاندرمه لرک اومماجیسی و طاغلرک قرالی اولان حاجی استاوروسک باشنه یمین ایدیلردی . کلیسالرده حاجی استاوروس نامنه عبادت دعاسی اوقونه حق درجه یه وارمشدی . مرقومک نامنه (لورد بیرون) بر منظومه اتحاف ابتدی . پارسک نطق بردازلری مرقومی (آپامینونداس) . وحتی زواللی (آریستد) . هم عیار عد ایتدیلر .

الحاصل بو حیدودلر وادینک ساکن اهالیسی نزدنده بویوک بر اعتباره و فوق العاده بر نفوذ مظهردرلر . بو غریبه بی آتیده کوربله جک اهمیتیه تعریف ایتک لازمدر .

طاغلق حیانی بوملتجیلره بر صفت مخصوصه بخش ایدر . بو حیات اولنلرده استعداد جنکاورانه و خصوصیه آمرانه تنیه ایتمکده در . لکن بونلرک یابدقلری علی العاده بر شقاوت دکلدر . بونلر متمدن حیدودلردر . طاغلری انجق موقت صورتده

اشغال ایدرلر . حیات حضریه سیله اخلاق و طبیعتلرینک کسب
ملایمت ایتمش اولدوغی منحنط وادی و کویلردن نشأت ایلدکلر .
ندن طولانی حیدودلنی برنوع اطوار ظریفانه و اشکال نازکانه
ایله اجرار ایلرلر . بونلرک عصیانلری بعضی شخصی دشمنلره
قارشیدر . علی العموم نظام اجتماعی به و مدنیه قارشلی دکلدر . بونلر
هرنه قدر دائره مدینتدن چیقمشلر سه ده ، مدینتدن چیقمش
اولدقلری ایچوندرکه ، اوننی تقدیر ایدرلر . ورؤسای مدینت
صره سنده بولنق یکانه آرزولریدر .

فی الحقیقه بونلر رئیس و آمر اولق ایچون لازم کلن اوصافه
مالکدکلر . چونکه اولاً مدیندرلر ؛ ثانیاً ، تشبثات جرأتکارا .
نده بولنه بولنه قوماندایه الفت ایتمشلدردر ؛ ثالثاً قوتلیدرلر .
اعتیاد جنکاورانه لرله ، قوماندایه و کندیلرینه اطاعت ایندیرمکه
اولان استعدادلرله و قباطایی واری طوع و لرله اشاغی کویلرله
تفوق ایدرلر .

انسانلری سوق و اداره ایدن بر آمر اولق ورؤسا اوجاغی
تشکیل ایتمک ایچون ، بوحیدودلرک ، عائله لرینی و شهرلرده و کو
یلرده قالان دوستلرینی باشلرینه جاب و جمع ایتملری کفایت
ایدر و کندیلرینک اساساً ، یکدیگرینه پک صیقی و وابطله مربوط
و بویوکلره انقیاد و اطاعتله مألوف عائله لره منسوبیتلری و برده

او عائله لر دن هر برينك كونك برنده طساغه چي قمق مجبوريتنده بولنه بيلمسي احتمالي بو اجتماعي تسهيل ايلر .

الحالة هذه يونان و قورسيقه حيدودلرينك اجرا ايلمكده اولدقلىر شبه حكمداران ه نفوذ و حاكميته نظراً و قتيله نه ژاندرمه نه ده منتظم بر قوه عموميه مفقود اولدينى تاريخلرده ، بونلرك مالك اولدقلىر قوت و قدرت تخمين و تقدير اولنه بيلير . « خدمتمنده بر حيدود واردر » سوزى بر تعبيردر كه بر آدمك حكم و نفوذى حقنده اك يوكسك بر فكر و يرير . بوسوز : « او آدمك بر ناظرله آره سى بك ايدير . » ديكمكه مساويدر .

(بول بوردر) ديوركه : « قانونك عجزن دن ، قوه عدليه نك اعتبار سز لغندن طولايي حيدودلق بونلرك يرينه قائم اولمشدر . بر حيدودى اعاشه و حمايه ايدرسيكز ؛ اوده مقابلنده سلاحي سزك آرزو كزه كوره استعمال ايلر . بو بر مبادله خدمتدر .

بورجنى اوده مكده لعمال ايدن بر بور جايكز وارسه ، حيدود اشبودينك تعجيل تحصيلي در عهده ايدر . بونلرك حكملىر غير قابل مقاومدر . شايد بر آلاچقلى سزى صيقيشدير مقده ايسه ، تحت حمايه كرده بولنان حيدود سزه مهلت قازانديرير . بريسيه آره كرده ، مثلاً بر حق تصرف مسئله سندن طولايي اختلاف وارسه ، حيدود خصم كزه كنديسك حق سز اولدينى اثبات ايدر . مرعى صاحبي حيوانلركزى اولتلا تمقده سزه مخالفت

ایدیورسه ، حیدود اوکا مرام اکلاتیر . یاخود چوبانلر اراضیکزی تخریب ایدیورسه ، حیدود اونلزی اراضیکزدن طرد و اخراج ایدر . یا اوغلاکزی یاخود قز کردو چار اغفال اولمش ایسه ، باشدن چیقاران آدمی حیدود اظهار ندامته و تعمیر قباحته سوق ایلر . دهانه سویلیهیم ؟ اصحاب املاکدن بری بونلر حقنده کال صفوتله : « حیدودلر بزی کندیلرینه مجبور حرمت ایدیورلر . » دیه اعترافده بولنیوردی .

الحاصل حیدودلر برناظم اجتماعی حالی آلمشلردر . بونلرک الفا ایتدکلری خشیت کویلرک اوزرنده برکابوس کبی حکمفرما اولمقده دز . حتی بعضاً حیدودلر علامت مودت اولمق اوزره ناحیهلر طرفندن تخصیصاته نائل اولمقده درلر .

ماکدونیا حیدودلرندن مشهور (آطناش)ک چاپو لیلقله الده ایتدیکی مبالغدن بر قسم مهمفی مکتبلر ایچون افراز ایلمسینه نه دیرسیکنز ؟

ایشته چته جیلک الیوم حال تدنیده بولندیفی ویونان حکو-
متی یاخود ترکیا ویا فرانسه حکومتلری بونلره قارشی ژاندار-
مهلر ، مأمورلر و محکمهلر واسطه سیله بر حرب مهلك آچمش اولدقلری حالده الحاله هذه طاغلی حیدودلرک اجرا ایتدکلری
تأثیرات حاکمانه بی کورکز .

شـو حالـه بو آدمـلرك يعنى بو نوع حيدودلرك قرون متو-
سطه ده ، على الخصوص ازمنه عتيقه ده وحتى مبادىء تاريخ يونان-
نیده اجرا ایلدکلى نفوذى تقدير ایده یلیرسیکز . اوزمانلر
بونلر قارشیلرنده جدی صورنده متشکل هیچ برقوة مقاومه
کورمه مکده وغایت طبعی اوله رق اهالی بونلرك اطرافنده تجمع
ایلکده ایدیلر . بونلر ، برکونه اعتراضه هدف اولمیان ، طبعی
وقوى الشکیمه وایجابات احوالک نتیجه ضروریه سی اوله رق
کندی کندینه ظهور ایتیش بر حکمدار ایدیلر .

بونلر تاریخک اک اوزاق مبادیسندن برى حکومت وظیفه-
سنی ایفا ایدیورلر . فى الحقیقه حرافات یونانیه دورنده قوه
حکومتک حیدودلر طرفندن اجرا اولندیغنى صریح بر صورته
استنتاج ایدیورز . بونلرك ، مصالحلرده « هرکولک آثار مشهور
ره سی » ناميله تصویر اولنان بر طاقم تشبثات جسيمه اعماریه یی
اداره ایلدکلى کوزیورز . (هرکول) بر پالیه قاریا ، بر حیدود
ویونان قدیمک بر ملی عسکرى ایدی .

الآن بحرسفید حوضه سنده تصادف ایتدیکمز وفرانسه
ژاندرمه سنک بيله قورسیقه اطه سندن هموز ازاله ایده مدیکى
بونوع حیدودلره احوالی تاریخک اک اوزاق ازمنه عتيقه سنده ده
تصادف ایدیلر .

ماضى ايله حالک بومطابقتنى اک اول موسیو (هانرى دونو-

رویل (ایله موسیو (ف . شامپوات) ، علم اجتماعینک یاردمیله
مشاهده ایتشلر یونانستانک مبادیسنی بو وجهله توصیف
ایشلردر .

فی الحقیقه ، هاجی استاوروسک امثالی اک اسکی زمانلرده
کورورز . دهاو زمانلرده بیله طاغه چیقیر واوراده اسکان ایدیلیر
وچابو لیلیق ایچون کویلره اینیلیر و بوتون بو احواله رغماً ، هاجی
استاوروس ایله سائر میلّیس عسکرلری وحیدود وپالیقاریالر
کچی ، اووقت ده ، وادی اهاالیسی نزدننه ک زیاده اعتبار و توجه
کورولوردی .

یالکز شمادی اسملر تبدل ایتشدیر ؛ اووقتکی حیدودلر
(ژوپیتر) ، (هرکول) ، (تیتان) ، (ژاپت) ، (پرومته)
(دوکالیون) ، (هلهن) و سائر و سائر ایدی .

« خرافات یونانیه حقنده ملاحظات — (ژوپیتر) ،
(هرکول) و (هلهن) » نامیله معنون براننده ، موسیو (توریل)
ژوپیترک خرافه سنی شو صورتله یکیدن ترکیب ایدیور :
« مشهور ژوپیترک پدیری اولان (ساتورن) باباسنی اتلاف
ایله تسالیاده وادینک مرکزنده حکمران اولمغه باشلار . »

« پدیرینک بو صورتله یرینی ضبط ایدرکن ، بویوک برادری
(تیتان) کده حقنی غصب ایلدیکندن مومی الیه ، ساتورن دن
صوکره حکومتک تیتان لره عودتی شرطیله موافقت ایدر .

ساتورن بولكده طرفدار اولماق بىر برادرىنى تامين ايجون كندى اوز چوققلىرىنى اولدىرماق مجبوريت كورور . ذاتا ، كنديسنك ، پدرى حقنده يادىنى فالىقندن اورنك آلىق صورتيه چوققلىرىنى ، كندى حقنده عين معامله يى تطبيقه قالىشماس . ندنده قورقوردى .

« ژوپيترك والدهسى چوققونى پدرينك بومشوم تصورندن قورتارمغه برچاره بولدى . وايشته بويله جه ژوپيتر ، دها بشيكده ايكن ، كوزدن غائب اولدى . آوان طفوليتنى نرهده كچيرديكنه دائر اختلاف واردر . اك زياده شايان اعتماد اولان افكاره كوره ، كريد طاغايلىرى نرندنه كچى سوديله بساندى . »
« دكزلرده برچوق سفر و غربتلردن صوكره ، مسقط رأسه عورت ايتدى . و « تامپه » ياخود [الحاله هذ] « سالام و ، ريا » دينيان [« پنه » واديسنك مدخائنده ، تساليابه حاكم اولان و دكز اوزرنده مرتكز بولسان « اوليمپ » طباغنده يرلشدى . بشيكده ايكن اولدى ظن اولنان ژوپيتر ، كنديسنك عودتى حوادثى اوزرينه ساتورن ايله تيتان لر آره سنده ظهور ايدن محاربه يه اشتراكده تاخير ايتدى . »

« ژوپيتر ، ايلك دفعه اولق اوزره تيتان لرى مغلوب ايدنجه پدرى ، وقتيله ساتورنك كمال بصيرتله اندیشه ايتمش اولدينى اوزره ، اولديره رك يرينه كچدى . شو حالده ، غير ممنونلرك معا .

ونتيله، تيتانلري كيدن باش قالدیردیلر. ژوپیترده طاغلر عودت ایتدی. «
 «همانده ناقابل وصول اولان ذروئه ثلثه می ۲۹۷۲ مترو ارتفا.
 عنده بولنان اولیپ طاغی اوزرنده، اوغلی هر کولک معاونتيله،
 ژوپیت، دشمنه رقابت ایچون اوردو کاهلرینی تامپه کدیکنک
 اورتہ سنده اولیمیک دوامی دیمک اولان (اوسا) و (پهلیون)
 اوزرنده تأسیس ایدن تیتانلرک هجوملرینه مقاومت ایتدی.
 ژوپیت، طاغلیر کبی بازولرندن بشقه آلت حربلری اولیان
 (سانتیمان) لر طرفندن معاونت کورمکده ایدیهده، قار-
 شیسنده، تیتانلرله متفق اولان ووادیلرک سواریلری بولنان
 (سانتور) لر بولنیوردی.»

«مع مافیه طاغلیر غلبه چالدیلر. ژوپیت حاکمیتی محافظه
 ایتدی. و، وادینک اهاالیسی اولان اسکی (پلاژ) لرک طوبرا-
 قلرینی ضبط ایدن یکی نسلک قهرمانی کسیددی. شهرتی
 (سیبهل) ک و (ساتورن) ک صیتی کورلتدی.»

«وادی اهاالینک حکمرانی اولان وشمیدیکی خلفلری کبی
 متمدن بولنان بو مشهور حیدودلر، غیر محدود بر قوه شکیمه به
 نایل اوله رق، ژاندارمهلق، (یا کلش دوزه اتیجیلک) وحتی
 (امور نافعہ متشبثلیکی) وظیفه لرینی ایفا ایدرک حاکمیتلرینک
 حققی اثبات ایتدیلر. بونلر امثالسز مهندس اولدیلر.»

«وادیلرینی اعمار خصوصنده پلاژلره مساعده ایچون بو
 مساعی لازم ایدی.»

معلومدرکه پلاژلر، یکنسق برصورتده دکره کشاده اولان یونانستان وادیلرنده تأسس ایتشلردر . لکن بونلر ساحل بویجه یرلشمیدلر . چونکه عمومیتله بوساحلار چاقلرله وجوا رده کی طاغلردن اینن صولرک سـوروکلدیکی قایالرله مسـدود ایدی . بو قایالر ساحله قریب محللرده وسوجریاننک طریراغک آزه جق میلانیله قوتنی غائب ایتدیکی یرلرده بیغیلوب قالیر . بوسبیله بوتون بو وادیلرک مدخلنده بونلر باتاقلق تشکیل ایدر . موسیو (ده زوبری) غایت طوغری اوله رق دیورکه : « بوندن طولایی ، پلاژلرک اشغال ایتدکلری مملکتلرده صولری بحره ایصاله مخصوص تحت الارض قانلار ، وادیلرک نهایتلرنده بو صولری احتوا ایچون انشا ایدیلن بندلر وسدلر ، یونانیلرک (سیقلوبن) دیدکلری خارق العاده دیوارلر مشاهده اولنور . » هرکوله عطف اولنان ایشلر بونلر ایدی . بوایشلرملتک رئیسـلری ومدنیت متشبثلری حالنه کیرن بو طاغلیرک اداره سی آلتنده یاپلدی .

بومساعیدن بر قسمی ده، وادیلری طیقایان و پلاژلر ایچون زراعته مانع اولان قایالر آره سندن آچیلان کچیدلرک ماده اصلاحی، دره لرک دکره جوار محللرده بریکن صولرک تییسـیله وادیلرک تصفیة هواسی، حیوانات وحشیه نک اتلافی وسائر کبی شیلر ایدی . کوچک پلاژ کویایلری ، رئیسـلره وقوماندا ایله الفت ایتمش آدملره محتاج اولان بو ایشلری باشه جیقارده مامشـلر ایدی .

لکن بونلر رئیس لر مال اولاغی اولدیلر و منافع تأمین ایتدیلر .
 زیر ا وادیلر بو صورتله دها زیاده آچلدی و منبتاشدی .
 هرکوله اسناد ایدیلن و تخمینه کوره برچوق طاغیلرک
 آثار متسلله سی اولق لازم کلن دیکر ایشلر کله نجه : اخلاق
 اصلاحی یعنی عاجزلرک مدافعه سی ، وادی اهلینسی تضیق
 ایدن جبارمک تأدی ، ظلمه حکمدارانک اللرندن حکومتلرینک
 آنسی وسائر کبی شیلردر .

بوکبی ایشلر بو آدم لک مدنی اولدق لری نه والیوم قورسیقه
 و سیچیلیا وایتالیا و یونانستانک وادیلر ده کی شهرلرندن چیقه رق
 طاعه چکیان حیدودلر ایچون اولدینی وجهله ، طاعلر کند -
 یلری ایچون کجید محندن بشقه برشی اولدیغنه شهادت ایدر .
 موسیو (هازی دوتورویل) و موسیو (شامپولت) هراقلید
 طرزنده کی طاغیلردن صوکره برچوق طاغیلرک عصر ا بعد
 عصر ناصل اووه یه ایندک لری نی و بومتوالی اینیشلرک یونان قدیمک
 تاریخنی و تکملات اجتماعیه سی نه وجهله ایضاح ایلدیکنی کو -
 ستریبورلر .

اول امرده (اورتیس) تپه سندن نزول ایدن (هلن)
 جنسندن طاغیلردر . بونلر اسکی تیتانلر قرقه سنک بقیه سی
 تشکیل و آرغونوتلر و تروآحماربه لری زماننده یونانستاننی تأسیس
 ایدرلر . ایشه بو ، یونانستانک هومر طرفدن مدح و ثنا

ایدیان واك مدنی اولان دور قهرمانیسیدر . زیبا بوصوکره .
کیلر اولمپدن دها آز یوکسك ودها آزاوجرا اولان برطاغدن
ایتمشلدردر .

بو طاغیلر طرفندن مدنیت بخشالق و صلح عمومی طرفدا .
رلنی وظیفه سنك صورت اجراسنی (توسیدید) بك كوزل
اشارت ایدرهك دیمشدركه : « هئلك اوغللری (پاتیوتین) ده
زیاده سیله كسب قوت ایتدكلری زمان بو قوتدن استحصال اولنان
فائده دن طولایي دیگر شهرلرده اونلره (مبارك) تسمیه
اولندی . »

بعده (پیند) و (آتیقه) یعنی شمیدیکی آرن اوودلقدن كلن
(تسالیالی تسپروت) جنسنه منسوب طاغیلرك استیلارلی وقوعه
كلدی . ایشته بو استیلادن صكره دركه اسیای صغرانك
استملاکی توسع ایلش و یونانیلر بویه جه كمیجلك اوصافی
اكتساب ایتمشلدردر . اووقت یونان عرقنك ایکی مشهور ممثلی
اولان اسپارته لیلرله آتنه لیلر ظهور ایتمشدر .
اك صوكره کی بویوك استیلا یونانستانك تدنی قطعینه بادی
اولان ماکدونیا لیلرك باصقینیدر .

دها كچنلرده ، ماکدونیا لی بر حیدودك ، چاپو حیلقله وقوع
بولان قازانچندن بر قسمنی مكتبیره تخصیص ایتدیكندن یوقاریده
بحث ایتشدم . جالب دقت اولان بو وقعه بو قبیل رؤسانك ازمنه

ایدیان واك مدنی اولان دور قهرمانیسیدر . زیبا بوصوکره .
کیلر اولمچیدن دها آز یوکسك ودها آزاوجرا اولان برطاغدن
ایتمشلدردر .

بو طاغیلر طرفندن مدنیت بخشالق و صلح عمومی طرفدا .
رلنی وظیفه سنك صورت اجراسنی (توسیدید) بك كوزل
اشارت ایده رك دیمشدرکه : « هنك اوغللری (پاتیوتین) ده
زیاده سیله کسب قوت ایتدکلری زمان بوقوتدن استحصال اولنان
فائده دن طولای دیکر شهرلرده اولره (مبارك) تسمیه
اولندی . »

بعده (پیند) و (آتیقه) یعنی شمیدیکی آرناوودلقدن کلن
(تسالیالی تسپروت) جنسنه منسوب طاغیلرک استیلالری وقوعه
کلدی . ایشته بو استیلادن صکره درکه اسیای صفرانك
استملاکی توسع ایلش و یونانیلر بویله جه کیجیلک اوصافی
اکتساب ایتمشلدردر . اووقت یونان عرقنك ایکی مشهور مملی
اولان اسپارته لیلرله آتیه لیلر ظهر ایتمشدر .

اك صوکره کی بویوک استیلا یونانستانك تدنی قطع یسنه بادی
اولان ماکدونیا لیلرک باصقینیدر .

دها کچنلرده ، ماکدونیا لی بر حیدودك ، چاپو لیلرله وقوع
بولان قازانچندن بر قسمنی مکتبلره تخصیص ایتدیکنندن یوقاریده
بحث ایتشدم . جالب دقت اولان بووقعه بوقبیل رؤسانك ازمنه

عقیقه ده حاکم مطلق اولدقلری زمانلرده نهدن طولانی عظیم
بر نفوذ اجرا ایده بیلدکلرینی و حتی بونفوذک ادبیاتده بیله ناصل
کندیکی کوستردیکی کلامقاغمزه یاردم ایدر .

فی الحقیقه (ایلیادا) و (اودیسه) کبی ایکی مخلص و نفیس اثر
اولوقت یکانه بر صنف ممتاز تشکیل ایتکده اولان بوارباب حکم
ونفوذ حقنده یازلمشدی . هومر طرفندن مدح و ثنا اولسان
قهرمانلر . طاغدن اینمش و طاغده تربیه اولنش اولان بو آدملر
اولدینی درکاردر . اونلر طرفندن تلقین اولنش اولان بو آثار
اونلر ایچون یازلمشدر . او حالده اونلرک بو اثرلرک تقدیرینه
قابلیتلری اولدیغی پک اعلا تخمین ایده بیلیرز .

بو آدملرک حیاتی برسرگذشت محتمم تشکیل ایتدیکی ایچو-
ندرکه داستاز انسانیت اولان بو پک و یوک اشعارک میدان حیقمنشه
سبب اولمشلردر . بو اثرلر اونلر سز غیر قابل ایضا حددر .
ایشته یونان ادبیانی دخی بویله جه طاغدن اینمشدر .

بونارینجده آتنه نك و فیایپ واسکندرک سطوت وشوکتی
هنوز طوغمامشدی . حتی (بریقاس) ک دور معظمی بیله
هنوز کوچوک کورونور .

بوتون بوتفصیلاتدن قارئلر شو بو یوک درسی آلملیدرلرکه ،
یونانستان اسباب آنف الذکر ایله بویوش و بوسبیلر حیات خصوص-
صیه ایجاباتندن تولد ایتمش و حیات عمومیه نك انکشاف و انبساط

عظیمی بوندن پك چوق زمان صوكره ، یعنی دور تدنك ماقبلنده تظاهر ایلش و اوتدنی بی تعجیلدن بشقه برشی یا پامشدر . اساساً یونان عرقی تأسیس ایدن ، اول امرده ، زراعت و حراشته سوریه و مصر لیلردن زیاده حاضرلنش اولان ، پلاژ عنصر اصلیسیدر . بعده متشبت و غیور و طاغده اقامت سایه - سنده ، اسکی عالم اجتماعی به مستعد اولان دیگر پلاژلرک سالف - الذکر کویلیلر دا انضمامیدر . بواقوام آرد سنده ، اداره اجتماعی بی در حال اله آلان صنوف ایچنده قیمت فردیه بی و فکر تشبثی بویوک مقیاسده تنیه ایدن ، طاغ حیاتیدر . بومزایا صوكره لری بوتون قومه سرایت ایتمشدر .

طاغ حیاتی حالا دخی بورولی اوینامقده ایسه ده زیاده سیله حکمدن ساقط وزواله متمایلدر . زیرا یونان طاغلرینك تأثیر و نفوذی اولاً رومالیلرک و بعده اوروپا ملل معظمه سنك حاکمیتلر - یله متوالیاً تنزل ایتمشدر .

— ۳ —

یونانستانی تعقیب ایدن روما دخی کندی شوکت فوق العاده سنی حیات خصوصیه نك قوتنه بورجلیدر . رومانك یونا - نستانه رجیحانی محضاً اوراده حیات خصوصیه نك دهاقوتلی بن صورتده تأسس ایتش اولسننددر .

اسکی رومالیرک طبایع اساسیه سی بر درجه یه قدر معلومدر :

بونلر او قدر غیور زرعتکار ایدیایر که اووقته قدر بونک امثالی جهانده مسبوق دکلدی .

رومالیرک بالذات مکمل بر تمثالی اولان (قاتون) ، اونلرک بزه بر تصویر ذی حیاتی ارائه ایدرک ، دیورکه : « آتالرمز بر آدمی مدح و ثنا ایتدکری وقت اونی « اینی بررنجبر وایی بر جفتجیدر . » دیه یاد ایدرلردی ؛ بواک کوزل بر ستایش ایدی . » اک زیاده اموال مغتنمه ایله حیوانات اهلیه نك وقیر میوه لرینک ، دشمندن لاجل الوقایه ، حفظنه مخصوص قابا صابا کله بیغینتیسندن عبارت اولان روماده اقامت اولمازدی . « هرکس کندی طوپراغنده ، کوپلر دروننده ، چفتلک عمله . می آرده سنده اک شرفلی بر صورتده یاشار ورومایه ، آنجق پانایر واجتماع کونلری کیدیایردی . کرپچدن ، تخته کیریشدن و آغاج طالارندن پالمش اولان ویاللارده هیج بر کون ، هیج بر لحظه بوش کچیرلماشدر . اکر هوا تارلایه کیتمکه مساعد دکلسه ، چفتلک داخننده چالیشیلیر ، آخورلر و حولیلر تمیزلنیر ، اسکی ایپلر واسکی چاشیرلر تعمیر اولنور ، حتی بایرام وشنلک کونلر- نده بیله اودون کسیلیر ، چالی چیری بیودانیر ، طاوارلر بیقانیر ، شهره باغ و میوه صاتمغه کیدیایر ایدی . »

چالیشمغه غیرت او قدر زیاده ایدی که بوحال ، کویایلری ،
یونان متنک برچوق اوقاتی اشغال ایدن ، اعتقادات باطله دن
وارسته قیلمشدر .

(قانون) چفتجینک بر طاقم کاهنلر و فالجیلرله اضاعه اوقات
ایتملرینی آرزو ایتمزدی؛ چفتجی بی تارلاده چالیشمقدن آلیقوبه
حق اولان ممارسات دینه دن منع ایدردی . « اونک معبودی ،
کندی خانه سنده و کندی یاقیننده در . آلهات بیتیه ایله ارواح
واورمان معبودلری چفتابکک حمایه ووقایه سنده کافیدر؛ دیگر
معبودلره احتیاج یوقدر » دیردی .

بو اسکی رومالیر متحمل و مقتصد بر کویلی تنالی ایدیایر .
بنه (قانون) دیورکه : « عائله نک رئیسی هرشیدن پاره چیقار-
مغه و هیج بر شی ضایع ایتمه مکه مجبوردر : اسیرلره یکی بر
چاکت ویریرسه اسکیننی کری به آلیر و بونک پارچه لرندن
استفاده ایدر ؛ یاغ صاتار وپاره ایدر سه شراب و بغدادی آره
تیقلرینی ده فروخت ایدر؛ کذلک اختیار او کوزلری ، طانالری ،
قوزولری ، یاباغلری ، بو سته کیلری ، اسکی آرابه لری ،
اسکی دمیر پارچه لرینی ، اختیار و علیل اسرایی ، الحاصل هر
شیئی صاتار : عائله رئیسی یا لکز صاتیجی اولمایدر . آلیجی
اولمایدر . »

بو قدر صیق اولان بو طبیعت قرویه بحر سفیدک بوحوالیدنه

ذاتاً بك فوق العاده برشیدر؛ او حوالیده که، دیگر بالجمله اقوامك
زراعت و حراثتلى، تا ازمنه قدیمه دن زمانزه قدر، میوه
دوشویرمك كبی، برکونه مزاحمه محتاج اولیان وهانده كولهرك
اوینایه رقیاییلان ایشلردن عبارتدر.

رومالیرك قدرت زراعیه سی ذاتاً محتاج اثبات دكلدر.
بوقدرت وعظمت، اسپانیا ایله غولیادن رومانیا به قدر وجرما.
نیادن آفریقای شمالی به قدر، صحیفه ارضه صاپان ایزلریله یاز.
لمشدر. رومالیر مستعمرات تأسیسینده ده امثالسر ایدیلر.
رومالیردرکه برنجی دفعه اوله رق دنیایی استعمار ایتشلردر.
بوندن ماعدا، خارجه طوغری بوقدر مبدولاً طاشمش
اولان بوکویلیرك حیات فردیه لری اودرجه منزویانه و محصور.
رانه ایدی که، بوده آز شایان دقت دكلدر. اونلردن مقدم
« حیات خصوصیه شوکت فوق العاده اجتماعیه سی » اصلاً بو
مرتبه ده تظاهر ایتمه مشدی.

کویلی، عائله سی ایچنده صیقی صیقی به قاپانبردی. خانه سی
غیر قابل تجاوز برحاله قویقی، یابانچیدن ایجه سترایتمك ایچون،
اوکا برماهیت قدسیه اسناد ایتمك صورتیله محفوظ بولندیریردی.
وبو وجهله خانه سی استقلال خصوصیسینك بر مرکز مقدسی
حاله قویاردی.

اونك دینی، اساس اعتباریله، عائله اوجاغنك واو اوجاقده

مقدما اسكان ايدنلرک دیندن عبارتدی . عبادت ایچون خانه . نك اطرافنده اجتماع اولنوردی . (بهنات) دخی تسمیه اولنان (لار) لر یعنی آلهه بیتیه لر اوده صاقلی اولوب ، اورایه هیچ بر یابانجی یاقلاشه مازدی . هر عائله ، عادتا کوچوک بر مرکز روحانی ایدی ؛ کندیسنه مخصوص دین و مذهبی واردی . اومذهبه قامیلیا افرادندن ماعدا هیچ کیمسه قبول اولنمازدی . بو افراده محدود ایدی ؛ زیرا خارجه یرلشمک ایچون عائله اوجاغندن مفارقت ایدنلر اومذهبدن اخراج اولنورلردی . رومالی كذلك چفتلکی داخاندهده بویلهجه تحصن ایدردی . بونک ایچون اراضینک امر تصرفنه بر حرمت دیندارانه ایله رعایت ایدردی . تارلاسنه ، حدود علامتلینه وارنجه یه قدر ، بر شکل قدسیت عطف ایلردی . و (ترم) نامیه یاد ایدیان تارلا معبودینک هیکلنی تارلاسنه رکز ایدر واونک نامنه آیینلر اجرا ایلردی . بو هیکل بر کره تارلا یه وضع اولننجه آرتق اورادن قالدیر یله مازدی . آتیده کی حکایه بونی ایضاح ایدر : ژوپتر ، (قایتولین) تپه سنده کندیسنه بر معبد انشا ایتدیر مک ایسته دیکی حالدده اوراسنی (ترم) ک تحت تصرفدن چیقارمه مامشدی . هر کیم تارلانک صنور طاشنی ده ویریر یا خود یرندن قالدیر یرسه کفر ایشله مش اولوردی . بناء علیه ، اسکی روما قانونه نظرآ ، هر کیمک صاباننک دمیری بر صنور طاشنه دوقونه جق اولورسه

كرك كندیی كرك او كوزلری جهنم معبودلرینه قربان اید-
یلیردی .

روما حقوق خصوصیه سنك بو قدر شهرت شعار اولسی ، عائله
حقوقك و حقوق تصرفیه نك ، اوزمانه قدر هیچ بریرده موجود
اولیان بر صورتده ، مكملأً ایضاح و تعیین ابدیله رك تأمین ایدمش
اولسندن ایلری کلیر . حقوق خصوصیه مذکوره ایمبراطور-
لق زمانته عائد اولان و قیصرلك اصول اداره سنی تولید ایدن
حقوق عمومیه یه چوق فائق ایدی .

تا بیدایتدنبری بو قدر قوتلی بر صورتده تأسس ایدن بوقوم ،
او تاریخده قوای عمومیه تشکیلاتی هنوز تنمیه ایتمه مشدی .
مشغولیت مستمر دلی قوای عمومیه نك هر درلو اغتصابانه قارشی
شخصیتك یعنی مشهور روما وطندا اشغلك حقوقی محافظه ایتك
ایدی . شو : *Civis sum romanus* سوزی عصر لرجه مدت
قوة عمومیه نك ضربه لرینی توقیفه کفایت ایتمشدر .

شخصیتك ، قوای حکومتی تمثیل ایدن سیته لره یعنی امتیازلی
شهر لره تفوق ، تا بیدایتدنبری عائله لرك و حقوق تصرفیه نك مختار-
یتیه تظاهر ایدر . نهایت ، بو تفوق ، قوای عمومیه نك مستولی
بر حال آمله باشلا دینی زمان اورتیه جیقار . ایشته او کون قراللق
ده ویریلیر ؛ شخصیت و فردیت دکل ، حکومت مجبور انقیاد
اولور .

بالذات روما اور دوسی بیلہ، فردیتک مدافعه سنده آحادہ برآلت مهمہ تشکیل ایدیوردی. اور دو، دنیانک او وقتکی اقصای معلومہ قدر، اشخاصک یکی اراضی، یکی مالکانہ لر تدارک ایتمسہ واورادہ یرلشمہ سنہ مساعد ایدی. روما عسکر. ینک چفتجیلکله شهرتی معلومدر؛ رومانک ہر اور دوسی کذر. کاهنی مستعمر لرلہ دولہ ورردی. بناء عایہ، دینیلہ بیلبرکہ، روما دنیایی قلیجلہ فتح ایتمدیسہ، ممالک مفتوحہ بی محافظہ واورالردہ او قدر اساسی بر صورتہ یرلشمکدہ، آنجق صاپانہ موفق اولدی.

شو حالده روما، حیات فردیہ نک قوای عمومیه غلبہ یکانہ سی حقندہ، ازمنہ عتیقہ نک بزہ کوستردیکی مثاللرک الک زیادہ شایان تذکار اولاتیدر.

اوزون مدت دوام ایدن ایمپراطورلق، بوقوۂ اجتماعیه بی تماماً محو ایدہ مشدر. زیرا بزہ انتقال ایدن لاتین افکارندن حالا زندہ اولہ رق باقی قالان برشی وارسہ، اودہ او قدر غیور چفتجی، اودرجہ فردیت پرور، وقوای عمومیه نک استیلاسنہ قارشی اونسبتہ خصم اولان اسکی رومالیلردن صدور ایتمشدر. رومایی تقدیر ایدنلر حقلیدرلر. لکن اونک تدنيسنه دکل، تعالیسنہ خدمت ایدن اسبابی تقدیر ایتک کرکدر. اسکی رومالی عرقی وجودہ کترین اسبابک بیانہ کلنجہ، بن اونلری بورادہ

تشریح ایدہ جک دکم. بن بواسبابی دیگر برائردہ بیان ایتکہ
چالیشدم. بو شایان مراق مسئلہ حقندہ علم اجتماعک خلاصہ
تدقیقاتی بیامک آرزو ایدنلرہ، او کتابہ مراجعت توصیه سنده
بولنمہ جرات ایدیورم .



بشنجی باب

تشبث بشخصی، زمانمژده حکمران اولان جمعیاتک
بادیء تفوقی اولمشدر

— ۱ —

باب سابقده کورمشدککه، فرانسهده اصول مرکزیت
واداره مطلقه نك، تشبث شخصی وسربستیء ولایات اصولی
یرینه قائم اولسی ایچون، درت عصرلق بر زمان، و بو مدت
ظرفنده، حقوقیونك و (دریشلیو)، (مازاره ن)، اون دردنجی
لوئی ایله قونوانسیون دورینك و ناپولهئونك سعی وعیرتلی
اقتضا ایلمشدی.

بوندن، اول امرده درحال شونی استنتاج ایتملی یزکه، کرك
تشبث شخصی کرك اداره محلیه لرده سربستی، حقیقت حالده
موجود ایدی. همده، بونی محو ایتمك ایچون اوقدر اوزون
مدت و اوقدر غیرت لازم کلدیکنه کوره، غایت واسع وقوتلی
اوله رق مؤسس ایدی.

تشبث شخصينك وسعتندن وقواي عموميه نك محدوديتندن عبارت اولان بواساسك نه اولديغنى ايضاحه چالينساق آرزو-
سنده بيم .

عموميتله برعقيده اوله رق قبول ايدلمش اولان افكار ايله مصادمه ايدمه جكم. لکن، حکم لرینی لطفاً اشوبابك نهایتنه تعلیق ایتمه لرینی قارئلردن رجا ایدرم . تقدیر و حکمه مدار اوله جق اساسلر آنجق اووقت کوز اوکنده بولندیرلمش اولور .

تاریخمزك بوقسمی واضحاً کورمک ایچون، اول امرده، ایکیمی یکدیگرینه قاریشديرلمقده اولان و حالبوکه یکدیگرنندن آیری اولق شویله طورسون، بری برینه طبان طبانه ضد بولنان ایکی دره بکلکی دورینی نظر اعتباره آلمایدر .

برنجیسی، زعامت یاخود اراضی اوزرینه مؤسس دره بکلکی Féodalité terrioriale درکه بونی، تا (مهرووه نژییه ن) خاندان حکمداریبی دورینک بدایتندن یعنی فرانقلرك غولیاده نأسندن عد و اعتبار ایتک لازمدر .

ایکنجیسی ایسه، سپاهیلك یاخود عسکرلك اوزرینه مؤسس دره بکلکی Féodalité militaire اصولیدرکه اون ایکنجی عصرده تظاهره و، حقوقیدن ايله قرالیتک تاثیراتی بویجه، تنزله ناسلار .

سپاهیلك اصولتک منسوب اولدینی طرز اجتماعی ، ظن

اولنديني وجهه، زعامت اصولنك منسوب اولديني طرز اجتماعينك عيني دكل، اونك بر شكل معكوس-يدر. سپاهيلك اصولي زعامت اصولنك موجب تدنيسي اولمشدر.

بالعكس، سپاهيلك طوغريدن طوغري به ادوار متعاقبه به مربوطدر. كليسانك تشبثاتي، سلطنت مطلقه نك وقواي عموميه نك تكرار تاسسني تسهيل ايدن اودر.

اكر بو تقسيم حقيقت احواله توافق ايدرسه - كه بنده بوني اثباته چاليشه جغم - تاريخمرك شوايكي متخالف استقامتي بيننده كي فاصله، نه دور انقلابه، نه ده اون بشنجي عصره معطوف اولميه رق، بلكه اون ايكنجي عصره قدر ارجاع اولنق لازم كلير. اكر تعبير جائز ايسه، «خط تقسيم مياہ اجتماعي» ايشته اصل اوراده در.

مسئله يي ساده لشدير مك ايچون، اول امرده سپاهيلكي كوزدن كچيره لم :

بونك صفت كاشفه سي شودر: آن بان متزايد برانجذاب كه، اون ايكنجي عصردن اعتباراً، بويوك چفته جيلري، وقايع حربه به اشتراك ايچون، مالكانه لريني ايشاتمكدن و چفته لكارنده اقامتدن واز كچمكه سوق ايدر. ايشته بوضوح مشهور شواليلهك ظهور و كوندن كونه كسب وسعت ايلر. آراتق هر كس ناقابل مقاومت و دليجه سسه بر خواهشله كنديسني اوراه حياه

سر سربلکه و هر نوع فتوحات عسکریه به آتار: حرب مجواقدن بشقه
برشی دوشونلر.

بومصرفلی و آواره حیانده اصیلزادکان معناً و ماده دوجار
افلاس و انحطاط اولور.

اجتماع نقطه نظرندن بو حال، تار پنخمزك بویوك برفلاکتیدر.
بر فلاکت که، آنغلو - ساقسونلره، الیوم کندیلیرینی دنیایه
صاحب قیلان، مفرط برتفوق ترك ایتمشدر.

بو حال مشئومك ایقاعنده ذیمدخل و مشترك اولان شوالیهلر،
حقوقشناسلر، قراللر، تاریخ نظرنده بونك مسئولیتی تحمله
مجبور اولدقلری کبی، بزمده کندیلرندن بوبابده حساب صور مق
حقمزددر.

سالف الذکر چفتجیلر اراضیلرینی متروک براقه رق، زراعتک
درجه درجه تدنيسنه بادی اولدیلر؛ مالکانه لرنده کی آدملری
حامیسز براقه رق، نفوذ اجتماعیلرینی غائب ایتدیلر. بو حالده،
حقوقیون ایله حکومت قرالیهك اوینادقلری او یون قولایلاشدی.
ودر حال اورته لغه صاحبقران کسلدیلر. سقوطن سقوطه
دوجار اوله اوله، شوالیهلر - واقعا بر از مبالغه لی ایسه ده -
عادتا دون کیشونك برتمالی حاله کیردیلر.

شمی آرتق، فرانسهك تأسسندن اون ایکنجی عصره
قدر سورن، زعامت دورینی تدقیق ایده بیلیرز.

وطنداشی، یعنی (فرد) ی حکومت و بناء علیه موجودیت خصوصیه بی موجودیت عمومیه به حاکم قیسان حال اجتماعی به، اصطلاحات اجتماعیه ده بز (تشکلات فردیه) تسمیه ایدیورز. بو حال اجتماعی، قرون متوسطه اوائلده اوروپای شمالیده فوق العاده سرعتله انکشاف ایتدی؛ فراقلر طرفندن غولیا به وساقسونلر طرفندن بویوک بریتانیایه ادخال ایدلدی.

لکن هرا یکی محله عین طالع مظهر اولمادی: بزده سلطنت مطلقه نك ترقی سندن طولای حال توقفه قالدی؛ انکلتزه بله ا جمایر متفقده ایسه بالعکس کسب انبساط ایدلدی.

بزده توقف ایتدی؛ زبرا، روما ایمپراطورلغک، درین بر صورتده کوکلشمش اولان، بقیه تشکیلاتنه مع زیاده مصادف اولدی.

بو حال اجتماعینک غولیا ده تأسسی، (مهرووه نژییه نلری)، (قاروله نژییه نلری) و (برنجی قابه تی نلری) احتوا ایدن بودورک مظلमितی تامیله کوستریر. ایشته دمینجک زعامت تسمیه ایتدی کم دور بودر.

عائله لرك، مالکانه لری ایچنده، منحصرأ اولنری بنسا ایتک وارضی بی آحق ایله مشغول اوله رق غائب اولدقلری، اوقوای عمومیه دن آراده دورده، مؤرخلرك شایان قید و تذکار پک آز شی بولمش اولملری فی الحقیقه کسب وضوح ایدیور. جالب دقت

اولان تشکلات اجتماعیه لرینی وانتشارات مبسوطه لرینی کورمش اولدیغیمز رومامستعمیرلری ده اوزمان غولیاده بویوک مالکانه لر وجوده کتیرمکه باشلامشلردی.

ایشته (قولومهل): «بوتون برماتک اراضیسنه مالک اولان، برکونده، وحتى آت اوستنده بیله، مالکانه لرینک حدودینی دور ایدهمین بوبویوک اصحاب اراضیدن» بحث ایدرکن، خام اراضی بی اجمق صورتیه وجوده کتیریلن او جسم مالکانه لری ایسا ایدیوردی.

(سالتوس) دینیان و (یولیوس فرونتن) طرفندن تعریف ایدیان اراضی مزروعه دخی بویله در؛ مومی الیه دیورکه: «بو اراضیدن هربری یالکیز برکشی به عائد ومع مافیه برشهرک اراضیسی قدر واسعدر. اراضینک اورتیه سنده صاحبنک اقامتگاهسی سرنمادر. اوزاقده عین ذاته عائد اسرادن متشکل سکنه نك اقامت ایتدکلری کوچوک کویلر برقوشاق کبی اطرافی احاطه ایتمشدر.»

دردنجی عصرک محررلری واسطه سیله معلومز اولدیغنه کوره، اوتاریخده غالیالی و رومالی اصحاب اراضیدن زنکین بر صنف تشکل ایتمشدرکه بونلردن (سیاغرییوس)، (پولینوس)، (ادیچیوس)، (فره ثلوس) کبی بعضیلری معروفدر.

لکن بو اراضی اسارت اصولی تحتنده ایشلنمش ایدی. بو اصولی فرانقلرک اراضی جسمیه اصحابی ازاله ایتمش اولق کرکدر.

بونلرک اثر حریت بخشالری درجه سنی تقدیر ایچون، مذکور
اسرای زراع صنفنک تشکیلاتی بیلدیرمک لازمدر .

بونلردن بعضیلری زراعتله، بعضیلری ینه چفتلک داخلنده
اجرا اولنان اعمالات ایله اشتغال ایدرلردی. کذلک بونلر میاننده
دکرمنجیلر، اکمکچیلر، آرابه جی اوستهلری، دیوارچیلر،
دولکرلر، دمیرچیلر و حتی اسرای طراش ایدن بربرلر وار
ایدی. اکثریا (ژی نوجه ئوم) نامنده قادینلر مخصوص اعمالاتخانه
بولنوردی که بونلر داخلنده عملیه مخصوص البسلر طوقونور
ایدی .

بوزمره اسرانیک باشنده (مونیتور) نامنده بر مبصر بوانور
ایدی که کندی مادونلری اوزرنده بر حاکمیت مطلقه بی حائزدی .
لکن بو اسیرلر، - بوراسنی ایجه خاطرده طوتیکزی رها
ایدرم - مساعی واقعه لرندن برکونه منافع تأمین ایده مزلردی
بونلر اصلا کندی حسابلرینه چالیشمازلردی . حتی یالکزد
چالیشه مازلردی. برکومه یاخود براونباشی طاقنی میاننده بولنور
و، آمرینک امر و اشارتی وجهله، بوکون بر قسم اراضی، ابرتن
کون بشقه بر قسم اراضی اوزرنده چالیشمغه کیدردی. اشتغالانسه
نه کندی منفعتی، نه ده شخصیتی موجود دکلدی . هرکون
اون و شراب حصه معینه سنی و موسمی حلولنده البسلر
آلهرق الباس و اعاشه اولندیغی جهته، هیچ بر شی قزانه مدد

کچی هیج برشی ده ضایع ایده مزدی . کندی اکدیکنی دیگر بر اسیر بچردی . مساعی واقعه ده کندیسینک بر شوق و آرزوسی موجود اولمیدینی کچی بو مساعینک مکافات ده یوقدی . بومساعینک غیر تسز، کوشک و بچریکسز جه سنه واکثریا یکیدن، یا بلغه محتاج و عقیم اولدینی بک ابی حکم ایده بیسایرز . امر! ، افسیدیلرینه اوجوزده مال اولدقلری کچی اونلره ده اونستده آرتا مین منفعت ایدرلردی . اسیرک کندینه مخصوص برخانه سی، برکلبه سی اولیوب مشترک بر اقامتگاهدن بشقه برشی بیلمزدی . یالکیز حریتدن دکل، عائله حیانتندن ده محروم ایدی . ایشته صراحة کوریایورکه روما عالمی اصحاب املاک یتشدیرمش، فقط عمله یتشدیره مه مشدر، عمله اسارتده قالمش اولوب عائله اوجاغنه مالک دکلدی .

عمله صنفنک اکتساب موجودیت و حریت ایتمی، آشاغیده کوریله جکی وجهله، فرانقلرک غولیايه و ساقسونلرک بویوک بریتانیایه ادخال ایتدکلری شکل اجتماعی سایه سنده اولمشدر . فرانقلر و ساقسونلر بر انقلاب دیگر وجوده کتیرمک اوزره ایدیلر .

ایمپراطورلق دورنده بویوک اصحاب املاک شهرلرده اقامت و مالکانه لرینی (مونیتور) لر واسطه سیله اداره ایدرلردی . کویلر کندیلری ایچون یازلق بر اقامتگاهدن بشقه برشی دکلدی .

بالعكس فرانقلره ساقسونلر اراضیلری داخاندہ یرلشیرلر
وبوتون سنہ اورادہ اقامت ایدرلردی. اونلرک شهرده هیچ بر
اقامتگاهلری اولیوب علی العاده وقطعیاً فردیت پرور اولمشلردی.
صرف فردی اولان بو طرز معیشت، قوای عمومیه نك هر نوع
تأثیراتی خارجنده، دیگر تمثال اجتماعی وجوده کتیرمشدی.
آنغلو - ساقسونلرک انتشار یله دنیاده حکمفرما اولمغه باشلایان
طرز اجتماعی الیوم تمامیلہ بودر.

(شارلمان، ی) دورنده بو طرز اجتماعی مکملأ تأسس
ایتمشدر و بونک خطوط ممیزه سنی مشاهده ایدہ بیلیرز.

بو طرز شو صورتله تعریف ایدہ بیلہ جکمز بر حال اجتماعی به
منجراولمشدر: حکمدارک، یالکز عائله لر آره سنده، ناحیه لرده
وایالتلرده متأسس هیئتلرک ایفاسنه مقتدر اوله مدقلری وظائفه
مکلف اولسی.

بو حال اجتماعینک نتایجی تقدیر و تخمین اولنه بیلیر. فکر
لرده تأثیرات عمیقہ حاصل ایدہ جک بر ماهیتده اولدینی ظننده
بولندیم نتایج مذکورہ بروجه آتیدر:

۱ - اسارتک الغاسی.

فرانق قومی غال ممالکنه وساقسونلر بویوک بر بتانیابه
داخل اولور اولماز، کندی بینلرنده عائله لرک مظهر اولدقلری

استقلاله منافی اولان اسارت اصولی اورالرده الفا ایشلردر .
 سالف الذکر ایکی قومی جرمانیاده بولندقلری صره ده تدقیق
 ایتیش اولان مؤرخ (تاسیت) ک بومبچنده شهادت قطعیه سنه
 مالکیز . تاسیت ، اولاً فرانق وساقسونلرک دیکربالجمله جرمان
 اقوامندن فرقلی اولدقلرینی متعجبانه بیان وتصدیق ایدر .
 آنقلو - ساقسون عرقده دوام وانکشاف ایدن سجایای مخصوصه
 سه ده اوزمانده ظاهر در .

بعده تاسیت ، فرانقلره ساقسونلرک ، خدمتکارلری
 حقنده تطبیق ابتدکاری اصولی کمال حیرتله تعریف ایلر .
 مؤرخ مومی ایه بوقوملر آره سنده اسیرلره مصادف اولمامسندن
 واولنلرک یرینه آیری آیری مسکنلرده اقامت ایدن خدمتکار
 عائله لر کورمسندن طولایی دوچار حیرت اولمشدر .

بو خدمتکارلر ، یالکیز افندیلرینه زراعت و حرفته متعلق
 ایشلرده عرض خدمت و مساعی ایتمکله موظف اولوب ، افندیلرینک
 هر درلو خدمات شخصیه سی ايله مکلف دکل ایدیلر .

تاسیت ، معتادی وجهه ايله ابی تدقیق ایتیش وطوغری
 اکورمشدر . فی الحقیقه ، مؤخرأ فرانق وساقسونلرک نفوذی
 هرزرمیه انتشار ایتیش ایسه ، اورالرده اسارت درحال زائل
 اولمشدر .

قرون وسطانك بدایتندن اعتباراً اسارت شخصیه‌نك یرینه،
چفتجیلرک اراضی ایله برابر آلتوب صاتیله بیامسندن عبارت
اولان، «سهرف» لك اصولنك یكانه سبب تأسسی بوندن عبارتدر.
۲ — سهرفلرک اکتساب حریت ایللری .

اسارت شخصیه‌نك سهرفلکه تحویلی، آز زمان ایچینده
سهرفلک اصولنك ده الغاسنی ویرینه التزام اصولنك اقامه‌سینی
انتاج ایتدی .

بوخارق العاده انقلاب، اوننجی واون برنجی عصرلر طرفنده
کمال سکونتله حصول پذیر اولدی .

مؤرخلر جمعیت بشریه‌نك وایکی عصرده نه وجوده کتیره
بیله‌یکینی، رارلر؛ وجوده کتیریلن شی شودر :

(له‌ئو پولد ده‌لیل)، قرون وسطاده نورماندیا چفتجیلرینک
احوالی حقنده اجرا ایلدیکی تدقیقاتی حاوی اولان اثر مشهورنده
دیرکه : «اون برنجی عصردن اعتباراً صحرا الرمزده سهرفلک
اصولی غائب اولمشدر .»

(اوکوسته‌ن تییه‌ری) ده : «اون برنجی عصره طوغری
صنوف عوام حریته نائل اولمش واوندن تمامیه استفاده ایتمکه
بولمش ایدیلر» دیر .

یونانیلرک ساحه حقیقه ایصال ورومالیلرک اکمال ایده‌مد .

کلی بوی آزادی شمعش داری ، کندیلرینه باربارلق اسناد اولنان
فرقلرله ساقسونلر ، قوای عمومیه نك برکونه مداخله سی اولمق سز-
ین، صرف تشبث شخصی قوتیله و کمال سکونتله موقع فعله چیقار-
مشلردر .

قوای عمومیه نك قدرت و تاثیر فوق العاده سنه و تشبث
شخصینك عجزیه حالا قائل اولویور میسکز ؟

والآن ظن ایدیور میسکز که ، قرون وسطایی کشاد ایدن
بودوره مجهوله عقیم و نظراهمیته آلفه غیر لایق بردوره اولسون ؟
۳ — خدمت عسکریه نك الفاسی .

یونانستان و روما « خدمت مجبوریه عسکریه » بار ثقیلینی
طاشیمش ایدیلر . ازمنه حاضره نك تپه دن طیر ناعه قدر مساح
اولان حکومت مطلقه معظمه سی ایله بویوک ایمپراتور لقلر و بویوک
جمهوریتلرده اوباری تحمل ایتیمکده درلر .

بو آغیر یوکدن ، دائمی اوردولرک زمان تشکله قدر ، یالکیز
قرون وسطی اقوامی و زمانمزه قدرده آنغلو - ساقسون عرقی
آزاده قالمشلردر .

شوراسی دهها زیاده شایان دتدرکه ، تیمار و زعامت اصولار -
ینك جاری بولندینی زمانلرده ، عوام هر درلو خدمات عسکریه -
دن معفو اولوب ، یالکیز املاک و اراضی جسمیه اصحابی خدمات
مذکوره ایله مکلف ایدیلر .

بو اصحاب املاك و اراضينك عموميت اوزره نه مقدار
عسكر چيقاردقلرى معلوم دكلسه ده ، فيليپ اوكوست دورينه
عائد اولان زيرده كي اجمال بو بابه بر فكر ويره بيلير :

« (قونت دوشامپان ، ي) ك امرى آلتسده ۲۰۳۰
شواليه بولونور وقرالك معيته يالكز اون ايكي سپاهي كوندرير
ايدى ۰ (دوق دوبره تان ، ي) ك خدمت عسكريه سنده
۱۱۶ شواليه موجود اولوب بونلردن ، انجق قرق قدريني قرال
معيته سوق ايدردى . بو شواليه لك كنديلري آرزو ايتدكجه ،
بولندقلرى مالكانه ياخود ايالدن چيقمغه اكثريا اجبار اوله .
ماملري ده سزاوار قيددر . »

فرانسه قرالنك زير تابعيتنده كي اماراتدن جاب ايدى بيلديكي
قوه عسكريه بروجه آتى ايدى :

بره تانيادن قرق شواليه ، آنزودن اوتوز بش ، فلاندردن
قرق ايكي ، بور بونه دن يدي ، يونيودن اون آلتى ، سن پولدن
سكز ، آرتوآدن اون سكز ، ده رماندوآدن يكرمى درت ،
بيقارديدن اوتوز ، پاريزى واورله آندن سكسان طقوز ، توره
ندن اللى بش . محاربلك عددلرينك بودرجه محدود اولمى سبيله
دركه ، بونلردن هر برينك زره لرله تجهيزينه مجبوريت كورلمشدر .
او وقتلرده برتك آدم ، قيمته جهير آلايه معادل ايدى . بو قدر

قیمتدار اولان برآدمك محافظه حیاته اعتنا اولمق ضروری ایدی . محاربلك نفسلرینی واملاك وارضیلرینی و برهجوم و قو-
عنده ، جوار اهلینسی محافظه و مدافعه یه مخصوص اولان اقامتسکا-
هلرینکده تحکیمی ایجاب ایدردی . بوندن طولایی، بویوک
مالکانه لرك کافه سنده برر مستحکم قله وجوده کتیرلمشدر .
مادام که محافظه جان و مال ایچون قوای حکومت استناد اولنه-
مازددی ، هرکسک کندی اسباب مدافعه سنی بالذاته کندیبی
استکمال ایلسی ضروری ایدی .

اوردولرك افرادی صاییه میه حق درجده تکثر ایدنجه
فردک صیانتنه اهتمام ایدمز . چونکه بو اوردولرده برنفرک حیاتی
اوقدر اهمیتتی حائز دکلدر . بو ، حکمی هر یرده جاری بر قانوندر .
عسکرک عددی تزايدیتدکجه ، تجهیزات تدافعه تناقص و عدد
عساکر آزالدکجه ، تجهیزات تدافعه تزايدایدر ، دینیه بیلیر .

بختیاردر او قوملرکه ، اسباب مدافعه لرینی، ولو زرهبوش
اولسون، عددآ از عسکرله تأمینه موفق اولورلر . و بوجه ایله
اکثریت اهالی یه زراعت، حرفت و تجارت کبی آسوده ایشلرله
توغل ایچون خالی و مساعد وقت براقیرلر .

فی الحقیقه بر قوم آنجق بو آسوده مساعی سایه سنده بویور
و بختیار اولور .

ایشته تاریخمزك بحث ایتدیكمز دورہ سی اوحالده ایدی .
 ۴ — اونجی واون برنجی عصر لرك رفاهیت فوق العاده سی .
 قارہ ، کندیسنه ، حیرتی جاب ایتك ایچون برطاقم خوار قدن
 بحث ایدہ جكمہ ذاہب اولسون . بو حیرت انجق نیم ، حیات عمومیہ
 نك دكل فقط ، اكثریا دھا آزنظر دقتہ آلمان ، حیات خصوصیه نك
 تظاہراتنہ كوردہ حكیم ویرمكدہ اولمامدن طولای وارد اولہ بیلیر .
 بودہ لر لرك رفاهیت وترقیسی ، اولاً لسان ملینك بوزماندہ تشكل
 ایتمش اولماسیہ نابتدر . لسان ماینك تشكلی افكارده و اخلاق
 وعاداندہ حصہ ولہ كلن اتحادك نشانہ سیدر . حاوی اولدقلری
 قبائل و جماعات یكدیكریلہ دائماجدال اوزرہ بولنان اقوام وحشیہ دہ
 لسان برچوق لهجه لرہ منقسمدر .

نہ فرانقلرك ، نەدہ ساقونلرك تماس ایتہ مش اولدقلری
 مرکزی اوروپادہ وحدت لسان حالا تأسس ایدہ مہ مشدر . اسکی
 رومالیلرك ، دنیانك بویوك بر قسمی لاتین لسانیلہ توحیدہ موفق
 اولیشلری ، حائز اولدقلری تفوق اجتماعینك اك پارلاق تظاہرا
 تندر . صاقینہ لم کہ اتحاد مستقبل عالم ، اسکیلر لسانی اوزرینہ
 اولسون .

(سہرف) لرك اعتاقی کیفیتی دہ بحث ایتدیكمز رفاهیتك
 شواہدندندر . فرانسه نك بوتون حوالی شمالیہ سندہ كتہ

اهالينك ، اوقدر آز برمدت ظرفنده پاره قوتيله وبالاختيار اکتساب حریت ایده ییلمش اولملری ایچون ، ثروت عمومیه نك اوزمانده خارق العاده برترقی به مظهر اولمش اولسی اقتضا ایدر .

روسیه ده ، کویلیرلرک اعتاقی ایچون حکومتجه اوامراصدار اولنمش ایکن ، کویلیرلر قوای عمومیه نك بومساعیسنه رغماً ، هنوز حریتلرینی صاتون آلمغه موفق اوله مامشلردر . چونکه شرق ، غرب کبی ، فرائق وساقسونلرک تماسنه اوغرامامشدر . رفاهیت مذکوره او عصرلرده فن معمارینک شایان حیرت وامثالسر اولان ترقیاتیلده مبرهندر .

فن معماریده برطرز مخصوصی ایجاد ی پك کوچ برایشدر . زمانزده بومشکلات تجربه وتقدير اولنمشدر . زیرا حالا اساسلی بر ستیل تأسیسنه موفق اوله مدق . حال بوکه وحشت وبدات اسناد اولنان او عصرلرده ، بردکل ایکی طرز معماری ابداع اولنمشدر : غوتیک طرز معماریسی ، لاتین طرز معماریسی . وبوایجاد امرنده اودرجه ده موفق اولنمشدرکه ، بتون دنیا حالا بویکی طرز معماریدن استفاضه ایتمکده در . بزآآن اودورلرک لایموت اولان مبانی دینه واماکن عسکریه وملکیه سنی تقلید واستنساخ ایلمکده یز .

دوشونکزرکه ، بوانافس آثار حجریه اقایم غربی قابلاشمش وبونلره بوتون شهرلرده ، حتی اکثریا کوچوک قصبه لرده بیله ،

تصادف ایدلمکده اولوب ، اورالره برچوق زوار و سیاحینی جلب ایلکده بولنمشدر . بونلری وجوده کتیرمک ایچون صرفی اقتضا ایدن مساعی عظیمه و مبالغ جسیمه یی تأمل ایدیکنز . اوندن صوکرده ، بوقیلدن براتر جسیم وجوده کتیرمک ، حتی موجود اولانلری انی کوتو محافظه ایده بیلمک خصوصنده شوزمانده بزم تصادف ایلکده اولدیغمز . وعلی الاکثر اقتحام ایدمه رک کری چکلمک مجبوریتنده قالدیغمز ، مشکلات مالیه یی ملاحظه ایلیکنز .

(قولونیا) شهرنده کی بیوک کلیسانک تعمیر ایدیله بیلمسی ایچون آلمانیا ایمپراطورینک بالذاته اعانه ده بولمنسنه احتیاج کورو لدی . چونکه (قولونیا) اوقدر زنکین بر مملکت اولدینی حاله بوتعمیرات عادیه نک مصارفی تسویه یه قادر دکلدی .

حال بوکه ، ذکر ایتدیکنز مبانی عظیمه نک کافه سی قرون وسطی اوائلنده ، منحصراً افراد ناسک و نظر استخفافه باقیلان بویوک چفتجیلرک و اسارتدن هنوز قورتولمش اولان کوییلرک ، پاره سیله وجوده کلشدر . بو کوییلر فدیله رینی تأدیه ایتدکن صوکره جیبیلرینی قاریشدره رق ، غربی اوروپای طولدیران اوفنا ناپذیر مبانی یی وجوده کتیره بیله جک قدر پاره بوله بیلمشلردر . زیرا اوزمانده خزینه دولت موجود دکلدی .

بوانشا آتک قاچه مال اوله بيله جکني - مقتدر ايسه کز - ذهناً تخمينه چاليشکيز . بوصورتله ، اودورلرده بين الاهالی متداول اولان ثروت فوق العاده حقنده برفيکر حاصل ايدمه ياييرسکيز . بوتون بوشيلر طوپراغک ، اراضيلرينه بالاستقلال تصرف ويالکيز . حيات خصوصيه نك قواي مظفرانه سنه استناد ايدن آدمير ، طرفندن ايشله دلسيله ، وقواي عموميه نك برکونه مداخله سي اولقسزين ، وجوده کلمشدر .

بودورک رفاهيتي ، اوزمانلرده صنوف مختلفه آره سنده موجود اولان حسن امتزاجک شهادتيله ده ثابتدر .

(له ژوپولد ده ليل) دييورکه : « بعض وقايع منفرده استثناء ايدلدیکی حالده ، قرون وسطاذه صنوف اجتماعيه يننده حکم فرما اولديغي معاصرین مؤلفين طرفندن روايت ايديان تضاد ومناد فرتک برنشانه سنی بولمق ايچون يهوده آرادق . قرون مزبو - رهنک دها ايتدالرنده کوييليرک حقوق حربه سي اعاده ايدلمش ، کرک مکلفيات شخصيه ، کرک مکلفيات ماليه قوانين وعرف وعادات ايله صريحاً تعيين اولنشدر . کوييلرده ، بوتکاليف عائله لرینک معيشتلريني تأمین ايدن طوپراغک بدلی اولديغي بيله رک ، بونلری بلا استکراه ايضا ايدرلردی . وعندالحاجه افنديلرينک معاونت وحمایه لرینه اعتماد ايدمه بيله جکلرينه دخی قانع ايدیلر . »

(اوکوستهن تیه‌ری) نك بویابده کی بیاناتی ده ده‌ها آذربیلغ دکلدر. مومی‌ایه، قرون وسطاده جاری اولان تابعیت متسلسه. دن بحث ایدرکن، دیورکه : « بوتابعیت، احسان وشکران و بین و صداقت اساسلرینه مستند ایدی » .

(کیزو) : « دره بکلرینک منشائی مستعمراتک صورت تشکله بکزر . مالکانه اصحابی اولان دره بکلری اهالی یه اراضی و امتیازات بخش و تخصیص ایدرلر ، بالمقابله اهالی ده بعض خدمتله مکلف طوتولورلر ایدی » دیور .

بو دور ، حقوق شخصیه رعایت حسنی افکار و اخلاقده اودرجه یرلشدیرمش ایدی که، بالآخره قراللیقه ، شخصیت منفردی و هر یرک کندینه خاص اولان معافیات و امتیازاتی حکومتک آغیر پنجه‌سی آلتنده بو غمق خصوصنده کی بوتون مساه عیسنه رغماً ، بونی نظر اعتباره آلمغه مجبور اولدی . بشنجیدن اون ایکنجی عصره قدر اولان مدت ظرفنده اودرجه قوتله کولکشمش اولان بو امتیازاتی قاع و قمع ایده بیلیمک ایچون ، برچوق عصرلر کچمسی لازم کلدی .

(اوکوستهن تیه‌ری) دیرکه : « قرون وسطی صنوف متوسطه ایچون حقیقی بردور حریت ایدی . الی بوزسنه اول قدیم امتیازلی شهرلرک اساسلرینی وضع ایدن و مدیترلینی وجو

ده کترین صنوف متوسطه؛ تحریر حقوق سیاسیه امرنده بزه
 بک چوق تقدم ایتشلردر . «

مومی الیه دیگر بریده ده : « قرالار شهرلرده جزیه طرح
 ایتک ایستدکلی وقت، اونلرک مرخصلریله مذاکره ده بولمغه
 مجبور ایدیلر » دیه یازار .

ینه (کیزو) بی دیکلیکز : « قرون وسطانک صنوف
 متوسطه سی کندی ویرکولرینی کندیلری طرح و توزیع ، حکامی
 انتخاب ، محاکماتی اجرا ، مجرمینک مجازاتی ترتیب و هر درلو
 امور و خصوصی مذاکره ایچون مجلسلر عقد ایدر ، میلّیس
 عسکری بسلر ، خلاصه کلام باشلی باشلرینه اجرای حکومت
 ایلرلر ایدی . »

(مینیه) ایسه : « شهرلر اهاالیسنک ، چاک صدالریله طو-
 بلانه رق ، کندی کندیلرینه ویرکو طرح ، یینلرنده اجرای
 عدالت ایلک ، استحقکات انشا ایده بیلیمک و کندی قوماند-
 نلرینک معیتنده و کندی بایراقلری آلتنده حربه کیده بیلیمک »
 امتیازینی حائز اولدقلرینی بیان ایدر .

مؤخر آزادکان ، حیلہ کارانه و مجنونانه حرکاته ؛ حقوقیون،
 قیصر قانونلرینی بدلاجه شرح و تفسیره ؛ قرالار ، حیات خصو-
 صیه نک روحنه شایان تأسف بر صورتده تعرضه باشلانجه، ذکر

اولنان امتیازات تعدیلاته دوچار ونهایت محو ومنقرض اولور .
 (اوکوستهن تیهری) بوباده شویولده بیان مطالعه ایلر :
 « فرانسه ده مجالس عمومیه نك (États Généraux) اجتماعا
 عه دعوتی ایله ، شهرلرک امتیازاتنه تجاوز اولمسی بر زمانه
 تصادف ایدر حقوقیون قوه حکمرانینک برومطلق اولدیفنی
 اعلان ایتمکه ، اختلالات مستقبلیه یول آچمش اولدیلر . ۱۵۷۰
 تاریخنده فرانسه ده اصدار اولنان بر امرنامه ایله محاکم بلدییه ،
 اصول اداره انتخابیه الفا ویوز شهرک بوتون امتیازاتی فسخ
 ایدلدی . اونجی واون برنجی عصرلرک صوک دلیل رفاهیتی ،
 بودورلرده عرقک مظهر اولدیفنی انبساط فوق العاده در . و
 رفاهیت مدیده سایه سنده ، عرق او قدر نشوونما بولمش ایدی که ،
 بابالرینک یابدیفنی و آنغلو - ساقسونلرک حالا یایمقده اولدقلمی
 کبی ، اراضی جدید بولمق ایچون خارجه یاییمق احتیاجی
 طویویوردی . شالده انکلتزه ۱۰۶۶ تاریخنده نورمانلر طرف
 قنده فتح ایدلدی . جنوبده پورتگیز (هازی دوبورغون ، ی)
 نامنده بر فرانسز پرنس طرفندن عربلر ییدن ضبط اولندی ،
 (۱۰۹۴) . جنوبی ایتالیا و سچلیا کوچوک نورمان زادگانی
 جانبندن تسخیر اولندی ، (۱۰۹۰) .

شرقه مجارستان اوزمان دره بکلکی طرزینه کیردی . (بزانه
 بورغ) حدودنده کی محملری فرائق و ساقسونلر اسلاورک الد

ندن آلدیلر. پروسیا قراللغئک منشائی اولان بو حوالینک بالآ خره
یواش یواش آلمانیانک سائر اقسامنه احراز تفوق ایلمسی
بوسایه ده در .

ینه بواننده ایدی که فرانسه ، شرق اوزرینه جسیم بر
انسان طالغهمسی آندی. (غود فروآ دو بویون) لر، (بوهموند)
لر، (تاقرد) لر طرفندن سوق واداره ایدیلن برنجی اهل
صلیب سفری بودر .

برآ اجرا ایدیلن بو محاربات متعاقباً وقوعه کلن اهل صلیب سفر-
لرندن پک فرقلیدر. بو، دیکر لر ی قبلیندن برزادکان اوردوسی
اولیوب ، بوکونکی مهاجر لر کبی علی الا کثر اختیار و رضالریله
برلشه بیله جک، ارضی جدیده آرامغه کیدن افراد ناسدن مرکب
برکته مهاجرین ایدی .

افکار بیطرفانه صاحبی اولان بالجمله ذواته صورارم که :
بشریتک ترقیسنه و سعادتنه بو عصر لر دن زیاده جلوه گاه اولمش
بردور و امیدر ؟

ایشته بو ترقی و سعادت، صرف برداثره مستقوله داخلنده متین
بر صورتله ترتیب و تنسیق ایدلمش اولان حیات خصوصیه ایله ،
قوای عمومیه نك هر درلو تضییقاتندن آزاده قاهره انکشاف
ایدن تشبث شخصینک محصولیدر .

و بو، فرانقلر طرفندن ادخال ایدیلن شرائط اجتماعیه نك نتیجه طبعیه سی کبی ظهوره کلمشدر .

فی الحقیقه کویلیلرک معیشت فردیه واکتساب حریت خصوصنده کی ترقیلری و قوای شخصیه نك بوزندکیسی بالخاصه (لوآر) نهرینك شمال جهتلرنده کوزه چاربار .

فرانقلر طرفندن دهآ آز اشغال ایدلمش ودهآ زیاده غاللرک ورومالیلرک تحت تاثیرنده بولنش اولان جنوب جهتی، قوای عظیمه عمومیه فکرینه دهآ فضله مربوط قالمشدر . و بزما طالعزلکمز اثری اوله رق، بوحوالی جنوبیه اهاالیسی فرانسه یه تکرار فتح و ضبط ایله، بالآخره اون دردنجی لوئیلرک و نابوله ثولرک، ذروه سنده تأسیس حکومت ایلنش اولدقدی ایمپراطوره لق اصول اداره سنه سوجه موفق اولمشلردر .

روما غنغناتندن دهآ اوزاق قالمش ودهآ آز متأثر اولنش اولان انکلتره، قیصرلک اصولنه طوغری وقوع بولان بو ارتجاعدن قورتیله بیله رک، زمانزه قدر « تکاملات انفرادیه » مسلککنده دوامه موفق اولمشدر .

آنگلو - ساقسون عالمی بوصورتله بزه، فرانسه نك - اکر تشکلات انفرادیه بی تماماً محافظه وادامه ایده بیلمش اولسه بدیه — بوکون نه حالده بولنش اوله جغنی واضحاً اثباته مدار اوله جتی دلائل احضار ایتکده در. فرانسه ده جریان ایدن حالک عکس

اولق اوزره انكلتره امين ومسترخ خطوه لرله نشبث شخصينك
مزايده توسيعنه وقوه مركزيه نك مترقياً تحسديدنه طوغرى
يورومشدر .

بز (فرانسزلر) ، حاكيت مطلقه يه منجر اولديغمز صره ده ،
انكلتره حقيقى پارلمان تاريومه ، (سلف غوور نمه نت) طرزينه
واصل اوليوردي . حكمدارلرينه انكليزلر قدر آرتسليم غنان
ايتمش ، مالكييت نفسلرينى اونلر قدر تماميله محافظه ايتمش بر
قوم يوقدر .

انكلتره ده قراللق ، قوه مركزيه نك منافع عموميه مليه يي
درعهده ايتمش اولمسندن عبارت اولوب ، قواى مختلفه محليه نك
اصلاح و توحيدى ديمك دكلدر . قراللق ، مملكته هر طرفنده
كوچوك ، بويوك بوتون امور اجتماعيه يي كندى مأمورلرى
معرفتيه تمشيه قيام ايتمز .

باشلى باشنه برر هيئت مستقله تشكيل ايدن قرا وقصباتك
هر برى ، او قدر امين بر موجوديته مالك واودرجه بر حكم
ونفوذ مشروعى حائز دركه ، تعبير جائز ايسه ، بونلر هر نقطه
نظردن برر اداره مطلقه در ، ديهه بيلرم .

بونلرك حقوقى قراللقدن زياته تجاوزدن مصوندر . دهـ
طوغرىسى ، بو كوچوك هيئتلك موجوديتى قراللقك موجوديتندن
زياده اساسليدر . زيرا بو هيئتلك قراللقدن دهـ قديم اولوب ،

قراللك وظیفه سی ، هیأت مذکورہ نك نقصاتی اكمال ایتمکدن
وہر برنی دائرہ صلاحیتی داخانده صالح و آسایش اوزره طوتمقدن
عبارتدر .

محافظہ صالح و آسایش ؛ ایشته نتیجہ تحایلاتده انکترده
حکمدارک وظیفه سی بودیمکدر . حکمدار ، آنجق صلح و آسایش
عمومینک الک بریوک محافظی و منافع عمومیه نك حامیسیدر .
بناءً علیہ ، منافع عمومیه حقیقہً تہلکبہ دوشمدکجہ ، حکمدارک
پاہجق هیچ برایشی یوقدر . چونکہ بیکلر جہ مستقل کوچوک
ادارہ و ہیئتلدن ہر برینک ، کندی دائرہ سی داخانده وظیفہ
اجتماعیہ سنی ایفا ایلمسی سایہ سنده ، منظومہ حکومت کندی کندبہ
یورور . (ادیبورغ ریویوو) غزتہ سنک ۱۸۶۱ سنہ سی حزیراننده
انتشار ایدن نسخہ سنده مندرج شوقرہ ، انکترہ اصول ادارہ سی
یک کوزل تصویر ایدر : « بزکندی ایشلرمزی ، حکومتک مدال
خلہ سی اولقمسزین ، کندیمز سوق و ادارہ ایدرز . بوحال
مملکتک علامت فارقه سیدر . و بز بونکله افتخار ایدرز . »

بوسوز اودر جہ صحیح دکرہ ، مثلاً یکرمی بر سنہ ظرفندہ ،
معارف عمومیه اوغورنده صرف ایدلمش اولان اون اوج میلیون
ایکی یوز بیک استرلین لیراسندن ، آنجق درت میلیون یوز بیک
لیراسی حکومت طرفندن ویرلمش و متباقیمی کاملاً اعانات ابلہ
تدارک اولمشدر .

۱۸۶۲ سنہ سنده (تہن) شویله یازیوردی : « قرالیچہ

وېرنس آلبر، حائز اولدقلری « حکومت مشروطه حکمداری » صفت ووظیفه سی داخلنده حبس نفس ایده رک، بونک حدودینی تجاوز ایلمکی اصلا دوشونمز لر. اولر، امور حکومتک بسیط برر ناظم و معدلی اولق و پارلمنتونک و افکار عمومیه نک استقامتی تعقیب ایتمکله اکتفا ایدر لر. پارلمنتوده فرقه لری یوقدر . هیچ بر زمان بر ناظر علیهنده، حتی شخص و افکاری خوشلرینه کیتمه یین بر ناظر علیهنده بیله، انترقه لر ترتیب ایتمز لر؛ صوکنه قدر اوکا تحمل ایدر لر . »

آنگلو - ساقسون ممالکنده، ریئس حکومتک عائله لرده، قومر - نلرده و ایالتلرده متشکل هیئت لر طرفدن ایفا اولنه مبان اموری اجرادن بشقه ووظیفه سی یوقدر .

بالاده کی مسرودادن صوکره، بو طرز حکومتلرده حکمدار لرک برر ناظم و معدل اولق خصوصنده کی روللرندن خارجه چیقمی نیچون دوشونم دکلرینک ایضاحی کوچ دکدر .

فی الحقیقه بو حکمدار لر، روحی دکل، فقط ساده جه تمه سنی، جاتیسنی تشکیل ایلدکلری تأسیسات اجتماعی طرفدن دائرة ووظیفه لری داخلنده صیقی صیقی به مضبوط و محصور در لر .

فرض ایدیکز که، بونلردن بری او دائره دن چیقمق، « دولت بن دیمکدر » نظریه سنی تطبیق ایتمک ایسته مش اولسون؛ عائله لرده، قومونلرده، ایالتلرده حز و سربست اوله رق

ایفای وظائف ایدن غایت زنده، غایت مرتب و منتظم و موجود-
دیت حکمداریدن آیری و مستقل بر موجودیته مالک، بناء علیه
اوکا مقاومته مقتدر بر چوق هیئتله، در حال برر قلعه کبی قار-
شیسنه چیقار. تشبث شخصی، موجودیت محلیه عصرلردن
بری تحصن کاه اولان بوقلعه لری ییمق ابجون ایسه هیچ بر
امید یوقدر .

انکلتزده ایکی حکمدار ، تحریکات اجنبیه به تابع اوله رق ،
بو تشبث مجنونانه به قیام ایتدیلر : بونلردن بری اولان برنجی
شارل ، ۱۶۴۹ ده میدان سیاستده اعدام اولندی . دیکری ، ایکنجی
زاق ، ۱۶۸۸ ده خلع اوله رق ، یرینه ، اورانژ پرئسی اوچنچ
کیلیوم اجلاس ایدلدی . فقط شایان دقتدرکه ، بواجرا آن
انکلیزلرک قرالغه قارشی اولان مربوطیت و حرمتلرینه قطعاً
خالل ویرمدی . زیرا اونلرک شکایت و اعتراضلری قرالغه دکل ،
شخصه عائد ایدی .

بو ، اثنای اختلالده فرانسه ده وقوعه کلن حالک ضدیدر ،
بزده (فرانسه ده) اون آلتنجی لوئی ، شخصی علمبنده برکونه
خصومت موجود دکل ایکن اعدام اواندی . اونی اولدیرمکه
شخصنده تمثیل ایدن و نفرت عامه به دوچار اولمش اولان قرالقی
افنا ایدملک ایسته نیلیوری .

انکلیز قومنک ، محسناتی کوردکلری ، باریخی حس ایتد .

کلری بر شکل حکومت قارشی کو سترد کلری محبتک سببی قابل
ایضا حدر . اوراده قراللق ، احوال عادیده ده هیج بر شیئه قار-
یشمدینی ، آنحق پک مستثنی احوالده ، اغتشات مهمه وقو-
عنده ، مداخله ابتدیکی جهتله بر شیئدن مسئول طوتیله ماز .
فی الواقع ، حکومتی نه دن طولایی مسئول طوتیله بیلیر سکرکه ،
نواحیده ، قونتلقلرده ، ایالتلرده ؛ مذهبه ، انضباطه ، طرق
عمومیه انشاآتنه ، ویرکویه ، امور خیریه ، عدلیه ، معارفه
متعلق ومنافع عمومییه عائد بوتون خصوصات ، حکومتک طو-
ضربدن طوغرییه مداخله سی اولقمیزین ، بالذاته ومستقلاً اهالی
طرفندن رؤیت اولونور . شاید بومعاملاتدن بر کیسه متضرر
اولورسه ، کندی نفسندن بشقه کیسه یه کوجنمکه حق اوله ماز .
بووجه ایله قراللق محبوب ناس اوله رق قایلر . چونکه او مزعج
دکل ، فائده لیدر .

بن ، اخیراً پارسده خارجیه نظارتی دائره سنده ویریلن بر
ضیافته ، فرانسر عرقنه منسوب بر قنادالی-اولان ، قنادا باش
وکیلی سور (ویلفریدلوریه) طرفندن ایراد اولنان بر نطقده ،
بومحبتک جالب دقت بر نمونه سنی بولورم . اکثری محافل
رسمیه یه منسوب اولمق اوزره ، بش یوزدن زیاده مدعوین
حاضر بولنان بوضیافته ، موسیو (آلیکساندر ریو) ریاست
ایدیوردی .

سور (ویلفرید لوریه) دیمشدی که :

« قنada ، قوانین و نظامات مؤسسه سی اعتباریله ، یکانه در . نه حال حاضرده کی ، نه ده اسکی زمانلرده کی حکوماتدن هیچ برینه بکزه مز . قنada ، ظاهراً بر مستملکه ایسه ده ، بالقوه بر حکومت مستقله در . فقط ، مستقل اولق وواسع بر اداره مختار . رهیه ممالک بولمقله برابر ، قنada عین زمانده انکلتراه ایمپراطورلغنگ تحت تابعیتنده در . »

« فرانسه یه کلدیکم زماندن بری قنادانک ، شوخلاف معتاد حالی حقنده بعض مطالعات ایشتم . و قنada الیرک انکلتراه قارشى یالکز صادق اولمقله قالمیوب ، بو صداقتلرینی مقام افتخارده اعلان دخی ایتمکده اولملرندن طولایی اظهار حیرت ایدلیدیکی کوردم . »

« افندیلر ! بزقناده بر مظفریت عظیمه یه نائل یعنی حریت ظفریاب اولدق . قنada روی زمینده موجود بوتون ممالکتلردن بلااستثنا دها حردو . »

« بزهرنوع حریاته ، حریت مدنییه ، حریت سیاسییه ، حریت مذهبییه مالکیز . و بوتون بوللره انکلتراه ایمپراطورلغنگ سایه سنده مالکیز . بزقهرمان برنسلز . شوخالده حریت دتیان نعمت عظمایی بزه بخش ایدن بر حکومت حقنده کی منت و صداقتمزى نیچون هر وسیله ایله اظهار ایتیهلم ؟ »

« بز دها فضله برشی یابدق : قنادا طوپراغی اوزرنده ایکی عرق وارددر، بری آنغلو - ساقسون، دیکری، دمین کمال طلا- قتلہ بحث ایتیش اولدیغکز، فرانسر عرقیدر. شوسفرده، یانمده عزیز دوستلرمدن ورفقامدن آنغلو - ساقسون عرقه منسوب برذات موجود اولدیغنی سزه عرض واعلان ایتمکه مفتخرم. فی الحقیقه، بزبرد رجه یه واصل اولمشزدرکه، بین العروق محاسده من یوقدر. بزم مسابقه من، بر عرق دیکری اوزرینه احراز حاکمیت ایتسی ایچون دکل، مملکتتمزک استحصال کمال شان وسعادتی ایچوندر. »

بوسوزلری ایشیدنجه، حالمزی متألما نه دوشونمه مک قابل دکلدر. قنادا ده کی فرانسر قارده شلرمز، اک مشهور وکیللرینک دهانندن اعلان ایدیورلرکه، کندیلری انکلیز اداره سی آلتنه کچمکه « حریت ظفر باب اولمشلردر » و « قنادا، روی زمینده موجود بوتون مملکتلردن بلااستثنا دها حردر ».

خطیب مشارالیه، بزم ایچون پک آجی اولق اوزره، « بلا- استثنا بوتون مملکتلردن » دیور. دینک اولویورکه، بو طرز اجتماعی، یالکیز عرق غالبک اولادینه دکل، عروق سائر انسالنه ده تامین حریت ایدیور. آنغلو - ساقسونلرک، کونک برنده یالکیز باشلرینه دنیا یه تامین حریت ایتلرینه رضا کوستره جگمی- بز؟

یوقاریده ذکر ایتدی کمز نطق دیکله مش اولان بش یوزر جال سیاسییه، بوسوزلرک معناسنی آکلامغه، درین درین تأمله و خصوصیه نفسلرینه تطبیقه مقتدر اوله بیلمشلمیدر ؟

قنادایه بخش حریت ایدن اصول اداره اجتماعیه نک، عین اسبابدن طولای، ماضیده ابتدا اسرایه و متعاقباً سهر فله ناصل حریت ویره بیلدیکنی شمدی اکلا یورمیسکز !

ایشته سزه بر طاقم شهودکه، یکدی کیرندن اون بش عصر لاق بر فاصله ایله، عین شهادتی ایفا ایدیور لر.

لکن بن، سور (ویلفرید لوریه) نک اصل دیگر بیاناتی اوزرینه نظر دقتی جلب ایتک ایسترم: مومی الیه، قناداده فرا- نمز و آنغلو - ساقسون عرقلری آرد سنده بر کونه محاسده موجود اولمدیغنی و بو عرقلردن هیچ برینک دیکرینه تحکم ایچون مجادله ده بولمدیغنی و آنجق مملکتک استحصال کال شان و سعادت یولنده مسابقه ایتمکه اولدقلرینی بیان ایدیور .

بو، مجادلات سیاسییه نک مردودیتی و حیات خصوصیه نک رجحانی دیمکدرکه، بو کتاب باشدن باشه بونی اثبات ایتک مقصد- یله یازلمشدر .

عین عرقه منسوب اولمقله برابر، عصر آ بعد عصر و اباعن جد حقوقیونک، قراللرک، ایمپراطورلرک، اختلالجیلرک، بور و قراتلغک عین تضییقات و اعتسافاته، عین مظالمه کرفتار

اولمش اولديغمز حالده، بو محنت مشترکه مز ايجنده کندی کند۔
 نيزه صاحب اولمق قوتنى بوله مامقده، حتى، سفالت مشترکه مز
 واسطه سيله اولسون اتحاد ايدهرک، صايح وسلم اوزره ياشامق حسنى
 سيله طويه مامقده اولان بزلر ايجون، بونه بويوک بردرسدر .

بر آن تاريخيده بزم دخى مالک اولمش اولديغمز بو طرز
 اجتماعينک، آمرىقا حکومات متحده سنده اکتساب ايلديكى انکشاف
 خارق العاده، واورالره تأمين ايتديكى رجحان بى قياس، طرز
 مذکورک قيمتى تقديره ده ابي مدار اولور .

بو طرز، اوجيم قطعه ده خصائص عرقيه بى ده ها زياده
 ظاهر ايدهرک، تمى وانکشاف ايدهريلدى .

يانقلرله انکلیز لر، شبهه يوق که، بو کون دن ياده بولنان وماضيده
 بولنمش اولان انسانلرک اک سر آزاديدر لر . اونلر، بو غير قابل
 انکار تفوقلرى حيات خصوصيه نك قدرت فوق العاده سنه
 وقواى عموميه نك محدوديت تامه سنه مديوندر لر .

اگر بر طاقم مشئوم آدم لر، جبر وحيه ايله واقوامه تأمين
 تفوق ايدن شرائطدن جهالتلرى و حماقتلرى سبيله، فرانسه بى
 رومانک قيصرلق اصولنه طوغرى سوق ايتهمش اولسه ايديلر،
 نزده شمدى آمرىقاليلرک وانکلیز لرک بولون دقلرى حال وموقعده
 بولونه جق ايدک .

درس خپلی آجی، دکلې ؟ عجـبا نهـایت بونی آکلایه جق
وبوندن استفاده ایده جک می یز ؟



دردنجی باب



قوة شخصیه سنه استناد ایدن آدملره ، قوای عمومیه به استناد
ایدن آدملردن ، زیاده نفوذ اجتماعی بخش
ایدن اسباب

قوة شخصیه لرینه استناد ایدن کیسه لرك ، قوای عمومیه به
استناد ایدن اشخاصه ، رجحان و تفوق فوق العاده لرینی مباحث
آنفده اثبات ایشدم .

فقط بودرجه یکی و برآز شاشیردیجی اولان بوفکرلری
اذهانده ایجه یرلشدریمک ایچون ، ظواهر احواله رغماً ، اور رجحان
و تفوق و یرن اسباب عمومیه اوزرنده اصرار کو سترمکه مجبورم .
بونک ایچون ، قارئیدن اولاً قضیه آتیه بی کمال دقتله
تأمل ایملرینی رجا ایدرم :

برآدمک ، بشقه لرینه متفوق برحاله کله ییلمسی ایچون الک
مؤثر واسطه ، اونی ، صرف کندی عهده سنه انحصار و استناد
ایدن ، و آنجق جهد وسی ذائسی ایله موفقیت پذیر اوله بیله جک
اولان ، بر تشبث اجرایی مجبوریتنده بولندیرمقدر . تعبیر آخرله ،
اونی ، نفسندن غیری به استناد ایتکسزین احراز موفقیت مجبور

براقدرکه، بو، اخلاق و طبیعتہ متانت، عزم و ارادہ یہ قوت و تثباتہ موفقیت بخش ایلر .

بو حال، حیات عمومیہ نك حیات خصوصیہ یہ یا خود حیات خصوصیہ نك حیات عمومیہ یہ غالب اولوشنه نظرآ، بك مختلف صورتلرله تظاهر ایدر .

رنجی حالده، یعنی قوای واسعہ حکومت اصولی جاری اولان هیأت اجتماعیہ ده، هر فردك اندیشه سی اداره حكومتك لایعد مأموریتلرندن برینه یرلشوب، اوصورتله تأمین معیشت ایده ییلمکدن عبارتدر . بورالرده هر کس یا مأمور یا خود مأمور نامزدیدر. غیرت شخصیہ، قوۃ تشبیه فردیه آزمائش، کیتدکجه دوچار وهن اولمشدر. چونکه، هر کس کندی نفسنه کووه نه چك یرده، جماعته، هیئت مشترکه جمعیتہ استناد ایدر. بووجه ایله بوتون عرق سرعتله دوچار انحطاط اولور، موقعی غائب ایدر .

ایکنجی تقدیرده، یعنی قوای عمومیہ محدوداً جاری بولنان جمعیتده، فرد، مأموریت کبی امین و راحت منابع واردادن محروم اولدیغندن، الجای حال اونی، وسائط معیشتی جهد و سعی ذاتیقه ایله تدارک اچار ایدر. اوزمان غیرت شخصیہ و قوۃ تشبیه فردیه حداظمییه واصل اولور . بوتون عرق بویور و دیگرلرینه غلبه ایدر .

یوقاریده کورمش اولدیغمز وجه ایله، یونانیلرله رومالیرک
وبر وقت فرانسلرک وبوکون دخی آنغلو - ساقسون عرقنک
تفوقی موجب اولان ، صرف بوکیفیتدر .

بوقانون اودرجه قطعی درکه ، حکمی احوال استثنائیهده
بیله تظاهر ایدر . ایشته بوکا ایکی مثال که ، بزه یاقیندن تماس
ایتمکده اولدقلری جهته ، هرکس تحقیق وتدقیق ایده بیلیر :

موسویلرله پروتستانلرک ، فرانسهده ، عدد نفوسلرینک پک
فوقنده برنفوذ مالک اولدقلری غیر قابل انکاردر . وبوندن
طولایی برچوق اعتراضات یوکسهلمکدهدر . فقط اعتراض
ایده جک یرده ، بو حالک اسبابخی تحری ایتمک و اوندن عبرت
آلق دهامعقول اولور .

بو ، ایکی فصلدن عبارت بردرامدر .

برنجی فصلده ، موسویلرله پروتستانلر ، معلوم اولدینی اوزره ،
بالجمله مناصب سیاسییه واداریه دن طرد ایدلمش ، حیات عمومیه -
دن خارج طوتولمشلردر . بونک اوزرینه آرتق اونلر ، اسباب
معیشتلرینی سعی واقدام شخصیلری ایله تدارک ایتمک مسلکده
آتیلغمه مجبور اولورلر . وبومسلکده بویورلر ، زنکیناشیرلر .
انسانلری واحوال وحادثاتی سوق واداره ایتمک ، اراده وبصیرت
صاحبی اولق وبرایشه تشبث وموانعی اقتحام ایده بیلمک
قابلیتلرینی اکتساب ایلرلر . ومأموریت کبی حاضر وسائط

معیشتہ نائل اولہ مدقلری جہتلہ، بوتون بوشیلری، نفسلرندن، مساعی شخصیه لرندن باشقه برشیئہ استناد ایتمکسزین، صرف کندی قوتلریلہ یاپارلر .

ایجه خاطر کزده طوتیکز که موسویلرہ، پروستانلرہ بو تفوقی بخش ایدن دینلری دکلدر . زیرا بونلرک دینلری باشقه باشقه ویکدیگرہ پک مخالف اولوب، حتی قتولیک دینی پرو-تستانلغہ دین موسویدن دها یاقیندر . اگر، هرشیئی تشویش واغلاق ایتمک خصوصندہ کی اعتیاد اتمزہ تبعاً، بوتون مجادلانمزہ غافلانہ ادخال ایلدیکمز دیاتی بوبخمنده قاریشدیرہ حق اولورسہق هیچ برشیئی تمیز ایدہ مز، ینہ ظلمتلرہ دوشرز .

موسویلرلہ پرستانلرک مشغول اولدقلری ایشلرک نوعلرندہ مهم برفرق اولدیغی ده اونو تماملیدر .

موسویلر، بالخاصہ تجارتہ والک زیادہ پارہ تجارتنہ دوشدیلر؛ مقرض اولدیلر؛ ممکن اولدیغی قدر آغیر فائضلرلہ پارہ اقراض ایدہرک مراجعہ جیاقی ایتدیلر . بویک شرفلی ومعتبر برایش اولمامقلہ برابر پک کارلی ایدی .

موسویلر بومساکہ ارادلری فوقندہ برطاقم اسبابک تضییقیلہ سوق ایدلمشلدردر .

قرون وسطانک ابتداسندن اعتباراً، موسویلرک اراضی صاتون آللری منع اولدیغندن، زراعتلہ اشتغاللرینہ امکان

یوقدی . صنعت و حرفت و اشیا و محصولات اوزرینه اولان اصل تجارت ایسه ، اوزمانلرده هنوز ترقی ایده‌مه‌مش و آز جوق بویوک املاک اصحابنک تحت نفوذنده قالمش اولدیغندن ، موسویلر بالطبع معیشتلرینی پاره تجارتنده آرامغه دوکولدیله . بوندن ماعدا ، تجارت مذکوره اولر ایچون پک مهم بر فائده‌ی‌ده حائزایدی : بوتجارت ، دستکاه ، دکان ، آنبارکی شیلره محتاج اولمادیغندن ، قولایجه کیزله نیروتحصیلدارلرک قورقولی تضییقاتندن مصون قالیردی .

اوزمانلرده پاره نه قدر نادر و فائض نه قدر یوکسک ایدیه موسویلرده اودرجه زیاده پاره قازاندیلر .

بروتستانلر باشقه حال و وضعیتده بولندقلرندن ، زراعت و حرفته و هردرلو تجارتیه سلوک ایده‌ییلدیله . و مسلک‌لرنده صرف‌کنندی قوتلریله موفق اولدیله .

قتولیک مذهبنه سالک زادکان و صنوف متوسطه ، (ورسای) سرایی سالونلرنده حکومت مناصبنده بوتون قوه تشبیه‌لرینی ، روتلرینی غائب ایتمکده اولدقلری ائنده ، پرتستان زادکانیله صنوف متوسطه‌سی بوصورتله تعالی ایدیورلردی .

ایشته درامک برنجی فصلی بویله جریان ایتدی . ایکنجی فصل بوعصرک اوائلنده باشلادی . بوزمانده سیاسی واداری بوتون مأموریتلر موسویلره و پرتستانلره کشاد ایدلدی .

بونلردن اولاً برقاج کشی، ومؤخرآیاواش یاواش عظیم بر قسمی،
بومأموریتلره خواهشله آتیلدیلر . او قدر اوزون بر مدتدنبری
کندیلمی ایچون ممنوع اولان بومیوه دن، نوبت کلنجه، اونلرده
طابق ایستدیلر . مدت مدیده مسالک مستقله ده بوللمی حسیله
انکشاف و انبساط ایتش اولان عزم وثباتلری، بونمره ممنوعه بی
اله کچیرمک خصوصنده ده قوالاندیلر . بوجه ایله ، عالم نیاه
ستده ومختلف دوائر اداره ده، عددلرینه نسبتاً بک فائق موقعلر
طوتدیلر .

اونلر بواقبالرینه سویمکده ، قتولیکلرده اونلره حسد
ایتمکده درلر . بو حال هرایکی طرفکده دورین اولمالرندن
ایلری کلیر . زیرا بیلیمورلرکه اومیوه مهلك برمیوه در .

مسالک مستقله بی اهل ایتیمکده اولان موسویلرله پروتستانلر
بیلیمیه رک کندی اساس قوتلری ترک ایلیمکده درلر

استقبال بونی اونلره اوکرده جکدر . وبو کجیکیمیه جکدر،
(روشل) ده کی اسکی پروتستان عائله لر بک انسانی، شمیدین، اداره
مأمویتلری وآوقاتاق ، غزته جیلک ، دو قوتورلق کبی سربسته
صنعتلر اوغورنده ، تجارتی ترک ایلشلددر .

مناصب سیاسییه واداریه دن تبعید وبودجه نك منافعتدن
محروم ایدلدکلرندن طولایی شکایت ایدن، وبودجه یه طوغری
دست نیازلری اوزاتان قتولیکلر محروم بصیرتدر . آکلامبو

لرکه، نفوسلرینک زیاده لکنه رغماً، کندیلرینی اهمیتسز برحاله
 کتیرن شی، صرف قتولک. زادکان ومتوسط صنفلرینک،
 مناصب رسمیه ایچون، مسالک مستقله یی اهل ایش اولملریدر.
 قتولیکار! سز موسوویلرک، پروتستانلرک احراز ایلدکلری
 نفوذ واققداره حسد ایدیوسکیز. ایشته سزده اونلری موقع
 اقتداره ایصال ایدن طریق آچدیلر. حنی سزی اورایه ایتوب
 سوربورلر بیله. سز مادام که کندیلککیزدن او طریقه کیر-
 مکن بوقدر تحاشی ایدیورسکیز، بومعامله سزک ایچون بر اثر
 یوری طالعدر.

اعتساف، اشخاصی زده لیه بیلیر. فقط عرقی بویولتیر.
 مع هذا اوندن استفاده ایتکی بیلیمک شرطدر. موسوویلرله
 پروتستانلرک، دوچار اولدقلری اعتسافندن استحصال فوائد
 ایدم بیلدکلرینی سویلدم. دیکر بعضیلری واردر که بو استفاده یی
 ایدمه مشلردر. بونلر اعتسافک فوائدندن استفاده به مقتدر
 اوله مدقلرندن اولک ضربه سیله محو اولمشلردر.

لهستان و ایرلاندا، بیکلرجه امثال تاریخیه میاننده، بونک
 شایان تذکار ایکی مثالیدر. لهستان قراللیغک دائماسلح ویکد-
 بکره علیهدار فرقه لره انقسامی، مداخله اجنبیه یی وبالآخره
 مملکتک تقسیمینی ناصل تسهیل ایش اولدینی معلومدر. کذلک،
 متروک بر اقیلان مالکانه لرینک اداره لرینی تکرار اله آلق و حیات

خصوصیه ده و طریق سعی و عملده کسب قوت ایلک ایچون بو
آجی درسدن، لهیلیرک استفاده ایده مدکاری ده معلومدر .

لهیلیر مستقل قالدقلى مدتجه، مملکتلرینی فترت سیاسیه
ایچنده بولوندر مقدن باشقه برشی یابه مدقلى کبی، تابعیت اجنبیه.
یه کچدکن صوکرده ده، حسن استعمالنده دائماً قابلیتسزک کو.
سترمش اولدقلى او استقلالی تکرار اله کچیرمک ایچون، صیق
صیق عصیانلر ترتیدن باشقه برایش بجره مدیلر .

لهستان، صدمات اجنبیه دن زیاده، حیات عمومیه نک حیات
خصوصیه غایبه سی موجب اولان برطرزک تأتیری آلتنده، سقوط
ایتمشدر . اصلی غائب ایتمش، اکثریا حایلار و مسرف و بر
طاقم پارلاق اوصاف ظاهریه ایله مزین اولوب اساسی و متبن
مزیتلردن محروم اولان بر قسم لهستان زادکانی، بالتدریج اورو-
پانک بویوک شهرلرینه طاغیلمشلردر . ایرلاندانک حالی لهستانه
مشاهددر .

ایرلاندالیر، تابدایت ظهورلرندن بری، رئیس لرینک اداره سی
آلتنده قبیله، قبیله یاشامغه آیشمش اولان (سلت) قومه
منسوبدرلر .

بو قبیله لر یکدیگریله دائماً مجادله حالنده بولندقلى ایچون،
هر برینک باشایچه دوشونجه سی، احراز حاکمیت ایتمی ده

زیاده مأمول اولان قبیله یه انتساب ایدرک ، قبائل سائر یه تحکم و اونلر اوزرینه چاپول ایدم بیلیمک ایدی .

مشهور قیصر بوجادلات دائمه قبائلی نظر دقته آلمش و بوندن استفاده یه موفق اولمشدر . سلت ده ، لهلی کبی ، سعی و عمل ذاتیسندن زیاده ، تحکم سیاسی سایه سنده یاشامغه آیشمش برآدمدر ، دنيله بیلیر .

ایرلانداده زراعتک ، صنعت و تجارتک اصلا ترقی ایده . مامش اولدینی و سببی ده بوحال دن عبارت بولندیغی معلومدر . انکلتزده افراد عسکریه نک و پولیسلرک منحصرأ ، اسقو . چیا طاغایلری و ایرلاندالیر کبی سلب عنصرینه منسوب اولان اهالی میانندن قید و تدارک اولمنی شایان دقتدر .

سلتلر ، حیات خصوصیه و مساعی شخصیه نک بخش ایلدیکی فوق اجتماعی یه هیچ بر زمان و اصل اوله مامشار و بوسبيله ساقسونلرک اوکنده مجبور رجعت اوله رق ، اونلرک حاکمیتی آلتنده قالمشدر . ساتلرک تشکلات اجتماعیه لری مع التأسف کنیدیلرینک - موسویلرک و برتستانلرک پایدق لری کبی - حیات خصوصیه و مساعی شخصیه طریقنه سلوکارینه مانع اولمشدر . ساتلرک دوچار اولدق لری اعتسافات ، کنیدیلرنده عرقلرینک نمایلات غالبه سنی یعنی غائب ایتدک لری نفوذ حاکمیتی جبرأ استر .

داد ایتک آرزوی شدیدنی تهییج ایتمکدن باشقه برشی باجلا مشدر .

بوندن طولاییدرکه ، ایرلاند تاربخی ده، لهستانکی، کبی استرداد حاکمیت اوغورنده وقوعه کتیرلمش اوزون برسلسله قیام واختلالدن عبارت قالمشدر .

بو کیفیت، اخیراً رهبانک فرانسه دن طردی ائساننده ، بو معامله به قارشی اک شدتلی مخالفت مساحه نک بره تانیا ایالتنده ، یعنی فرانسه نک سات عنصرینه اک زیاده نسبتی اولان حواله لیسنده ، وقوع بولسنگ سببی ایضاح ایدر .

ایرلاند الیرلی تهیجات سیاسییه دوشورنشی، انکلیز حاکمینی اوزرلرندن آتق آرزوسی اولدینی درمیان اولونویور سده ، مع التأسف بو سبب ممکن القبول دکدر .

معلومدوکه ، آمریکا حکومتات متحده سی داخلنده برچوق ایرلاند الیر واردر . بونلر اوراده عناصر سائر ايله متساویاً حربتدن مستفیددرلر . کندیلرینی چالیشمقدن ، حیات خصوصیه لرینی برصورت متینه ده تأسیس ایتمکدن ، هیج برشی منع ایتمز . حال بویله ایکن، بونلر اوراده دخی ترجیحاً مناسبه سیاسییه آرارلر . پولتیقه جیلر بالخاصه بونلر میانندن ظهور ایدر ، دوائر حکومتی بونلر طولدیریر .

(نیو - یورق) شهرینی اوزون برمدت مظالمیه ازمیش

اولان (تامانی) جمعیت مشهوره سنک عناصر اداره سنی ایرلاند. لیلر تشکیل ایتمکده ایدیلر. والحاصل، ایرلاند الیلر سودای حاکمیتدن کچه مزلر. و بو حاکمیتیه نائل اولدقلری زمانده اختلا. لکار اولورلر. علی العاده سعی و عملدن هر حالده ارثی بر استکراه طویارلر. مع هذا، حکومتات متحده داخلنده یرلشمش اولان ایرلاند الیلردن بعضلرینک، (یانق) عنصرینک تأثیر نفوذیه، مسالک مستقله یه سلوک ایچون پولتیقه دن اوزا قلاشمغه باشلا. دقلرینی مشاهده ایتمکله بختیارم.

بونلردن مستعد اولانلر، تشکلات مشئومه اصلیه لرندن تخلیص نفس ایده یللدکاری درجه ده، تعالی ایتمکده در.

اقوامکده، اشخاص کبی، قابل تشفیه ارلدقلرینی اثبات ایدن بومثال، تسلیمت بخشادر. بودرسی خاطرده طوتوب اوندن استقاده یه چالیشه لم.

— ۲ —

بوراده، بکا ایراد ایدلمسنی ماحوظ کوردیکم بر سؤاله جواب ویرمه که لزوم کوریورم.

بکادینیه بیلیرکه: «فرانسه ده برچوق چفتجی وارباب صنعت و تجارت، یعنی مسالک مستقله ده کندی کندیلرینه برر

موقع طوته بیامش آدمیر، واردر . سزک نظریه کز جه ، بونلرک
تعالی ایلیری و تشبث شخصینک وسیعی و عمل و ذاتینک تمیه
ایلدیکی اوصاف عالییه یی اکتساب و بوصورتله عظیم بر تأثیر
اجتماعی اجرا ایتلیری لازم کلیردی . حال بوکه یوبله اولیور ،
اونلر نفوزه مالک دکلدرلر . افکار و مؤسسائی اداره ایدن
دائما پولتیقه جیلر و مأمورلردر .»

بو حال شوندن ایلیری کلیرکه، او آدمیر، یوقاریده بحث ایتد
یکمز عروق مختلفه متفوقه یه نفوذ اجتماعی یی و یرن شرائطه رعایت
ایتمه مشلردر . یالکمز مسالک مستقله یه سلوک ایتک و چالیشمق
کفایت ایتمز . چالیشمه نک مفید بر طرزی اولدینی کبی غیر مشرب
بر طرزی ده واردر .

بزم طرزمساعیمز فنا اولدیغندن، اعمالمزک بوتون فوایدینی
ازاله ایدیور . بزده (فرانسه ده) بر چفتچی . بر صنعتکار ،
بر تاجر، آز چوق ثروت جمعنه موفق اولور اولماز، ایلک دوشونجه سی
در حال ایشدن چکلمک و اوغللرینی مناصب سیاسیه یه، مأموریتلر
یا خود آووقاتلق، غزته جیلک و سائره کبی سربست صنعتلره ایصال
ایده بیلرک مکیتلره سوق ایتکدر .

بزم اصول تربیه مز بودر . بونک زنکین قزلرله ازدواج
ایده بیلرک ایچون برواسطه اولدینی ده دوشونولور . زیرا قز

بابالری، دامادلرند، اوغللری ایچون آرزو ایتدکلری عین اوصافی آرارلر.

هرکس نفسنی تدقیق ایتسون، بو سویلدکلر من بر حقیقت دکلیدر؟

بو حالت فکریه دن غایت وخیم بر نتیجه حاصل اولیور :
فرانسه ده صنایع اساسیه و حیاتییه من بطنده باشمنز قالیور .
صنایع مذکورده، کندیلرینی کاله ایصال ایده جک و، حال و موقع مالیهی، کار آشنایی، انسانلری سوق و اداره و افکار عمومیه ایجرائی تأثیر ایتک خصوصنده کی قابلیتلی سایه سنده،
بر رکن اجتماعی حاله کله بیله جک اولان اکیوکسک رجالی بو صورتله متوالیاً غائب ایدرلر. بو صنایع اربابی اوغایه یه دائماً تشمک اوزره بوانور؛ فقط اصلاً یتیشه منلر. چونکه، تام جردی بر قوه اجتماعی حاله کله جکلری صروده، مسارعة ترک مسلك ایدرلر.
بویله آدملر زراعت و تجارتی تعالی ایتدیرمه و رقابت اجنبیه یه مظفرانه مقاومت کوستر مه ناصل مقتدر اوله بیایرلر؟ بورقابت کوندن کونه بویویور. دهها شمیدین بزی باطیریور. و اسپانیا، پورتیکیز، لهستان، ایرلندا و سائره نک قدرت اجتماعی لربنک، زوالکاهی اولان بر نقطه یه طوغری سور وکله یور.

بویابده، هیچ اولماز ایسه فرقه لک خشین مجادلاننده مغلوب اوله رق، مسالك خصوصیه یه آتیلمش اولان مغلوبین سیاسییه

بنای امیداولنه بیلیردی که، بو آدم لر، هیچ دکلسه حیات عمومیه نك آجی ثمره-نی طاتمش وایچندن، ازیلش و آز چوق حیثیتلرینی غائب ایتمش اولدقلری حالد، چیق دقلری او حیاتك پك تمیز اولمیان قعرینی کورمش، یوقلامش لدر .

بونلر او حیاتدن استکراه ایتدکلرینی سویلرلر . وفی الحقیقه صوڪ درجه استکراه ایللری لازم کلیرایسه ده، مع التأسف ایتمه مشلدر .

اومجادلادن بعضاً خفی، بعضاً جلی و فقط دائماً سرت و ناقابل تسکین، برامل ایله - فرقه لریله برابر تکرار موقع اقتداره کلک امل یکانه سیله - آیرلشلدر .

بونلرک برچونگی، املارینه موفق اولمق ایچون، زراعت، صنایع و تجارت عالم لرنده کی موقعلرندن استفاده یه چالیشیرلر. سیاست عمومیه یه اشتراك ایدمه دکلری ایچون، چک دکلری برلرده سیاست محایه ایله اوغراشیرلر. بومسلک لر کندیلرنجه بررینک طاشیدر. بو ائاده زراعت یا خود دیگر هر هائی برنام آلتنده سند یقالر، اتحادلر، اتفاقلر وجوده کتیر یایرکه، غایه سی اکثر یا بعض ذواتی مواقع اقتداره اصعادتیمکدن عبارتدر. ایاری یه سوریلن بو ذوات ایسه، عمومیتله اوسند یقالرک، اتحادلرک، اتفاقلرک، نامی طاشیدر قلری ایشلره بیکانه درلر.

بو جمعیتلرک نظام نامه لرنده سیاستله اشتغال ایدلمیه جکی کاله

اعتنايله بيان وتصريح اولونور. بر کره بویه بر اعلان یابیلدقدن صوکره، آرتق تأمین محفوظیت ایدلش اولور. بلا پروا پولتیقه ایله اشتغال اولونه بیایر .

اطراف کزد باقی کز، بونک یوزلرجه امثالی کورورسیکز . تسلسل وانتظام ایسته یین و باشلرنده هر نقطه نظر دن متفوق آدم لر بولنسنه احتیاج کوسترن صنایع اساسیه و حیاتیه ده بویوک رهبر لر بولنمسنک سبی بودر .

دائما هر ایشه اشاغیدن باشلامق ایجاب ایدر. صنایع اساسیه و حیاتیه اطلاق لازم کلن بو صنایعک اربابی ، نفوذ حکومتی اله کچیرمکدن و اوسایه ده کچینمکدن قطعاً فارغ اولدقلری کون، مملکتده حقیقی بر نفوذ صاحبی اوله جقلر . برر رکن اجتماعی حاله کله جکلر در .

ارکان سیاسیه هیچ بر زمان ارکان حقیقیه اجتماعیه مقاوم ایدماملر در؛ بونک ایضاحی قولاید ر .

پولتیقه جیلر، مدیر و یامأمور لر، بالنفس هیچ بر نفوذ مملک دکدر لر . اونلرک نفوذی مملکتک وکالتی حائر اولملرنند ر . بو وکالت ایسه بیقرار و موقندر؛ هر لحظه رفع اولنه بیایر .

بوسبیلله اونلر هر شیئی غائب ایتک فکریله دائمایتدر لر . ذهنلرنی اشغال ایدن ک بویوک اندیشه بودر . بو عادت اونلره مسلط بر فکر ثابتر . مسئله چیقار ماق کندیلرنجه بر قانوندر .

عهده‌لرنده بولنان نفوذی محافظه ایچون هر شیئه حاضر در لر .
تحقیق ایتدکاری بر شیئی تبجیل یا خود تبجیل ایلدکاری بر شیئی
تحقیق خصوصنده نادراً تردد کوستر لر .

بو حال، ظاهر و هر کسجه معلوم در. و بنده معلومی اعلامه
چالیشیر کی کورونیورم . مع هذا معلومی تکراردن خوشلانانلر
ایچون شونی ذکر ایده جکم :

برنجی ایمر اطواراگک هنکام تأسسنده، یکدیگری علیه اجر
ایلدکاری متقابل قتل عاملردن قورتیله بیلیمش اولان قونوانسیو-
نلر و تروریستلر مناصب یغماسنه آتیلدیلر . اولجه ناصل
صار صاماز برر، (سان کولوت)، (زاقوبن) ایدیسه لر، در حال
اودرجه صاغلام برر ایمر اطورلق طرفداری اولیویردیلر ...
وقتیله اختلاجلیرک لباسی، سرپوشنی ناصل سهولتله طاشیمش
ایدیسه لر، ایمر اطوراق مأموریتلرینک صرمه لی اونیفورمه لریخده
اولیه سهولتله اکتسایلدیلر... بولر هر کسک معلومیدر .

جریان ایدن حال، ساده جه بویکی دوره آره سنده، بر حرکت
ارتجاعیه سبیهله، محبط اجتماعینک تبدل ایتیمش اولمسندن عبارت
ایدی . ناصل که، مؤخرأ بری برینی ولی ایدن مختلف اداره لر
اثناسنده ده بویله اولدی . بر مأمور کندیسینی بسله یین بر اصول
اداره اوغورنده نادراً فدای نفس ایدر .

محیطه تعیین استقامت ایدن ارکان اجتماعیه در. ارکان مذکور،

حیات خصوصیه نك رئیسری و حیات خصوصیه ایسه، حیات عمومیه نك حاكم و ناظمیدر. بر ركن اجتماعى ایچون اك بویوك شرط، مناصب سیاسیه دن هییچ برینه نامزد اولماق قدر. واثیقہ ایله اشتغال ایدن بر آدم، اخلاق و خصائص اجتماعیه جه تدنی ایتشددر. او، مناصب سیاسیه به نامزد اولمق فکرینه یرلشدیردیكى دقیقه دن اعتباراً دوچار تنزل اولمشدر. بو آندن اعتباراً او، فکرنده اولیان سوزلری سویلکه، تصویب ایتدیكى افعالی اجرابه، خوشلانمادینى آدم لرله برلشمکه، هرالى صیقمغه، هر ایشی یاتمه مجبوردر.

(قوت شامبور) ك حین وفانده (قوت دوپاری) بعض ذواتی، حالت روحیه عمومیه یی آكلامق ایچون، بالذاقارسه دعوت ایتشدی. (لویلاى) ددكى مكتب اجتماعینك تمایلات فکریه سنى آكلامق آرزوسيله، بكاده كندیسنی كورمه می رجا ایتك لطفنده بولونمشدی.

بن مشارالیه، بنجه قطعی كوریان و كیمسه طرفندن سویلنلمسی محتمل اولیان سوزلری سویلکی ایجه قرارلشدیرمشدم. حال و موقع مشكل ایدی. زیرا سویلنه جك سوز خوش اولمادیغندن سویلسی ده قولای برتنی دكلى.

قوت، اولابجی، اوزون مدت اقامت ایدرهك ایجه طانیدینى و بك زیاده تقدیر ایتمكه اولدینى و حقنده بعض آئاردخی یازمش

بولندينى، آمريقا حكومات متحده سنه تعلق ايتدير مك صورتيله،
 بنى مشكلاتدن قورتاردى. بن، حكومات متحده نك حائز اولدينى
 تفوق عظيمك؛ اهايسنك، حيات خصوصيه ي حيات عموميه دن
 زياده تقدير، ومسالك مستقليه ي مناصب سياسيه يه ترجيح، وبو مناصب،
 نظر لرنده پك آز صاحب اعتبار وحيث اولان كيمسه لره ترك
 ايتكمده فقط اولنرك پك زياده اكتساب نفوذ ايتلرينه اصلا
 ميدان بر اقامقده اولمرندن ايلرى كلديكىنى ايتا ايتدم .

قونت، بوسوزلرمى تصديق ايلدكدن ماعدا، بونلرى تايد
 ايدجك بعض وقايع بيله ذكر ايتدى. وبكا، حكومات مزكوره
 حقنده پرورده ايلديكى تقدير ات عظيمه يى بيان ايلدى . متعا
 قبا، فرانسه ده قراللغك اعاده سى مسئله سنده نه فكرده بولنديغى
 صورتى . زمين ابى حاضر لاشدى . جواباً : فرانسه ده
 جمهوريتك تاسى، قراللق طرفدارانندن بر چوقلرينك عالم
 سياستدن و مأموريتلردن تبعدينى انتاج، واوللرى ، املاك
 و اراضيلرينك باشنده بولنه رق اداره ايتكمه ياخود صنايع
 وتجارته ويا بانقه لره كيرمكه اجبار ايلديكىنى ، وبونك، كنديلرى
 ايچون اولدينى قدر، مملكت ايچون ده فائده لى اولديغى سويلدم
 و قراللغك اعاده سى، بوتون بوزوانى در حال قراللك اطرافته ،
 سرايه و دوائر حكومه تهاجم ايتديره جكنى، وبونك نتيجه سى
 اوله رق ، قوه اجتماعيه جه بر تدنى عظيم حاصل اوله جنى

علاوه ایتدم. قونت باشنی صاللا دی، ویوزیمه باقهرق، بویوک
برمال حزن ایله، : « بک زیاده حقکنز وار؛ سزی تامین
ایدرم که، بنی اک زیاده دوشوندیرن بوجهتدر. » دیدی.
بکا کلنجه، بن قرالغک اعاده سی کیفیتنک عدم وقوعی مرجح
اولدینی فکریم

— ۳ —

قوای اجتماعیه نک تسریع تعالیسی ایچون، مؤسسات عظیمه
خصوصیه صاحبیری ایله صنوف روحانیه رجالی نژدنده بر
استنادگاه بولمق لازمدر. بونلرک موقعلری حسیله حادثاتی دیگر
وطنداشلرندن دها مدققانه کورملری و حال و موقعی دها ابی تقدیر
ایلملری ایجاب ایدر. مع التأسف، بومؤسسات عظیمه نک باشلرنده
بولنلر، شمیدیکی حالد بوبابده بررمعاون دکلردر. حتی اونلر،
بالاده ارائه ایلدیکم حالت اجتماعیه نک بالذاته محصولی اولدقلرندن،
اکثر احوالده مانع وضعیتنده بولونورلر.

مثلا، زراعت و صنایع و تجارتک تعالیسنده طوغریدن طو-
غری به او قدر علاقه دار اولان، بویوک شمند و فرقومپانیالرندن
بوخصوصده یاردیم بکله نیله یلیر ایدی. حال بوکه، بو قومپانیا-
لرک تعرفه لرندن، و حکومتدن اقتباس ایلدکلری (بوروقراسی)
اصولندن و معاملات قرطاسیه دن طولانی، علیهلرنده برصدای

عمومی شکایت یو کس لمکده در. تشبث شخصی، شوآنده (لوآر)
سیرسفائتک اصلاحی، پارسه نهرآ اشیا و امتعه نقل و ادخالک
تسهیلی کبی ایشلر ایچون، شایان تقدیر مساعی صرف ایدیور.
بوتشبتانک پیشنه چیقان حائلردن بری، شمندوفر قومپانیالر-
مزددر.

بونقلیات قومپانیالری، کندیلرینککندن باشقه بالجه وسائط
نقلیه نک ترقیسنه عایهداردلر.

نخبه متفکرین اولملری و کالیله ترقی پرور هیئت تشکیل
ایده رک، دائما ایلریده بولملری ایجاب ایدن بوشرکتلرک
رؤسای، دائما کریده قالیورلر. سیرترقیاته، قوتله صیقیشدبرلمش
بر (فرن) کبی، مانع اولیورلر.

اونلر، شمندوفر تأسیسنه شدتله مخالفت کوسترمش اولان
اسکی پوسته مأمورلرندن زیاده برکشایش فکر کوسترمه مکده درلر.
او پوسته مأمورلری کبی، بویوک ددمیریوللری رؤسای ده، وسائط
نقلیه ترایدایتدکجه مناقلاتک دخی هرجهتجه و هر واسطه ایله تراید
ایایه جکی متعارفه سنی فهم و ادراک ایده بیله جک، و ترقیانتک
توقیف اولنه میه جنی واک سالم وفائده لی طریق او ترقیاته اشتراک
ایده رک فوائدندن مستفید اولماق اولدینی فکر بسیطی آکلایه.
جق درجهیه واصل اولمامشلردر.

آلمانیا، قنالر کشادی و مجاری میاهک تنظیم و تسویه سی

کئی عملیات جسیمہ یہ، شمندوفر قومپانیالرینک معاونتیلہ تشبث
ابتدی. وبوسایہ دہ، (هامبورغ) یاقین برزمانده تجارت بحریہ.
مزی محوایدہ بیلہ جک جسیم برلیمان و (ٹالب) نہری اک
معظم وسائط نقلیہ دن بری اولدی .

معلومدرکہ، لوندرہ دن ٹہ دیمبورغہ کیتیمک ایستہ بن سیاحلر،
بش مختلف شمندوفر قومپانیاسی بنندہ مختاردرلر . بوقومپا.
نیالردن ہربری، یولجیلری دہا سر یع . دہا اوجوز و دہا
راحت نقل ایتمک خصوصندہ، یکدیگریلہ مسابقہ ایدرلر. بن،
ایکی قومپانیا آرسندہ برآی دوام ایدن برمسابقہ دہ حاضر
بولوندم . ہرکون لوندرہ نک ایکی مختلف غارندن (اینورنہس)
متوجہاً ایکی ترن حرکت ایدیور، و بوترنلر، برنجی اولہرق
محل مقصودہ واصل اولمق ایچون، بری بریلہ یاریشیورلر ومدت
سیاحت ہرکون برقاج دقیقہ قیصالیوردی .

شمندوفر قومپانیالرینک، بزده کی کبی (پولیتقنیک) مکتبندن
جیقمش، خصوصیلہ نظریاتجی ومأمور اولمق اوزرہ یتشمش
مهندسلر طرفندن استیلا ایدلسی، موجب ممنونیت برشی اولوب
اولمدینی محتاج ملاحظہ دکلدر . بومکتبک اصلاحی وبعضیلرینہ
کورہ سد والغاسی درجہ وجوبدہ در .

بز بویوک بانقہ لرمزدن و، انواعاعلانات واسطہ سیلہ ثروت
عمومیہ نی یدضبطہ کچیرن، مؤسسات مالیہ مزدن استعانہ ایدہ ییلملی

ایدک . . . بوبانقه لرك رأس اداره لرنده بولنان ذواتك، احتیاجات
زراعیه، صناعیه، تجاریه واستعماریه بی درك ایدم بیله جك بر
ذکایه مالك اولماری ایجاب ایدردی . . .

انكلترده، آلمایاده، آمریقادا بانبه لر، بوقیلدن بوتون
تشبثاتك اك بویون استناد کاهنی تشکیل ایدرلر . بومملکتلر،
بزم روحسز، طونوق حاملزله اوقدر بدبختانه بر تضاد تشکیل ایدن
فعالیت عظیمه بی بوقومپانیالره مدیوندرلر .

بزم بانبه لر مز، پاره لرینی ساده جه فائض یاخود اسقونطو
معاملاتنده قوللانیرلر . بانلیجه معامله لر، زیاده مقدار قومیسون
آله رق، تحویلات اخراج ایتمکدر . اخراج ایدیلن تحویلاتك
اکثری ایسه، مشکوک اولدیغندن، بومعامله، اساساً معدوم
اولمقدن باشقه، سرمایه دارانی زراعت، صنایع، تجارت ایشلرندن
باخصوص بوایشلره بالذاة تشبث ایلمکدن واز کچیردیکنندن
طولانی، مملکت ایچون فلاکت آوردر .

تجربه ایچون بوبانقه لر دن برینه کیدوب، بونوعدن برایشه
اشتراکنی تکلیف ایدیکز؛ فقط وقتکیزی اضاعه ایتمک ایست
ایسه کز، بهوده بوتجربه یه قالدشمیکز . . .

تجارت اوطه لر مز دن استمداد ایله بیلمی ایدک . . . لکن، بزم
زنکین تجار مزك باشایچه تمایللری نه اولدیغنی سویلشدم . اولره
برآن اول ایشدن چکیله بیلمک اندیشه سیله پك مشغولدرلر .

بزه چینهده مخر جملر كشادينه چايشان (ليون) تجارت او طه سی
 كبی ر قاج تجارت او طه سنك مساعی جدیدده بولند قلیخی سیلیرم .
 فقط بواو طه لر ، كندی كندی موقعنده طوته ییامكه او غراشان
 حكومت ، وموقع حكومتده كچن شیرلی آكلامغه چالیشمقله
 مشغول اولان افكار عمومیه طرفندن ، بك آز مظهر حمایت
 اولمقده درلر .

سیر سفائن شر كترلر مزد دده ، خاطره قبیانندن اوله رق ، بحث
 ایده جكم : زیرا بوكون خیلی محدود اولان اخراجات وادخا.
 لاتمرك قسم کلیسی ، اجنبی بایراغی حامل سفائن ایله وقوع بولو-
 یور . سیر سفائن شر كترلر مز بزه معاونت ایتمزلر ، بالعكس
 كندیلرینه معاونت اولونور . اولر آنجق دولتك معاونت
 نقدیه سی و تجار سفائننه بخش اولنان اكرامیه لرله یاشارلر .
 بواكرامیه لر اولماسه ، فرانسه دستكاهلرنده برتك کمی انشا
 اولنه ماز و بودستكاهلری اقامتدن باشقه چاره قالمایدی .
 اسپانیا بحریه سی خارج طوتولدینی حالده ، بزم بحریه مزك حالی
 قدر آجینه حق برشی بیامیورم ..

پارس اومینیوس شر كتی حقندهده ، یالکز بركله سویلمدن
 كچه میه جكم : هیچ اولمازسه برسوقاقدن دیکرینه کیتك ایچون
 اولندن استعانه ایده بیلملی ایدك . . . حال بوكه ، بوشر كتك ممکن
 اولدینی قدر فنا یاپه بیلمدیکی برشی واریسه اوده ، بالخاصه بودر .

او : يالکيز بر شيشی تنظيم ايدە ييامشدر ، همده بک ايی تنظيم ايتشدر : انتظار .

بوانتظار ايچون او ؛ بر چوق دکانلر کرالامش و هيچ بر مصرفدن قاچنماق ادعاسنده بوانديغندن ، ترجيحاً کوشه باشلر نده بولان دکانلری استيجار ايتشدر . چونکه بونلرک کراسی دهابهاليدر . بونی ياپدقن صوکره ، متعدد مأمور صهنفلری ايجاد ايتشدرکه ، بونلردن برطاقی ، اوطوردقلری یرده صره نومرولری توزیع ايدر ؛ برطاقی ده آياقده بولنه رق ، مشتریلری آرابه لره قدر کوتورور و صره نومرولری اللرندن آلیرلر . بومأمورلرک بروظيفه لری ده ، یر بوله میان بر چوق ، شتریلره تسلیت و یرمک واونلره ، کله جک آرابه لرده یر بوله بیله جکلرینه دائر القای امید ایتکدر . بودکانلرک ، بوتسلیتلرک قومپانیاه قاچمال اولدیغنی نخمین ایدە بیلیرسیکیز .

بونلراوقدر بهالی یه مال اولورکه ، انتظار مسئله سنی اودرجه کوزل تنظيم ایش اولان قومپانیا ، عزیمت ماده سنی تنظيم ایدە . بیامک ايچون آرتق کافی درجه ده منابع ثروته مالک دکدر . تعالی امرنده ، وفرانسه ده طرق نقایه نک توسیع واصلاحی خصوصنده بو قومپانیا دیرکتورلرینک بزه معاونتده بولنه بیله . جکلرینه بک اعتماد اولنه ماز صانیرم . . .

بزم ایچمه زده بر صنف ذوات واردرکه ، عالم انسانیتده موجود

اك بويوك قوۋە اخلاقىيەنى تىمىل ايدرلر . عنوانلرى و حال وموقعلىرى ايجانبجه ، بو آدملىك عاقل ، بصيرتكار ، صالح پرور اولملىرى ايجاب ايدر . بونلر ، برملىكتى تعالى ايتدىرمك واوكا تامين صالح ورفاهيت ايلك ايجون ، عظيم برقوتە مالكدلرلر ، ياخود مالك اولملىرى لازم كلير .

آكلايورسيكزكه ، مختلف صنوف رهبانندن بحث ايتك ايستەيورم . رهبانده ، صنوف غير روحانيه رجالي كچي ، داخلىنده ياشادقلىرى حالت اجتماعيه نك محصوليدلرلر . بناءً عليه ، اولملىرى فكلرلرندن و افعال اجتماعيه لرندن طولايى ، بريكيلىردن زياده مسئؤل طوتىق موافق معدلت اولماز . اكر اونلرده دولتك قدرت مطلقە سنه ، موقع اقتداره كچمە نك موجب منفعت اولنديغنه ، مأموريتلرك و مسالك سائرۋ ممانلە نك مسالك مستفاه يە نفوقته اعتقاد ايدييورلر ايسه ، ضلالت عاميه اشتراك ايتىش اولمقدن باشقه برشى ياپىش اولميورلر .

محيط اجتماعينك نتيجه تائيرى اولان بر حالدن طولايى ، دىنه عطف مسئؤليت ايتك طوغرى اوله ماز .

فقط بورالرى معلوم اولمقله برابر ، حقيقتى سويىش اولمق ايجون شونى ده بيان ايدلم كه : رهبانيتى تىمىل ايدنلرك ، ممالكلىرى ايجون محقق بر طريق انقراض اولان خطيآت اجتماعيه دوشمه . مكاه ، دىنويلردن زياده ، مكلف اولدقلىرى ده قابل انكار دكلدر .

حائز اولد قلمری وظیفه عالیہ مقتضاسنجہ، اولر؛ بوقدر مخاطرملی اولان شیرحقنده، خفته اداره کلام وتدقیقات مدیده ویک جدی ملاحظاته بولونقسزین اعطای حکم ایتمه مکہ وجداناً مجبوردرلر. چونکه جناب حق عندنده وانسانلر نزدنده دینو یلردن دهها زیاده مسئولیته معروضدرلر.

بونلرک اقوال و افعالی بوتون هم مسلیکاربینه تعلق ایدهرک، کرک اولرلی کرک عموم افراد مذهبی، حتی دهها آز مخاطرملی اولماق اوزره، بالفس دینی لیکه دار ایدهبیله جکندن طولابی، مسئولیتلری آعیرلاشیر.

بن شاید فتوایک پایاسی یاخود پروتستان راهبی ویاخاخم ایش اولسه ایدم، حضور الهیده یکده استراحت و جدانه عرض وجود ایدهمیه جک و، «راهب! مملکتک انقراضی منع ایتمک ایچون نه بایدک؟» یاخود، «راهب! سن مملکتک انقراضنه چالیشانلره مشارک اولدک!» خضابلرینه هدف اولمخی یکده آرزو ایتمیه جک ایدم.

طن ایدرمیسکزکه، محکمه کبرای آلهیده دیگر افعالند صره سنده بوندن طولابی ده محاکمه ایدلمه؛

رهبان صنفی اسپانیاده فائق وهانده مطلق برنفوزه مالک اولدی. نظر الهیده وانظار بشرده صنف مذکورک؛ اوزوالی مملکتک اضمحلانله مانع اولمقی ایچون، لارم کلن شیئی یایش

عد اولنه بیاملری قابلمیدر؟ اسپانیا راهبرنی اسپانیانک رجال سارهندن دهامصون العتایمیدرلر؟

بو کتابده تلخیص ایتمهک چالیشمقدده اولدیغم سعادت اجتماعیه شرائطی براصون، بر نظریه اولمیوب، تاریخ و تجربه نك نتایجیدر. بوجهته، شرائط مذکور فکرك بر اختراع مصنوعی دکل، مجرد عالم اجتماعیه حکمران اولان قوانینک عیناً افاده سیدر. بناءً علیه، بوقوانینی خلق بویوران جناب حقک محصول قدرتیدر. بوسیله دیرمکه: صنوف روحانیه؛ طبقی صنوف جسمانیه کبی، بوقوانین الهیهی بیلمک وظیفه قطعیه سیله مکلفدرلر. بوبابده تخیلات و اختراعاته مساع یوقدر. اگر اونلر، بوتون قوتلریله بوقوانینی حقیقی وجه، ایله آکلامغه چالیشمازلرسه، مجرم ومسئولدرلر. حادثات اجتماعیه ایچوندده یروجدان واردر.

طرق مختلفه رهبانیتی تمثیل ایدن ذوات؛ سعی وعملک اجتماعی نقطه نظرندن، حکومتدن دهامؤثر اولدیغنه قناعت حاصل ایتدکلری کون، افکاره بویوک بر سکونت کله جک و حاکمیت سیاسیة مجادلاتی اورته دن قالقه جقدر.

انجیلده «اکمکی آلنکک تريله قازانه جقسک» دییه محرردر. «کندک بالذاقه لرلرینه کچوب راحتجه یاشامق ایچون، قارداشلرکی بولندقلری کوچوک مناصب سیاسیة دن، مأموریتلردن طرد

ایتمک صورتیله، اتمککی قازانه جقسک» دییه یازماز صانیرم.
 اوخ! ایشته نه اعلابر موعظه زمینی! اکر واعظ، سوزلربی
 افعالی ایله تأیید ایتمکده اعتنا ایده جک اولور ایسه، بوموعظه
 تماماً مقنع اولور.

بویله بر موعظه بی جمله من دیکله مک و بالخاصه افعالمازی ده
 اوکا تطبیقه محتاجز. ظاهراً پک دیندار و پک صوفی کورینن
 نه قدر کیمسه لر واردرکه، دیاتی اذکار لسانیه دن و طاعات ظاهریه
 دن عبارت اولمق اوزره تلقی و بونلر اجرا ایدلدکن صوکره،
 هرشی مباح اولور ظن ایدرلر.

صنوف مختلفه ده بولنان رهبان، اغتشاشاته صالح و مسالمتدن
 زیاده اهمیت ویریرلر. بوخطا دائماً عین سبیدن، دینه خدمت
 ایچون نفوذ حکومتی اله کچیرمک لازم کله جکی اعتقادندن
 نشأت ایدر. مال بوکه، بو صورتله دینه خدمت ایدلمز، اوکا اهانت
 ایدلمش اولور؛ ایشته او قدر.

یالکز جناب حقه و جمعیت بشریه یه قارشی مکلف اولدیقمز
 و ظائفی یکدیگر مزدن دها ایی ایفایه چالیشمق و دها شفققلر
 و، هر هانکی دین و مذهبه منسوب اولور ایسه اولسون،
 جنسمز حقنده دها محبتلی اولمق خصوصنده مسابقه ایدلم
 بزمه عین دینده بولمیان برهم جنسمزک، عندالهیده مهظر عفو
 مغفرت اوله ییلمسی، و بزم او عنایته بلکه ده عدم نائیتمز، احتیالو

دائماً دوشونه لم . بنجه بزی تواضعه سوق و بزه نجات آور بر
 اخوت احساس ایلیه جک و بلا تفریق جنس و مذهب هم نوعمن
 حقنده محبت القا ایده جک بوندن ای بر ملاحظه اوله ماز .
 ظن ایدرم که ، رؤسای رهبانیت بکا بو واسطه لری یازدیران
 فکری سؤتاقی ایتیمه جک لردر . کندیلرینه بونلری سوبله بن بر
 دوست ، همده آرتق بر ساعت زمان غائب ایدلمسنه و بر خطاها
 ارتکاب اولنمسنه میدان قالمدیغنی تقدیر ایدن بر دوست صدا سیدر .
 بز حاکمیت سیاسییه محتاج دکلز . فقط آسایشه وسعی و عمله
 کمال شدتله احتیاجمنز واردر . بالجمله عقول منوره و متوازنه
 اربابنک بو فکر دائره سنسده یکدیگره تقرب ایدهرک ، تعاضی
 افکار ایتملری و بو صورتله فرقه لرده کی مجنون ، حریص ، متجاوز
 آدم لره ناقابل اقتحام بر مانع کبی سداره اولملری لازمدر .
 هر هانکی طرفدن وقوع بوله جق تعرض قوایه قارشى ، اویله
 غیر قابل تزلزل بر حائل اوله بیلیمک ایسه ، حیات خصوصیه ده
 تکمیل ایتمش اولمغه متوقفدر . بن بالذاته شو دقیقه ده تاثیر
 شخصینک امثال سزاوان قوتنی تجربه ایدیورم . زیرا سوبلیدیکم
 و یازدیغم شیلری تطبیقه صرف مساعی ایلورم . بن ازوا کاهمده ،
 بوتون فرقه لردن خارج اوله رق ، وهیچ بر قوته استناد ایتمکسزین ،
 اصول تربیه و تدریس مزی باشند آشاغی تبدیل ایلیمکه عزم و توسل
 ایتدم . بو تصور ظاهراً غیر معقول کور و نور . . .

(نه قولده روش) مکتبی تأسیس ایدیله لی آنجق اوج سنه اولدینی حالده ، دارالفنون تدریسات پروگراملری بزم بومکتبمز ککنه توفیقاً اصلاح ایدلدی. دهاشمدیدن، هر طرفده حرکات مشمره تجددکارانه تظاهر ایدیور. سکونتله میدانله کلن بو حادثه بسیطه، اذهانی دهاشمدیدن اودرجه صارصمشد رکه، آرتق کری به دونمکه امکان یوقدر . طوعاً و کرهاً ایلری یورومک لازمدر .

هرایش ایچون قوای عمومیه دن امرلر اصداری بکلنمز. هرکس ایشنی کندی یاپار . اکر یاییلان شیرلری یاییلیورسه ، قوای عمومیه ایستر ایستمز اولرله اقتفا ایدر .



— یدنجی باب —

تثبت شخصی ؛ حریتی، آرای عمومی اصولندن زیاده، تامین
ایتمشدر

قورقارم که، قارئندن بعضیلری: « بوتون بودیدکلر یکنز،
احتمال که، طوغریبدر. فقط بز ؛ هیچ اولمازسه، آرای عمومی
اصولنه مالکنز. حتی بونی ایجاد شرفی بیله بزه عائددر.. هر شیئه
رغماً، بواصول بزه تامین حریت ایدر. دیگر بوتون اقوامه قارشی
غیرقابل انکار برتفوق بخش ایلر . بواصول ایله تثبیت
شخصیدن، امتیازات محلیه دن، عدم مرکزیتدن مستغنی
قاله بیایر. « دیمسونلر .

بن بومطالعہ بی نہ پک قوتلی، نه ده معقول عد ایتیم. فقط ،
بعض افکار اوزرنده اجرای تاثیر ایتمسندن قورقدیغم جهته،
اونی تدقیقه چالیشه جفم .

— ۱ —

اگر مختلف فرقه لر مزه آرای عمومی اصولی حقنדה کی
فکرلرینی صوراجق اولورسه کز ، بلااستثنا کافه سنک، بواصول

انتخابیه بی قبول و تصویب و پروگرام لرینه ادخال ایلدکلرینی اوکره نیرسیکمز . غریبدرکه ، بواصولی ایجاد ایدنلر قراللق طرفدارانیدر . بواختراعلک شرفی؛ قدیم، سال دیده، وستیزه جو اولان (غازت دو فرانس) ه عأددر . بو ؛ لوئی فیلیپک دور حکومتده واقع اولمشدر . اوزمان غازت دو فرانسك نشریا تنه راهب موسیو (ژهنود) نظارت ایدیوردی . مومی الیه؛ علیه یورو مکده اولدینی حکومتیه ایقاع مشکلات ایچون، الك اعلا واسطه، اونك آیاقلری آراسنه، قوجه مان برقیاکبی، آرای عمومیه مسئله سنی آتق اوله جفنی دوشوندی .

غزته سنده: « عجبا حکومت اها لیدن قورقیورمی؟ اها لینگ ضررینه اوله رق اجرای حکومت ایتك ایستیه جکمی؟ لسان الحاق لسان الحقدر . » دییوردی . بویله دیانت پرست بر غزته ده کوریان شوققره بك مؤثر اولدی . مومی الیه؛ دعوا سنه برقات دها رونق ویرمك ایچون ، غزته سنك سرلوحه سی زیرینه شوکله لری یازدی: « ملته مراجعت غزته سیدر . » بوندن ماعدا، غزته سنك بالاسنه شوطراز معینداری باصدی: « هرشی ملته عأددر وهرشی اوندن صدور ایدر . »

بوجدال؛ ۱۸۴۸ ده آرای عمومیه اصـوانك اعلانیه نها یتلندی . موسیو (ژهنود) (هوت غارون) ایالتی داخنده

نامزدلکنی اعلان ایتدی . فقط انتخاب اولمندی . آرای عمومیه اصولنک ایلک اثری کفران نعمت اولدی ... معلومدرکه، ۱۸۴۸ ده قدیم قرال خانداننک مدافعی اولان (له ژیتیمیسیت) لرله قتولیکار، آرای عمومیه لهنده کمال شوق ایلر رأی ویردیلر . حتی موسیو (مونتاگر) بواصول انتخابیه بی برعقیده مرتبه سنه اصعاده قدر واردی : « برتک وطنداشی آرای عمومیه یه اشترا کدن محروم ایتک برسوء قصه در » دییوردی . بوتاریخندن اعتبارآ، آرای عمومیه اصولی قراللق طرفدا راننک پروغراملرندن اکسیک اولمادی . قونت (دوشامبور)؛ « مستقیمانه تطبیق ایدیان آرای عمومیه اصولی » قبول ایتمکده اولدیغنی، بیاننامه لرینک برنده اعلان ایتمکله، بواصولی رسماً تصدیق ایلدی . ودها صوک زمانلرده (قونت دویاری)، نشر ایلدیکی تعلیماتده بیانات آیه ده بولونیوردی : مبعوثلرک کیفیت انتخابی طوغریدن طوغری یه آرای عمومیه یه عائد اولوق ایجاب ایدر .

قراللق طرفداری اولان غزته لردن بعضیلری؛ رئیس لرینک اثرینه اقتضا ایدرک، ۱۸۴۸ تاریخندن بری عین نظریه بی التزام ایتشلر والآن دخی التزام ایتمکده بولونمشلردر . ۱۸۷۱ ده (آسامبله ناسیونال) ده بولنان قراللق طرفدارانی ده عین رأیده بولونمشلردر .

دیمك اولویورکه، قراللق طرفدارلری فرقه‌سی آرای عمو-
میه اصولی قبول ایلشدر . حتی اونی ایجاد ایدنده فرقه
مذکوره در . دیگر فرقه‌لرک بوباده کی فکرلری دها قولای
آکلاشیلیر .

(بوناپارت) خاندانی طرفدارلری؛ کندیلرینه، کمال ولوله
ایله، «اهالی‌یه مراجعت فرقه‌سی» عنوانی ویردیله . وایکنجی
ایمپراطورلغک بوتون مدت دوامنجه، فرانسه قومنک اصول
انتخابیه‌سی آرای عمومیه اصولی اولشدر . جمهوریت طرفدار-
نجه دخی، حاکمیت ملیه عمومیتله قبول و اعلان ایدلمش بر عقیده در .
کورولیورکه، آرای عمومیه اساسنک قبولی خصوصنده، بوتون
فرقه‌لریننده ائتلاف تام موجود در . تفرقه‌لرمنز آره‌سنده بویه
بر آهنگک مشاهدیه‌سی موجب تسلیتدر .

هم‌ده، بو آهنگک، بیان ایتدی کمزدن دها پک چوق زیاده‌تام
مؤثر در . او ؛ آرای عمومیه‌نک یالکیز اساسنده دکل، صورت
تطبیقنده بیله جاریدر .

بو کیفیت مهم و تفصیل وایضاحه شایاندر .

— ۲ —

موسیو (ژول فرهی) ۱۸۶۳ ده شو بیله یازیوردی :
« آرای عمومیه اصولی؛ یالکیز بر تأسیس عالی و مقدسدن عبارت
اولیوب، باشلی باشنه بر سیاست و بلکه بر تمثال حقدر؛ او، ساده‌جه

قرین و عدل بر امر حادث دکل ، غیر قابل اجتناب برشیدر .
 حال واسه استقبال هپ اوندن عبارتدر . آرای عمومیه؛ خالقك
 شرفی ، محرومینك ضمانی ، صنوفك مدار ائتلافی وحیسات
 قانونیهك هر كس ایچون وسیله تأمیندر . بعدازین یالکیز بونكه
 یاشاملی ویالکیز بوکا ربط امید و اعتماد ایملیدر .
 آرای عمومیه حقنده کی توصیفاتی کوردك . برده وقایعه
 باقلم :

بووقایع درت فصله آریلیر : بونلردن برنجی فصل
 (۱۸۴۸) دن (۱۸۵۲) یه ، ایکنجیسی (۱۸۵۲) دن
 (۱۸۷۰) ه ، اوچنجیسی (۱۸۷۰) دن ۱۶ مایس ۱۸۷۷ تاریخه
 قدر اولان مدتدرده و دردنجی قسم ایسه بوتاریخدن اعتباراً
 جریان ایتشدرد .

برنجی فصلده؛ صحنه ده جمهوریت طرفدارلری ، ایکنجیده؛
 بوناپارت طرفدارلری ، اوچنجیده؛ محافظه کار قراللق طرفدا-
 رلری ، دردنجیده؛ تکرار جمهوریت طرفدارلری کورونورلر .
 ۱۸۴۸ جمهوریتی مظفر اولمش ، آرای عمومیه اصولی
 عمومیتله قبول و اعلان ایدنشدر . حقوق مدنیهدن اسقاط
 ایدلمش ویکرمی بریاشنه واصل اولمش اولان بوتون فرانمنزلر
 منتخب ، ویکرمی بش یاشنده بولنانلر قابل انتخابدرلر .
 قطعی برطرز حکومت تأسیسی دوشونیلور و بو حکومتك؛

برنجی دفعہ اولہرق، آرای عمومیہ ایلہ وجودہ کلمی ایجاب
ایدیور .

دورۂ شوق وھیجانده بولندیغمزی اونوتیکز . وطن
داشلرک حقوقندن ، استقلال آرادن ، هرکسک سرفرویه
مجبور اولدینی آرزوی مملتک تظاہر اختیار یسندن باشقه برشیدن
بحث اولونماز .

بواثنادہ زمان انتخابات تقرب ایدر . پولیس ژورنالری،
محافظہ کارانک تجدد اعتبارینی حکومت موقتہ یه اخبار ایدر .
آرتق سربستی^۱ انتخابدن خیر قالماز . حکومت؛ نتیجۂ آرادن
دوچار خشیت اولہرق ، حاکم اولسی لازم کلن ملته حکومتک
رأینی تاقین ایچون، رسمی نامزدلک اصولی احداث ایدر .
شدید امرلر اصدار اولنور . حکومت مرکز یه دن اطرافه
کوندریان مأمورلر؛ اورالرده رادیقال فرقه سی نامزدلرینی
وحتی بعض کره بالذاۃ کندی نامزدلکارینی مدافعه ایتک ایچون،
خزینۂ دولتک مصرفیلہ غزتہلر تأسیس ایدرلر .

(آریه ژ) ، (آلہ) ، (موریہان) ، (سن - نه -
اواز) ایالتلرنده والیلر طرفندن نامزدلرک اسامینی حاوی
لیستہلر ، یافتهلر ، ایضاحنامہ لر طبع ایتدیریلیر . (بوش دورون)
حوالیسندہ ، موسیو (تیہر) ک نامزدلکنی چوروتک ایچون
شدتلہ اوغراشیایر . یکر می قدر ایالتده . مکاتب ابتدائیہ مفتشلی،

انتخاباته دائر قونفرانس لر ویرمک اوزره ، کویایلره طاغیلر لر
بو نلر هپ دولت مصر فیله اولور .

بومأمور لر ؛ بویولده حرکت ایتمکه ، (له درو - رولن)
طرفدن ۷ نیسان تاریخنده ویریلن آئیده کی تعلیماته توفیق
حرکت ایتیش اولمقدن فضله برشی یاییورلردی ؛ تعلیمات
مذکوره : « حکومت ؛ موقعندن فزاغته مجبور اولمق وحتی
اهانت ایتمک ایسته مزسه ، یالکز آرای تعداد و تصنیفه و ضبطنا .
مهلری قید و تسجیله حصر مشاغل ایتیوب ، فرانسه یی تنویره و شاید ،
فرض محال اوله رق ، انقلاب علیهنده بولنانلر تکرار باش قالدرمغه
جسارت کوستره جک اولور لر سه ، اونلرک انتر بقه لرینی میدانه
چیقارمغه آچیقدن آچیغه چالیشمالیدر . » صورتنده ایدی .
بو ؛ آرای عمومیه یه مداخله نك براعتراف عانیسی ایدی .
پارسلده (لوئی بلان) ؛ عمله فرقه سنك ، وبالخاصه کندیس نك
منسوب اولدیغی فرقه نك ، تأمین موفقیتی حرصیله ، لوکسنبورغ
مرخصه لرینی برر انتخاب آجنته سی حالنه قاب ایدیوردی .
(ماراست) ؛ شهر امانتنده ، (ماری) ؛ ملی اعماله لارده عین
صورتله و حکومتک مصر فیله ، رسمی نامزدلک ایچون چالیشیور لر
ایدی .

بوتضیقده رغماً ، نتیجه انتخابات عمومیتله متبدل ظهور
ایندی . پارس بلدییه سی ، بومغلوبیتی مأمور لرک رخاوتنه حمل

ایلدی . بر مدت صکرده ده همان تهدید باشلادی : « اگر مجلس
توقف ایدر ، کری به چکیایر سه ملت ، قانون اساسینی بالذاته
کندیسی یابه جقدر . » بونکله نه دیمک ایسته نیلیدی معلومدر .
نیسانک یکر می طقوزنده (لوئی بلان) ؛ لوکسنبورغ مر خصلربنه
خطاب ایدر کن ، شوینه هایقیریوردی : « آرای عمومی ،
آنحق هر فردی فکر او روحاً مظهر ترقی تام اولمش اولان
هیات اجتماعیه ده ، آرزوی اهلینک معکس تجلیسی اولور .
الیوم بز بو حالده می یز ؟ خیر ، بیک کره خیر ... » .

بووجه ایله ۱۸۴۸ جمهورجیلری ؛ آرای عمومی بی آنحق
کندی آرزولربنه موافق ظهورایتدیکی تقدیرده قبول ایدیور ،
عکس حالده ، منتخب لارک « فکر آ و روحاً مظهر ترقی نام
اولما دقلربی » اعلان ایلیورلردی . بو ؛ بسیط و سهل برترتیب
ایدی که ، بالاخره ایمپراطورلق اوئی توارث ایتمش و آرای
عمومی بی بازیچه ایدینک خصوصنده دها پارلاق برصورنده
استعمال ایشدر .

۱۸۵۲ سنه سنده ، آرای عمومی ملته مراجعتدن برکون
اول ، (لوئی نابوله ثون بوناپارت) ؛ نشر ایلدیکی بیاننامه ده ، رسماً
و علناً افادات آتیه ده بولونیوردی : « ا کر بن ؛ آرتق اعتماد کزه
مظهر دکلسه م ، رأی صندغنه بر رأی مخالف آتیه کز کفایت
ایدر . بن ملتک قرارینه دائماً رعایت ایده جکم . »

(لوئی بوناپارت) رسمی وعلنی اوله رق، اهالی یه بویولده توجه خطاب ایدرکن، وکلا سندن موسیو (دومورنی) صورت محرمانه ده، والیله باقیکنز نه یولده تبایغانده بولونیوردی : « یاقینده باشلا یه جق اولان مجادلده حکومت بیطرف و عاقل قاله ماز . حکومتک وکیللری اولان مأمورلر ؛ اونک فکر سیاسیسی غلبه ایتدیرمک ایچون، بوتون قوتلرینی استعمال ایتمک بورجلیدرلر . » بونلرده او خصوصده قصور ایتدیلر . رأیلر طویلاندقدن صوکره، هیئت تشریعیه نك انتخابی مناسبیله، موسیو (دومورنی) والیله شونی ده یازدی : « نتیجه تخمیناتکنزی بکا بیلدیریکنز . تا که حکومت ؛ نامزدلردن اك زیاده مستحق کوره جکی کیسه لره منتخبلرک نظر ترجیحی جاب واونلری نفوذ مشروعیله تقویه ایده بیلسین . »

آرای عمومیه نك ایسته نیان قاله صوقوله بیلمسینی برقات دها تسهیل ایچون، دوائر انتخابیه تقسیماتنك کمال مهارتله تعدیانه تصدی اولنور . بوده یکی برتعمیمه ، هر وقتکی کبی محرمانه برتعمیمه، زمین تشکیل ایدر : « دوائر انتخابیه تشکیلاتنك احضاری ایچون، ایجاب ایدن مساعی ایله در حال اشتغال باشلا ییکنز . بوندوائرک آز چوق ماه، انه تقسیم ایدلمسینک، نتیجه انتخابات اوزرینه تأثیری اوله جغنی بیلملیسیکنز . »

مع هذا، موسیو (دومورنی) ۱۸۵۲ سنه سی انتخاباتی

یابه مدی . موسیو (دوپرسینی) اوکا خلف اولدی . لکن هیچ برشی دیکشمدی . یکی ناظر کانون اولک اون برنده والیرده زیرده کی تبلیغات غریبه بی اجرا ایتدی : « حاضر لایمقده اولان انتخاباتده ، فرانسر قومنک ایفا ایده جک مهم بررولی واردر . فقط حکومتک مداخله سی اولمازسه ، بورزک ایفا سنده نه قدر مشکلاته اوغرایه جقدر . سکز میلیون منتخب ؛ اوقدر نقاط اوزرنده و اوقدر مختلف اوصافی حائز و هرری آیری آیری شایان توصیه اولان نامزدلر حقنده ، ناصل ائتلاف ایده . بیایرلر ؟ بناء علیه ، بو خصوصده حکومتک ، منتخبلری تنویر ایلمی اقتضا ایدر . »

حکومتک ؛ منتخبلری « مشکلاتدن قورتامق » و اونلری « تنویر ایلک » امرنده کی بواندیشه سی ، طوغریسی با ، پداراه و جالب رقدر ! (له درو - رولهن) و (لوئی بلان) ده بوندن ده ایدسنی نه یابه بیلمش ، نه ده سویلیه بیلمش ایدیلر .

کوزمک اوکنده ۱۸۶۳ سنه سی انتخاباتنه متعلق بر آلائی و نائق وار . بو و نائق ؛ ناظرلرک ، والیرک اوامر عمومیه لری ، حکومت مرکزیه نک و سائطی اولان بلدییه رؤساسنک اعلانان و اخطار نامه لری ، محاکم مقررانی و سائره در . ایکنجی ایمپراطورلوق زماننده انتخاباتک صورت اجرایی بونلردن واضحا آکلاشیلیر .

منتخب اعظم ؛ دائما اهالی بی « مشکلاتدن قورتارمق » اندیشه سیله مشغول اولان، حکومتدر . او ؛ بومقصدینه شونوع اعلانات ایله موفق اولور : « (سوله ن) بلدیہ رئیس ؛ ناحیه داخلنده بولنان عموم منتخبلری، مبعوث موسیو (سغریس) ی تکرار انتخاب ایتک ایچون، شهر حاکم اوتوز برنجی بازار کونی دائرة بلدیہ یه دعوت ایتمکه کسب فخر ایلر . « یاخود : « ناحیه انتخاب مجاسنک، موسیو (اوکن) ی تکرار انتخاب ایتک اوزره، مایسک اوتوز برنجی کونی انعقاد ایدم جکندن خبردار اولیکز . منتخب صفتیله رایکزی اعطایه مدعوسکیز . — (قورش) بلدیہ رئیس ، روزان . « دیگر بلدیہ رئیس ده ؛ (دوب) ده اعطای رای اثناسنده، منتخبلری تحلیفه قالدیشیر . شاید منتخبلردن بری حکومت علیهنده رای ویریر ایسه، علی العاده حاث اولمش اولور .

والیلرک شـخصلری ده تهلمکده در ، اونلر آرتق یالکیز اهالی بی اداره ایتزلر ، اهالی بی تمثیل ایدر و نامزد انتخابی خصوصنده اهالینک مقامنه قائم اولورلر . (هوت-لوار) ایالتی والیسنک یازدینی شوتعمیم باشدن آشاغی اوقونمغه شایاندر : « صوک حکومت زماننده منتخبلر ؛ کندیلرینه تعیین خط حرکت ایدم جک برادارم دن محروم اولدقلرندن، بونی تلافی مقصدیله، نامزدلرک کلوب اساس فکر و مساکلرینی ایضاح ایملری ایچون،

برطاقم اجتماعات استحضاریه عقدینی تصور ایتشملردی .
 بواجتماعلر دائماً کورولتیلی واکثریا تأثیرسز ایدی . حکومت
 بوکون نوعما بواجتماعات استحضاریه نك وظیفه سنی ایفا ایدیور .
 مسئله ده منفعتدار اولیان و آنحق سزك هیئت مجموعه منافعه کزی
 تمثیل ایدن بزوالیلر؛ وضع اولنان نامزدلکاری تدقیق ، تمیز
 ودرجه قیمتلرینی تقدیر ایدیورز . وتدقیقات موشکافانه اجرا
 سندن صوکره ، بزه اکر ارجح واک مناسب کورینه نلری ؛ بزم نتیجه
 آرزومز شکلنده دکل ، سزك کندی آرا کزك ، تمایلاتکزك
 خلاصه سی اولق اوزره ، حکومتک تنسییله سزه عرض ایلورز
 بوفرده ؛ بوتون فقرانیله ، شایان تحسین دکلکی ؟ بوندن ده
 نازکانه افاده مرام غیر ممکندر ...

اوخ ! اینمراطورلغک بووالیلری نه یوکسک آدملر ایدی !
 بونلر قلب انسانی بی نه کوزل طانیور واونک بوتون تلاریه
 متوالیاً باصمغی ناصل بیلیورلردی ... ایشته سزه برده هیجانلی
 تأثرلی برتقریر ، خیرخواهانه برنیاز : بونی (اود) والبی
 مشهور (ژانویه دولاموت) ک دوداقلرندن اقتطاف ایدیور
 بوسوزلر ؛ بروالی دکل ، اکمشفق بروالده . وزلری : « سوبلیکیز »
 ای (روموآ) و (لیووهن) صحرالری چفته جیلری ، (ریل)
 وادبی عمله سی ، ای (بریون) ده ، (پونتودمه ر) ده مناسبتده
 بولندیغم دوستلر ! ایچکزده بولمقده اولدیغم سکز سنه دن بری ،

احتیاجاتکزی تفحص ، اضطراباتکزی تسکین ، منافعکزی حمایه ایچون بوکونکی کونی نه قدر بکله دم... ای بیغرض فیکرلی، خالص فطرتلی ذوات ! محاکمه ایدیکنز ؛ قلبکزی یوقلاییکنز؛ چکینه یکنز. سزک نزدکزه کیتیمک لازم کلدیکی زمانلرده بن اصلا زرد ایتدم ؛ وقتیمی اسیرکه مدم ؛ سزده بکا محبتکزدن طلب ایتکده اولدیغم برقاج دقیقه یی بخش ایدیکنز .

والیلر؛ یالکیز بویله رقیق ومؤثر خطاباتنه دکل، تهدیدکارانه بیاناته قدر وشدت شکمیه صاحبیدرلر . (اود) بلدییه رئیسلی زیرده کی تحریرات عمومیه یی آلهرق، بونی نفسلرنده تجربه ایتدیلر :

«انتخابات عمومیه، حکومتک؛ افعاله تشریک ایلدیکی آدملرک درجه نفوذ و صداقتلرینی تقدیر ایلسنه مدار اوله جقدر.» ایشته مختصر و مقنع برتبلیغ . بونی او قودقدن صوکره، آرتق بلدییه رئیسلیزک ناصل میدان مبارزه یه آتیلدقلرینی، ناصل عزمکارانه بر صورتده مبارزه ایتدکلرینی . ملاحظه ایده بیلیرسیکنز .

والیلر؛ نه رخاوتنه، نه ده عدم موفقیتنه تحمل کوستر مزلردی. بوجهتله کرک انتخابات ائناسنده ، کرک انتخاباتدن اول و صوکره، برحق بلدییه رئیسلی؛ ایشدن ال چکدیرلک، توبیخ ، عزل جزالرینه اوغرامشلردر .

بورئیسلرک نه قدر مطیع و صادق اولدقلری ایسه الله

معلومدر. بونلر؛ اون ایکی سنه دن بری، براهتم دیندارانه ایله، حکومت طرفندن انتخاب ایدلمکده وقوزی کی اطاعت کوسترمکده ایدلر .

(سن - نه - اوآز) ایالتی بلدییه رئیس لرندن بری شونی یازمشدی : «والینک دامادی ایچون رأی ویرم . والی حضر تلرینک افکار و نیاتی ، داماد عالی لرندن ده ائی کیم بیله بیلیر ؟»

والیلر نیم اطاعته ده قائل اولمازلردی . اک کوچوک رخاون برسبب عزلدر . بوبلدیه رئیس لرندن بریسی ؛ «ایمپراطورک حکومتنه عین درجه ده صادق اولدیغندن» و دیگرى ؛ اون بش سنه دن بری بلدییه ریاستنده بولنان ایکی نامزد آره سنده مترده قالدیغندن طولایى، عزل اولمشدر .

امضاسنک اوزرینه «قدیم ولایتغیر نابولهئون طرفدارى» عباره سنی وضع ایتمکله مفتخر اولان دیگر بری ده؛ معینده بولوندیغی والیه محرمانه اوله رق نامزدلرک صورت انتخابی حقنده بیان ملاحظه یه جرائندن، صرف بوندن، طولایى عزل اولمشدر. آلدیغی امر ایله تمایلاتی بیننده متردد قالان بر دیگرى ایسه ؛ «اجرای تلقینات ایدرکن مغموم طور مش اولمسندن ناشی» مأموریتی غائب ایتمشدر .

(لوزهر) ده انتخاباتدن صوکره یکر می سکیز بلدییه رئیسى

آچيغه چيقارلمشدر . (قوردهز) و (هوت سائون) ده دخي
برچوق بلديه رئيسلري بواوغورده قربان اولمشدر .
معلملرده ؛ بلديه رئيسلري كي ، بيطرف طور مق حقه مالک
دکلدرلر . مکاتب مفتشلرندن بري شويله يازمشدر : « حکومتک
نامزدلري علمينه چاليشمق ، بالذاقايماپراطور علمينه مبارزه اينمکدر .
حکومتک نامزدلرندن باشقه سني قبول وحمايه ايتمک ، کذلک
ايماپراطورک علمينه قيام وحرکت ايتک ديتمکدر . حکومتک
نامزدلري ايچون مبارزه وکنديلريني صحابت ايتمه مک ؛ اولنلري
ترك ايتمکدرکه ، بوده محاربده ترك سلاح ديتمکدر . سزک
لاقيدلککنز ني متحير ومتأسف ايده جکدر . » بونک نه ديتک
اولديني کوروليور . حکومت ؛ انتخاب زماننده يالکزمأمورلرينک
استحصال معاونتليها کتفا ايتيوب ، طولاييسيله حکومتهارتباط
وتعلقلري اولان کسانى دخي بوايشه ادخال ايتمک ادعاسنده
بولنوردى .

حکومتک ؛ ايالات شماليه ده طوغريدن طوغري به توجه
خطاب ايلديکي اون صنف خالق شونلردر : (۱) منس-ويين
قدیمه عسکريه ؛ (۲) سنت نالن مداليه سني حائز اولانلر ؛
(۳) له ژييون دونور نشاني حامل بولنانلر ؛ (۴) هر نوع متقاعدین
مأمورین ؛ (۵) توتون بايعلري ؛ (۶) ميخانه جيدير ؛ (۷)
خدمات عموميه ده بولنان معمار ودولکر قیيلندن هر صنف

اشخاص ؛ (۸) سنه آتیہ ده قرعہ یہ داخل اولہ جق دلیقانلیلرک
پدرلری ؛ (۹) اوغللری خدمت نظامیہ عسکریدہ ویا صنف
احتیاطده بولنان پدرلر ؛ (۱۰) اوغللری دولت مأموریتندہ
وشمندوفر ومعدن اداره لرندہ مستخدم اولان بابالر .

بوناموسلی آدملر حکومتدن ناصل دریغ معاونت ایدہ بیلیرلر
ایدی؟ اونلرک؛ تخصیصاتلرینی ضیاعه، کندیلرینک وچو جقلرینک
موقعلرینی تهلیک یه معروض براقه میه جقلرینی پک اعلا تقدیر
ایدرسیکیز. بوسبیلہ اونلر؛ حکومتک نامزدلرینه یالکیز کندیلری
رأی ویرمکه قالمیوب، باشقه لرینده او یولده رای ویردیرلردی.
صداقتک آزندن ایسه افراطی دها مقبولدر .

آرتق انسان بر درجه یه کلیرکه، بوقدر تقیدات وتضییقاتدن
صوکره، عجبا کیریده حقیقه حر ومستقل وسربستانه اعطای رای
ایتمکه مستعد منتخبلر قاله بیلمشمیدر؟ وبوقدر اختیار کلفت
اوانه جفنه، یالکیز والیلرک رأیلری آلنسه دها بسیط اولمازی
ایدی؟ دییه دوشونور. اویله اما، اصول انتخابیه نک جریان
ایدرکی کورونمی لازمدر...

فی الواقع، بواصول؛ رای بوصله لرینک کرچکدن قرعہ
صندغنه وضع و آرانک حقیقه تصنیف ونتیجه انتخابک جدی
وحقیقی اوله رق اعلان ایدلمسی اعتباریله جاری اولور .
ایمپراطورلق زماننده، هر انتخابده استحصال ایدیلان، و ۱۸۷۰

سنة سنده آرای عمومیه ملته مراجعت ایدلدیکی زمان دخی کوریلن، شایان حیرت اکثریتلر بوجیه ایله حصوله کلیرایدی. فقط بوتون بوشیلر جعلی وساخته ایدی. ظاهرآ غیر قابل تزلزل کورینن بوبنا، ایلك صدمه ده دوشه جك ایدی. آرای عمومیه ملته مراجعتدن بر قاج آی صوکره ایمپراطورلق بره سریلدی.

ایمپراطورلغک بوسقو طی، مملکتک دوچار استیلا اولمسندن ومیدان حربده کی مغلوبیتک بویوکلکندن ایلری کلدیکی ادعاسنه قالدیشیمیکر. دیگر حکومتلرده بوگی فلاکتلره اوغرامشلر، فقط ده وریله مشلردر. بالعکس، خلقلک - جریحه داراولان ملیتک تمثال ذی حیاتی اطرافنه طوپلانیر کبی - کندیلرینه ده صیقی صوقولدیغی کور مشلردر.

محاربه دن صوکره (مدافعه ملیه حکومتی) بر (آسا-امبله قونستیتوآنت) جمعنه مجبور اولدی.

آرای عمومیه اصولی؛ آرقالدی، بودفعه ده اخلال ایدیلدیوردی. فی الحقیقه (غامبه تا) نک بر امرنامه سی؛ قوجه بر صنفی غیر قابل انتخاب ارمق اوزره ارئه ایدیوردی. اسکی مبعوثلردن یاخود ایمپرا-طورلق مأمورلردن هیچ بری انتخاب اولنه میه جقدی.

مع هذا، ایمپراطورلق طرفندن تطبیق ایدیلن رسمی نامزدلک اصولنک خاطره سی ده بک یکی اولدیغی کبی، موجود فرقه لردن

هیچ بریسی، هنوز آرای عمومیه دن کندی حسابنه استفاده ایدیه بیه جك درجه ده، کسب اقتدار ایدیه مه مش ایدی. بناءً علیه (غامبه تا) نك امریخی کری آلق مجبوریتی حاصل اولدی.

فقط آرای عمومیه اصولنك بومصونیتی چوق زمان دوام ایتمدی . ۱۸۷۷ سنه سی نشرین اولنك اون دردنده، (اون الی مایس حکومتی) نامی ویریان محافظه کار اداره زمانده، بوبك کوزل مشهود اولور.

ایشك نکته لی جهتی، بو اداره بی تشکیل ایدن محافظه کار فرقه رؤساسندن بعضیلرینك ؛ موسیو (بروغلی) ، (دوقاز) ، (بوفه) ، (دومو) کبی، ایمپراطورلق زمانده رسمی نامزدلك اصولنك قربان اوله رق، رفع آواز شکایت ایتمش ذوات اولمسیدر. مع هذا (غامبه تا) ده بویله یاپمشدی .

لکن زمان ایله برابر انسانلرده تبدل ایدر لر : دیکشمه بن برشی وار ایسه، اوده آرای عمومیه اصولنك صورت تطبیقیدر. اون آلتی مایس حکومتی انتخاباته واسع بر تبدیلات اداره وعدلیه ایله باشلادی . اللی درت والی، اوتوز بش نحریران مدیری، یوز یکریمی بش متصرف عزل و تبدیل ایدلدی. بر آلا ی صالح حاکمی ، معارف مدیر ومفتشی، مکاتب ابتدائیه مفتش لری ده عین طالعه مظهر اولدیلر.

انتخاباتك يوم اجراسنه برقاج کون قالمش اولدینی جهته ،

حکومت قارشی خصوصت ویا برودت کو ستر مکله شائبه دار اولان، اوز بش یکرمی بیک منتخب بلدیہ رئیسک تبدیلیلرینی دوشونمکه وقت یوق ایدی. بونکله برابرینه بونلردن قسم اعظمی، بالخاصه فرقه مخالفهیه منسوب مبعوثلردن اولان بلدیہ رئیسلیله صول طرفه منسوب اعیاندن اولان بلدیہ رئیسلی، عزل ایدلدی. بومیانده، اعیان رئیس وکیلی (قوت رامپون) ده داخل ایدی. (آردوش) والیسی طرفندن بو ذاته یازیلان مکتوبده، ناحیهیی حسن اداره ایتدیکی انکار اولنماقلمه برابر، نشر ایتمکه اولدیغی افکار و پرونده ایلدیکی مناسبتدن طولانی، حکومتک کندیسنی تجزیهیه مجبور اولدیغی ایضاح اولنویوردی.

یکی والیر؛ زراعت انجمنلری، موسیقی جمعیتلری، قلوبلر و سائر کبی مخالفتده بولملری مظنون اولان بوتون جمعیتلری الغا ایده رک، انتخاب محاربه سنی کساد ایتدیلر.

انتخاب انجمنلرینک اکثرنده، ایمپراطورلغک سوء استعمال ایلمش اولدیغی برنوع اعلان اصولی تطبیق اولمغه باشلادی. بو؛ اهالی طرفندن طاب و آرزو اولان برطاقم امور نافعیه تشبث ایدیله جک ایلمش کبی کورنمکدن عبارت ایدی. موسیو (دوقورتو) نک انجن انتخابنده بویله اولدی.

(آغولم - مارمان) شمندوفری موضوع بحث ایدلدی. خارجیه ناظری (دوق دوقاز) ک عرض وجود ایتسی ایجاب ایدن

(لیبورن) انجمن انتخابنده، عملیات نافعه‌یه، حتی مجلس عمومینک مذاکره‌سندن اول، باشلانلسندن بحث اولوندی. فقط ایشه بالخاصه غرابت و یرن‌جهت؛ ایمپراطورلق زماننده عین اصولک عین قضاده بو(دوق دو قاز)ک علیهنه استعمال ایدلمش اولمسیدر. مومی‌الیه؛ اووقت مغدوری اولدینی بو مانورایی شدید تعبیرات ایله ترذیل ایچون برمکتوب یازمشدی. صول طرف غزته‌لری بومکتوبک صورتی نشر ایتک معذب‌لکننده بولوندیله.

قاینه؛ ایمپراطورلق دورینک اصول و قواعدینی تطبیق خصوصنده تله‌ایته قدر کیده‌رک، رسمی نامزدلرک اسامیسنی، بیاض کاغدلر اوزرنده، زیرلرنده شو عباره محرر اولدینی حالده، اعلان ایتدی:

«رئیس جمهور (ماره‌شال‌ماق‌ماهون) حکومتک نامزدلری»
 اک صوکره، ایلولک اون طقوزنده نشر ایدیان بر بیاننامه‌ده،
 (ماره‌شال‌ماق‌ماهون)؛ بالذات میدان مجادله‌یه آتیه‌رق، رسمی نامزدلری کندی نامیله حمایه ایدیور و دعواسی اوغورنده ته‌لک‌یه قویمش اولدینی مأمورینی وقایه‌ایچون، نتیجه‌سی هر نه اولورسه اولسون، موقع اقتدارده قالمغه مجبوریت کوریوردی.
 الحاصل، اصول مشروحه؛ اون آتی مایس محافظه‌کار حکومتک، آرای عمومی اصولی حقنده، طبقی کندن اول کلن

۱۸۴۸ جمهوری و ایکنجی ایمپراطورلق کبی معامله ایلش اولدیغی تصدیقه بزی مجبور ایدیور.

بواختخابات نتیجه سنده، جمهوریت طرفدارانك ناصل تکرار موقع اقتداره چیققلری معلومدر.

بونلرک ایلک ایشلری؛ طبیعی کندی علملرنده استعمال اولنان اصول انتخابیه بی، کمال نفرتله ابطال و اقلیت منسوب مبعوثلردن قسم اعظمك انتخاباتی فسخ ایتك اولدی. آرای عمومیه اصولك؛ آرتق مشروع و حیلله سز بر صورتده، تطبیقنه ابتدار ایدیله جکی امید اولونه بیلیر ایدی.

فقط بوا امید حصول پذیر اولمادی. ۱۸۸۱ سنه سی انتخاباتنده بوجهت پك انی اكلاشلدی.

(بل ویل) ده حکومت؛ (غامبه تا) نك نامزدلكنی آچیقندن آجیغه حمایه ایتدی. حالبوکه رقیبی موسیو (تونی ره وییون) ده جمهوریت طرفدارلرندن ایدی.

محافظه کار فرقه سنه منسوب نامزدلر حقنده ایسه، بوس بوتون باشقه صورتله معامله ایدلدی: کمال اهتمامله «تصفیه» ایدلش اولان مامورین اداریه وعدلیه، بونلر علیننه شدید و قطعی بر حرب آجیدیلر.

مبعوثانه هر طرفدر شکایتلر وقوع بولدی. لکن اکثریت بوشکایتلری موقع مذاکره بیله قویمدی. مع هذا موسیو

(لاروش ژوبه ر)؛ موسیو (لوده و) ك انتخابی وسیله سی ایله،
حکومتك بو تضییقاتنی کرسیده شو صورتله افشا ایتدی :
« بنم بو کرسیده سرد ایتك ایستدیکم اعتراض؛ صرف
موسیو (آرازا) نك رسمی نامزدلکدن استعفا ایتمه مش اولدینی
بو بولده نامزدلکك عدم موجودیتنی اثبات ایتك ایستر کبی
کورینن راپورك مندرجانه عائددر . حالبوکه، قومیسسیونده
کوزدن کچیردیکم وثائقدن مستبان اولویورکه، بو انتخابده رسمی
نامزدلکك قطعی بر صورتده جاری اولمش وموسیو (آرازا)
بزدن مع زیادۀ استفاده ایتشددر . بن؛ سکوتله، بوناامزدلکك
ماهیت رسمیه سنی پك فضله تخفیف ایدن بر راپورك حاوی
اولدینی تعبیراتی تصویب ایلدیکمه حکم ایدلمسنی ایسته مدم .
خطیب مومی الیه نطقنه ختام ویریرایکن، شوراسنی ده
اخطار ایلشددر :

« یکی مجلس هر حالده رسمی نامزدلردن اولان اعضاسنك
امر انتخابلرینی تصدیق ایتشددر . »
کورییورسکزییا، ایش موفقیتده در . موفقیت سزی قاد
کی لکه سز بر حاله کتیریر . مخالفینك اعتراضات مزعجه سنی
برطرف ایتك ایچون سزه مساعده بخش اولور . فقط بو
مسئلکك اك مفراط نقطه سی؛ مخالف فرقه یه منسوب اولوب
حکومتك تضییقنه رغماً انتخاب ایدلمش اولان برطاقم مبعوثلرکده،

فضله، اوله رق انتخابلرينك فسخ ايدلمسيدر. بونلرك منع انتخابي ايجون، مغاير قانون بر صورتده اوغراشلقدن صوكره، شمدى ده بغير حق انتخابلى فسخ ايدىلوردى. مادامكه نقطه اساسيه احراز اگثر بيدر، بوكا او قدر مناسب بر واسطه اولان نفوذ حكومتك استعمالى تمايلاتندن ناصل توقي اولنه بيلير؟

۱۸۸۵ انتخاباتنده ده بوتمايله مقاومت اولنه مدي. و (ره وو ده دوموند) رساله موقوته سنك تعبيرينه نظراً : حكومت ؛ جمهوريت طرفدارانك متفقلرى اولان راديقلالرك، اوپور- تونستلرك منافع انتخابيه لرينه خدمت ايجون نظارت دبويلزندن ايمپراطورلق دورندن قالمه و نائقى چيقارمقده تردايتمدى. داخليه و معارف ناظرلرى «تدابير تخويفيه توسل، مامورلرى تهديد، مكتب معلملرينه ضعف و تنكاسلك هيچ بروجهله عفو ايدلمه مسى مقرر اولديغى اخبار» ايجون تبليغات عموميه اسطار ايتديلر. حكومت؛ ده ايلرى يه واره رق، يالان حوادث نشر ايتك كې تدابيره بيله توسل ايتدى. بوتون نواحيده، (طونكن) ده حركات عسكريه يه ابتدار ايدلمه مش اولديغى اعلان ايلدى. حال بوكه، يوم انتخابك ايرتسى كوني، جنراللر رمزك حرب ايجنده بولونقلرى و حركت امرىنى بالذاة قابينهك اعطا و قواى معاونه سوق و اسرا ايلش اولديغى هر كس اوكره نيوردى. انتخاباتنده مغلوب اولمق تهلكه سنه معروض قالدقلرى زمانلر،

بلا استئنا بوتون فرقه لرده تظاهر ایدن بر غرض، بر علامت مرض وارد رکه بو؛ اولجه سستایش لرله، تعظیم لرله قدری توقیر ایدیلن آرای عمومیه اصولندن، ابتدا ممکن الصدور اولان خطیانه دائر، و مؤخرآ، بو اصولک قابلیتی مشکوک اولدینی، و نهایت عدم قابلیتی عیان بولندینی حقننده، محترزانه و محجوبانه، و برآز صوکره علناً و بلا حجاب خفیف بر شهبه، ودها صوکره ده بر اقرار رضعی وبعده بر اعلان رسمی صورتنده تجلی ایدر.

بدایهٔ مرتبهٔ الوهیته چیقاریلان بو اصول بالآخره بهیمیت درجه سنه ایندیریلیر. بو حالت روحیه یه واصل اولونجه، هر فرقه، کړك قراللق وایمپراطورلغك كړك جمهوریتك آرای عمومیه فوقننده بولندینی و بواشکال حکومتدن هر رینك؛ عالی، مطلق، مقدس برر اساس اولدینی بیان و اعلان ایدر.

کذلك خلق؛ بر فرقه نك علمیه دوندیکی وقت - که بوتون فرقه لر صره ایله بو محکومیهته دوچار اولمشدر - اوفرقه نړك مجادله ایتمز. بالعکس، آرای عمومیه نك اغفال و اضلال اولندینی ادعا ایدر، انواع حیل و دسایس ایله، تأمین مقصد ایدم بیله جك بر صورتده ترتیب ایدیلن آرای عمومیه یه، ایکنجی دفعه اوله رفی مراجعت ایدر.

بونی ۱۸۴۸ ده (لوئی بلان) و (له درو - روله ن) ده مشاهده ایتمشدك. یکریمی یدی کانون ثانیده وقوع بولان

انتخاباتك نتیجه سنده بو حرکت بالخاصه ترسم ایدر : جمهوریتك طرفدارانندن بعضیلری تأثیر خوف ایله اعماق روحلرینی کوستریرلر. بوجهلر دن اوله رق، موسیو (واکری)؛ جمهوریتك حائز اولدیغی حقوق عالیه نك اکثریتلرک فوقنده اولدیغی اثبات ایتمک مقصدیله، (راپهل) غزته سنده بر سلسله مقالات نشر ایتمشدر .

موسیو (ژوزف رهیناخ)؛ (ره پولیک فرانسه ز) غزته سنده «جمهوریت، تدهش ایتمش یا خود اغفال اولمش اولان آرای عمومیه نك فوقنده اولدیغی» بیان ایتمک صورتیله، عین نظریه یی آغزندن قاجیر بیوردی. آرای عمومی نه زمان تدهش و اغفال ایلمه مشدر؟ و تدهش و اغفال اولنوب اولمادیغی تعیین ایدمک کیمدر؟ بونی تعیین و تقدیر ایدمک فرقه لر در. فقط اولنورده آرای عمومی طرفندن تجیین و یا ترذیل ایدلمش اولملرینه کوره متخالف حکملر ویریرلر .

موسیو (رهیناخ) شونی ده علاوهً سویلر : «آرای عمومی حاکم مطلقدر؟ اوت، قوای عمومیه نك، قوانینك، اداره حکو- منك، هر شیئك کنديسندن صدور ایتمی اعتباریله، آرای عمومی حاکم مطلقدر . فقط آرای عمومی به حاکمیتی آنجق بالذاته کنديسنگ امر و تأسیس ایلدیکی قوانین و صور تشریعی به توفیقاً اجرا ایدر . آرزوی مات اگر قانون خلافه حرکت ایتمک

ادعاسنده بولور که جمهوریت حکامنک وظیفه سی بوکینی قیرمقدر،
دینک اولور که جمهوریت حکامنک وظیفه سی بوکینی قیرمقدر،
بر فرقه آرای عمومیه اصولی حقننده بویله بر حاکمات فکریه به
دوشونجه، آرتق او اصوله رعایته مستعد اولوب اولمادیقی
آکلايه بیلیرسکیز.

— ۳ —

شو حالده مختلف فرقه لارک؛ آرای عمومیه حقننده قولاً
اظهار ایلدکری حرمت و برستش ایلله، اوکا قارشی روا کور
دکری معامله غیر لایقه و محقرانه بی ناصل تألیف و ایضاح ایتلی؟
هیچ بر پالیاچو آرای عمومیه دینیان بو حکمدار غریب قدر
فسکه، تکمه بیه مشدر.

عجبا فرقه لار سوء نیت صاحبی میدرلر؟

احوال بونی شایان قبول عد ایتدیره میه جک درجه ده
عمومیدر. یکدیگرینه پک زیاده مخالف افکار سیاسییه پرورده
ایدن کیمسه لارک؛ بو خصوصده بودرجه متحد بر صورتده حرک
ایده بیلملری ایچون، بر لزوم فوق العاده نک تحت تأثیرنده
بولوندقلرینی قبول ایلک پک ضروریدر.

بونلرک آرای عمومیه به او قدر نام بر اتحاد ایلله تجاوز ایللری،
باشقه درلو یا پیغه مقتدر اوله ماملرندن منبعشدر.

بر حقیقت در که، آرای عمومی اصولی، فرانسه ده تأسیس ایدیلن
 طرز ایله مستقیمانه بر صورتده تطبیق اولنه ماز .
 اکر بلا استئنا بوتون حکومتلر آرای عمومی حقیقده ،
 کوردیکمز وجهه معامله ایتیمکده لر ایسه ، بونی؛ اوله برجهاز
 ایله اداره حکومت غیر ممکن اولمسنه عطف ایتک لازم کلیر.
 آرای عمومی مخالفت آلت اولمقدن باشقه برشی دکلدیر. بونقظه
 نظردن امثال سزدر. بوسبیلهدر که، موقع اقتداردن دوشن بوتون
 فرقه لک اونک غیر جائز الفسخ اولدیغنی اعلان ایتدکلرینی
 کوریپورز .

آرای عمومی اصولی کمال استقامتله تطبیق ایتیمکه اداره
 مملکتک عدم امکانی؛ منتخب لک اکثریت عظیمه سنک ، حل
 کندیلرندن طلب اولسان مسائی آکلامقدن، تقدیر ایتیمکدن
 عاجز اولملرندن نشأت ایدر .

بو اوقدر ظاهر در که، بوتون فرقه لره منسوب غزته لر
 و آرای عمومی بی تعلیم و تربیه « لزومنی کلال بخش اوله حق
 درجه ده ، تکرار ایتیمکده در لر. دیمک که ، بوتعلیم و تربیه یاپملا
 مشدر. وفلاکت شوره در که، دائماده یابلمغه محتاج قاله جقدر .
 توجه ناسی جابه واسطه اتخاذا ایدیلان قابا اصولدر بوبابده
 مدار قناعت اولور. نه قدر صریح یالانلر، ناقابل انجامز وعدلر،
 حجاب آور مداهنه لر وار ایسه کافه سبیله ؛ آرای عمومی دینیان،

باشی چوق اولديغی ایچون عقلی آز اولان حکمدار آلدانیلیر.
کوزومک اوکنده ۱۸۸۶ سنه سنه عائد پروغراملر، ایضا خا.
مه لر و تعهدات انتخابیه دن مرکب و مجلس مبعوثانک قرار یله
نشر ایدلش بر مجموعه وار. بوکا بکرر هیچ برشی تصور ایده.
مزسیکزر. جبر و ستملردن بحث ایتیمورم؛ اولنر هر صحیفه ده،
همانده هر سطرده کورولور. پولتیقه بحثنده ایسه الفاظ مطمئنیه،
هیأت اجتماعیه ک اساسندن تبدیلی کبی خاییده فکرلره، بوش
اوهام و خیالاته تصادف اولنور. جدی آدمک ینه جدی
آدملره امور جدیه دن بحث ایلدک لرینی ایما ایده جک عملی و مثبت
هیچ برشیته راست کلنمز.

آرای عمومیه یی بومک تبتده تعالیم و تربیه ایتک امید اولنیور
ایسه، دهها چوق زمان بکله مک لازم کلیر.

منتخبلرک بوعدم قابلیت اساسیه سی بر صنف مخصوص
اشخاص تولید ایلشدرک، بونلرک صنعتی عمله و کوییلرک جهالتندن،
ساده دللککندن و احتراساتندن استفاده ایتمکدن عبارتدر. پولتیقه جی
نامی ویریلن بو آدملر آرای عمومیه اصولنک بر محصول
طبیعی سیدر. حتی رجال سیاسیه مز حقنده یازدیغمز بر مطالعه ده،
بزم هیئت وکالت ملیه مزده چفتجیلرک، تاجرلرک، ارباب صنایع
یعلک عددی پک آز اولدیغی، اوج یوز آلتش بش پولتیقه جی به
قارشی یوز اوتوز کشیدن عبارت اولدیغی اثبات ایلشدک.

بوپولتيقه جيلر آراي عموميه اصولني كارلي بر صنعت انخاذه ايتمشلردر. ثروتلري، مدار موجوديتلري، هرشييلري اودر. اونكه ياشارلر. اصول مذكوره يي، اقله يمزده بوشكلده تائيس ايدن بو آدملردر. بونلر مطبوعاتده، عمومي اجتماعاتده آراي عموميه اصولنك برايوان مقدس، بر شهره حريت اولديغني، طنين انداز صدالره و كمال اطمئنان ايله، او قدر چوق، او قدر باغيره رق تكرار ايدرلر كه، نهايت بونك بر حقيقت و بوتون حريتله معادل اولديغنه اينانيلير.

فقط وقايه - هيچ اولمازسه كندينري كچي يالان سويلك معادلري اولميان وقايه - باقيله حق اولور ايسه نه كورولور؟ ۱۹ اغستوس سنه ۱۸۸۲ انتخابانده منتخبلردن يوزده اونوز ايكي سي و ۱۸ تشرين اول سنه ۱۸۸۵ انتخابانده يوزده يكرمي اوچي اعطاي رايدين استنكاف ايتمشلردر. بو عددلر يكون عمومي به نظراً بر عدد وسطيدر؛ يوقسه بعض ايالاتده مستنكفلك عددي يوزده قرق التي بي، اللي بي بولور. حال بوكه، منتخبلري اعطاي رايه دعوت ايجون هر نه يابق لازم كلير ايسه ياپيلير. «استنكاف ايتمك! استنكاف بر جانيات سياسي در.» فريادي بتون انتخابانده تكرار ايدر.

منتخبلردن اكثرينك بلاشوق وانجذاب انتخاباته كيتدكلري ايلري به سورملكه بويانا تم تكذيب ايديله مز، صانيرم. اعطاي

رأيك مجبوری طوتلیسی لزومندن لاینقطع بحث ایدلسی بوکا دایلدیر . ایشته سزه، فرانسزلرک حقوق انتخابیهلرینی استعماله نه قدر اهمیت ویردکلرینی اثبات ایده جک برتدیر .

حقیقت حالده، فرانسه ده — یولتیقه جیلرک حسسیات شهاستکارانه سی ایشه قاریشدیرلمدیغی تقدیرده — عموماً حس اولنان شی کلال واستکراهدر . مجلس ملینک تعطیلی هرکسجه ممنونیتله تلقی ایدیلیر . هرکیم وکالت ملیه عاپهنده بولنه جق اولسه درحال آلفیشلانیر .

اکراهای، اوموهوم اولان حق حاکمیتنه ، دنیلیدی قدر، اهمیت ویریور ایسه ، بوحقنی نیچون ایلك راست کلدیکی دیتاتورکالنه تودیعهده تهالك کوستریور؟ حادثاتی اولدقلری کبی کورمک ایجاب ایدر .

بعض ارباب بصیرت بورالرینی کورمکه باشلايور . مجلس اعیانک جمهوریت طرفدارى اولان اعضاسی و تان غزنه سنک باشلیجه محررلری میاننده بولنش اولان موسیو (ادمون چهره ده) بوجه دندر . مومی الیه ؛ ۱۸۸۰ سنه سنده شویله یازیوردی : « نه حرکاتی اداره ایدن رؤسا ، نه ده بالذاته منتخبلر آرای عمومیه اصولنه قارشى بیوک برحرمت ابراز ایتمزلر . اصول مذکورده نك مراتب و مؤسسلى ؛ بیله بونك امر انتخابه کفافی خصوصنده حس ایتدکلری عدم اعتمادی کتم ایلمزلر . »

هاتفك پيشننده سرفرو ايديلير ، همده ويره جكي جوابلري
 كنديسنه تاقين ايلك ، مقرر اتي تنظيم واصلاح ايتك ادعاسنده
 بولونولور . شايد اهالي ؛ كنديسنك حقوق عاليه سي نظريه
 باقيلان بواصولي طانيمايه جق اولور ايسه ، نه يايق لازم كله جكي
 دوشونولور .

خلفه رهبرلك ايدنلرك كندي ايجاد كرده لري اولان آراي
 عموميه اصولي حقنده حرمت بسله مدكلري عياناً مشهوددر .
 فقط بالذات منتخبلرده بوكا دها فضله رعايتكار دكلردر .
 كتلات بشريه نك ؛ اقتدار لرينه اغتراري و محافظه امتيازات
 خصوصنده كي قيصقا نچلني شاين حيرت درجده آذرر . »

بو قدر اساسلي برصورتده محروم قابليت اولان و بودرجه
 حيا سزجه اعتراض آلت ايديلن برهيئت انتخابيه قارشيسنده ،
 هر نه شكلده اولور ايسه اولسون - بر حكومتك كنديني
 مدافعه دن واز كچه ميه جكني و بومدافعه يي ، يوقاريد ايش باشنده
 كورد يكمز بتون وسائط موجوده سيله اجرا ايله جكني بك
 اعلى آكلار سيكيز .

فقط بو ؛ شاين قبول و دوامي قابل بر اصوليدر ؟ آراي
 عموميه نك ثبات سزلغنك تمثال ذي حياتي اولان بوتون حكومتلر -
 مزك قرار سزلفي ، افكار عموميه ده پارلمنتومزه قارشى كيتد كچه
 نزايدين نفرت ، زمان زمان ، عوامي برديقتاتوره طوغري

سوق ایتمکده اولان تمایل بزه اثبات ایدرکه، آرای عمومی
اصولی؛ فرانسه ده نه معادله حکومتی، نه ده معادله حریتی حل
وفصل ایتمه مشدر .

بواصول؛ حکومت، شدتله محتاج اولدنی استقرار ویره مدیکی
کبی، اهالی یه ده مستحق اولدقلری قوای تشبیه یی بخش
ایده مه مشدر او؛ یالکز پولتیقه جیلری مستغرق حظور فاهیت
ایتمشدر .

— ۴ —

الك بويوك خطا؛ بوتون قوای سیاسیة واجتماعیه یی مرکز
نقل ایتمک ایچون، حیات محلیه نك ضعیفلاشدیراسیدر. حال حاضرده
فرانسه؛ نواحیسی الك مستبد براداره یه تابع طوتیلان بر مملکتدر.
ناحیه مدیرلری قوه مرکزیه نك بررواسطه اجرائیه سندن باشقه
برشی دکدرلر . مجالس بلدییه نك عدد وصلاحیتلری بك محدود
اولوب، نادراً اجتماع ایدرلر. حقیقت حالده، فرانسه ده نواحی؛
طوغریدن طوغری یه حکومتك وصایتی آتته قونلشدر .

مهم ومستعجل اصلاحات؛ مملکتده حیات خصوصیه
ومحلیه یه سرستی جریان ویرمکدر . بولوندقلری محللره عائد
امور ومعاملاتك رؤیت و اداره سی؛ اهالی ایچون بر مکتب
ابتدائی حکمنده در. اولر؛ منافع عمومی نك اداره سنه بومکتبه
آلشیرلر .

امور محليہ نك رؤيت وادارہ سی اصحاب املاك ایچونده
برمکتبدر . عدم مرکزیت اداریه؛ بونلرك فعالیتنه مرکزیت
ادارہ نك سد ایلدیکی ساحه وسیعہ بی کشاد ایدہ جکدر . اولاً ،
املاك و اراضیلرینك بولوندیغی یرلری اقامتگاه اتخذ ایتك
و صکرده ، اراضیلرینك باشلرنده بونوناملرینك کندیلرینه ترك
واهمال ایتدیردیکی ، حمایت ترقی کسترانه وظیفه سنی ، اهالی به قارشی
ایفا ایتك صورتیله ، اوساحه بی فتح ایتك اصحاب اراضی به
ترتب ایدر .

ثروت جهتیه ذاتاً متفوق اولان بواصحاب اراضی؛ فضله
اوله رف، ناحیه اهالیسنك اك مستعدلرندن ایسه لر، در حال او
ناحیه ده وجوارنده بر نفوذ عظیم پیدا ایدر لر .
اهالی؛ اولرلی باشلرنده کورمك و وصایاسنی اصفا ایتمکه
مفتخر اولور .

عدم مرکزیت ادارہ نك دیگر نتیجه سی ده، حکومتك
مداخله سنی؛ آنجق عائله لرك ، شرکتلرك ، ناحیه لرك ، قضالرك
کندی کندیلرینه تمشیت ایدہ مدکلری خصوصانه حصر وقصر
ایتمك ، بناء علیه مملکتك؛ ینه مملکت طرفندن اداره سندن
عبارت اولان حکومت حقیقیه بی تأسیس ایتك اوله جقدر .
بوصورتله ، کندیسنه یاقیندن تعلق اولان، قلبنده اك زیاده
برطوتان منافعی بالذاته اداره ایدن برملت؛ پولتیقه ایله اوغراشمق
واختلال حیقه ارمق احتیاجنی حس ایتمز .

— سگزننجی باب —

قوای عمومیه‌نک اتساعی (حرب) ، قوۂ تشبیه
فردیه‌نک اتساعی (صلح) دیمکدر

بز ؛ افکارک — هیچ دکلسه بعض فکرلرک — صلح و مسالمت
لهنده ناقابل انکار بر صورتده حرکت ایتمکده اولدقلری
بر زمانده بولونیورز .

محاربه‌لرک ازاله‌سی ، صلح عمومینک حصولی تحیل ، و ترک
سلاحدن بحث اولونیورز . مطبوعات ؛ زمان ، زمان بویولده‌کی
تکلیفاتی قید ایدیور . حتی ؛ مسئله بعض پارلمنتولره بیله عرض
اولونمشدر . بر طاقم غزته‌لر ؛ محاربه‌یه و محاربه‌نک امکان منغه
دائر فکرلرینی آکلامق ایچون ، اک معروف ذوات نزدنده تحقیقاند
بولوندیله . نهایت ، بر قاج سنه‌دن بری محاربه‌نک تحدیدی و حق
بوس بوتون اورته‌دن قالدیرلمسی مقصدیله ، بر چوق جمعیتلر
تشکیل ایتدی‌که ، بو ؛ بحث ایتدی کمز حرکت فکریه‌نک ، احتمال‌که ،
اک بویوک علامت ممیزه‌سیدر .

برکون ، (نه آتر فرانسه‌ز) میدانندن کچرکن ، سالف الذکر
حرکتک درجه اهمیت و وسعتی حقنده استیحصال معلومات

ایچون ، بوجمیتلردن برینک مرکزینه اوغرادم . صالح پرورانه برصورتده قبول ایدلدیکم، سویلهدن آکلاشیلیر. آرزو ایتدیکم بوتون تفصیلاتی استحصال ایتدکدن ماعدا، مختلف جمعیتلر طرفندن نشر ایدلمش برچوق غزتهلر، رساله لرله، لوندرده انعقاد ایدن صوگ صالح عمومی قونفره سنک، اوج یوز صحیفه یه قریب برجلد تشکیل ایدن، ضبطنامه سندن مرکب، قوجه مان برپاکتی حاملأ بورادن چیقدم .

بن بوونائقدن ، مختلف مملکتلرده متشکل قرق قدرصلح جمعیتی اسامیسی استخراج ایتدم . آمریقادکی جمعیتلر حقننده ایسه، «ناقابل تعداد بررادهده چوق وهرکون رقی ایتمکده در.» دینیلیوردی . بوسیله، بونلرک جدولی درج ایتمکدن صرف نظر اولونمشدی .

جمعیات صاحیه نك؛ محارباتك الغاسنه چالیشمق و محاربه لرك بشریته ایراث ایتدیکی مصائی، واستلزام ایلدیکی عظیم مصارفی، و مصارف عسکریه نك بار تحمل فرسائی آلتنده سقوط ایدن حکومتلری حساب و ارااه؛ وسعی و عملی ترویج و تسهیل ایدن ، ملتلی نائل ثروت و رفاهیت ایلیه بن صلح و مسالمتی دل آشوبانه تصویر ایتمک صورتیله، بر موقع ممتاز اشغال ایلکده اولدقلری بدیهیدر .

فقط، اکتساب ایتمکده اولدقلری ترقی و اتساعه رغماً -

بالخاصه اور وپاده - خلك قسم اعظمى بوجعيتلره قارشى بيكانه
 قالمقده در . حتى اعتراف ايتمك لازم كليركه، بونلرك تشبثانى
 اكثر يا عدم اعتماده تصادف و خنده استهزايى جلب ايدر .
 جمعيات مذكوره نك تعقيب و ايجلرندن برينك، « ملتلك استقلال
 للرى و بين الملل عدالت اساسى - كه نتيجه فعليه سى شدائد
 حربه يرينه حكم اصولنك و سائر هرنوع طرق ائتلافه
 وعدليه نك اقامه سندن عبارتدر - محافظه و نشر و تعميم ايدلكره
 يولنده، تعريف ايدلديكى مقصودك مبدل حقيقت اوله جفنه اينانمازلر .
 تپه دن طيرناغه قدر مساح و هروسييله ايله يكدى كرى
 اوزرينه آتيلمغه مهيا اولان ملتله قارشى، حكم اصولنك
 موقع تطبيقه ايصالى، وعلى الخصوص تعميمى، بك كوچ بر كيفيت
 اولدينى محققدر . جمعيات صلاحيه نك مواظى، نشریات
 و تشويقاتى بومانعه يى از الهيه بك غير كافى كور و نور .

بونقطه نظر دن باقىلنجه، تشبثات واقعه نك عدم اعتماد و خنده
 استخفافله تلقى ايدلسنك سببى آكلاشيلير .

مع هذا، اعتماد سزلق كوسترلر و كوللر حقه سزدرلر .
 تكليف اولنان و سائط صلاحيه، ايسته نيان در جهده مؤثر اولما مقله
 برابر، جمعيتلرك وقت مرهونه يتيشمك اوزره اولدقلى ده
 غير قابل انكاردر .

جمعيات مر بوره ؛ كندى منسوبونك بيله ، بك حقيقى

ومثبت اولان علتندن غافل اولدقلری ، برتکامل اجتماعینک
 نشانه سی ونتیجه ظاهره سیدر .
 محارباتک ؛ تخصیص قوای عمومیه نک اتساعندن نشأت
 ابتدکی وتأمین صلح ومسالمتہ اک اعلا واسطه ؛ قوه تشبیه
 شخصیه بی تمیه ایلمک اولدیفنی آتیده کوریلہ جکدر .

- ۱ -

ماضیده حربک حائز مرجحیت اولدیغنک اثباتی ؛ مع التأسف ،
 اوزون اوزادی به سرد دلائله محتاج اولمیان بر کیفیتدر . بو ؛
 تاریخک هر صحیفه سنده مقیددر . کویا که تاریخ ؛ محاربه لرك ،
 مسلحاً وقوع بولان استیلالرك مدید ، یکنسق بر حکایه سیدر .
 فقط اصلاً ایضاح ایدلمه مش اولان جهت ؛ بو مرجحیتی
 موجب اولان اسبابدر . ایضاحه چالیشان اولمامشدر دیمک ایسته .
 میورم . مؤرخلر ، فیلسوفلر نوبت بنوبت ، همده کمال هوسله
 بو ایضاحه قیام ایلمشلردر . لکن ایضاحات واقعه بو حالی الحای
 حادثاته ، طبیعت بشریه نک فناغنه ومرادالهی به عطف ایتمکدن
 عبارت قالمشدر .

بز ؛ اصول دائره سنده حرکت ایتمش اولمق ، ایچون اولاً
 محارباتی «محاربات سیاسیه» و «استیلالر» نامیلہ ، یکدیگرندن بک
 فرقلی ایکی قسمه تفریق ایدلم .

۱ استیلالر . — بز بو تعبیر ایله، اقوامک یکی مؤسسات وجوده کتیرمک . یکی اراضیده طرح اقامت ایتمک مقصیده تبدیل مکان ایله یشلرخی قصدایدیورز . بنوع سفر لرك ماضیده نه قدر کثیر الوقوع اولدیغی ، عالمی نه قدر آلت اوست ایتدیکی معلومدر . بونک ایچون تاریخده اودرجه بویوک بر محل اشغال ایدن مشهور باربارلر استیلاسنی خاطر لاق کافیدر .

استیلالری تولید ایله بن و اوقدر اوزون بر مدت تمادی ایتدیرن اسبابک تعینی مشکل دکلدر . بو اسباب ایکی قسمده جمع اولونه بیایر .

اولاً، خالی اراضینک چوقاقی . — ازمنه قدیمه ده، اوکلرنده بوس بوتون خالی ویا آز مسکون اراضیء واسعةنک کشاده اولدیغی کورن اقوامک ؛ اوتنه دنبری تحت اشغاللرنده بولنان اراضیدن، مساعیء زانده صرفیله دهابرکتلی ثمرات اقطافنه انتظار ایده جک یرده ، فوج ، فوج اراضیء جدیده مکشوفیه طوغری ناصل آقوب یاییلد قلرینک سببی آکلاشیایر . بزده اونلرک یرنده اولسه ییق، اویله یاپاردق . کره ارضک رفته، رفته اسکانی بو صورته وقوع بولمشدر . فقط، امراسکان موقع فعله کلد کدن صوکره، مسکون بولنان یرلر حقننده ده بو استیلالر دوام ایتمشدر ؛ مثلاً، روما ایمپراطورلغنک استیلا ایدلمسی کبی . بودوام استیلائی؛ دیگر بر سبب بزده ایضاح ایدر : اقوامک طور اغه ارتباطلرینک آز اولسی .

اقوام مذکورہ نك قسم اعظمی؛ راعيلك ايله ياخود بك ابتدائی درجہ ده بر فلاحته اشتغال ايدرلر، اراضی بی بك ضعیف بر صورتده و ممکن اولدیغی قدر آز ایشلرلردی .

بونلر یا حال بداونده یاخود هنوز توطن ایتیش بولنورلر ایدی . اقامتگاهلری ده متحرک چادرلردن یاخود زراعتلری قدر ابتدائی کلبه لردن عبارت ایدی .

بوسیلله قوموشولردن برینك، اراضیلرینه دخوله تصدی ایتسی، اونلری؛ سورولرینی اوکلیینه قانارق و، بونلر قدر متحرک اولان، مسکنلرینی یوکلنه رك، تبدیل مکانه قرار ویردیرمك ایچون کفایت ایدردی . بر قومك تبدیل مکان ایتسی، رفته رفته دیگر اقوامه ده سرایت و تدریجاً توسع ایده رك، بحر محیط اوزرنده طائفه لر نه درجه متحرک ایه، کندیلری ده طوپراق اوزرنده او نسبتده سیار وبی قرار اولان باربارلق عالمی، باشدن باشه حرکت کلدردی .

الیوم بو محاربات نهایت بولمشدر . چونکه، کره ارضك بویوك بر قسمی اشغال ایدلمش یاخود، آمریکا و اوستراالیاده اولدیغی وجه ايله، منفرد عائله لرک مهاجرتیله، مسامت پرورانه بر صورتده اشغالی محتمل بولونمشدر . بو محارباتك نهایت پذیر اولسنك دیگر بر سببی ده، اقوامدن اکثرینك توطن ایتیش و، عندالحاجه بر هجرت عمومیه دن ایه، حاکمیت اجنبیه آلتنده یاشامنی قبول

واختیار ایلمکه دها متایل بولونمش اولملریدر . آسیای وسطی و آفریقای شمالی اقوامی کبی ، هنوز حال بداوئده قالمش اولان اقوامه کلنجه ، بونلر؛ الحاله هده کندیلرینی احاطه ایدن حکومات قویه نك قوای مساحه سیله ، بولندقلری یرلرده ضبط و تخرید ایدلمشلدور .

هر نه قدر بشریت؛ شوصورتله بوبرنجی نوع محاربندن هان تمامیه خلاصیاب اولمش ایسه ده ، عصر لرجه بومحارباتک آجینسی؛ هم ده شدتله ، چکمش اولدینی انکار اولنه ماز .
ایکنجی نوع محاربندن ایسه ، آئیده کوريله جکی وجه ، ایله حالا تخایص کریبان ایده مه مشدر .

۲ محاربات سیاسیة . — بز؛ بونام ایله ، دولتر آره سنده سلاحه وقوعه کلن مختلف مخاصماتی کوسترمک ایسته یورز .
بومحاربات بعض کره دشمن اراضیسنک اشغالیله نتیجه لنبر ، فقط شو حالده بیله ، بواشغال بر اشغال سیاسیدن عبارت اولوب ، کتله؛ اهالینک نقل مکان ایتدیرلمسی ، مغلوبک ده غالبک تحت تصرفه کچمسی دیمک دکلدر . بناءً علیه بومحاربه لر برنجی نوع محاربندن صراحة آیریلر .

بوگونه قدر تمادی ایدن بو ایکنجی نوع محارباتدر . وصلح مسالمتک وحکم اصولنک تأمین وتأسیسی مقصدیله تشکل ایدن جمعیتلرک شکایاتی بونلر علیهنه در .

محاربات مذکورہ نك؛ ماضیدہ اکتساب ایتدکری والیوم
دخی محافظہ ایتدکده اولدقلى اساعی ایضاح ایچون، صحایف
تاریخیه اوزنده کوچوك بر جولان یایق، شمدی به قدر اجرای
حاکمیت ایدن اقوامك شرائط تشکلیه سنی ندقیق ایتدك همه حال
لازمدر .

تاریخه مراجعت ایدرسه کز کورورسیکز که، کره ارضك
اقسام خالیه سی اهالی ایله طولدیران استیلارك قسم اعظمی؛
شرقدن ، آسیانك؛ عصرأ بعد عصر بوتون جهانہ یاپیلان بیتمز
توکمنز افواج بشرك مصدری اولان، نواحیسنندن صدور
ایتددر .

آسیانك بوقسمی سطح ارضده موجود (ستهپ) لرك
اك بویوك مرکزی اولدیغنی بیلیرسیکز . بوراده سا کن اولان
اقوام، یا تماماً یاخود براز ابتدائی زراعتله قاریشیق اوله رق،
راعیلک ایله یاشارلردی .

بومنشأ راعیانه لری؛ — علم اجتماعك ایضاح ایلدیکی اسبابك
تأثیریه — اقوام مذکورده تشکلات سبطیه وتجمعیه بی انطباع
ایتدیرمشدر . بوتشکلات؛ اولرده هر فردك، نفسنه دکل، هیئت
مشترکه افرادہ ، جماعته، عائله به، قبیله به وعشیره استناد ایتدك
اعتیاد واحتیاجنی تنمیه ایلشدی . بونك نتیجه طبعیه سی اوله رق،

سالف الذ کراقوام کوچبه لکی ترک ایله قضیاً یرلشهرک تأسیس حکومت ایتدکلری زمان، قوای عمومیه به پک بویوک بروست وشمول ویرمشلردر .

بو حالدن طولاییدرکه، تاریخک مبادیسندن اعتباراً مصرده، آثوریه ده، ابرانده ده، بالآخره اسکندر کبیرک ورومالیطور لرینک خلف اولدقلری قوتلی آسیا حکومات مطلقه سنک تأسیف کورورز. بوتون بو جمعیاتک صفات ممیزه سی ؛ بونلرده قوای عمومیه نك مطلق و مستولی بر ماهیتی حائز و حکمدارلرک ؛ تبعه لری اوزرنده، عشایر ابتدائیه مشایخی درجه سنده، حکم و نفوذ مالک اولمسی وقوه تشیشیه شخصیه بک صوکه درجه محدود بولنمیسدر .

بشنجی عصر ایله اونی تعقیب ایدن عصرلرده، اوروپا به استیلا ایدن باربارلرک اکثری؛ عین محلدن، همانده طوغریدن طوغری به آسیادن، کلیورلر وعین تشکلات تجمهیه بی کنند. یلریله برابر اوروپا به ادخال ایلورلردی .

جرمنلر، غوتلر، ویزیغوتلر، اوستروغوتلر، ژهیندلر، بورغونلر، لومبارلر، سوئه دلر، آلمانلر، توره نژییه نلر، سوا بلرکی جرمن اصلنه منسوب اقوامک قسم اعظمی؛ و، الک مشهور سیاسنی (هون) قومی تشکیل ایدن، اسلاولر، فینوآلرله

عربلر ، مونغول تاتارلری ، ترکر بوقیلدن ایدیلر .
اقوام مختلفه مذکورہ؛ وجودہ کتیردکاری حکومتلری
طبقی آسیادہ کی نمونہ لرینہ توفیقاً تشکیل یعنی حاکمیت مطلقہ
ومستبدہ بی تأسیس ایتدیلر . بونلرک بالخاصہ یرلشدکاری
مرکزی وجنوبی اوروپادہ، بونقطه نظر دن، آسیا حکومت
مطلقہ سنک وروما ایمپراطورلغنک تعاملاتی دوام ایتدی .

اوروپا، قطعہ سنک حوالی مرکزیہ وجنوبیہ سنہ، تشکلات
تجمعیہ بی حائز وقوای عمومیہ واسعہ اصولنہ تابع قوملرک بو
یکی استیلا سنک تأثیراتی حالاحس اولمقده در .

بو استیلا؛ (شارلکن) ک ، ایکنجی (فیلیپ) ک ، اون
درنجی (لوئی) نک، بویوک (پترو) نک، (نابولہ ٹون) ک ،
برنجی (کیوم) ک شرق اصولندہ کی حکومت مطلقہ لرینہ مبدأ
اولمشد .

قوای عمومیہ نک اتساعی اساسنہ مستند بو طرز اجتماعی؛
اسپانیالیر وپورتیکیزلر طرفدن برجدیدک برقسمنہ ، جنوبی
آمریقاییہ ادخال ایدلدی . نفوذ حاکمیتک؛ اورالردہ نہ عظیم
سوء استعمالہ اوغرا دینی ایسہ معلومدر .

طرز مذکور؛ ایشته بو وجہ ایلہ وسطی اوروپادہ وجنوبی
آمریقادہ الآن حکمران اولمقده، ہمہ دہ کرک قراللق وایمپرا-

طورلق ، كرك جمهوريت شكللى آلتندە ، طبقى ازمنە قديمە دە
جارى اولدىنى كېي ، حكمران اولمقە دە .

چونكى قراللىق ، ايمپراطورلىق ، جمهوريت تعبيرلىرى بىر
عنوان ظاهرىدن باشقە برشى دكلر .

۱۷۸۹- جمهوريتى ؛ طبقى اون دردنجى لوئى كېي ، حكومت
مطلقە قاعەدەسى اجرا و (ژاقوبىن) لك نامى آلتندە بوقاعەدەنى
بايكە اوندن دها خشىنانە بر صورتە تطىق ايلدى . جمهوريت
حاضرە ؛ اون دردنجى لوئى نك ايجاد و ناپولەئونك اصلاح و اكال
ايش اولدىنى ، مركزىت اداره اصوللە اداره امور دە دوام
ايلەككە اولدىنى كېي ، آمريقالى جنوبى جمهوريتلىرى دە ؛ استخلاف
ايلەكلىرى حكومات قرالىە درجە سنده بر مطابق ايرازايتەككە درلر ،
بواصول سياستك ؛ اساسا حربى ناصل توليد ايلەككە اولدىنى
و محارباتك ماضىدە و جالە نچون بويوك بر موقع طونديفنك
اسبانى شمدى ايضاح ايدە بيليرز .

محارباتك تكتىرىنى ؛ قواى عمومىة مطلقەك توسى قدر ،
هيچ برشى تسهيل ايتمز . بو حادە آتيدەكى اوج سببدن نشأت
ايدر :

۱ — بو حكومتلر حرب ايتك ايچون دها زيادە وسائلە
مالەكدرلر . فى الحقيقە ، بو حكومتلر مملەكەتدەكى قواى مؤثرەك
كافەسى اللرنده بولونديرلر . چونكى هرشى ، آز چوڭ

حکومتک امری آتنده و هرشی آز جوق حکومته عاڏدر .
 حکمدارک اراده سندن باشقه برامل و اراده به مالک اولمیان ،
 اوردولرله عسکرلری و آایلرله مأمورلری واردر . اوردو
 ایسه ، حال و وضعیتی مقتضای اوله رق ، صلحدن زیاده حربه
 الوریشلیدر . او ؛ بر حکمدار و یارئس حکومتی ، آنجق درجه
 فتوحات و مظفریاتی نسبتنده تقدیر ایتمک میانده در .

۲ — بو حکومتلر حربه دها متمایلدرلر . بو ؛ اولنلر ایچون
 اکثریا بر مدعینک یرینی قایمق یا خود بر رقیبی دفع ایتمک خصو-
 صنده برواسطه در .

سالاه ادعالری و یا احتراصات شخصییه او غورنده اجرا
 ایدلش لایعد بر سوری محاربات بوندن منبعثدر . سزه هرشی
 یایمق اقتدارینی بخش ایدن و بحق مقدس کورولسی ایچون
 یالکنز مظفر اولسی کافی اولان بر قوتی اله کچیرمک نه جاذبه لی
 برشیدر .

فقط اونی اله کچیردکن صوکره محافظه ایتمک ده لازمدر .
 اود درجه مفرط ، و عموم نامنه دوشونمکی ، سویله مکی ، حرکت ایتمکی
 در عهده ایتمش اولسی سببیه ، بر جوق کیمسه لریک منافعی محل اولان
 اواققداری محافظه ایسه کوچوک برایش دکلدر . بو حکومتلر ؛
 عهده لرنده جمع ایتدکلری قدرت بی نهایتک بارکران طساق
 قراسی آتنده ییقلیق تهلیکه سی کوستریرلر . او وقت حرب ؛

افکاری مشکلات داخله دن انصراف ایتدیرمک ایچون، بر واسطه تغایط شکننده عرض دیدار ایدر. ایسته، تاریخی طولدیران دیگر بر ساسله عظیمه محارباتک اسبابی بودر.

اگر بو محارباتی آچان حکمدارلر؛ مغلوب اوله رق موقع اقتداردن طرد ایدیه جک اولورلر ایه، یرلرینه کلنلر عین حال و وضعیتده بولونه رق، عینی ناقابل اجتناب شئامتک تاثیریه حرب، سوق ایدلش اولورلر. بالعکس، شاید مظفر جیه جق اولورلر ایه، قوت و اقتدارلری تزايد ایدر و اوزمان آرتق، محافظه موقع ایچون دکل، تزئید شوکت و توسیع حاکمیت ایتک و مؤرخینک نشاطی، اقوامک ایه فلاکتی موجب اولان جسم امپراطورلقلر تأسیس ایتک ایچون حرب ایدرلر.

بوراده، کندیلرینه بویوکلک اسناد اولمان و اوصاف و اسامیسی ایله صحایف تاریخیه یی طولدیران بر ساسله حکمدارانک یش نظر کزده تجلی ایتدیکی کوریرسیکز.

بو جسم حکومتلر؛ طبیعت و ایجابات حادثاته او درجه مخالفدرلرکه، بوندن طولایی پایدار اوله مازلر. مؤسسلرینت و قاتلرینی متعاقب، حتی اکثریا اونلرک حال حیساتلرنده بیله، کمال شمائتله محو و منهدم اولورلر. مع هذا خافلری ایله برابر، حرب و قتال ینه باشلار. و نسلدن نسله بووجه ایله دوام ایدر طورور.

۳ — بو حکومتلر مملکتک آرزو سیله ضبط و توقیف اولنه. مازلر. بالاده بحث ایتدیکم محارباتک قسم اعظمی، حسیات عمومیه نیک خلافت اوله رق ایقاع ایدلمشدر. زیرا، اقوام چالشمغه محتاج اولدقلرندن و حرب ایسه سعی و عملی افنا ایلدیکندن ناشی صلح و مسالمت احتیاجلری واردر. فقط بونوع هیأت اجتماعیه ده حسیات عمومیه کوچا کله تبارز ایددیلیر.

بومملکتلر ده، حقیقت حالده، اوج صنف خلق واردر. اولاً مأمورین، یعنی حکومت سایه سنده یاشایان و معیشتلری بودجهیه تعلق و انحصار ایدنلردر. بونلرک عددلری بالطبع ناقابل تعداد بر درجه ده چوقدر. زیرا حکومت مطلقه؛ اراده و آرزو سنی هر طرفه ایصال و هر یرده اجرا و انفاذ ایله هر طرفه حیثیت و اعتبارینی محافظه ایدن بر مأمورین اوردوسنه استناد ایتدیکجه محافظه موقع ایایه مز.

آسیایه کیتمکه، ازمنه قدیمه یه ارجاع نظره نه حاجت، فرانسه، روسیه، آلمانیا و اسپانیا و سائر ممالک نظر تدقیقه آله رق، مأمورینک بوتزایدی مشاهده اولنه یاییر.

حال بوکه بومأمورلر؛ حکومتک حرب خصم و صنده کی دوامسز آرزو سنه اعتراض ایتک شویله طورسون، اونی بالعکس تأیید، حتی ایجاب ایدرایسه تحریکه بیله، مائلدرلر. موقعلری اقتضاسی اوله رق، اونلر؛ حکومتک هر یاپدیغنی تصویب ایتمکه

مجبور در لر. زیرا جزئی بر مخالفت، اولری؛ مدار معیشتلری
اولان مأموریتلرینی غائب ایلمک تهلیکه سینه معروض بر اقبیر.
بالعکس، حکومتک باجمله افعالی علناً تصویب ایلمکه، مأمورینجه
ترقی ایده بیله جک بروضعیت اکتساب ایتمش اولور لر. بناءً علیه
میل حربدن او حکومتاتی منع ایده بیله جک اولانلر مأمور لر
دکلدر.

ایکنجی صنف خلق، پواتیقه جیلردر. بونلرده مأمور لر
کبی لایعدولایحصادر. زیرا اوقبیل مملکتلرده اعمومی حرص
وامل؛ مجسم بر عنایت سماویه شکننده کورینن حکومتک سایه
لطف و کرمنده یاشامقدرد. بو؛ تشکل تجمعی به مالک جمعیانده
جاری بر اعتقاددر.

هرکس؛ اکر حکمدار کندی قبیله سینه منسوب ایسه، اونی
محافظه و مخاصم قبیله دن ایسه دوشورمک، ایچون مجادله ایدر.
بنابرین هرایکی تقدیرده دخی حکومتی حربه سوق ایتمکه
چالیشیر. برنجی حالده؛ حکمدارک شوکتی مظفریتله تزئید
ایلمک امیددی، ایکنجی حالده ده؛ حکمداری لکه دار ایدوب
دوشورمک واغتشاش تولیدایده رک بولانیق صوده بالق اولامق
مقصدی تعقیب اولونور.

اوچنجی صنف خلق ایسه؛ مساعی مفیده به حصر نفس
ایدن، نامعروف فقط شایان مدح و ثنا کتله عوامدرکه، ثرون

مملکتی استحصال و ویرکیری تأدیه ایدن ده بونلردر. استحصال و تأدیه ایچون صاح و مسالته محتاج اولان بو صنف ؛ اکثریت عسدریه یی حائز اولمسندن طولایی ، حکومتی اداهه صلیحه اجبار ایده بیایرکی کورونور ایسه ده ، حقیقت حاله بو قیل جمعیاتده ، هر شیئه استیلا ایتش اولان حکومت ؛ صنف مذکورک بوتون تأثیر اجتماعیسنی یاواش یاواش نزع ایده رک ، اونی تخریب ایتش و هیج منزله سنه ایندیرمش اولدیغندن ، بو صنف خلق ؛ حکومت ، مأمورلره ، بولتیقه جیلره اطاعت ایتمکدن باشقه برشی یاپه ماز .

آنور حکمدار لرینه ، اسکندر کیرلره ، قیصرلره ناصل مخالفت ایدیله مش ایسه ، ایکنجی فلیپ ، اون دردنجی لوتی ، قونوانسیون ، ناپولهئون ، برنجی کیوم زمانلرنده ده ، حکومت قارشی او یله جه مقاومت کوستریله مشدر .

فی الواقع ، استبدادک ناقابل تحمل براده یه واردینی بعض آنلرده ، مستبدی طرد و دفع ایتک قصدیله قیاملر وقوع بولور ایسه ده ، بو ، دیدیکم وجه ایله ، یرینه عینی موده لده دیگر برینی کتیرمکدن باشقه برشی ایچون دکلدر . دکیشن یالکزر اسمدر . آثار تاریخیه و فلسفیه ده ؛ محاربات سیاسیه نک مقتضای قدر ، و بشریتک تابدا یتدن بری بومصیبه محکوم اولدیغنک ، و بناء علیه محاربات مذکورک قطعاً ناقابل اجتناب ، و تمید تکررینی

دوش-ونمك ايسه بهوده بر تصور دن عبارت بولنديغنك بيان اولمسي، بوكيفيتدن طولاييدر. اولوم وخسته لك كي، بولرده كردنداده رضا اولمق ضروريدير، ظن اولونور.

پارس غزنه لرندن برينك، بومسئله يه دائر يك ياقينده اجرا ايلديكي تفحصاتك نتايجي كوزمرك اوكنده طور ييور. نتايج مذكوره؛ «محاربه-وعظماي معاصر نمرك بومسئله حقننده محاكاتي» عنواني تحتنده نشر ايدلمشدر. بومشهور بويوك آدمرك قسم اعظمي؛ طبيعي اوله رق، صالح ومسالمتك محسناتني مدح و ثنا ايله، حربك ماهيت مشئومه سني اثبات ايد ييورلر. ايجلرندن موسيو (دو-ووكوئه)؛ «(داروهن) ايله هم فكر اوله رق اعتقاد ايد ييورم كه، مجادله شديده، طبيعتك، بوتون مخلوقاتي ادار ايدن، برقانونيدر. (ژوزف دومه يستهر) كي، بنده بونك برقانون الهی اولديغنه قائم.» دييور.

صالح برور موسيو (قاميل روسه) دخي؛ «دائما محارباني استلزام ايدن «منافع اقوام» (!) ابدياً موجود اوله جقدر.» فكرنده بولونيور.

موسيو (قلارتي) يه كلنجه، مومي اليه؛ جسم اردولرك، «جمله مترك سوديكي صالح ومسالمتك بلكه اك صاغلام تأميناتي» اولديغني سويليور.

دیگر اوج درت ذات ایسه؛ صالح جمعیتلرینک اتساعنه و بین الملل حکم اصولنه بنای امید ایدیورلر.

شو حال، یعنی بواصول معتاده حربیه یاخود بو تپه دن طیرناغه قدر مجهز و حرب قدر مخرب اولان «صالح مساح»؛ مقتضا قدر میدر؟

اگر اونی تولید ایدن سالف الذکر اسباب؛ حد داننده مقدراتدن ایسه، حرب ده مقدراتدندر. اسباب مذکوره تغیر ایدیله بیلیر ایسه، بالطبع نتیجه ده تغیر و تبدیل ایدلمش اولور. فقط عجبا اسباب قابل تغیر میدر؟ ایسته مسئله بوراده در.

اوت، اسباب قابل تغیر اولدقدن باشقه، تغیر ده باشلامشدر. معساد اولان حال حربی شمدی به قدر ادامه ایدن احوال سیاسییه بی عمیق بر صورتده تبدیله معطوف بر تکامل اجتماعی؛ زمانزده اجرای فعل ایتکده در. بو تکامل؛ هبوط آدمدن بری، تشکلات اقوامده وقوعه کلن تکاملاتک شبهه سزاک مهمیدر.

باقلم بوندن عبارتدر؟

— ۲ —

شیمدی به قدر ایلرله بن و مستقبلاً دها زیاده تظاهر ایدم جک اولان بو تکامل نوین؛ ایکی بویوک حادثه نك سوقیه ظهور ایتمشدر: اولاً، آمریکا و اوسترالیا قطعه لرینک کشف

واشغال تدریجیسی ، ثانیاً ، کومور معدنک اکتشاف واستعمالیدر .

برجدیدك كشی؛ قدیم اوروپانك ، افراط ایله تزايد ایدن اهاالیسنه خارجده مکمل برواسطه انتشار تهیئه ایتمشدر . کومور معدنك كشی ؛ مسافاتی قصر وتنقیص ایله ، بوانتشاره یاردیم ایتمش وعین زمانده ، استحصالات زراعیه وصناعیه عظیم برفعالیت بخش ایلشدر . وقتیه ، یتشددیکی محللرده یاخود جوارلرنده استهلاك اولنان محصولات ارضیه یه اوزاق مخرجلر احضار ایتك صورتیه ، استحصالات زراعیه یه خدمت ایتدیکي کي قوه محرکي وبناء علیه ، چالیشمق اقتدارینی یوزلرجه دفعه تضعیف ایتمکله ده ، استحصالات صناعیه یه خدمت ایتمشدر .

اوحالده ، بوايکی کشف مهمك نتیجه عاجله سی ؛ برطرفدن واسع قوای عمومیه یه مالک اولان جمعیتلرک — شمدی یه قدر مستور قالان — درجه پستیسی ، دیگر طرفدن ، محدود قوای عمومیه یه وواسع برتثبت شخصی یه مالک بولنان هیئتلرک — ینه مجهول قالان — تفوق واضحنی آچیقدن آچیغه اظهار ایتك اولمشدر .

برنجی طرزده بولنان جمعیتلرک ؛ اساسا جنکاور اولدقلرینی کوردك . ایکنجی طرزده بولنان جمعیتلرک ؛ بالعکس ، اساسا صالح پرور اولدقلرینی کوره جکزر .

۱ — بویکی کشف ؛ برنجی طرزده بولسان جمعیتلرک
مادونیتی ناصل اظهار ایلشدر ؟
بر آز اول توصیف ایتدیکنر حال اجتماعی به گرفتار اولان
اقوام ؛ تصادفک احضار ایتدیکی بویکی پارلاق فرصتدن هیچ
استفاده ایدمه مشلر ، یاخود پک ناقص صورتده استفاده ایلله-
بیلمشلردر . اقوام مذکورنک ؛ پراوزرنده بولسان ملتلرک
اک بویوکی اولملرینه باقیایرسه ، بو حال ؛ دهها زیاده نظر دقتی
جلب ایدر .

بر جدیدک کشفی انناسنده ، کرمنک حاکمیت سیاسیسی ؛
اسپانیا ، پورتوغال و فرانسه نک ید اقتدارلرنده ایدی . اووقت
ازمنه جدیدنک اک بویوک حکمدارلری بولنان شارل کنت ،
ایکنجی فلیپ ، اون دردنجی لوئی ؛ بو اوچ تحت حکمداری
اوزرنده یکدیگری تعقیب ایدیورلردی .

بو اوچ دولتک سطوت و اقتداری بلارقیب حکمفرما اولدینی
ایچون ، بر جدیدی منحصر آ آرملرنده تقسیم ایدمه بیلمش ایدیلر ؛
اسپانیا و پورتوغال ؛ مکسیقایه قدر بوتون جنوبی آمریکا ایلله ،
آفریقا و هندستان ساحلرینک قسم اعظمه و اوقیانوسیان
بر جوق جزایره وضع ید استیلا ایتشلر ایدی .

فرانسه ؛ آفریقاده و آنتیل آطه لرنده کی مستملکندن باشقه
اوله رق ، بوتون شمالی آفریقایه رفع لوای حاکمیت ایلشدی .

انكلتره نك؛ آمريقای شمالیده کی مستمالکاتی ایسه، (آله غانی)
دن بحر محیط اطلاسی به قدر امتداد ایدن اوزونجه ساحله
انحصار ایلشدی. انكلتره بو تقسیم عظیمه داخل اولماش،
اك بويوك حصه لری اونلر التقام ایتیشلردی. فقط نتیجه باشلانغج
کی او قدر پارلاق اولمادی.

چوق کچمه دن تظاهر ایتدی که، بودول معظمه سیاسیه،
اراضی جدید نك تقسیمنده مهارتلی وار ایسه ده اساسلی بر
صورته تصرفنه اصلاح واعمارینه مقتدر دکلدرلر.

تاریخك؛ هر کسجه بیاین بو قسمنی تکرار یازه جق دگم،
معلومدرکه، بو اوج ملت؛ اراضی جدیدیه سرسری عسکر،
مأمور، یاخود علی العاده تجارت اولان عناصر موجوده
مایه لرینی اعزام ایدوبیلیورلردی. بالطبع بوتشبت؛ قوای
عمومیه نك مأمورین و مستخدمینی طرفندن درعهده اولنش،
براستعمار اداریدن عبارت قالدی.

شیمدی، بزم تونکننده تعقیب ایتدی کمز پولتیقه نك؛ بويوك
برشکلی جاری ایدی.

سی مستقل و تشبت فردی بی، عصر لردنبری بوغان، طرز
اجتماعیلرینك؛ مستعمر آدملر یتشدر مکه استعدادی قالمادی
ایچون، بوملکتلر؛ مهاجرات واستعمارات زراعیه به موفق اوله.

مادیلر. بونك نتیجه سی نه اولدی؟ بر عصر دن آز بر مدته، بواج ملت؛ هر طرف دن رجعت ایتدیلر.

قوای عمومیه نك تزايد مفرطی ایله، تشبث شخصینك بو عجز واضعی آره سنده حقیقهٔ ازیلدیلر. بواجموزج اجتماعی به یکی بر قدرت بخش ایده جکی ظن ایدیلان بر جدید؛ بالعکس سقوطنی تعجیله و درجهٔ پستیسی چشم کائناته ابراز و اظهاره خدمت ایله دی.

معدن کوموری کشفنك، بوجعیتلره تأمین ایده ییله جکی منافع عظیمه دن استفاده ایتك خصوصنده کومر دکاری عجز؛ تمة فلاکت اوله رق، درجهٔ ضعفیتلرینی برقات دها آشکار ایتدی. تشکل اجتماعیلرینك الجای طبیعیه سیله، خدمات عمومیه واداریه به وبا خصوص مساعی شاقه و تشبثات شخصیه بی مستلزم اولمایان، مسالکه مائل اولدقلری ایچون، نظر استحقار ایله باقدقلری زراعت و صناعتمدن، بوتون قوتلریله تباعده چالیشمشلردی.

بونك ایچوندرکه، معدن کوموری کشفنك آجدینی مبارزهٔ عظیمهٔ صناعته، موقع ممتازی احرازه موفق اوله جق حال و وضعیتده بولنمادیلر.

جمعیت بشریه نك بواجموزجی؛ حادثات جدیده قارشیسنده کال عجزایله طورورکن، بواجکتشافادن پك پارلاق بر صورتده مستفید اولان ایکنجی بواجموزج اجتماعی ظهور ایدیو بر مشدر.

۲ — بر جدید ايله معدن کومورينک کشفی ايکنجی
انموزجک رجحانی ناصل تأمین ایتشدرد ؟

بوصفک طبیعت اساسیه سی؛ برنجیسنک عکسنه اوله رق، محدود
قوای حکومته وواسع بر قوۀ تشبیهیه مالکیته بر .

بالطبع برنجیسنک محارباته منهنک اولدینی قدر، ايکنجیسنک
صلحه میال اولسی؛ بوخاصۀ اساسیه نک نتیجه منطقیه سیدر. بو
ايکنجی زمره نک باشنده، متفوق و مستثناعصری تشکیل ایدن،
آنگلو — ساقسون عرقی بولنیور . آنگلو — ساقسون عرقی
صلحپرور بر عرق قدر . بو عرق نامنه اجرا اولنان محاربات
مدیده و مزمنه دن، وبالخاصه ترانسوال محاربه سندن بحث ايله،
اعتراض ایتیه یکنز. آزیحق مساعده ایدیکنز. آنگلو — ساقسون
زمره سنک تکامل اجتماعیه سی (تشکل سبطی یاخود تجمعی) [۲]
طرزنده بولان اقوامک تکاملندن یک فرقايدر .

آنگلو — ساقسونلرک تکامل اجتماعیه سی؛ عرقک خصیصۀ
صلحپروریسنی و قوای حکومتک ضعفیت انکشافی اثبات واران
ایدن، اوج دوره یه تقسیم اولنه بیایر:

برنجی دوره — زمرۀ اولیه ده اولدینی کبی، تزايد نفوسک،
تضییقه و قوع بولان مهاجمات محاربانۀ واسـتیلا جویانه ايله
باشلار . تاریخنک ایشته اوهنکامنده ساقسونلرک مهاجانی

Formation Patriarcale [۲]

یوز کوستربر . تشکل تجمعیده بولنان بره تونلری تمامیلہ دوچار
 انہزام ایتدکدن صوکرہ انکلترہ نک بقاع جنوبیہ سنی اشغال ایدر .
 واقعابوزمرہ نک دخی، مهاجمات ایله باشلامق صورتیلہ، زمرہ
 سابقہ یہ مشابہتی واریسہ دہ، چوق دوام ایتمز .

فی الحقیقہ، بوتار یخندن صوکرہ، ایکی اساسلی فرق رونما اولمقہ
 باشلار .

برنجی فرق ؛ استیلا تمام اولدقدن صوکرہ، برنجی زمرہ
 کی ابتدائی برصورتہ دکل، فقط مکمل برتشکل زراعی یہ مالک
 اولان اقوام کی، بر حراثت واقفانہ ایله اراضی یہ متین صورتہ
 برلشمکله تظاہر ایدر . بو حادثہ یی؛ عینی زمرہ یہ تابع اولان
 فرائق ک تأسیس زراعیلری بحثندہ، بیان ایتمش ایدم .

ایکنجی فرق ؛ تشکل تجمعیده بولنان اقوام کی، قوای
 عظیمہ حکومت تشکیل ایتمہ مک خصوصیدر . حتی بالعکس،
 آنفلو - ساقسونلر ؛ کندی مالکانہ لرنده، یکدی کړندن متفرق
 وایری یاشایان عائله لردن متشکل، افراد پرست بر عرقدر .

مشهور « تاسیت »؛ آنفلو - ساقسونلری وطن اصلیلرنده
 بوجالده کورمش ورومالیلرک؛ یکدی کړینه متصل کویلرده یاشامق
 خصوصندہ کی عادات تجمعیہ سنہ اوقدر مخالف بولنان، شومتفرق
 ووبنفرد مؤسسہ لره قارشی اظهار حیرت ایله مشیدی .

انکلیز مؤرخلری ؛ بویوک بریتانیاده یرلشن ساقسونلرده

عینی اوصافی مشاهده ایتملردی . بویله جه متفرق صورنده
تأسیس مکان ایتملری؛ حیات مشترکدن زیاده، استقلال شخصی؛
فرط مربوطیتلرندن ایلری کلیر ... تمامیه یرلشدکن صوکره
دخی، زمره سابقه ده اولدینی کی، نهایتسز برسوری مأمورایله
منتظم قوای حکومت پیدا ایتملری هپ اوسبیلردن ناشیدر.
حتی امور عدلیه وضابطه بیله امور خصوصیه دن عد اولنور،
ساده جه قومشو بیننده موضوع ومؤسس بولنور ایدی. بونی
یوقاروده بیان واثبات ایتمش ایدم .

ایکنجی دوره — اولنرده مشهود اولان فکر انفرادی
ایله، حکومتک، اوقوای واسعه ومنتظمه سنک مفقودتی؛ آنفلو-
ساقسونلرک، حرب کی، حرکات مشترکه واطاعتکارانه یه متوقف
تشبثانده کی قابلیتلیخی آزالتمشدر . ایشته بوسبیدن طولاییدرکه،
بویوک بریتانیاده یرلشدکن برمدت صوکره، تشکلات تجمعیه
وبناء علیه، قوای عظیمه حکومته مالک اولان، اقوام جدیدیه
همان منتظم بر مقاومت کوسترمیه رک، اولا آنفلولره، صوکرده
دائیمارقه لیلره ودها صوکره، (کییوم) ی متعاقب مهاجمانه
باشلایان سرسریلره، تسلیم عنان تابعیت قیلمش ایدی .
فی الحقیقه ساقسون عرفی؛ بوتون قرون وسطاده،
نورمانلرک فتوحاتیه تأسس ایدن، اک مستبد قوای سیاسییه
کردنداده مطاوعت اولمش ایدی. ایشته بودورده وقوعبولان

وساقسونلرك الك شديد شكياتنى موجب اولان محاربات، اصلاً اجنبى اولان قواى حاكمه سياسيه نك اثرى اولدينى ايجون، بونى؛ ساقسونلرك حسابنه قيد ايتك جائز اوله ماز . بوميل حرب بجوانه يه قارشى، ساقسونلرك اعتراضى، شكياتى او قدر شديد و اودرجه مستمر ايدى كه، انكلتره تاريخنك همان الك بيوك قسمى؛ ساقسونلرك حكومت مستبد يه قارشى، نهايت غلبه كامله ايله تتويج اولنان، مبارزاتندن با حشر. او حالده، ساقسون عرقنك قزاندينى مظفر يتك نتيجه سى نه اولدى؟ قواى حكمدارىي حداضغريسنه اينديرمك !..

اقتدار حكمدارى؛ برنجى دفعه اوله رق، ۱۲۱۵ تاريخنده، استقلال شخصى يه متعلق ساقسون عادتلىرىنك تصديقى متضمن، Grande charte فرمان كبير ايله تحديد و تنزيل اولدى .

صوكره، ۱۶۴۹ تاريخنده ظهور ايدن اختلال ايله، وبونى متعاقب كييوم دورانئك جلوسيله نتيجه لنن ۱۶۸۸ شورشيله قصر و تحديد ايدلدى . معلومدركه، كييوم دورانئ؛ كندى و كيللرني انتخاب ايتك، محكمه دن باشقه بر كيمسه طرفدن محكوم اولماق، بلا حكم توقيف ايدلمه مك و سائر كه، ساقسونلرك مختاريتنى تأمين ايدن عادات اصليله لر ينك ابقاسنه يمين ايتمه دن، نخته جلوس ايدمه مش ايدى .

كييوم دورانئ؛ او قدر محدود بر اقتداره مالك ايدى كه،

(انكلتره « استت هاودرى » وفلمنك قرالى) لقبى آلمشى . او
وقتد نبرى انكلتره ده اقتدار حكمدارى ؛ بوكون جارى اولدينى دائره
محدوده ايچنده قالمشدر . ساقسون عرق اجتماعيسنك اك ييوك
ظفرى بودر .

بوصورتله ، واضحا كوريليوركه ، اوروپا اقوامى ؛ قوه مطلقه
ومستبدديه تساييم عنان ايدرك حكومات معظمه جديده به مقتضى
حرب آدمى يتشد يرر كن ، انكليز قومى ؛ تماميله معكوس بر صورنده ،
دائره تكاملى قطع ايلكده ايدى ،

آنگلو - ساقسونلر ؛ نورمان قراللى واسطه سيله ، اوروپادن
ادخال ايديان تمايلات اعتسافيه به ، مجرد حيات شخصيه نك
قوتيله غابه چالهرق ، ساقسونلرك اسكى بنائى استقلال ومختاريتى ،
قدمه قدمه اوقدر مكمل بر صورنده وضع وتأسيس ايله يورى دكه ،
اسپانيا ؛ ايكنجى فليب ، فرانسه ؛ اون دردنجى لوتى ،
روسيه ؛ دلى پترو كى مستبد حكمدارانك قبضه تسلطه
كبردكلى وبروسيه قراللى افق سياستده كورونمكه باشلادى
وقت ، انكلتره ؛ (سهلف غووه رنمنت) دنيلن حكومت مستقله به
كالم حضور ايله داخل اوليوردى . ساقسونلر ؛ بو ايكنجى
دوره ده بوشنه وقت غائب ايتمدكلى كى ، اوچنجى دوره ده
چوق مستفيد اولديلر اعتقادنده يم .

اوچنچي دوره — بر جديدك ومعدن كومورينك كشفيله باشلار .

ايسته بودوره ده، تشبث شخصيه واسع بر صورتده مالك وقواي حكومتى محدود اولدني ايچون، بالطبع تكامل صاح پرورانه مائل بولان اقوامك؛ رجحان اجتماعيلري ميدان وضوحه حيقه جقدر .

قواي سياسيه وعسكريه ايله مسلح حكوماتك؛ بر جديدى، اولاً ناصل تقسيم ايتدكلريني بيان ايتمش ايدم . بوندن صوكره، حصه لرينه دوشن اقسامدن استعمار ايتك، اوراده بالفعل يرلشمك خصوصنده نه قدر چابوق قابليتسزلك كوستردكلريني ده كوردك. آنغلو — ساقسون عرقى؛ باشقه مظهر بته نائل اوله رق، اكتشافات جديده دن امكان درجه سنده مستفيد اوله بيلمك ايچون، هيچ اولماز سه جدى صورتده حاضر لائمش ايدى . بو عرق؛ يوقار بده ذكرا ايتديكمز زمرة لر كبي حركت ايتدى . بيلديكي كبي يورودى .. فقط تظاهر ايتدى كه، بو طرز حركت ديكر لرينه فائق ايدى، شبهه يوقدى كه، نه بويوك بر اوردويه، نه ده عظيم بر مأمورين هيئته مالك اوليسان واك طار بر حدوده صيقيشمش بولنان انگليز قراللى؛ محاربه ايچون تماماً مستعد اولان اوروپا حكوماتيله، بر جديدك استملاكي اوغورنده مصا . دمه يه مقتدر دكلدى ...

فقط انكلتره ؛ اودول معظمه نك مالك اولماديني برشيئه ؛
هر نه ايش ايچون اولورسه اولسون حكومتنه قطعياً ربط اميد
ايتمين ، هيچ كيমে دن نه معاونت ته امداد بگله مين ، فقط ،
بر آمريكا مؤلفنك ديديكى كجى ، اموريه آرزوغل ايدلسنى ،
راحت بر اقامسنى آرزو ايدن براهالى به مالك ايدى . ايشته
بو صورته ، بر عرقده واسع ونمودار اولان تشبث شخصينك قوه
يكانه سيله ، آنغلو - ساقسون استعمارى باشلادى .

اوروپا حكومات معظمه سنك تشبثات استعمار يه سى نه قدر
ولوله دار و نياشكارانه اولديسه ، انكليزلر ك تشبثلى ابتدا راول
نسبتده مجهول و نامحسوس قالدى . بو طرز استيلا ؛ (قورتز) و (پزار)
قوماندانلى اصولنده بر حرب فاتحانه اولمقدن زياده ، (ناسيت) ك
تعريف ايتديكى وجهله ، آنغلو - ساقسون عرقنك مقتضاي
طبيعتى اوله رق ، مستقل زراعت مالكانه لرى احداث ايتك
ايچون مستعمر لرك آهسته بر حلول مستوليانه سندن عبارت ايدى ؛
او وقت ، دول معظمه ؛ او اقطار بعیده ده اشغال عسكرى
و اداريلرينى تأمين ايتك ايچون ، پاره و عسكرجه عظيم فداكار
لقلراختيار ايتديكى صره ده ، آنغلو - ساقسونلرك ؛ مستعمر لرى
واسطه سيله ، يواش يواش ايلريه دكارى و ارض اوزرنده متين
بر صورتده يرلشدكلى و ، رسماً فرانسه ممالكنه الحاق و ادخال
ايديلن آمريقاي شالينك ، نهايت بر كون ، غير محسوس و فقط

حقیقی برصوتده، انکلیز لشدیکی تظاهر ایتمش ایدی . بوکون آمریقای شمالینک نه مرتبه انکلیز لشدیکی و حکومتات مجتمعه نك نه بویوک برانکشاف مدنیه مظهر اولدینی بدیهیدر .

آمریقا حکومتات مجتمعه سی دیدبکمز وقت ، قوای سیاه سیه نك مرکزیتنه و حکومتك اقتدارینه کمال شدتله معارض اولان وایالتلرندن هر برینك مختاریتی حریرصانه محافظه ایدن برملکت خاطره کلیر . بوکون آمریقا ده مؤسس کوردیکمز طرز حکومت ؛ آنگلو - ساقسونلرک (سه لاف غووه رنمت) تسمیه اولنان شکل اداره سیاسیه سندن بشقه برشی دکلدر .

آنگلو - ساقسونلرک ، بوراده سلاح قوتندن زیاده مستعمر قوتیه یرلشدکلرینی تکراره لزوم کورورم . زیرا ، اکر سلاح واسطه سنه مراجعت ایتسه ایدیلر ، کندیلرندن دهامکمل ومنتظم اولان قوای عظیمه نك قارشیسنده ، دوچار مغلویت اولورلردی .

شمالی آمریقایی انکلیزلرک مالکیت استعماریه سنه تسلیم ایدن اسباب ؛ اوسترالیا قطعه سنی ، یکی زه لاندایی ، قاب مستملک سنی و ، بو عرق تفوقی تأمین ایدن ، سائر برچوق مستملکاتی انکلیز حاکمیتنه ادخال ایدن سبیلرک عینیدر .

شمدی ده بو عرق ؛ آمریقای جنوبی به حلول ایتک اوزره بولنیور .

بوتون او طر فلرده، بالخاصه آرژانتین حکومتده، نفوذی
تزايد ايلسکده در .

آمریکای شمالیده، فرانسه عرقی اطفا واحا ايتديکی کبی،
آمریکای جنوبیده، اسپانیول و پورتیکز عرقلرینک یرلرینه قائم
اولمغه باشلاپور. غیر محسوس وسلاحسز اولان بواسیتیلانک،
برکون تماماً برامر واقع حالنده بولندیفی کوریلنجه، استغراب
ایدیله جکدر .

بوکا قارشی، آنغلو - ساقسونلرک؛ مدنیات عتیقه نك محافلی
بولنان لاتین اقوامی و بتون برعتیق معروض ایتدیکی مخاطره لر
حقنده، مدار تسلیت اوله رق، بر قاج بلیغ اثر یازمقله اکتفا
اولنه جقدر .

کومور معدنی ظهورینک؛ آنغلو - ساقسون عرقه و یردیکی
اقتداری، برجدید کشفنک برقات دهاتزید ایتدیکنی علاوه
ایتمک لزوم وارمیدر؟

« اهمیت صولک درجهیه تنزل ایدن مناصب اداریه و رسمیه »
پشنده طولاشمایان، یالکز مشمر و مستقل مسلک لر تعقیب ایدن،
خلاصه، مبارزه حیاته یالکز کندی نفسنه اعتماد ایدن بر قومک،
تجارتی، صناعتی، زراعتی اصلاح و اکمال ایچون، معدن
کومورندن فوائد عظیمه اقتطاف ایده جکی پک آشکاردر. بونی
دها کوزل آکلامق ایچون، آنغلو - ساقسون استحصالاتی

بوتون دنيانك استحصالاتنه قياس ايتمك كافيدر . بوده درجه
كفايه ده معلومدر . آنگلو - ساقسونلرك ؛ كيتدكجه توسع ايدن
تفوقى اثبات ايچون دها زياده چالشمغه لزوم يوقدر . كوزلري
قاشديره جق درجه ده پارلاقدر ...

شمدي ده بوتفوق متزايدك ؛ محارباتك تناقص تدريجيسنه ناصل
خدمت ايده جكني كوره بيلمك ممكندر . مختصراً بيان ايده جكم
نقطه بودر .

— ۳ —

شمدي يه قدر ، محارباتك توسعني منتج اسبابك ؛ بالخاصه قواي
عموميه نك اتساع مفرطندن نشأت ايتديكني كورديكمز كي ،
آنگلو - ساقسون عرفك ؛ قواي عموميه بي حداصغري يه قصر
وتنزيل ايتديكني و استقلال شخصي بي مسلك مطاوعتكارانه يه
ترويج ايلديكني بيليرز .

آنگلو - ساقسون عرق ؛ حسابسز اوردولريله ، نهايتسز مأمورينه ؛
واسع القوا برحکومت تشكيل ايتمك ايسته ين ، آسيا واوروپا
جمعيات عتيقه سنك غايه خياليه سندن كمال شدتله متباعد ومتفردر .
انكلتره قرالري ؛ آمريقا رئيس جمهورلرندن زياده نفوذه
ملك دكلدرلر .

انكليز قونتاقلري ؛ تقريباً آمريقاي شالينك مختلف حكو-
مئلري درجه سنده بر مختاريت مالكدر .
آمريقا جمهوريتنه انكلتره حكمدارلني نه قدر بکزه بورسه ،

بزم (فرانسزلرك) جمهوريت حاضرہ مزده، حكومت مطلقہ
قدیمہ مزہ او قدر مشاہدز !

ظاہری عنوانلرہ آلدانق زمانی چوقدن كچمشدر .
بوتون آوروپا حكوماتنك مجتمعاً زیر تابعیتلرنده بولنان
اجانبك درت مثلنہ فرمان فرما اولان انكلیز دولتی؛ دول ساثرہ
آرہ سنده، اك آز دائمی اوردویہ استناد ایدن حكومتدر .
حال صلحدہ، منتظم اوردوسی تقریباً یوزبیک كشیدر .
بومقدار؛ وقت حضرده فرانسه، آلمانیا و روسیہ اوردولرینك
آلتیدہ بری، آوستریانك درتده، ایتالیاك اوچده بری و، مقدار
تبعیہ كورہ برنسبت وضع اولنورسہ، انكلترہ اوردوسی دول
ساثرہ عساكرینك اوتوزده، بلكہ قرقده بری اولور .
محاربہ نقطہ نظرندن، انكلترہ اردوسنك نہ قدر محتاج
تنسيق اولدیغنی؛ جغرافیای عمومیدن مقتبس شومعلومات دها
ای اراءہ ایدر: «انكلترہ خدمت مجبوریہ عسكریہ موجود
دكلدر .»

حكومت؛ ملك اراداتنہ قارشى قویق ایچون، قوللانہ چی
افراد عسكریہ یی بالنفس ملك ایچنده جمع وتحریر ایتك حقہ
مالك دكلدر...

پارلمنتولزوم ابقاسنہ قرار ویرمدكجہ، ہر سنہ قواى عسكریہ
بالفعل ترخیص اولنور .

اساساً، مبالغ مقتضیه بی اعطا و تخصیص و قوانین عسکریه بی نشر و اعلان ایدن قومونلرک اذنی اولمق سزین، حکمدار؛ دائمی بر اوردو بی سلاح آلتنده طوتاماز .

شوراسنی نظر دقته آلیکزکه، قوای بریده اولدینی کبی، قوای بحریه ده دخی خدمت مجبوریه موجود دکلدیر .

افراد بحریه؛ عساکر بریه کبی، کولکلیلردن طوپلانیر .
انکلتزه؛ ترانسوالده، تشکیلات منتظه عسکریه ایله دکل،
مقاومتشکنانه بر ثبات ایله تأمین مظفریت ایله مشدر .

خلاصه، انکلیز اخلاق و عاداتنک عسکرلکدن منافرت
شدیده سی غایت جالب دقت بر حالده تظاهر ایتمکده در .

سلاح آلتنه کیرمک اختیاری اولمقله برابر، انکلتزه اوردوسنده
قاجاق عسکرک مقدار وسطیسی اینسانمایه حق بریکونه بالغ
اولیور .

۱۸۶۲ دن ۱۸۷۴ سنه سنه قدر فراریلرک مقدار وسطیسی؛
مجموع افرادک هیچ بر زمان بشده برندن اشاغییه دوشمه مش
وحتی، بعض وقت نصفنه بیله بالغ اولمشدر . بومدت ظرفنده
سلاح آلتنه آلتان (۱۳۰، ۱۷۱) نفر عسکراچنده، (۴۰، ۳۱۱)
عسکر قاجاغی مشهود اولمشدرکه، بوده مجموعک یوزده (۳۱) ی
دیمکدر .

بو حال؛ آغلو-ساقسون عرقنک، هر نوع خدمت عسکریه یه،

استقلال و تشبث شخصی احتیاج مبرمنی قصر و تحدید ایدن
هر شیشه، نه قدر معارض اولدیغنی بلیغانه ارائه ایدر.
حکومات مجتمعه آمریقا ده اوردو موجودی انکلتزه دن ده
محدود در.

جسیم برملک، عظیم نفوسه مالک اولان بودولتک اوردوسی؛
حال صلحه یالکز ۲۶,۰۰۰ نفر عسکر دن عبارتدر!
متبوع قدیمک امور حربیه و عسکریه به تمایل قلیلی؛ بحر
محیط اطلاسینک اونه جهتنده نشوونما بولان، کنج وقوی
فرعده دخی تمامیه مشهود اولیور.

ذاتاً، عینی فکرك آنارخی؛ مختلف صلح جمعیتلرینک، تدقیق
ایتدیکم وثائق متعددده سنده کورددم. بو وثائقده جالب نظر دقت
ایکی حادثه مشاهده ایتدم.

برنجیسی؛ صاحبک تعمیمی تشبثاتنک، آمریقا و انکلتزه ده
باشلامش وبالخاصه بویکی یرده کسب وسعت ایلش اولمسیدر.
بویکی مملکتده بولنان صلح جمعیتلرینک مقدار اعضاسی
هر یردن چوقدر. بونک سببی واضحدر. اولورده صلح؛ زده
اولدینی کبی، خیالاتدن عبارت دکل، حیات اجتماعیه لرینک لازم
غیر مفارقیدر.

کوزمک اوکنده کی لوحه به نظراً، مختلف فرانسه صلح
جمعیتلرنده (۱۲۰۰)، آلمانیا نک برتک صاحب جمعیتنده (۲۷۰)

اعضادان فضلہ بولندینی خالدہ، ۱۸۱۶ دہ تأسس ایدن ویالکز باشنہ بیکلر جہ اعضایہ مالک اولان (پیس سوسایتی) نامندہ کی صلح جمعیتی داخل حساب ایتہ یہ رک، یالکز بش انکلز صلح جمعیتندہ ۲۵۰۰۰ کشتی تعداد اولنہ بیلیر .

ممالک متحدہ آمریقادہ بر جمعیت؛ یالکز باشنہ بر جوق ملیون اعضایہ مالک اولدینی و دیگر جمعیتلرک؛ قابل احصا اولمایوب، هر کون ترقی ایتمکده اولدقلری دہ بیان و تأمین اولنیور .

ایکنجی حادثہ حکمہ متعلقدرکہ، بودہ؛ صلح جمعیتلری قدر شایان دقدر: ۱۸۱۶ سنہ سندنبری، حربدن اجتناب و اختلافانی فصل ایتک مقصدیلہ، اقوام مختلفہ آرہ سندہ ۷۲ حکم معاہدہ سی نعلطی ایدلشددر . انکلترہ طرفندن ۲۳ کرہ، آمریقادان ۳۶ دفعہ اوللق اوزہ، جمعاً بویکی حکومت طرفندن آلتش کرہ حکمہ مراجعت ایدلدیکی مشاہدہ ایدیورم .

وقوع بولان حکم مراجعتلری آرہ سندہ سکزی؛ مذکور ایکی حکومت آرہ سندہ مشترکدر . بومقادیر؛ کمال بلاغتلہ اثبات ایدرکہ، آنفلو - ساقسون عرقی؛ مسائلک حل و حصمنی، قوت و سلاحدن زیادہ، حکم اصولندہ آرامغہ فطرۃ میالدر .

حالبوکہ، سلاح بدست مدافعہ عظیم بر اوردویہ مالک اولسی اقتضا ایدر، کی کورینن بر ملت واریسہ انکلز ملتیدر...

چونکه، اوروپا دولترينك، عموماً و مجتمعاً مالك اولدقلرى تبعه نك درت مثلى بولنان ايكي يوز ميليون كشي يى ضبط و اداره، دنيا ده هيچ بر قومك مالك اولمدينى واسع بر حدودى مدافعه، كره ارضك آلتیده برينى احاطه ايدن بر ملك عظيمى محافظه ايتكم مجبوريتنده در .

بونلكه برابر، بواقليم جسيم؛ هر جنس و هر مذهب دن انسانلره مسكون، اك اوزاق واك مختلف قطعه لر دن مر كيدر .

فقط، قواى عموميه نك توسع و تزايدينه و خدمت مجبوريه عسكريه به قارشى اودرجه نفرت حس ايدىيوركه، هر چه باد آباد، اوردويى او مقدار محدودنده محافظه ايتكمده ثبات ايدىيور .

حتى دها ايلرى كيدر ك، كندى مستملكاتنك حكومت مركزيه به اولان اتحاد و ارتباطنى؛ سلاح قوتيله و اصول مركزيتله محافظه و تأمين ايتكمدن ايسه، بونلرك كنديسندن انفكا كنى ترجيح ايله يور .

انكلتره؛ آمريكانك كنديسندن وقتيله آيرلديغنى مشاهده ايتديكى كى، اوسترااليا، يكي زه لاند و قاناده ده آمال افتراقچوانه نك كوندن كونه كسب وسعت ايتكمده اولديغنى بوكون كوربيورن . انكلتره ايمپراطورلى حكومات متعدده به انقسامه محكومدر . بوده بك طيعيدر . چونكه، انكلتره؛ اصول مركزيتى تطيقدن متجانب اولديغى كى، مستملكات دخى؛ عرقده او قدر

درین بر صورتده کولکشن حس استقلال و مختاریتک تأثیراته
تماماً تابعدر .

انکلیزلر ؛ استبداد قرالی به سرفرو ایتمکدن متجانب
اولدینی نسبتده، مستعمرلر؛ مرکزک اعتسافنه معارضدر .

اسباب مسروده به پناء، جهان؛ قدیم شرق ایمپراطورلنی
طرزنده و یاخود حکومت معظمه خاضره شکننده عظیم بر آغلو-
ساقسون ایمپراطورلنی تأسسک تولیدایده جکی مهالکدن امیندر .
فقط، « انکلتزه؛ اک کوزل مستعمراتی بو صورتله یواش یواش

ضایع ایدرسه، تناقص ایده جک اهمیتله برابر، تفوق سیاسی
دخی غائب ایدر، بونک نتیجه سی اوله رق، بو حالک تأمین ایتدیکی
نتایج صلحپورانه دخی هبا اولور. « ادعاسنی درمیان ایتک
قابلیدر؛ قوای عظیمه حکومت مالک دولتلر؛ استبداد لرینه و قوای
جسیمه عسکریه لرینه رغماً، مستملکه لرینی تمامیه غائب ایتدکلری
اظرنامله آلیرسه، انکلتزه مک اختیار ایتدیکی بو طرز اداره نک،
ظن اولندیقی قدر شایان اسف اولندیقی نبین ایدر .

اکر انکلتزه ؛ ایمپراطورلنی غائب ایتمه محکوم ایسه - که
بو، بک زیاده آرزویه شایندر - آغلو - ساقسونلر؛
بزم کبی هیچ بر زمان عرقلرینی غائب ایتیه جکلردر .
بر عرق قوتنک ؛ اساساً قوای سیاسی سندن نشأت
ایده جککنی ظن ایتک خطادر . احوالی بو صورتله محاکمه

ایتمه من طبعیدر . چونکه ، محدود بر تشبث شخصی به مالک اولان وتشکل تجمعی حائده بولنان ممالک تدرده بوتون حیات ، بوتون فعالیت ، بوتون قوه تشبیه ؛ حکومتله قائم اولدینی جهتله ، اونک ضعفیتله برابر هرشی مضمحل اولور .

فرانسه حکومتی ؛ انگلیز مستملکاتی طرزنده کی مختارینه قریب بر اداره بی جزائر وتونکینه تطبیق ایده جنک اولسه ، عرفز اولری در حال غائب ایتمک مخاطر سه دوشر . چونکه ، بو برله یک آز مستمر کوندیریور و آنجق اشغال اداری وعسکری ابله ارتباطلری محافظه ایدیورز . انگلیز مستملکاتنده ایسه حال بوس بوتون باشقه در ، اوراده انگلیز لک ؛ انگلیز اوردوسنک اشغالی ، انگلیز مأمور لک اداره سی آلتنده بولنمقله دکل ، طور اغانه قوتله کولکشمش اولان انگلیز مستعمر لک استیلای اعمار کار بیله تأسس ایلشدر . بونک ایچون ، مستملکاتک افتراقی ؛ انگلتره نك نفوذ سیاسیسنجه تناقصی موجب اولسه بیله ، انگلیز عرقنک حاکمیتله قطعاً خلل کتیر من . چونکه او ؛ اشغال ابتدیی طور اغانک صاحب مستقلی قالیر .

بالعکس ، انگلتره مستملکاتنک بو افتراقی ؛ اولردن صوک ربقات قیودی ازاله و ، سن کاله ایرن کیمسه لر کی ، کندی کندیلربی اداره ایتمک مساعده ابتدیی ایچون ، عرقه یکی بر قوه حیاتیه ، بر قدرت جدیده بخش ایدر .

مستملكتك اعلان استقلالى يوزندن انكلترەك قدرت سيا. سیه سنه خال كمن اولسه بيله، انكلز عرقك قدرت اجتماعیه سنك صولك درجه تزايد ايتديكنه، حكومات محتمعه آمریقا بايغ بر مثال دكلیدر ؟

ذاتاً بوتاریخدن اعتباراً دركه، بو عرق دیناده فورانه باشلامشدر! او حالده، قدرت عرقیه ايله شوكت سیاسیه آره سنده هیچ برنسبت وضع اولنه ماز. یوقسه، قوای حكومتی او قدر واسع وافكار جنكجویانه سی اودرجه عظیم اولان؛ لاتین اقوامك؛ یوتون دنیایه صاحب اولسی لازم كلیدی .

حالبوكه، اقوام مذكوره، بوكون قوای عمومیه سی واستعداد جنكاورانه سی محدود اولان آنغلو-ساقسون عرقی قارشیسنده، مرطرفده مجبور رجعت اولیور .

والحاصل، قدرت ملیه ك قوئ سیاسیه دن نشأت ایده جكنی ظن ایتك بر خطای قدیمدركه، تركی لازم كلیر.

حكومات مختاره تأسیسی، ذاتاً جبین نوشت مقدراتی اولدینی ایچون، آنغلو-ساقسون عرقك استقبالی تهدید ایده مز. بالعكس بو عرق؛ شایان دقت ایکی خاصه میزده سی اولان تنقیص قوای عمومیه وتنزیل خدمت عسکریه فكر لرینك کیتدکجه غلبه سنی، آنحق بویولده تأمین ایده جکدر .

شاید بو طرز حرکت یرینه، اصول مرکزیه تابع عظیم بر

ایمپراطور لاق تأسبسنه قالدیشسه ایدی، قوای عظیمه حکومته مالک جمعیتلر درکسنه سسقوط ایله، قدرت حقیقیه سنی تأمین ایدن اسباب و وسائلی غائب ایدرک، اختلاللر، اعتسافلر، صنوف عالییه ده مشهود عطالتلر و مأمور تجیلک، عسکر جیلک ایله کیتدکجه دوچار ضعف اوله جقدی...

استقبال؛ اسکی آوروپانک، اصول مرکزیه تابع و چنکجو حکوماتنک محکوم اولدقلری انقراضدن، تشکل اساسیلری اعتباریله، مصون بولنان آنغلو - ساقسونلر کدر.

اونوع حکومتلری تأسیس ایدن عروق مختلفه؛ خرایته طوغری یوریدیکی نسبتده، انکلیز عرقی اکتساب شوک ایده جکدر. مکرکه، بزده؛ تجاربیدن عبرت آلهرق، جهان اوزرینه حرب و وحشتی مسلط ایدن، مذهب حکومت پرستیدن واز کچلم.

دنیا یی قلیچله فتح ایتیمکه تشبث ایدنلر؛ چیفتجیا کله اجرای فتوحاته قیام ایدنلره دائما مغلوب اوله جقلردر. ایشته، بوقاعده اخلاقیه؛ اک بویوک مؤرخلرک وفلسو فلرک وضع ایتدکلری قواعد اخلاقیه دن ده اخلای ودها حقیقیدر.

طقوزنجی باب

موقع اقتدارك سؤاستعمالی مکتبلی افساد ایتدی

— ۱ —

فرانسه ده مکتب؛ هرشی کبی، فرق مختلفه یه مخصوص بر مؤسسه، بر آلت حرب وجدال شکلی آلمشدر .

مکتب؛ علی العاده بردار التریبه اوله جق یرده، اطفالک اغتصاب فکر وحریتنه واسطه اتخاذ اولنیور.

مملکتی پایلاشان فرقه لردن برینه انتساب ایتدیرمک ایچون، جو جو غلک اطرافنده، منازعه لر، مبارزه لر و قوع بولیور. مکتب؛ عادتاً فرقه لرك براخذ عسکر دائره سی شکنه کیرمشدر. مکتب حقنده کی بو طرز تلقیمز؛ حیيات عمومیه یه ویردیکمز فرط اهمیتدن نشأت ایدیور.

بوقاریده ایضاح ایتدیکمز کبی، فرانسه عضویت سیاسیه سننده (افراط نما) خسته لکی واردر .

بو خسته لک ذاتاً بزده ارثی در. و بو کون خسته بی اولدیرمک اوزره در. بو خسته لکی تشخیص ایتک قولاید. خسته؛ مناصب اداریه و سیاسیه دن، ولو کو چوک اولسون، بر موقع اشغال ایتک

ایچون، مقاوم تسوز بر آرزو حس ایدر. احراز ایتمک ایستدیکی
موقعه نظر طمعنی توجیه ایدر کبی کورونن برر قییک، یالکز
مشاهده سی ایله برتهور کیلیر.

خسته؛ هدفه وصولی دها ایی تأمین ایتمک ایچون،
عینی مرضه مبتلا بر طاقم آدم لرله اتحاد ایدر. بو صورتله تشکل
ایدن زمرة؛ موقع اقتدارده بولنانلر، یاخود زمام اداره بی
کندی لرندن آغغه تشبث ایدنلر ایله عقورانه کوله شیر. ایسته
اووقت هیچ کیسه؛ سویلدیکی، یاپدیغی ادراکه، ایی بی قنای
نعقله، صوابی خطادان نفریقه مقتدر اوله میه حق صورنده، بر
کشمکش هیجا پیدا اولور.

بوکا؛ اجتماعی اصطلاحده، (سیاست غدائیة خسته لکی) نسبه
اولور.

فی الحقیقه، معیشت پولتیقه جیلقدده قازانیلیور. وسائط
معیشت بویوزدن بکله نیور. اساساً موقع اقتدارده بولنان
فرقه یه منسوب اولوب اولماق بر حیات ممات مسئله سیدر.
بوخسته لکه بالخاصه وخامت ویرنشی؛ صولک درجه ساری
ومستولی اولمسیدر. (سیاست غدائیة حاده) یه طوغری بدن
طوغری یه دوچار اولان خسته تکانک عددی؛ اهالی به نسبتله،
واقعا غایت محدوددر. حتی بوخسته لری اما کن مخصوصده

تجربيد ايتمك قابل اواسه يدي، هر درلو سرايت تهلكه سنك اوكنى
المق قابل ايدى .

فقط خسته لر؛ مع التاسف، سوقاقلرده كزر، خانه لره كيرر،
سياست نامى آلتنده ياخود ديكر وسيله ايله ترتيب اولنان
اجتماعلرك، مئينغلرك، مجلسلرك كافه سنه بلااستثنا دخول ايدرلر.
قواى فكر يه لرى متوازن وصاغلام آدملردن دها يوكسك ودها
قوتلى سويلدكلرى ايچون، خالق اوزرنده برنوع تاثير مخدر
اجرا ايدرلر .

بويله جه خسته لك؛ يواش يواش وكيته كجه برشهرك بوتون
اهالي سنه، طوغريدن طوغرى يه ويا بالواسطه سرايت ايدر .
بو خسته لكك پك زياده شايان دقت ديكر بر علامتنى ده قيد
ايتمك لازمدر . بوتون وجود اجتماعى ي افساد و اك تهلكه سز
عارضه لرى مخاطره لى برشكه القا ايدر . خناق غمامى ايله شكر
خسته لقلرينه مشابه نتيجه لر توليد ايلر . بوايكى خسته لقدمه اك
اوافق برياره؛ موتى منتج اوله جق درجه ده وخامت كوسترر .
بو حالده (سياست غذائيه حاده) مرضنه مبتلا جمعيتلرده،
اك اهميت سز واك بسيط بر مسئله؛ شديد وعظيم بر پولتيقه مسئله سى
حكمنى آيلر . بونك اوزرينه، ذاتاً مهانه ظهورينه مترقب
اولدقلرى ايچون، فرققلر؛ در حال تجمع ايدرك مبارزه يه
باشلار . بونى ايضاح ايچون، يالكيز اوج مثال ارائه سيله ا كتفا

ایده جکم . فقط بونلری چین تاریخندن انتخاب ایتکی مرجع کوردیم :

معلومدرکه چینک ، فرانسه ده کی ارباب نفوذ درجه سنده ، بر جوق (ماندارن) لری وارددر . غالباً مانچوریالی بر جنرال ، اصلی پک ای بیلمم ، بر کون راسمه عسکر یه دن عودت ایدرکن ، پکینک عمومی میدانلرندن برنده بارکیرینه بر چرخ رسم ایتدیرمک و باشنه سرغوج طاقه رق غریب بر قیافت ابله کزینمک هوسنه دوشدر . بو حادثه اوزرینه بوتون مملکت هان اختلاله کیرمش کی اولور . صاغلام بر جمعیت مدنیه ده بویه بر سرگذشت ؛ اولسه اولسه غریب بروقعہ صورتنده تلقی ایدیلر ، بر مضحک به زمین اولوردی .

دیگر بروقت ده ، سیاسی ماندارنلردن بر قاجنک ؛ ذمنلرینه آز جوق پاره کجیردکلری تبین ایتش ایدی . بومسئله ، بر جوق محاکمک پیشگاه تدقیقندن کجدی . حکملر ، تبریه لر ، یکدیگری ولی ایتدی . بو کرده ده مملکت عادتاً شورشه دوشیدی . بو کشمکشده ، ایمپراطور بیله ، آزالدی تاج و تختی غائب ایده جکدی .

شبهه سز ، زنده بر جمعیت مدنیه ده ، بو حادثه دخی هیچ بر تشوشه سبب اوله مازدی . اولسه اولسه رجال سیاسی بی اطماع و ارشا ایتنه ک هر زمان کمال سهولتله ممکن اولدیفنه

يكي بر مثال اولوردی . بوکا قارشى حیرت ایدن چينلیلر جدا سادە
دلدر . صوك كونلرده ، ايكنجى درجه ده بر عسكرى (ماندارەن)
مملكتته اهانتله اتهام ايدلمش ایدی . بو ايش همان بوتون محاکم
ملکيه وعسکريه نك نظرندن کچمش اولدینی حالدە ، چينلیلر
هنوز حقیقتی اوکرنمکدن طولای ، اظهار یأس ایدیورلر .
صوك تاغرافلر ؛ مسئله نك ینه آچیلماق اوزره بولندیغی خبر
ویریورم ایشک بوراده یه وارمی ذاتاً مهمدر .

فقط دعوانك سوردیكى درت سینه ظرفده ، انفعالات
فكریه اودرجه یه کلدی که ، آرتق بشقه برشیدن بحث ایتك
شویله طورسون ، عائله لرك انقسام والک صمیمی دوستلرك افتراق
ایتمی ، اجتماعاتك حقیقه کسب صعوبت ایلمی ، مقاتله لر تنادی
ایدرک ، یالکیز پکینک دکل بوتون شهرلرك سواقاقلرنده وقوع
بولمغه باشلامسی ده دهآ آز وخیم دکلدر .

حتی بوصردده ، ایجه تحف بر حادته ظهور ایتدی . فرق دلرك
احتلافاتنه نظر بی قیدی ایله باقان بر محرر ؛ ماهیت فلسفیه سنی
تحلیل ایتك ایچون ، واقعه مذکوریه سادە بر تلخیصده بولمق
مجبوریتی حس ایتدی . کیزلی وسادە یرکنایه استعمالی ده ازیاده
موافق احتیاط بوله رق ، حتی وقعه بی فرانسه ده جریان ایتمش کبی
کوستردی . چينلیلری حقیقه فوق العاده بر قوم اولمق اوزره
تلقیده معذورز . آرتق شمدی ، کوچوک بر بره بی بر مملکت

ایچون همان خطرناک ایدن برخسته لکک، بوتون وخامتی تقدیر
ایتمک قابل اولور . بواغتشاشات و تهیجاتک بلا انقطاع تمامدیی
ماحوظدر .

بر حادثه فیصا پذیر اولمادن، دیکری ظهور ایدرک، نامتناهی
صورته یکدیگری تعقیب ایدر

— ۲ —

مؤلم بر صورتده ایچنده چابالادیغمز حال وهوقع؛ بر قاج
جمله ایله خلاصه اولنه بیلیر .

فرقه لک اداره سی آلتنده ، قورسیقه طرزینه مشابه بر
اصول نختنده یاشایورز . بوفره مجادلاتی ؛ اکتساب قابلیت
ایتمدی کمز جهته، نظر استحقار ایله باقدیغمز مسالک خصوصیه بی
براقهرق، دولت مأموریتلرینه کمال شدتله مهاجمه مزدن ایلری
کلیور . بوصورتله، اک کوچوک مسئله لر؛ بررنگ سیاسی آلهرق،
اک شدید احتراصاتی دعوت ایدیور . اويله بر اصول نختنده،
بالطبع طرفدار پیدا ایتمک اک مهم مسئله اولدینی ایچون، مکتبلر
مع التأسف فرقه مسائلی میانسه کیریور . چونکه موقع اقتداره
وصول ایچون اک ابی واسطه مهاجمه بی احضار ایدیور .
شایان تأسف غوغا لرمزک ساحه سی خارجنده قالمسی لازم کن

بومیدانی الدہ ایتک ایچون کوستردیکمز شدت هب اوسبیدن
نشأت ایلہ یور . او حالده اصول تربیه یی تعدیل ایتنی و مأموریت
دولته دکل ، مسالک خصوصیه قابیلیتلی آدملر یتشدیره جک
صورتده اصلاح ایلدیدر .

بونک ایچون ، اولاً تربیه نک ؛ صرف دماغی و قلاسیق
ماهیتلریخی تعدیل و تخفیف ایتک مقتضیدر . مکتبده ایکن
بک چوق کیدوب کوردیکمز (فوروم) میدان خطابتی ؛ بزه
غایت دلفریب رنککار آاندہ توصیف ایدلیدیکی حالده رومالیلرک ؛
جهانی « سوز » دن زیاده چیفت ایلہ فتح و تمدن ایتدکلری ،
بالخاصه طور اغه ناصل قوتلہ یرلشدکلری سویلنمدی ، اونوتلدی .
بوصورتلہ روما میراثنک فنا قسمنی توارث ایتدک : خطیلری
تقدیر ایتکی ، زراعی خوار و حقیر کورمکی اوکرندک . روما جمهور-
یتنک دکل ، قیصرلغک میراثی قبول ایتدک . عکسنی انتخاب
ایتسه ایدک ، دها ای حرکت ایدردک . زیرا اسکی رومالیلر ؛
قیصرلر یتشدیرمک صوتیلہ روما انقراضنی تعجیل ایدن ، روما-
ایلاشمش باربارلردن دها چوق شایان حرمت ایدی .

بوطررر تشکلک ناثیریلہ ، قومشوسنه ویا بر قیلہ یه ، بر
فرقه یه استناد ایدن آدمی تقدیر ایدیورزده ، صرف کندی
نفسنده استنادکاه بولان ، هیچ برشیئه نامزد اولمیان آدمی
استحقار ایایور ، اونک اقتدار حقیقینی طانییورز . تربیه

جدیده؛ کندی نفسنه اعتماد ایدن آدملریتش دیردکجه، مناصب سیاسیه واداریه نك قدر و قیمتی اکیلیلر. بومسالك ؛ قوت و عزم دانیسیله کنديسنه بر مسلك مستقل تأمین ایدمه بن اهلیتسزلره ترك اولنور. اووقت، حیات عمومیه مجادلاتنك شدنی خیامیدن خیلی به آزالیر. سیاست غدائییه اصولی رغبتدن دوشر. ذاتاً بوتربیه بی تطبیق ایدن بوتون مملکتلرده عینی حال جاریدر.

انکلتزه مجلس عوامنده، بودجه نك مذاکره اولندی بی بر کون، مالیه ناظری شو یولده سیاستده بولنش ایدی: «بنم کی خزینئه دولتن موظف اولان مأمورین و مستخدمین؛ مکلفینك صف اخیرینی تشکیل ایدر. بواقندیلرک تزايد معاشنی ثروت مملکتك تنیة ماده سنه واسطه عدایدم. — عمومی خندهلر — بو اجر تلی، محترم، جنتلمن قومپانیه سنك تزايد عددی؛ آنجق بوصفه علاقه دار اولانلر طرفندن نظر ممنونیتله کوریلیر ظن ایدرم. — خندهلر — هر حالده باشلیجه نظر دقتمزى جلبه لایق اولان، دیگر صنوف مکلفیندر.» دیدکدن صوکره: «خدمان مختلفه ملکیده، سنه ماضیه به نسبتله، بودجه ده «۸،۱۲۵۰۰۰» فرانقلق بر تصرف حاصل اوله جقدر. اگر انجمن؛ دهها باشقه تصرفات امکاتی کوسه تریر ایسه، حکومتك؛ بو تصرفاتی کمال ممنونیتله قبول ایده جکینی بیان ایدرم.» سوزلرینی علاوه

ایتمک خصـوصنده تردد ایتمدی . بویانات؛ مانش دکرینک بو جهتته ایشیدیللی ایدی .

دیون عمومیه سنی سنه دن سنه یه اطفا ایده بیان بر مملکتک استعمال ایده جکی لسان بودر. مع التأسف، ناظر لر مز؛ مکلفینک حقوقدن زیاده کندی دائره لرینک منافعی محافظه ووقایه به چالیشیور لر .

— ۳ —

تربیه امرنده کی تشبثات اصلاحکارانه بی عقیم براقان بر مسئله دهـا وار. اوده، تدریس خصوصی ایله تدریس رسمی آره سنده تحدث ایدن والحاله هذه حاد بر دور آلان منازعات شدیدۀ حاضر هدر. بو منازعه؛ بو کون یالکز حکومت و هیئات روحانیه میانه سنه انحصار ایله یور. هنوز بو درجه ده بولنسی بیله غایت وخیمدر. بو حال؛ طرر اجتماعیمزک، قوتی بر زمره به استناد ایتمه بن هر تشبثی، هر نوع فعالیت شخصی به بی سوندور مکده اوله یغنی اثبات ایدر .

طرفین محارینک وضعیات متقابله لرینی بر کره تعیین ایدم. بونک ایچون، بودجه مضبطه محرری موسیو (موریس فور) دن اقتباس ایتدیکم و نائق بورایه درج ایدیورم: «حکومتک اعدادی و عمومی مکتبانه موجود طایفه نک مقداری؛ ۸۲،۸۳۹ و مؤسسات

روحانیه مکتب‌دارنده ۸۴,۵۶۹ اولدینی حالد، مؤسسات مستقلة
وغیر رسمیه ده یالکیز ۱۲,۸۱۳ شا کرد درجه سنده بر مقدار
قایل کوریلور .

او حالد، مبارزه؛ تدریس رسمی ایله تدریس روحانی آره سنه
انحصار ایدیور . واقعاً هرا یکی طرفک قوای موجوده سی
تقریباً متساویدر .

فقط بودجه مضبطه محررینه نظراً، شمیدیکی حالد مؤسسات
روحانیه حکومت غلبه چالیور . شو صورتله اوتوز سنه ظرفنده ،
حکومت طرفندن یالکیز طقوز دارالفنون تاسیس اولدینی
حالد، مؤسسات روحانیه؛ بر اتساع فوق العاده آله رق، مکتبک
مقدارینی (۲۷۸) دن (۴۱۸) ه قدر تزیدایتمش، ده اطوغریبی
حکومت طرفندن کشاد ایدیان طقوز مکتب رسمی به قارشی
یوز قرق مؤسسه وجوده کتیر مشدر .

مکتب اداره سی؛ بو حالی نظر خشیتله کورمش و بودجه
مضبطه محرری بو حسیاته شو صورتله ترجمان اولمشدر:

«هرهانی واسطه ایله اولورسه اولسون، حکومتک مداخله
سنه محل یوقیدر؟ بونی بوراده تدقیقه لزوم کور میورم. تدریسات
قومسیوتنک؛ نازک اولدینی قدر وخیم اولان بونقطه اوزرنده،
جریان ایده جکی طبیعی بولنان مذا کراتندن اول سوز سوبلیکدن
چکینم»

بو عبارتہ دن مأیوسانہ برتہدید استشمام اولونیور، بوکون
احتمال ظہوری قارشیسندہ بولندیغمز مخاصماتک تکرار باشلا۔
بہ جغنی اخبار ایدیوردی۔ شمدیہ قدر هیچ برشیئہ چارہ ساز
اولہ مایان مجادلات؛ آتیا دخی هیچ بر فائده تاملین ایدہ میہ جکدر۔
اک ای چارہ حل؛ ہر ایکی طرفک، خلوص قلبہ حرکت
ایدرک، متقابلاً ترک سلاح ایلسیدر۔ بوتون حقیقی وطنپرور لر
بون قطعاً آرزو ایتملیدر لر۔ چونکہ بو؛ ہم حقاری و ہم وظیفہ۔
لریدر۔ حکومت؛ حدود و صلاحیت طبعیہ سندہ قالہ رق، سلاح
نجاووزی بر اقلیدر۔

اجرای حکومتک برواسطہ تضییق و تحکم اولمقدن عبارت
قالیہ جغنی، وظائف مأمورین حد اصغری بہ قصر و تنزیل ایدیہ۔
جکی زمان، حرص موقع و امل مناصب کیسہ نک مشغلہ سی
اولیہ جق، مکتب؛ بوغایہ و وصول ایچون واسطہ اولمقدن آزادہ
قالہ جقدر۔ او وقت حکومت؛ یالکیز منافع عمومیہ نک مدافعی
اولق صفتیہ اکتفا ایدرک، مربیلک وظیفہ سنی ایفایہ محتاج
اولیہ جق، مکتبلرہ دہا بویوک بر سربستی ویرہ جکدر۔

دیگر طرفدن، صنف رهبانک؛ کرک مکتب و کرک سائر
واسطہ ایلہ، اجراءات سیاسیہ بہ قاریشـمق و دین نامنہ برچوق
مسائل اجتماعیہ مداخلہ ایتک ایچون، اجرای تشویقات ایدن
ساختہ دوستلری دیکہ مکدن صرف نظر ایتسی اقتضا ایدر۔

بوساخته دوستلر؛ دینه خدمت ایتمز، دینی وسیله منفعت انخاذ ایدرلر. بونلر؛ رضای الهی ایچون دکل، نفع شخصی ایچون چالشیرلر. برطرفدن حکومت، دیکر طرفدن رهبان؛ بوصورتله متقابلاً دائرة وظیفه لرینی تجاوز ایتمه مکه قرار ویردکلی کون، کلیسا ایله حکومت بیننده کی مسئله برطریق حلله کیرمش اولور. بویله جه، تدریسات رسمیه و غیر رسمیه مسئله سی ده بوتون شدتی غائب ایدر. کرك کلیسا کرك حکومت زمامدارانک؛ مناصب و مقامات سیاسییه میل ایتمکدن شمدییه قدر منع نفس خصوصنده دوچار اولدقلری مشکلات، تربیه مزك صنایع حیاتییه بزی احضار ایدم مدیکندن نشأت ایتمکده در. بو استعدادك حصولی تسریع ایتك ایچون، دها آز دماغی، دها آز قلاسیق برطرز تعلیم اختیار ایله ملی، مأموریت نامزدلرندن زیاده، بالخاصه زراعت و صنایع و تجارت اربابی یتشدیره جك تربیه بی قبول ایتملیدر. بر مملکته بحق صاحب اولمق؛ مأمورینجیلك طرزندن دها حقیقی، دها جدی اولان اصول مذکوره ایله قابلدر. حیات مستقده دن باشقه هیچ بر شیئه نامزد اولیان انسانلر یتشمه سنی تشجیع وتشویق ایله ملیدر.

تدریساتك؛ حكومت ايله مؤسسات روحانيه نك تماماً امتيا.
زلى آلتنده بولنديغنى شمدى يه قدر شرح ايتدك. منابع عظيمه يه
مالك اولان بوايى هيئت تدرسيه؛ برچوق طبله جمع واستيعاب
ايدن بويوك مكتب اصولنى ايجاد ايلشدر.

بوجسيم تدرسيات قشله لر ينك محاذيرى ايله، برعائله طرزنده
مؤسس كوچوك مكتبلر ك منافع عظيمه سنى باشقه يرده تفصيل
ايتمش ايدم. مع مافيه، بوايى طرز آره سنده وسطى بر نمونه
واردركه، ايكنجى نوع مكتبك بوتون محسناتى جامعدر. هم
حكومت وهم رهبان طرفدن قابل اتخاذ و تطبيقدر.

حال حاضرده كى بويوك مكتب اصوله حقيقى برتفوق تأمين
ايدركه بوده؛ انكلتره و آمريقادا كمال موفقيتله جارى اولان عمومى
مكتب نمونه سيدر.

Public school دينيان بونوع مكتبلر قيرلرده تأسيس
اولئور. آرتق شهر ايجنده لىلى مكتب تأسيسندن بلاتردد واز
كچمليدر. مكتبك وسطنده؛ درسخانه، كتابخانه، عملياتخانه ايله
اجتماع عمومى يه مخصوص واسع برصالوندن مركب بويوك بر بنا،
اطرافنده معلملر ك اقامتلىرىنه مخصوص اوافق اوافق
اقامشكاهلر واردر. حد اعظمى قرق اولمق و مكتب اداره سى

طرفندن تعیین اولنان شرائط دائره سنده اطعام و اسکاتلری
تأمین ایتک اوزره، هر معلم؛ خانه سنه بر مقدار طلبه قبول ایدر،
طوغریدن طوغری یه عائله لرایله مناسباتده بولنه رق، خانه سنده
بولنان اطفاله وصی وظیفه سنی ایفا ایلر. چوجوقلر؛ بوصورله
حقیقی بر آغوش حمایتده، حقیقی بر عائله ایچنده یاشایه رق، بویوک
لیلی مکتبلرک محیط مشئومدن، اختلاطک هوای سمنا کندن
مصون قالیرلر. طلبه؛ مکتب نظامنامه سی موحبینه، مطالعه خانه
ایچنده و یاخود طیشاریده چالیشمقده سربست اولدقلری ایچون،
بووجهله بر درجه یه قدر حریتی اوکرنمکه باشلار.

بواصول؛ قشله حیاته بکزه مکسزین، یوزلرجه شا کردی
قبوله مساعد اولدینی ایچوندرکه، منابع عظیمه و مأمورین عیدیه؛
مالک اولان هیآت مهمه تعلیمیه مزک تماماً ایش-ترینه کلیر. بو
اصولک؛ یالکز طلبه ایچون دکل، - بونده شبهه یوقدر - طلبه
طرفندن ویریه جک اجر تک تأمین ایده جکی فضله معاشندن
طولایی، معلملر ایچون دخی پک زیاده شایان تقدیر کوریه جکی،
تجارب ذاتیه مله آکلادم. حکومت و یاخود هیآت روحانیه
بر کره بو طرزده بر قاج مکتب تأسیسنه مباشرت ایتسه لر، بو طرزک
سریعاً تعممنی منتج اوله جق نتیجه لر استحصال ایدرلر.
بو اصول جدیده؛ شبهه یوقدرکه عائله لر طرفندن ده تقدیر
و تصویب اولنور. بونی ده؛ هنوز اوچ سنه اول تأسیس اولدینی

حالده تعریف ایتدیکم اصولده اوله رق آلتی خانیه بلع اولان
(روش) مکتبک کوسه تردیکی ترقی سربعه نظراً، تأمین ایده بیلیرم.

— ۵ —

حیات اجتماعی و طرز تعلیمیزک ترقی و اعتلاسنه مانع اولان
مشکلات و خیمه آره سنده، خدمت عسکرینه ک شکل حاضری
حقننده هیچ اولمازسه بر قاج سوز سهویله مه دن کجه میه جکم .
اوردونک اخذ عسکر اصولی تبدل اتمه دکه، تدریس آتمزک اصلاحی
همان ممکن دکلدرد. قانون جدید عسکرینه ک نشرندن بری، ایکی
سنه ک خدمت عسکرینه دن اشتتایی تأمین ایدن مکتب؛ طلبه ایله
خضجا حنج طولودر . بو مکتبیلرک بر چوغی طلبه قیتلیغندن
پانیوردی . بو کون لزومندن پک فضله طلبه واردرد. معاً
فیتبخش اولان شهادتنامه لردن دها چوق بر مقدار ویره بیامک
ایچون، اصول امتحانیه ک و بونک نتیجه سی اوله رق درس لک
تقیصنه کیداشدرد . معامدر اولاد باباسی اولد قلیخی نخطر اید
یورلر. فقط، تعصب عسکریلری حس ابوتلرینه غالب کلییور .
اعیان و مبعوثان آره سنده، اوغللری اوچ سنه خدمت
عسکریده بولنش قاج کشی تعداد اولنه بیسایر ؟.. اون کشیدن
فضله بولوق قابیدر ؟..

اوج سنهك خدمت عسكريه به؛ اوغلارنى دكل، رايلىرى
ويريورلر .

بوتون فرانسه ده، پدر و والده لر؛ چو چوقلرىنى ايكي سنهك
خدمت عسكريه دن قورتارمق فكر ثابتنك تاثيرى آلتىده
بولنيور .

بو حالحه مكتب ؛ خدمت عسكريه دن قورتارمق ايچون
صرف برواسطه اوله رق تلىق اولنيور . يوقا ريده ، درس لرك
تحفي ف و تنزيل ايدلديكنى سويله مشدم . بوندن طولايي، مكتب
مديريتك موقع شرفى دىخى دها آرتزل ايتمش دكلدر . چونكه
بو انحطاطه اوده ياردم ايتمه مجبوردر . تدريسات ايله متوغل
كيمسه لرك هماندا ايشتيديكى شو سوال؛ بكاده بك چوق دفعه
توجه ايتدى: « (روش مكتي) خدمت عسكريه دن معافى
تامين ايدىيله جكميدر ؟ » شيه مى وار ؟ البته ! بو شرطى
تامين ايتمكسزىن فرانسه ده مكتب آچق ساده دللكنده بولنه جق
كيم وار ؟

بوكونى اخذ عسكراصولى؛ هيچ اولماز سه قوتلى راوردوبه
مالكيتمزى تامين ايتمش اولسه يدى، برتلافى ضرر عداولنوردى .
بوموضوع اوزرنده، برچوق ضابطان ايله كورشدم . جمله سى؛
اوردونك، قادرويه مالك اولمدينى ايچون قوى اولمديغنى سوبلكده
متحد ايدىلر . قادرونك قوت اوردونك قوتى تشكيل ايتديكى

قضیه سی مسلماتنددر. قادرویه مالک اولمادیغمزك سببی، كوچوك ضابطانمرك، يالکیز ایکی سینه خدمت و ترفیعلرینی متعاقب خانه لرینه عودت ایدن چوچوقلردن مرکب اولمسیدر. امرای عسکریه مز؛ نام ابفای وظیفه ایده جکی ائنده طاعلمقده اولان برقادرو ترتیباتیله وقتلرینی غائب ایدیورلر. باشلادیفی ایشی بیترمه دن بوزدینی ایچون، ضرب مثل حکمنه کچن مشهور (بنه لوپ)ك ایزینی تعقیبه محکوم اولدقلرندن طولایی، جداً شایان مرحمت برحاله بولنیورلر. بو حال؛ مسلکپرست عسکرلرک کسر شوقنه بادی اوله جق درجه ده مؤلدر.

تدریسات کسب ضعفیت ایتمش، عسکرلک انحاطه دوچار اولمش ایسه، هیچ اولمازسه حیات اجتماعی مزه خلل طاری اولماش، دیه بیامک تسلیمتدن بیله محروم. اصول عسکریه مزك وخیم برمحذور اجتماعی وار. بو اصول بوتون صنایع و مسالکی مضمحل ایدیور.

حیاتك اك مهم واك قطعی اوج سینه سنی، برمسالک انتساب و دخول زمانی غصب ایله یور. بو نقطه نك اهمیتی تقدیر اولندیغندن طولایی درکه، هیچ اولمازسه آوو قاتاق، طیبیلک کی مسالک احرارانه اربابیه، مأموریت دولته بولنه جق کیسه لر ی فلاکتدن قورتارمق لزومی حس اوله رق، مدت خدمت یالکیز بونلر حقننه برسنه به تنزیل اولمشدر. واضع قانونك؛ بو ایکی مسالکی،

زراعت، تجارت، صنعت مساکل کردن دها زیاده شایان اهمیت کورد درک، لزوم حمایه و محافظه لرینی تنسیب ایتدیکی کوریایور. حیات عمومیه نك حیات فردیه تفوقی، مسالك طفیایه نك صنایع مستقله و حیاتییه ترجیحی ایجاب ایدن فیکر سقیممز ایشته بونقطه ده مشهور اولیور. روما ایتمراطور لغندن، حکومت مطاقه عنعناتندن بزه انتقال ایدن بوفیکر درکه، بوتون حیات اجتماعیه مزی سرتابیا مفلوج براقیور.

بو حالده اخذ عسکر اصولمز؛ اوردونك، اصول تدریسك و حییات اجتماعیه نك منافع پامال ایدیور. بومحازیره نظراً، هر کسك؛ خدمت عسکریه دن قورتلق آرزوی شدیدینی مؤاخذه ایتمکه جسارت ایدیه مزی. بناءً علیه بوتون بومنافع متضاده بی تألیف ایده جك برصورت حل آرامق معقول دکلیدر؟

واقعا بوائتلاف محال دکلدر. آنجق بو چاره اشتلافی؛ هیئت تشریمیه جه قبول و تصدیق ایدیه جك کی کوریان، ایکی سنه لك خدمت عسکریه ده بولق ممکن دکلدر. ایکی سنه لك خدمت عسکریه اوردو قادرو سنی دها زیاده ضعفیه دوشوره جکلدر. حتی، طوغریسنی سوبله مك لازم کلیرسه او وقت هیچ قادرو قائیه جکلدر. بوندن باشقه حیات اجتماعیه بی، اصول تدریسی طرز حاضر عسکری دوچار اضمحلال ایده جکلدر. نظردقی جابه شایان کوردیکم دیگر برصورت حل واردر. الك معتبر

امرای عسکر به مزك اخيراً نشر ايتدكلى آثاره عطف نظر اولنور سه، ايكي مابين تمايله تصادف ايدىاير . بر قسم امراى عسکر به مز؛ كثير الافراد اوردولرك، ديكر لرى؛ معلم وعسكركلى صنعت اتخاذ ايتمش اوردولرك استقباله صاحب بولنه جفى ادعا ايدىيورلر .

بو اختلاف؛ بر زمان فترتده بولند يغمزى اخطار ايليور . هر ايكي احتمال قارشى خاضر بولنق ايچون، هم كميتى وهمده كفى تامين ايدجك بر صورت حل بولق و الحاله هذه يابلدنى كى كفى كميت فدا ايتمه مك مقتضاي حكمت كورونيور . كميت؛ آنجق مكلفيت عموميه عسكربه ايله، كفى ايسه؛ عسكركلى صنعت ايدن افرادك تنسيق ايله قابل حصولدر . كميت و كفى ايكيسنك تامينى، ذكر ايدجكم بعض احوال و شرائط دائره سنده، هر ايكي اصولك مزجى يعنى، مكلفيت عموميه عسكربه بى قبول ايتمكه برابر، عسكركلى صنعت اتخاذ ايدن بر اوردوى وجوده كتر مك صورتيله ممكندر .

منافع عسكربه بى تامين ايدن بو صورت؛ عدالت و منفعت اجتماعيه دخی موافقدر . مكلفيت عموميه عسكربه مدتنك بر سنده تنزيلي حالنده، منفعت اجتماعيه وقايه اولنور . چونكه بومدت؛ صنايع مختلفه نك اضمحلالنى موجب اوليه جق درجده قيصه در .

هر کس بلااستثنا اومت معینه ده ایفای خدمته مجبور
 طوتلدینی حالدۀ عدالت کوزەدلش اولور . اووقت بوکون
 جاری اولان استثنائات؛ طبیعتیلہ قالقار . عسکرایی صنعت اتخاذا
 ایدن بر اوردو وجوده کتیریایرسه منفعت عسکریه یه دخی خدمت
 ایدلش اولور . اسکی اوردونک بوتون سییاتی تولید ایدہ جک
 اولان قرعۀ مجبوریه بوراده موضوع بحث دکدر لااقلیدی
 سنهک مدت ایچون سلاح الته کیرن کوکایلردن بر اوردو تشکیلی
 مقصوددر . فرانسرلک ، او قدر شدتله حریص اولدقلری او
 مشهور دولت مأموریتلری و حکومتک آزچوق معاونتیلہ یاشایان
 شمندوفر قومپانیالریله مؤسسات سائرده کی خدمات؛ بر اصول
 وقاعدیه ربط ایدیلهرک تذکره سنی آلان کوکایلره جدی بر
 صورتده تأمین ایدلسه ، بونلرک جمع و تحریری قولای اولور .
 اووقت طالبلر اکسیک اولمازدی . بو پروژیه توجیه ایدیلہ جک
 یکاته اعتراض؛ بر (بره توریان) اوردوسی تشکیلی احتمالک ویر-
 دیکی قورقودر . بوقورقوخلیادن عبارتدر . فرانسه ده الفاظه
 چوق اهمیت ویریور ، چوق آلدانیورز . بره توریان اوردوسی
 آنجق تشکیلات عسکریه واجتماعیه حاضره ایله قابل تشکدر .
 بره توریانلغک تشکلی محال قیلماق ایچون (که محال اولمشی
 مقتضیدر) الک ای چاره ، بلکه چارۀ یکانه ؛ مسالک مستقله نک تفوق
 اجتماعیسنی تأمین ایله مکدر . مناصب عسکریه و سیاسیه یه شمیدیکی

حالمده توجه ایدن احتراصات بوصورتله تبدیل استقامت ایدمه . بیلیر . موقع اقتداره و بناءً علیه صیرمه لی البسه یه اولان محبتمز درکه ، اوردویه برچوق کزیده افراد اجتماعیه بی جلب ایلپور . زراعت ، تجارت و صناعته انتسابه مانع اولان اسباب ازاله ایدلدیکی کون ، او افراد کزیده ؛ دهامشمر اولان بومسالک آتیه جق وهان جزئی برمدتده دهامزیده نائل شرف و شان اوله جقدر . او کون ؛ اونیفورمه نك جاذبه شععه داری پولتیقه جینك اعتباری کبی ، نابدید اوله جقدر .

شخصیتك و حیات فردینك اعتبار وقوتی تزید ایدن هرشی ؛ بالطبع نفوذ عسکرینك تنقیضی ایجاب ایدر . اکر برکون انکلاتره و یا آمریقاده رؤسای عسکریه دن برینك عصیان ایتدیکی ایشیدیلیرسه ، کیمنه اینانماز . چونکه هرکس بونك محال اولدیغنی بیلیر . عینی شرائط اجتماعیه به تبعیت ایتدیکنمز زمان بویله برحادثه بزدهده کسب محالیت ایدر .

اصول حاضره عسکریه به عودت ایدمه . بواصول ؛ بعضیلرینه هرشیئی مباح قیلارکن ، بعضیلرینه هرشیئی دریغ ایدیور . بونی ایلریده کوره جکسیکنز . برقسم ؛ خدمت عسکریه دن معاف اولمغله برابر ، مناصب ادارهده کمال راحتله وقتکذار اولور . بو ؛ عادتاً مأموریتجا که مخصوص اکرامیه عد اولنه بیلیر . دیگر قسم ؛ اوچ سنه خدمت عسکریه دن باشقه اوله رق ، بودجه بی

تقویه ایدن حر مساکل کرده ده کمال مشقتله چالیش-سغه مجبور بولور . مأمورینی بسله مک وظیفه-ی بوزوالیلرک دوش تحمانه یوکلنمشدر . توصیه ابتدیکمز اصول؛ مشاق و فوائدی، حقوق ووظائف عادلانه تقسیم ایدر .

بر قسم ده ؛ یالکز بر سنهک خدمت عسکریه لرینه مقابل مساعی ذاتیه لزیله بودجه نک وارداتی تأمین ایدر . بوده اهمیتسر برشی دکلدرد .

دیگری؛ واقعا یدی سنه خدمت ایدر . فقط بونک مقابانده منتهای عمره قدر بودجه دن تأمین معیشت ایلر . شهه یوقدرکه، بودجه دن کچنمک بودجه یی بسله مکدن دها خوشدر .

قشاده اقامت ؛ حیات مدنیه یی دوچار اضمحلال ایدر ایسه ده ، اطاعته آلیشدیردنی ایچون، مأموریته مکمل برآدم یتشدیردبیله جکنی آبریمجه نظر دفته آلمق لازمدر . اوحالده به چاره حل ؛ هرکسک افعال واحتیاجاتنه کوره تأمین فواید ابتدیکی جهته، پک مناسب ومقبولدر .

بویله برکوکلی اوردونک موجودیتی؛ پایدار ومعلم برغنصر عسکرینک انضمامی سایه سنده، برسنهک خدمت عسکریه نک محاذیرینی تخفیف وتعدیل ونتیجه اعتباریله شیمدیکی حالده محروم اولدیغمز ثابت قادرویی تأسیس وتأمین ایلر . محاربه ظهورنده؛ متخصصین طرفندن اجرا ایدیله جک ترتیباته کوره،

بوقادرویه برسنه ظرفنده تعایم کورن افراد توزیع ایدیایر .
 بووجهله صاحبك ، حرب قدر مخرب اولمسنه نهایت ویریش
 اولور . چونكه حیات مدنییه دوچارخلل اولمایه جنفی کبی ، خدمت
 عسکریه دن ایکی سنه نك حذفی بودجه یه تصرفات عظیمه
 تأمین ایلر .

بوتنسیقات جدیده بزم محصول فکرمن دکلدر . جهانده
 حصولپذیر اولمقده اولان تکامل اجتماعینك ، غیرقابل اجتناب
 بر نتیجه سیدر .

مکلفیت عمومیّه عسکریه ؛ حکومتی تشکل تجمعی حالنده
 بولنان هیآت اجتماعیه نك شکل حاضر عسکر یسیدر . هنوز
 اورویای غریبه حکمفرما اولان شکل بودر . مرکزیت
 اصولنده بولنان وقوای معظمه حکومته مالک اولان بو هیآت
 اجتماعیه ؛ مجاهدات سعی و عملدن زیاده ، اختلافات دولیه به قارشی
 استحضاراته متمایذیرلر . منافع صالحی منافع حربیه تابع قیلارلر ؛
 بالعکس کوللی اوردو ؛ تشکل انفرادی حالنده بولنان ، ده
 طوغریبی انفرادی حکومته حاکم قیلان جمعیتلرک اک طبیعی
 شکل عسکر یسیدر . قوای عمومیّه سعی محصور و غیر مرکزی
 اولان بو جمعیتلر ؛ اختلافات دولیه دن زیاده مجاهدات سعی و عمله
 آماده درلر . مرکزیت اصولنده بولنان حکومتلرک عکسنه
 اوله رق ، منافع حربی منافع صلحه بند ایدرلر . عالم ایشته

بوسویۂ اجتماعیہ طوغری تکاملدہ ایلریلہ یور۔ استقبالك حاضر۔
لادینی آموزج اجتماعی بودر۔ بوتون جهد و غیرتمز؛ علیہمزہ
دونمہ مسی واشتراك مساعیمز اولمازسہ وقوعبولمامسی لازم کلن
و حصولی مقدر اولان برتکاملہ طوغری یورو مکہ مصروف
اولمیدر .

تکلیف ابتدیکمز و جہلہ، ایکی اصول عسکریہ نک مزج
وترکیبی؛ بوتکاملہ طوغری تدریجاً حرکتہ مساعد اولدینی کی،
برسنہ لك خدمت عسکریہ سایہ سنده، بوتون ماتی سلاح آلتہ
طوپلایان طرز قدیم عسکری بہ مالک دولترہ قارشى طور مغدہ
امکان بخش ایدر . دیگر طرفدن، کوکلی اوردو سایہ سنده،
مدت خدمتی حد اصغریسنہ تنزیل واک ترقی پرور ماتلرک
اصول عسکریسنی قبول واتخاذ ایتک قابل اولور .

مسئلہ نک فناً یکانہ چارۂ حلی ہپ بونقطہ دہ بولندیغنی بیان
ایدرسہم آلدانام ظن ایدرم . یاقیندہ ظہور ایتش اولان و بوتون
نظر دقتکزی جاب ایدہ جک قدر کسب اہمیت ایتش اولان بر
حادثہ؛ بوصورت حاک اصابتی واضحاتعین ایدیور . آمریقانک؛
حال صاحدہ یالکز ۲۶,۰۰۰ کوکلیدن عبارت بروردوی
بولندیغنی معلومدر . حالبوکہ اسپانیایہ قارشى آچدینی صولک
محاربہ دہ، سلاح آلتہ معلم، مرتب و حربک بوتون مقتضیاتى
مظفراً ایفا ایدن بروردوی، برسرعت خاطفہ ایلہ جمع و تحشید

ایلمش ایدی . شونی ده نظر دفته آلیکز که ، حکومت مجتمعه
 آمریقانک منتظم اوردوسی ؛ تعیین و توصیف ابتدیکمز مقداردن
 بک دون اولمغله برابر برسنه مکلفیت عسکریه سی ده یوقدر .
 فقط آمریقا حکومتی ؛ چو جوقاقدنبری مکتب سابه سنده فعالیت
 بدنییه ، انتظامه ، عزم اخلاقیه ، مقاومت ، آجیق هوا حیاته
 آلیشمش و بوتون اسپورلری یومیاً اجرایه الفت ایلمش بویولک بر
 قومه مالکدر . کولکلی اردودن باشقه بر عسکری اولمایان انکلتزده ده
 حال تماماً بویله در . قریکت ، فوت بول اویونلری حیات عسکریه
 ایچون حقیقی بر مکتب تعلیمدر . دارالفنون مأذونلرندن
 و (هاررو) مکتبی فرانمزجه معلملرندن وطنداشمز موسیو
 (اینسهن) بوموضوعده باقکز نه یازیور : « قریکت و فوت بول
 اویونلری یالکزر ره و عضلاتی تخمیه خدمت ایتمز . تعقیب
 اولنان مقصد ده بویکسکدر : عزم و اراده نک تریه سیدر .
 بر طلبه ؛ اولاً اطاعت ایتمکی ، صوکره امر و یرمکی اوکره نیر .
 اویون باشی ؛ کندینک یاخود معلمک اذنی اولمق سزین غیبوت
 ایدن طلبه یی تجزیه ایدر . بر طلبه ؛ معند یاخود اهلیتمز
 اولورسه ، ده اشانغی بر طاقه کوندربایر . ای اویونجیلر ؛ لاتین
 لساننده ابراز اهلیت ایدنلر قدر ، مظهر حرمت اولور . »
 « اویونجیلرک اک ایسی ، اک پارلاق اویون اوینایان دکل ،
 ارقداشلرینه اک چوق یارایان و کندیسنک غائب ایده بیله چکی

برکوزل اویونی امین بر صورتده قزاق اوزره، ارقداشنه فرصت ویزندر. بوشکلده بر اویون، تهذیب اخلاق ایچون اک ای بر مکتبدر. بواویون مشاغل فکریه قدر مهم عدد اولنور. بوکا ویریان اهمیتک درجه سنی یالکیز شومثال اثبات ایدر: درت سنه اول، فوت بول دایره سنک توسیعی ضمننده، هاررونک اسکی یکی طلبه سیله معلم لری میاننده آچیلان بر اعانه ده، یکر می سیک انکلیز ایراسی یاخود بشیوزیک فراتق طوپلاندیغی ذکر ایتک کافیدر. اعانه دفتری یالکیز اون بش کون کشاده بواندیرلشدی. اوچنچی کون مبلغک نصفی قاصیه کیرمشدی. کتابخانه ایچون دها فضله برشی یاپیلما مشدر.

انکلیز مکتبلرینک؛ بودجه یه بار اولمایه رق، تشبث شخصینک جوانمردانه و حائنه عطیه لریله تأمین موجودیت ابتدکاریخی اونو تمایکیز. آنگلو - ساقسون عرقنک. صورت ظاهرده هیچ مشابهنده اولان و فقط حقیقتده مدھش بولنان اقتدار عسکریمی «مکتب» اساسی اوزرینه قائمدر. کوسترمک ایستدیکم نقطه ده بودر. بواقتدار؛ هرشیدن اول، بالخاصه «مبارزات حیانه و هیجا میدانلرینه مستعد آدم لار احضار ایدن تربیه» اساسی اوزرینه مؤسسدر. تربیه جدیدنک یتشدیره چکی آدم لارک، معلم، منتظم و قوی عسکر اولق ایچون، اوج سنه قشله حیاته احتیاجی بو قدر. چونکه مکاتب حاضرده؛ حیات مظالمه حضره

کبی طلبه بی فقر الدمه دوچار ایدہ رک، روحنه تخم اختلالی تلقیح
ایله مز. ایشته وطنپرور اکمزک؛ پیش تفکره اندیشه کارانه، وضع
ابتدیکی مسائل، بواصول تربیه الک ابی برچاره حلدرد. فقط بوتربیه
یکی آدم لر یتشسدرنجه به قدر، کنیدی کنیدیزه یاپه جغمز
مستعجل ایشلر واردرد.

یوقاریده سویلیدیکم کبی هر زمان احق اولمایان چینلیرک؛
تأمله شایان برضرب مثلری وار: «هرکس قپوسنک اوکنی
تمیزلهسه، سواقاقر پاک اولوردی...» بوقدر ساده برایشی کنیدیز
یاپه جق یرده، خانه سنک اوکنی تمیزلنک ایچون قومشوبی تکمه ملک،
یومرو قلامقله وقت کچیررز. اوده؛ بالطبع قومشوسنه عین مقصد
ایله باغیر مقصدن، سوپورمکه وقت بوله ماز. ایشته بونک ایچوندرکه،
مز خرافات اطرافنزه بیغیلیر.

حکومت ورجال سیاسیہ؛ برآز قبولرینک اوکنی تمیزلهسەر،
بوتون هیئت روحانیه، اوردو، هیئت عدلیه، مأمورین، - اوت
مأمورین ده - بونی اجرا ایتسەر، خلاصه هپمز بلا استئنا
قبومزک اوکنی تمیزلهسک، طبیعی سوپرونقیدن اثر قالمازدی...

- ۶ -

تربیه جدیدنک؛ ممکنتمزک هر طرفنه یاییه رق، توسع ایدرک،
حائز اولدینی بوتون نتایج فیضی نشر ایدہ جکی کون، بزم؛ آغلو-

ساقسون عرقه. تقوی ایدہ جکمزده شبه یوقدر. چونکہ، فرانسر
خصائلرینی، لاتین مزایاسنی غائب ایتکمکزین، آنفلو - ساقسونلرک
قوڈ اجتماعیه لرینی امتصاص ایتمش اوله جغز. فرانسر ولاتین
خصائلی ؛ عصرلردن بری . یک درین صورتده روحزده
اساسکیر اولدینی ایچون، اولنری غائب ایتکم خصوصنده ذره
قدر قورقومن یوقدر. بومزایا؛ قوتلی صورتده، روحزده بر
طوتشدر.

بز، فرانسلر ولاتینلر؛ امثالمنر استعداد نشر و تعمیمه،
خاصه انتظامه، وضوح فکر ابله برابر حار و موقع بر بلاغه مالکز،
بر فکره الک آجیق و الک جذاب شکلی ویرمک، اولی تأنیس ایتکم،
یاخود یونان ولاتین روحنک نفوذ ایتدیگی بطی الانتقال
ذهنلر ایچون قابل تفهم شکله صوقق، اقطار جهانہ، بعضاً
برمشعاه شکلده، فقط اکثریا بر مصباح نوارکی کزدیرمک شرفی
بزه عاندر.

کندی کندینی تقدیر ایدرک، غرور و نشوه ایچنده باتمقدن
عبارت و اسپانیوللره خاص بر نوع وطنپرولک واردرکه،
وطنپرولک الک فناسیدر. وطنپرولک دیکر بر شکلی دها
واردرکه، الک ایسیدر، باشقه لرینک مالک اولدقلری مزایایی
اقتباس ایتکم و بوضورتله اولنلر فوق ایتکم چالشه قدر. لکن،
بو خصوصده قطعاً خودبین اولما ایدر. خودینلک خصائی یک

جر کنندر. مزایاده سربستی مبادله اجرا ایتمکی بیلملیدر .
 آنغلو - ساقسون مزایاسنی اخذ و تمثیل ایتمکه چالیشدیغمز
 کچی، اونلرده؛ منتدار اولماق ایچون، کندی مزایامزی و برمکی
 شرف عدا ایتلی یز. الحاله هده بر چوق انکلز و آمریقان کنجلی؛
 مدت تحصیلیه لرینک ختامنده آلمانیا دارالفنونلرنده بر مدت اقامت
 ایدیورلر. ظن ایدرم که یوللرینی شاشیریورلر. اونلری ایقاظ
 ایتمک اقتضا ایدر.

دیه بیایرم که : آنغلو - ساقسون اوصافنک تکمله سی آلمان
 اوصافی دکدر. فرانسه خصائلیدر. آنغلو - ساقسون عرفنک مالک
 اولدینی مزایایه بز مالکز . بونلری یوقاریده تعداد ایتدم .
 مزایای مخصوصه لری قابل انکار اولمایان آلمانلرده، هیچ اولمازسه،
 آنغلو - ساقسونلرک ایشنه یارایه حق مزایا یوقدر .

بوملاحظاتک خلاصه سی اولمق اوزره دیرم که: تفوق هیچ
 بر زمان بر انحصار دکدر . بز ایسترسهک، عالم بر کون فرانسه لرک
 تفوقنی نصدیق و اعلان ایتمکه مجبور اوله جقدر .

— اونجی باب —



سعی ایله پاره قزاق، وپاره بی صرف ایده بیلیمک استعدادی
تنیه ایتلیدر

بو کتابک تعقیب ایتدیکی مقصد؛ مناصب اداره دن و مأموریت
دولتدن تبعید و تحذیر ایله، مسالک مستقله و صنایع متداوله جهته
تشویق ایتلیدر.

بومسالکده، کشی؛ یالکز کندی نفسنه اعتماد ایدرک،
یالکز باشنه کندی مقدار اتنک عامل مؤثری اولمق اقتدار بی
حائز اولماید. دهها آچیقجه سی، کندیکنک و عائله سنک مدار
معیشتی تأمین ایده جک پاره بی سعی ذاتیسیله قزاقنه بیلیملیدر.

«آدم سنده! پاره قزاق، قزاقنه مستعد اولمق؛ بوش فکر!..
سر، حیثیت بشریه بی تنزیل ایتک ایستیورسیکنر. انسان بوکی
مشاغل سفیله دن متعالی بولماید.» ایشته بز؛ بویله اک ساخته
واک مهلك بر سفسطه نك بازیچه سی اولیورز. حال بوکه، بلااستنا
بوتون انسانلر پاره قزاقنه چالیشیرلر.

بو؛ مبرم و قطعی بر احتیاجدر. آنجق، بو مقصده وصول ایچون
قوللانیلان وسائط مختلفدر. بر قسمی؛ پاره بی قزاقنمیزین

بولور. دیگر قسمی؛ کدیمین ایله قازانیر. ممکن مرتبه چالیشه رق. هیچ برتهلکهیه معروض اولمایه رق، کمال استراحتله یاشایه ییلمک امکانشی بخش ایدن حسابسز مأموریتلرده یرلشمک؛ فرانسلرک مشغله عمومیه سی اولدیغنی درجه کافیه ده تقصیل ایتمس ایدم. بوقسم فرانسلر؛ کسب ثروته دیگرلری قدر متایل ايسهلرده، بالخاصه اك آزماسای ایله هیچ برخطا طریه معروض اولمایه رق کسبه خواهشکر درلر.

بونلرک؛ هرتهلکه کی کوزه آله رق بر سعی متین وشخصی ایله پاره قازانانلری استحقار ایتکه حق وارمیدر؟ بودجه دن تأمین معیشت ایدنلر؛ بودجه کی تغذیه وکندی معاشلرینی بوصورتله تأمین ایله بنلری خوار کورمکه صلاحیتدارمیدرلر؟.. ایشته برحق سؤال.

دهاسی وار: او مرتبه توسع ایدن، اودرجه مقبول ومعتبر اولان حیات اداریه نك تماس ونفوذی آلتنده، فرانسلرک قسم اعظمی دخی؛ اداری برحات روحیه عوارضی کوسترمکده در. مسالک خصوصیه ده بیله مساعی قابلله ایله اکتساب ثروت ایتک اندیشه سنی محافظه ایدیورلر.

ایشته بووجهله تشبثات زراعیه، تجاریه ویا صناعیه نك قسم اعظمی متزلزل یاخود محو اولیور.

برچوق کسه لرک دیدیکی کی، آدم ایچون مسلك الكسیك دکدر. لکن مسلك ایچون آدم بوقدر. حقیقتده آدم قحطدن مضطر بز. آدم نحری اولنان یرده اکثریا اله مأموردن بشقه برشی دوشمیور.

بویوک برایشك باشنده بولنالنله صوریکز: بوسوزك نه قدر
طوغری اولدیغنی، شو آدم قحطنك کندیلمی نه درجه به قدر
دوچار ضعف ابتدیکی آکلارسیکز. رقابت اجنبیه قارشى
مقاومتدن بزی منع ایدن باشلیجه سبب بودر.

عزم و غیرتدن صاقمنغه دوام ایدرسهك، یواش یواش، برکشینك
ایشی اون عمله طرفندن کوریلن اقوام شرقیه درکسینه تنزل
ایده جگمزدده شبهه یوقدر. واقعا او عملیه بی آرزو، پاره ایله استخدام
ایتمك ممکندر. فقط عددلرینه نظراً، آلدقلى اجرت دیگر
عمله دن بك فضله در.

روسیه ده، برطوقومه ماکنه سی اداره ایتك ایچون، هر تزکاهه
(دستگاه) برکشی لازمدر. فرانسه ده آلتی تزکاهی بر، آمریقا ده
اون سکز تزکاهی برکشی اداره ایده بیلیر. اورته بر مهارته، او قدر
بر اقتدار سعه مالک رقیبلره قارشى مبارزه به امکان وارمیدر؟ بو
یولده پاره سنی قازانان آدمی استحقاق ایتك ممکنمیدر؟ بویله بر
آدم؛ عاطل و اهلیتسز شرقلیدن [*] یوز دفعه دها زیاده شایان
احترام و تحجیل دکلیدر؟..

[*] بوسوز؛ بز شرقلیرك موجب حدت و انفعالمز اوله جفنده شبهه
یوقدر. لکن، علوم اجتماعیه متخصصی بر اوروپای مؤلفك؛ نه ایچون شرق
قایلره (عاطل و اهلیتسز) دیمکه جرأت ابتدیکنی سرین قائله تأمل ایتلی نه
بو حکمك مدلولندن، انفعال ایله نکل، افعال و اعمال ایله تبری به چالیشمق ایچون
او آغیر سوز؛ بزه بر نازیانه عبرت و انباء اولمیدر... لاه ترجم

دها اوزاغه کیدیورم: عینی سبیدن یعنی اقتدار سعیدن طولانی بو آدمک؛ یوکسک بر سویه اخلاقیه به صعود ابتدیکنی کوستر مک ایستیورم. بونکله برابر، پاره قازانمغه مقتدر اولمق کفایت ایتمز. قارانیلان پاره بی صرف ایتمک و بویله جه اونی استحقار ایتمک یولی ده بیلملیدر.

بوایکی خاصه نک هر ایکسی؛ درجه متساویه ده مقتضی وبری دیگرینک متممیدر. هر ایکی مزیتک اجتماعی؛ انسانه حقیقی بر علویت اخلاقیه، امثالسز بر قدرت اجتماعیه بخش ایدر. بو حقایق؛ نظریات موهومه یاخود دلائل فلسفیه ایله دکل، کندی نفسنه و اطرافنه بر کره عطف نظر ایتمکله موثوقیتی هر کس غندنده نظاهر ایده جک بر طاقم حادثات ماده ایله، اثبات و نایید ایده جکم. عروق بشر؛ باشلیجه درت صنفه تقسیم اولنه بیلیر. برنجیسی؛ پاره بی صرف ایتمکدن زیاده قازانمق استعدادینه مالکدر.

ایکنجیسی؛ قازانمقدن زیاده صرف ایتمک مستعددر. اوچنجیسی ایسه؛ نه قازانمغه نه ده صرف ایتمک مقتدردر. دردنجی صنف هم قازانمغه و همده صرف ایتمک مقتدردر. ۱ - (پاره بی صرف ایتمکدن زیاده قازانمق استعدادینه مالکدر) بو انموزج، بشریتده بک چوقدر. کسب ثروت

ایچون کوششه قابایتلی ایسه ده ، قازاندینی پاره یی مشعر وواسع مقیاساسده صرف ایده مز. رفاهه ، ثروته نائل اوله بیایر. فقط اجتماعاً و اخلاقاً نادر اوله رق یوکسه لیر. مقصدی ده ا زیاده توضیح ایچون ، برقاج مثال کوسترمک موافقدر : بوصفک الک جالب نظر دقت نمونه سی موسویدر . ایضاحی موضوع بحث اولان حالی آکلامق ایچون ، بو عرقک ؛ فلسطینده متمکن اولدینی ازمنه قدیمه یه ارجاع نظر ایتک لازمدر .

انسانلر ییننده روابط قویه تأسیس ایدن شریعت موسویه ؛ انسان ایله طویراق آره سنده پک ضعیف رابطه لر وضع ایتشدرد. هر اللی سنه ده ، موسویرلرک اجرا ایتدکلری آیین عمومیدن عودت اثناسنده ، بوتون عائله لری ضرورته دوچار ایددجک و مساوات ابتدائیه یه ارجاع ایلیه جک صورتده یکیدن اراضی تقسیم اولنور. ردی . کندیلرینی الاشاعی مرتبه لره ارجاع و تزییل ایدن بو تقسیمدن ، بالخاصه الک بصیرتکار واک چالیشقان عائله لر مضطرب ایدیلر . بوندن طولانی ، فعالیتلرینه زراعتدن باشقه بر ساحه جولان آراغه مجبور اولدیلر . بوساحه یی بالطبع تجارتده بولدیلر . ازمنه عتیقه ده فلسطین ؛ آقصابی شرق ایله بحر سفید آره سنده وبالخاصه مصر و آثوریه نك ایکی زنکین و بویوک قطعه لری ییننده یکانه طریق تجارت ایدی . فیکه نك صور وصیدا شهرلری نشأت

و موجودیتلرینی بو موقع مستثنایه مدیوندرلر. بوصولته موسو-
یلرده تجارت ایچون جالب دقت بر استعداد تولدایتمش و بواسطه
مؤخرأ غریب بر صورته انبساط ایله مشدر. قدس
شریفک رومالیر طرفندن ضبطدن صوکره موسویلر؛ جهات
مختلفه طاعامغه مجبور اولدیلر. مهاجرلرک؛ صنایع موجوده
ایچنده، اک بویوک بر سهولتله بر بردن دیکر بریره نقل ایده بیلله.
چکری شی تجارتدر. حتی تجارت متادیاً تبدیل مواعه
احتیاج کوستریر.

بالخاصه تجارت؛ مختلف ممالکترده مقیم اولان و بولندقلری
برلرک محصولاتنی مبادله ایدن اشخاص آردسنده اولورسه، ده
زیاده کارلی اولور.

ترک وطن ایتمکه مجبور قالان موسویلر؛ حوالی متجاوزده
تجمیع ایده جک یرده، کندیلرینه یکی مخرجلر تأمین ایده بیلدکلری
محلله ممکن اولدینی قدر انتشاره میل ایتدیلر. تأسیس ایدیان
مراکز تجارتدن هربری؛ صر سیله تجارت کشاده بولندیر مق
مقصودیه اک هجرا محللرده اقامت ایتک اوزره کیدن قافله لر
ایچون، بر مرکز مهاجرت اولدی. ایشته بوصولته؛ اعتیادات
تجاریه لرینک سوق طبیعی سیله موسویلر؛ کره ارضک هر طرفه
طاغیلدیلر.

هر طرفده؛ تجارتلرینک وبالخاصه پاره تجارتنک توسعه

مستثنا صورتده مساعد شرائط بولدیلر . آره لرنده برلشدکری
مسامانلرله خرسیتیانلر؛ فائضله پاره اقراضندن دیناً ممنوع
ایدیلر .

شریعت موسویه دهده عینی ممنوعیت جاری ایسه ده، بومنوعیت
یالکیز کندی آره لرنده رعایت ایدرلر .

موسویلر ؛ اووقتدن بری ، موسوی اولمیانلرک ضررینه
اوله رق ، اجرایه موفق اولدقلری پاره تجارتی انحصارندن طولایی ،
منافع کلیه تأمین ایتشلردر . صنایع تجاریه ایچنده انقولایی پاره
تجارتیدر . هیچ برسمی مادییه، یراوزرنده هیچ برمؤسسه
مهمه یه محتاج دکلدردر . بوندن ماعدا ، اجراسنده کی سهولتله
برابر تأمین ایتدیکی فوائد جسیمه ؛ مقاومتسوز صورتده
حسن انجذابی جالبدردر .

دیگر برسبب ده؛ موسویلرک بونوع تجارتده کی استعدادلرینک
انکشافنه خدمت ایتدی؛ یابدقلری مزاجه حیاق؛ علملرینه خلقک
خصومتی دعوت ایتدی . عداوتدن ظلم واعتسافه کچیلدی .
اساساً اموال منقوله دن اولان تروتلری جالب حرص و طمع
ایدی . اهالی؛ تشفیة کین، پرنسپر؛ تسکین طمع ایچون اولره اجرای
ظلم ایدیورلردی . بونک نتیجه سی اوله رق ، موسویلر؛ کندی
کندیلرینه خاص برعالم تشکیل ایتمکه و پاره تجارتنه کیتدکجه حصر

موجودیت ایندکله اقدام ایتدیلر. علی الخصوص، بوایش آو کبی
جاذبه‌لی اولدیغندن، بوتون تأثیرات نسلیه‌ایله متزاید بر حای غیرتله
بو تجارتیه صاریلدیلر. بویله جه موسویلر؛ یوکسک بر مرتبه‌ده پاره
قازانمق استعدادینه مالک اولدیلر. فقط پاره‌ی؛ ثروت عمومیه‌نک
تزایدینه خدمت ایتمین و اکثریا همجنسک خسار و زیانده قرار
قیله رق انسانی طویراغه باغلامایان بر جهد و غیرتله قازاندیلر.
بوتشکل ارثی؛ موسویلرده او یله درین ایز براقشدرکه، پاره
تجارتی ترک ایدنلرده بیله هنوز آثارینه تصادف اولتور.
موسویلرک قسم اعظمی؛ ده‌آز بر مجاهده شخصیه محتاج
اولان مسالک مستقله یا خود مأمور نیجیلکه، ترجیحاً، انتساب
ایدرلر. قوه اراده‌دن زیاده ذکای خارق العاده و جوالیت
فکریه‌ی تنیه ایدن مساعی معتاده و موروئه لر یله، ذاتاً اونوع
مساعی به حاضر لائشلا ایدی.

موسوینک؛ پاره‌نک صورت صرفنده کوستردیکی غرابت،
طرز کسبنده کی غرابتن ده‌آز دکدر.

موسویلر؛ نظر حرص و طمعی تحریک ایتمه‌ک و مهالک
غصبدن مصون اولمق ایچون، بر جوق عصرلر ثروتلری صا.
قلامق مجبوریتنه قالدیلر. خزینه‌لری ده‌آی کیزله مک ایچون،
فقیر کورنمکی و احتیاجلری قصر و تنزیل ایتمکی اعتیاد ایتدیلر.
بو صورتله قناعتکارانه یاشامق و آنجق یاشایه‌یله جک قدر پاره

صرف ایتک عادتنی اکتساب ایلدیلر . بو عادت؛ یواش یواش بر طبیعت ثانیه حکمنی آلدی . موسوی؛ حذاتنده پاره یی سور وکال حرص ادخار ایدر . پاره؛ کندیسسی ایچون برواسطه، بر همدفدر .

ثروت حقیقده موسوینک شو طار نظریه یی؛ اجتماع نقطه نظرندن تعالیسنه مانعدر : کندینه مشتری تدارک ایده مز، بویوک بر تشبثک باشنه کچه مز، منافع عمومیه یه متعلق مآثره سخاو تکارانه اشتراک و معاونت ایایه مز، اونی اخلاقاً تزیل ایدر، نظر بوجهدن دوشورور .

بوراده یالکنز عرق خواص ممیزه عمومیه سنی تعداد ایدیورم، بیایرم که بر چوق موسویلر؛ ثروتلرینی نجیبانه و سماحتکارانه استعمال ایله مشلدر .

فقط بو حرکتلری محیط و تربیه لرینک نتیجه سی دکلدر . بر نفوذ خارجینک تأثیر یله، کندی تربیه لرینه قارشى حرکته مجبور اوایورلردی .

بعض موسویلرک؛ آرد صره پک واسع بر صورتده یاپد قلزی سماحتلرک طرز اجراسی بو قضیه یی تأیید ایدر . بونلر؛ سخاو تلرینی اظهار ایچون، اعلانات تجاریه یی آکدیرر یا یغره لی واسطه لر انتخابنه متمایلدرلر : غز نه لرك وسائل نشریه سنه

مراجعتدن ، بلديه لرك قبولرينه بيانات اعلانيه ياشدیرتمقدن چکنمزلر .

آکلاتمق ایسته دیکم حادثات ؛ ایضاحه محتاج اولمايه حق درجه ده مبلومدر . انصافدن آیرلماش اولمق ایچون ، برچوق خرسیتیانلرکده عینی صورته حرکت ایتمهک میال اولدقلرینی علاوةً بیان ایدهیم . فقط بو حال ؛ موسوی عنصرنده دهاعومی وعادتا آموزجک برخاصهً ممیزه سی حکمنده در .

الحاصل ، موسوینک ؛ کرك پاره نك کسبنده کرك صرفنده محدود بر طرزی واردر . اعتیادات متسلسله نك زیر تاثیرنده اولدینی جهته ، بوخصیصه دن تماماً مسئول اوله مازسه ده ، کرك اجتماع کرك اخلاق نقطه نظرنده بو طرزك مردودیتی انکار اولنه ماز .

صرف ایتمکدن زیاده پاره قازانمق قابلیتی نمونه سنه بوتون ممایکتلرک کویایلرنده ده تصادف ایدرز .

فقط ، کویلی ؛ پاره قازانمق ایچون موسوینک قوللانینی وسائلی استعمال ایتمز . عمومیتله ، مساعی بدنیه دن قاجینماز ، نفسنه آحیمماز ، فعال ومقدمدر . موسوی کبی فکریله دکل قوللریله ایش کورر .

کویلی ؛ مساعی بدنیه یه صباوتندن بری الفت ایدر ، چونکه طوبراق خسیس ومسکدر . هر موسمده هرکون صباحدن

اقسامه قدر اونی الت اوست ایتمین ، زورلامیان ؛ خزائنی
کشاد ایده مز .

زراعت ؛ نادر آمولدغنا اولدینی ایچون، کویلی ؛ همان بوتون
حیاتنده آنجق بر حال کفافده ، حتی ضرورتنده یاشامغه مجبور
اولور .

کویلی چالیشمغه، دائماً چالیشمغه «من المهدالی الیحد» چالیشمغه
مجبوردر .

موسوی ؛ پاره تجارتک سهولتی، قازانج احتماللرینک منمادیآ .
تجددی و کوردیکی مظالم متوارنه دن طولایی بوایشه حصرو وجود
ایتمکه مجبورینی جهتیه، پاره قازانق قابلیتینی کسب ایتدیکی حالده ،
کویلی ؛ بالنفس صنعتک کوچلکی نتیجه سی اولان ضرورت
سببیه، مساعی بدنییه آلیشمشدر .

اگر وقتم اولسه و بوتالیف ؛ ساده جه برطاسلاق چیزمکدن
عبارت اولماسهیدی ، برانموزج اجتماعینک انواعنی کوسترمک
ایچون، مختلف برقاج کویلی نمونه سنی کوستریردم . (اووه رنبا)،
کویلیلری حقنده یازدیغم اثره مراجعت ایتلمرینی قارئلرله رجا
ایتمکه اکتفا ایدرم .

بوصنف ، پاره قازانق قابلیتینی وبالعکس اونی حسن استعمال
ایتمک خصوصنده کی قابایتسز لکنی واضحاً کوسترر .

پاره سنی همان درهم درهم قازانمش بر کویلینک ؛ قازاندیغنی

بینه اوصورتله صرف ایله مسی آکلاشیله بیلیر . آنجق، بو خستی ، ثروت صاحبی اولدینی زمان دخی محافظه ایله یور . حیوان بتشدیر مک و مواشی تجارتنه مألوف اولان (اوو ورن یا) لیلرک تماماً حالی بودر . بلکه ثروتجه بویوک موقعه یو کسه بیلیرلر . فقط باره نک واسع بر طرزده استعمالی صورتیه اجتماعاً تعالی ایده مزلر . حیاتلری ثروت موجوده لرینه رغماً طار و بعضاً نا کسانه در . فی الحقیقه بو برنجی انموزج اجتماعینک، ضعیف نقطه سی بودر . عمومیتله ، اوافق معاملات ایله باره قازانمسی بیلیر . فقط ، کرک طرز حیاتی تبدیل کرک صنعتنک شرائط حالیه سنی اصلاح و اکمال، کرکسه منافع عمومیه به متعلق تشبثات سخاوتمندانه به معاونت خصوصنده قوللانمسی بیلمز . ثروتنک اسیری قالیر .

بوانموزجک مختلف شکلارینک؛ اجتماعاً تعالی ایتک خصوصنده دوچار اولدینی مشکلات ایله، ترقیات بشریه به خدمت یولنده کی تأثیرات قلیله سی، باره قازانمک کافی اولمادیغی و پاره پی مشمر و واسع بر مقیاسده صرف ایتک لزومنی بک کوزل ارائه ایدر .

۲ . — (پاره پی قازانمقدن زیاده صرفه مستعد اولان صنف)

انموزج سابقک تماماً عکسی اولان بوانموزجک؛ بر چوق شکلاری آره سنده، یالکیز اک چوق جالب دقت اولانلرینی کوستره جکم . صنایع و اعیانه نک زیر تأثیرنده بولسان اهالی شرقیه نک بوتون زمره لرینی بوقسمه ادحال ایده بیلیرز .

حیات راعیانہ؛ بواہالی بی سعی و مجاہدہ یہ احضار ایتمز،
فی الحقیقہ، خدائی نابت محصولاتک برکتی وسائط معیشتلرینی
بول بول تأمین ایتمکدہ در .

بونوع اہالی؛ زراعتک مساعی شاقہ سندن بی خبر اولدقلری،
ایچون، پارہنک قیمتی تقدیر ایدہ مز . پارہ بی زحمتلہ قازانق
مجبوریتندہ اولمادقلری ایچون ، اللربنہ پارہ کچرسہ قولایاقملہ
وحتی کمال احتشام ایلہ صرف ایدرلر .

موسیو (ھوک)ک « تانارستاندہ سیاحت » نامندہ کی اثرندہ؛
کویلی تجارتدن عبارت اولان چینلیلرک ؛ حدوددہ کی شہرلربنہ
آیاق باصمق فلاکتہ دوشن سادہ دل مغول تانارلرینی اغفال
ایدرک، پاردلرینی ناصل سہولتلہ درجیب ایتدکلرینہ دائرہک
کوزل برفقرہیہ تصادف اولنور .

دیگر طرفدن، عربک مزایای فوق العادہ مسافر پروریسی
ولزومندہ کوستردیکی احتشام وداراتی ہرکس بیلیر .
ازمنہ عتیقہدہ اہالی راعیہدن متشعب کلدانیلر، آتوریلر،
مصریلر؛ قرالترینک اسرافانہ دنیایی متحیر قیلدیلر.. « شرق
پادشاہی، شرق داراتی » سوزلری بواحتشامہ دلالت ایدر .

صورت عمومیہدہ شرق معیشتی واسعدر . بو ؛ پارہ سی
اولسون اولسون ، اچہ صرف ایدن آدمک حالیدر . دہا زیادہ
تفصیلاتہ لزوم کورولمکسزین، بوانموزجک برنجیدن فرقلی اولدینی

حس اولنور . واقعا موسوی دخی اصلاً بر شرقلیدر . فقط عصر لر دنبری بو محیطدن اوز اقلاشمش و تأثیرات مختلفه یه و ذکر ایتدیکمز انواع اعتسافاته دوچار اولمشدر .

شرائط محیطیه اجتماعیه نك تبدلی حالده ، اجتماعی ۛر قلك نكامل ایتك قابلیتلرینه بوده یکی بر مثالدر .

دیگر بر چوق اقوام ، بوصف نایده داخلدر . صورت عمومیه ده اوله رق ، حیات راعیانه تأثیراته بر چوق زمان تابع اولان ساتلر ، بره تونلر ، ایرلاندالیر و پولونیالیر کبی اقوام ؛ بو قسمدنلر . کذلک قورسیقالیر ، اسپانیالیر و بونلرک فروعی اولان جنوبی آمریقالیر کبی ، اقلیملرینک اعتدالی و محصولات ثمره لرینک مبدولیت وتنوعی سببیه مساعی و مجاهده شاقه دن وارسته اولان اقوام جنوبیه دخی بوصف میاننده در .

ینه اوزمره ایچنده ، آز قازانان و حسابسز صرف ایدن (قاده دو عاستقون ، ی) نامیه معروف آونیفورمه لی سرسری نمونه سنی بتشدیرن قهرمانلق دوربنک غاسقونیالیرینی ده تعداد ایتك قابلدر . بو مختلف اقوامک ؛ ایشه قابایت ضعیفه لرینی « سیا- نس سوسیال » نامنده کی اثر مده درجه کفایه ده شرح و تفصیل ایتدیکم ایچون ، بوراده تکرارینی زائد عد ایدرم .

بو اقوامک ؛ مساعی شاقه ایله پاره قازانلق قابلیتلی صورت

عمومیه ده اوله رق، نه قدر آزیسه، پاره صرفنده اودرجه زیاده میلری وارد ر .

مساعیسی پک آز مشمر اولدینی ایچون، آز اجرت آلان، بریتانیالی یاخود ایرلاندالی بر عمله ؛ آلدینی اجرت قلیله بی فائده سزجه ، سهولتله وحتی کندی حالته کوره سفیهانه دنیله . جک صورتده صرف ایدر .

جهدو غیرته محتاج اولان هر ایشه، زراعت، صنعت، تجارت کبی مسالکه، کمال نفرتله باقان و ترجیحاً مأموریت یاخود عسکر لکی سون قورسیقه لی؛ نادراً بوا یکی مسلکده اکتساب ثروت ایلر . بونکله برابر، هر نه یه مالکسه قومشوسیه تقسیمنه راضی اولدیغنه مقابل، قومشوسنک ماملکنده کمال ممنونیتله حصه دار اولمق ایستر . لهستان واسپانیانک اسکی زادکانی، آمریقای جنوبینک اصلی مجهول سرسریلری، غاسقونیانک عسکری اصیلزاده لری؛ قازاغسنی بیلمدکلری برپاره نک بوللقله واحتشامکارانه صرفی ییلر لر .

مساعیده بطاشتکار اولدقلری قدر، اسرافاته منهک اولمق بونلرک شعار مخصوصی ایدی . زوانده، حوا یچدن زیاده اهمیت ویرلردی .

شیلیده اقامت ایدن برفرانسزنا جری بکادیوردی که، شیلینک عمله سی پک چوق صرفیات واسرافات ایله مألوفدر . بومملکتده

البسه و چاشیر صاتان مغازه لر پک زیاده ایش یاپارلر. چونکه اهالی؛ چاشیرلرینی بیقاته جق یرده، هر هفته کیرلیسنی آتہ رق یکیسنی مبايعه ايدر .

اوراده بو عادت؛ او قدر عمومیلشمشدرکه، شیلیدہ اک بویوک ایش؛ پاچاورہ تجارتیدر. شیلی عملہ سنک فقدان بصیرتی اودرجه به وارمش که، هر عملہ نک؛ ایشله به جیکی کونه محسوباً، یومیہ سندن بر مقدار پیشین پاره آلمسی عادت حکمنہ کیرمشدر .

بونوع اهالی وبالخاصہ جنوب خلقی؛ پاره صرفندہ کی استعدادلری سایہ سنده، بعضاً سادہ دلانی متحیر ایدہ جک بر تاثیر ساحرانه اجرا ایلرلر. بر چوق کیمسہ لر؛ پاره ابدال وحتى یالکیز وعد ایدنلرک حرکات جوانمردانه سنہ مفتونیت کوسترلرلر. بونلر؛ جلب تقدیراته پک قولای موفق اولورلر. چونکه هرشیلری ظواهردن، تصورات متعظمانہ دن باشقہ برشی دکلدلر .

مع التأسف، هرشی سطحی اولدینی ایچون اوزون مدت دوام ایدہ مز. زیرا، تخیلات و تصورات دائماً کیسہ دن دها بولدر. صاردقلری پوشیدہ زیب واحتشام؛ آشینمش اولدینی ایچون قاشک نسجنی صاقلایه ماز. هرشی؛ اطوار عظمتفرر شانه دن، اقوال مطمئنہ دن عبارت قالیر. بوتون پولونیا، اسپانیا، غاسقونیا، وجنوبی آمریقانک، یوقاریدہ بحث ایتدیکم امرافرو رانی؛ بویوک

اطواره فقط. كوچوك مروته مالكدر لر . بو انموزج اجتماعاً
واخلاقاً درجه پستیده در.

بو انموزج ؛ اقتدار اجتماعي نك يكانه موجدی اولان سعی
ومجاهده قابليتني تولید ایتهدیکی ایچون، صنعی وظاهری برتنی
اجتماعیدن باشقه برانکشاف کوسترمه مشدر .

بو انموزجك حکمران اولدیغی جمعیتلر ولوله ناك انقراضلرله
چوكمشدر در .

(وانده تا) لره، حیدودلق کبی زحمتسز ایشلره زمین اولان
ومسالک طفیلیده قازاندق لری آلتونلر منزله یاشایان ایرالاندایه ،
اسپانیایه ، پورتوغاله ، آمریقای جنوبیه وقورسیقایه بر کره
باقکیز . مجاهده شاقه یه عدم قابلیته بناء بو انموزج؛ زراعتی
تجارتی، صناعتی ایلریلتمکه مقتدر دکدر .

بونک ایچون، بو صنایع حیاتیته ده صنوف عملیه یی اداره
وبالخاصه تربیه ایتمه قادر رجال صنعت وتجارت یتیشیمز .
بو صنف؛ فائده ویرمکدن زیاده اهالی یه صویان قبیله رئیس لر
ندن باشقه برشی یتیشدیر منز ...

بونلرک تنزل اخلاقیسی ده آز شایان دقت دکدر .
پاره یی قازانمقدن زیاده صرف ایتمه مالوف کیمسه لر ؛ اک
مشکل مواقعده بعضاً مضایقه مالیه نك اک صوک درکه لرینه
دوشر لر . بو مشکلاتدن قورتلق ایچون، عنمکارانه بر غیرته مالک

دکدر لر. چونکه سعيه استعدادلری یوقدر. حالبوکه دنياده اک ناموسلی بر آدم؛ مایوسيته دوچار اولور و هيچ بر صورتله باش قالد بر دميّه جق بر حالده بولنورسه. چار و باچار هر وسیله به مراجعتّه مجبور اوله رق، اک فنا آدملر منزله سنه اینر.

چالشمه قسزین یاشامق احتیاج مبرمی آلتنده هر حس اخلاقی محو اولدینی وقت انسان؛ ضعفانک و آلچق لک سلاحي بولنان دروغ و حيله به توسل و بعضاً ده جنایته قدر سقوط ایدر. بوانحطاطی؛ بر زمان پک ناموسلی اولان بر آدمده بالنفس مشاهده ایدم. او آدمک؛ مساعی جدیدیه قابایتمز لکندن باشقه، بوانحطاطنک بر سببی یوقدی. الی دائماً آجیق، حساس بر روحه مالک، عالیجناب، مروتمند، آلتون یورکلی بر آدمدی. آنجق کثیر العیال اولمقله برابر، مساعی به آیشمامش ایدی. سقوطی بویکانه سبیدن ایلری گلش ایدی.

تشکل اجتماعینک سوقيه، بوانموز جک بولندینی اوچورو. مک صوک درجه سنی کوسترمک ایچون، بو وقعه الیمینی مثال اوله رق کوستردم. عینی انموز جک اجتماعینک دیگر بر نوعنده ینه بونتیجه تصادف قابلدرد. (عائله چو جو غنی (famille fils de)، [*] تعبیر ایدیلن نوعدن بحث ایتمک ایسته یورم.

[*] بز؛ نونوع حویپا کنجازه. ترکیه ده (مخدوم پک) تعبیر ایدردز.

للمترجم

بوتوعدهده پاره‌یی قازانمقدن زیاده صرف ایتک قابلیتی وارددر . بو ؛ اونک بارز برعلامت فارقه‌سیدر .

عائله‌چو‌جوغی ؛ منحصرأ ابوین طرفندن جمع‌ایدلمش ثروتله تعیش ایدرک اوننی کمال شطارتله بیتیرمکدن باشقه برشی بیلمز . عمومیتله بو ثروتی برسرعت فوق‌العاده ایله استهلاک ایدر . ثروتی کمال اهتمامله چو‌جو‌قلرینه صاقلایان زنکین ابوینه باغریملی و دیلیدرکه : « تأمین ایتدی‌ککیز بو ثروت سایه‌سنده ، اوغلیککیزک زواللی و حتی اوزون مدت یاشامایه‌جق بر سغیه یاخود قالدین ارکک هر صنف سرسریلرک شکاری اوله‌جق بر بدلا اولسی اونده طقوز محتملدر . »

« اوقدر زحمتله ادخار ایتدی‌ککیز بو آلتونلر ؛ برچو‌جوغی اخلاقاً و مادهً اولدیرمک ایچون تصور اولنه‌بیله‌جک سلاحلرکک مؤثریدر . سن رشده کندیسنه احضار ایتدی‌ککیز ضربه‌دن تجایص نفس ایده‌جک اولورسه ، سزک اثر صنعکزدکل ، طالعک ثمره لطفی اولمش اولور . فقط بوکی معجزه‌لر ، امید ایده‌میه‌جککیز درجه‌ده نادردر . »

اوحالده‌دینه‌جکک : انسان پاره‌سنی فصل استعمال ایتلیدر ؟ بوکا ایلریده جواب ویره‌جکم . شیمدیلاک ، فوق‌العاده زنکین اولان و اوغلانی ثروتنه قربان ایتمه‌ک خصوصنده لزومی قدر بصیرتکار بولنان بریدری مثال اوله‌رق ذکر ایتمکه اکتفا ایده‌جکم .

آمریقانك اك بويوك خطوط بحريه سنك صاحب ورېښی
اولدېغندن طولای، (واپورلر قرالی) ناميله شهر تياب اولان و برمليار
فرائقندن زیاده بر ثروته مالك بولنان (قورنه لیوس و اندریلت) دن
بحث ایتك ایسته یورم. موسیو (وارین، ی) دیوركه: «واندریلتك؛
طقوزی قیز اولق اوزره اون اوج چو جوغی واردی. اونلری،
کندیسنك کوردیکی سرت تربیه ده یتشدیردی. اوغلی ویلیامی
بك کنج یاشده بر بانه یه چراغ ایتدی. ویلیام؛ بدرندن ثبات
وقوه اراده یه وارث ایدی. سنوی یوز اللی دولاریغی ۷۵۰
فرائق معاش ایله ایشه کیرمش ایدی. اوج سنه صوکره ۱۳۰۰
فرائق آلمغه باشلای. براز صوکره؛ بدرینك عدم موافقته رغما،
(لویز کیا) نامنده بر قیزی سوه رك تزوج ایتدی.

بدری ویلیامه صوردی: - نه ایله تعیش ایده جکسیکنز؟ -
بابا، هفته ده قازاندیغم اون طقوز دولارله! - ویلیام، اولجه سویلشدم
وشیمدی تکرار ایدیورم، سنز بر بدلادن باشقه برشی دکلیکنز
ودائما بویه قاله جتسیکنز. دیدکدن صوکره، نه جهازه معاونت
ونه ده ازداواچی تصویب ایتدی.

ویلیام؛ بر قاج سنه صوکره یورغوناقندن و افراط مساعیدن
یتاب دوشه رك، خسته لندیغی و مساعی روزمره سنه دوام ایده -
میه جك بر حاله کلدیکی وقت، بدری؛ اوفاق بر چیفتك صتون
آله رق اوغلنه هدیه ایتدی. چیفتلكی تسلیم ایدرکن: «نسلم

ایچنده، طوپراعی اکمکدن غیری برایش کورمکه مقتدر، بندن
باشقه کیمسه یوقدر. « سوزلرینی علاوه ایله دی . بونکله برابر،
ویایامک حسن اداره سی سایه سنده چیفتلک برآز آثار ترقی
کوسترمکه باشلادی. پدری؛ کندیسنه هیچ بر معاوندده بولمیه رق،
یالکیز موفق اولوب اولمیه جغنی آکلامق ایچون نظارت ایدیوردی.
غریب برحادثه؛ چوجوغنک استقبالی حقنده کندیسنه ای
امیدلر ویردی. ویایام؛ برکوز پدرینک آخورلرنده کی کوبره بی،
کندی چیفتلککنده قوللانمق اوزره، صاتون آلمق ایسته دی.
پدری صوردی : — نه فیئات ویره جکسلک ؟ . .

— هر یوکنه درت دولار ! . .

پدر : — پک اعلا قبول ایتدم، دیدی .
فقط، ویردیکی فیئات؛ قیمت حقیقیه نك ایکی مثلی اولدیغنه
نظراً، اوغانک ایشلردن خبردار اولمادیغنه قناعت کتیردی .
ایرتسی کونی اسکله یه کیده رک اوغانی بولدی . کوبره
طولو برقایی؛ همان حرکت ایتک اوزره ایدی.

پدر : — ویلیام، قایقده قاچ یوک کوبره وار ؟
— نه قدر اوله جق ؟ بر یوک !

— اما یاپدک ها ! لا اقل اوتوز یوک وار ...

— قطعاً ! مقاوله انناسنده بحث ایتدیکم یوک ؛ برقایی
طولوسی ایدی ... دیدکدن صوکره، کمال اعتدال ایله اوزاقلاشمغه

باشلايه رىق پدريغى حيرتلىرى غرق ايتدى . بو حادثه يى مشاهدە ايدىن بر طائفه : « قايىق كوزدن نهان اولنجيه يه قدر واندرييلت اوراده طوردى و ظن ايدرم كه ، او غانك ايش بجره بيله جگنه قناعت كيتيردى . » ديدى . فى الحقيقه ، بر مدت صوكره ، واندرييلت : اوغاي امور و معاملاتنه اور تاق اتخاذا ايتدى .

واندبليت ؛ وفاتنده ثروت جسيمه سنك قسم عظيمى منافع عموميه يه تبرع و آنجق بقيه سنى اولادى آره سنده تقسيم ايتدى .

بو صورتله ايكي نتيجه استحصال ايتمش اولدى :

اولاً ، اوغلنى ؛ مساعى يه احضار ايدرك ، ثروتىك تاثيرات سيئه سندن خلاص ايتمش و آمرىقانك بادى شان و شرفى اولان بويوك مؤسسسين عدادينه ادخال ايله مشدر .

ثانياً ، تشبثات شخصيه نك ثمره سى اولان وسطوت مليه يه خدمت ايدىن مؤسسعاتى ، پارلاق بر صورتده تجهيز و منافع عموميه يه متعلق مباني انشا و تاسيس ايتمشدر .

واندربلتك بو حركتى بوتون ممالك تىلرده كى زىنكېن پدركلر انظار تاملنه عرض ايله اكتفا ايدرم .

پدرو والدەر ، « عائله چوجوغى » انموزج قبيحنى يتشدير مكدن باشقه بر صورتله ابقاى نام ايتك ايسترلر سه ، بو حر كته امثال ايتسونلر .

۳ — (نه قازانق ونه ده صرف ايتك استعدادينه مالك اولمايان صنف .)

ایکنجی انموزج ؛ پاره‌یی هیچ اولمازسه صرف ایتک خصوصنده بر جرأت ابرازنده ماهر در .

نتایج مخربه‌سی کندی نفسنه منحصر اولقله برابر، صرفیاتی؛ هیچ اولمازسه آزچوق کبارانه و مقبول بر طرزده اجرا ایدر .
بو اوچنجی انموزج ایسه ؛ بالعکس هر ایکی خصیصه دن محروم در .

بو صنف ؛ ایکنجیسی کی سعه ناقادر ، برنجیسی کی مُسک و خسیس در . بو انموزج ؛ کره ارض اوزرنده نادر و غایت محدود اولقله برابر بزه پک یاقیندن تعلق ایدر .

بر عصر دن بری فرانسه نک بر قسم زادکانیله صنوف متوسطه‌سی ؛ بووادی یه طوغری سقوط ایدیور . بو حال ؛ زادکان ایچون قرالغک سقوطندن و امتیازاتک ضیاعندن اعتباراً باشلامشدر . اووقته قدر زادکان ؛ ایکنجی انموزجه ، یعنی پاره قازانمقدن زیاده صرف ایتک اقتدارینی حائز اولان صنفه ، داخل ایدی . سرایده یا عنایات حکمداریدن یا خود بول بول معاشلر تأمین ایدن مأموریت ، منصب و سائر مقاماتدن نصابدار معیشت اولوروردی . بو منابه انضمام ایدن میراث پدر ؛ دارات ایچنده یا شامغه و پاره‌یی آزچوق ، بعضاً بلا حساب صرف و تبذیر ایده بیلمکه مساعد ایدی . حتی بو صرفیات ؛ بر علامت اصالت عد او انوردی . فقط ، عواطف حکمداری منقطع

اولدینی و امتیازات و مناصب الفا ایدلدیکی وقت، اصیلزادکن ایچون یالکیز مالکانه ایله یاشامق مجبورینی حاصل اولدی .
 واقعا بواشاده، تشبثات زراعیه و تجاریه ایله تزئید وارداته چاره آرایه بیلیرلردی . فقط بو؛ قواعد اصلته مغایر صورتده حرکت ایتک دیمک ایدی . چونکه بومسالك ؛ اصیلانه عد اولمازدی . تزئید وارداته امکان اولمايخه، بالطبع تنقیص مصارفه مجبوریته حاصل اولدی . ایشته بوضورتیه، بوقسم اصیلزاده لر؛ هم یاره قازانق هم صرف ایتک استعدادینی غائب ایتدیلر .
 طبیعتیه تنزل ایدن موقع اجتماعیلرینی؛ زنکینلرله ازدواج ایدرک محافظه ایتک ایچون، نه قدر زحمتله چالیشدقلری معلومدر .
 زنکین ازدواجلر ایسه برعرقی نه ثروته نه اخلاقاً اعلا ایده بیایر .
 براسل آنحق جهد و غیرتله اعتلا ایلر .

فرانسه صنوف متوسطه سی ؛ بوعصرک ابتدالربنه قدر ،
 یاره صرف ایتمکدن زیاده قازانق استعدادلرینی حائز اولان
 برنجی انموزجه داخل بولنیوردی . اساساً فعال و مقتصد بولنان
 کویلی و صنعتکار برعرقدن نشأت ایدن بوصنف ؛ دها یوکسک
 صنفه صعود ایدرکن، سعی و تصرفه متعلق مزایاسنی قیمتشناسانه
 محافظه ایله مشدی ..

اصیلزادکان ایله آره لرنده کی حدود فارقه قصر و بعده تمامیه
 رفع اولدینی وقت اصیلزادکان کی صنوف متوسطه نك بر قسمی ؛

صنایع متداوله دن تباعد ایدرک ، « کبارانه » یاشامنی لازمه دن
عد ایتشلر ایدی .

ایشته بو وقتدر اعتباراً ، مناصب اداریه وعسکر بهیه ، آو قاتلق ،
غزته جیلک کبی سربست صنایعه ، بر نهافت مجنونانه کوسترمکه
باشلادیلر . اک آز بر غیرت ، اونسبتده کوچوک بر مسئولیت
وهان پک جزئی بر تشبثی داعی اولان بومسالک انتساب : صنوف
متوسطه نك چالیشق قابایتلرینی یواش یواش تنقیص ایتدی .

حقیقتده بومسالکر ؛ پک آزمشر اولدینی ایچون ، تدریجاً
بوصنف دوچار انحطاط اولدی . هان اثرینه بدلا جه سنه اقتفا
ایتدیکی صنوف اصیله نك در که سنه اینمکه وفرط احتیاجات ایله
کیتدکجه اجرای تصرف ایتمکه وزنکین ازدواجلر یایمق کبی
چاره لر آرامغه باشلادی . صنوف متوسطه ؛ کویلی وصنعتکار
صنفلرندن یتشدیکی ایچون ، بومنشأ مضاعف اعتباریله اونلرک
خصائص اقتصاد پروریسیله الفته آماده ایدی .

فقط تصرف ؛ مشمر مساعی به رفیق اولماز سه اوزون
مدت تأمین معیشت ایده مز . بونک ایچون ، اصیلر اداکان کبی ،
صنوف متوسطه ده عینی سبیدن طولایی منقرض اولمقده در .
زیاده تولدات ؛ نه برینی ، نه دیکرینی انقراضدن قوتاراماز ،
حتی بویولده کیتمکه دوام اولنور سه نسلمز ، بر ایکی بطن بیله
سورمز .

حتی جهاز مقدار لری کیتد کجه تناقص و پاره فائضی تنزل
ایتدیکنندن طولایی ، بو تناقص و خامت کسب ایتشدرد .
اوافق بر جهاز ایله محدود بر معاش مأموریتدن باشقه بر شیده
مالک اولمایان بر کنج عائله ؛ محرومیتلر ایچنده یاشماق مجبور .
یتنده در .

بونکجه برابر ، ظواهری قورنار مق ایچون ، صرف مساعیدن
خالی قالدیور . صالون حیاتی ده ؛ توالتر کبی ، بر درجه به قدر
ظاهری بر اثر زفافیت ارانه ایله یور . بونک ایچون حوایج غذائیهدن ،
لوازم یتیهدن ، چو جو قورک تعلیم و تربیه سندن تصرفات اجرا
ایدیلیور . حوایجدن زیاده زوائد پاره صرف اولئیور . بلکه بو
روشله کندی کندینی آلداتق قابلدرد . فقط باشقه لری آلدانماز .

بواصول ایله بر عرق ، عاقبتی نه به واریر ؟
محتاج اولدینی ایچینی ؛ جهد ایله تأمین ایتک اقتدارندن
محروم اولدینی ایچون ، ماده سقوط ایدرد . معناده دوشه جکی
درکه ؛ بوندن ده آ زوخیم دکلدرد . فکر اقتصاد بمنزله تفاخر
ایتمک صورتیله ، بر مدت کندمزی آلدانه بیلیرز . بو فکر اقتصاد ؛
کوچ برایشه تشبث و اونی بر حسن نتیجه به ایصال ایتک خصوص .
صنده کی عجز مزك ، و قولای شیرله تمایلز قدر ، مشکلاتدن تنفر
و تباعد مزك نتیجه سندن باشقه بر شیء دکلدرد .
منافع عمومی به عائد مآثر عظیمه نك تأسیس و اداره سی

ایچون، زادگان ایله صنوف متوسطه ده اقتدار قلمدینی برامر بدیدیدر. بونوع مآثر جسیمه ؛ بزده عهده حکومت دوشمش اولدینی جهتله، پک فنا اداره ایدلمکده در. چونکه حکومتده ؛ سائق یکانه اولان منفعت شخصی مفقوددر . حکومتک؛ بزم کیسه لریمزدن باشقه بر منع وارداتی اولدیغندن ، ثروتمز اکیلدکجه اونک وارداتی ده مع التأسف آزالیر .

ایشته بوسبیلله ، بوصنفک حکمران اولدینی جمعیتلرده؛ کرک حیات عمومی و کرک حیات خصوصیه ده هرشی "ماده" و اخلاقاً وادیء اضمحلاله طوغری سقوط ایدر. عرق؛ کسب ثروت ایتک و اونی حسن استعمال ایله مک خصوصنده کی عجزک تقاتی آلتنده چوکر واک نهایت محو اولور .

فرانسه جمعیتک مضطرب اولدینی بوبحران وخیمک سبب مستقلى؛ صنوف عالیهدن بعض رجالک موقع اجتماعیلری ترک ایتلریدر . بوتهلکه قریه نک اوکنی آلق ایچون، بونون ماحاصل غیرتمزی صرف ایتلی بز .

بونک ایچون ، خسته لکی تشخیص ایده بیلمک و دواى مؤثرینی همان بولوب تطبیق ایله مک جسارتنه مالک اولمالی بز . چاره سلامت ؛ سوسیالیستلرک ظن ایتدکلی کی، صنوف عالیهنک الفاسنده دکندر .

سوسیالیستک؛ تشبث شخصی نک وسعی وعملک قابلیتمز لکی

تزیید و تعمیمدن باشقه برشیئه خدمت ایده مز . چونکه هیئت اجتماعی دن، دها طوغری بی دیگر لر لک حصه مساعی سندن استفاده ایتمک خیال خامنی تعقیب ایدر . چاره یکنه سلامت ؛ حال اعر قزک مدار فخر و مباهااتی اولان و سائطک معاونتیه، صنوف عالیه نک اصلاح و اعلاسنه چالیشم قدر .

بو تعالی بی تأمین ایتمک ایچون، شمدی توصیف ایده جکمز دردنجی انوزج اجتماعی بی فرانسه ده تأسیس ایتمک اقتضا ایدر .
 ۴ — (بوانوزج ؛ پاره قازانغه قابیتی اولدینی کبی صرف ایتمکده مستعددر .)

ایشته شمدی بول بول قازانق و بول بول صرف ایتمک قابیلیت لری
 حائز اولان و بحق یو کسک و مکمل بولان برانوزج قارشیسنده بولنیورز . بو صنفک تفوق اجتماعی ؛ کرک قرون عتیقه و کرک قرون جدیدده مدینتی درجه قصوایه کوتور مکمه موفق اولان اک بویوک واک محشم ارکان انسانیتی یتشدیرمش اولق مزیتیه تظاهر ایدر .

از مننه عتیقه ده، پو صنفدن یونانیلر لهرو مالیله وادوار متأخره ده، قرون وسطانک بویوک حیفته جیلر یله آنفلو — ساقسون عرقه تصادف ایدرز . اسکی یونانیلر پاره قزانمقده کی قابلیت فوق العاده لرینی تجارتده کوستر دیلر . بحر سفیدک بوتون سواحله عظیم تجارت شهر لرینی نه صورتله تأسیس ایتدکلرینی و بومراکز مدینه نک

درجه قصوای ثروت ورفاهیتی بیلورز . یونانیلر ؛ احتمالات
موفقتی پك آزاوان بوتشبات عظیمه یی وجوده کتیرمک ایچون
دکزلرله ، درشتی طالعله چارپیشیدیلر . بوقدر متاعب ایله
قازاندقلری پاره نك صرفنده ، دهآ آزشایان تقدیر بر
صورتده حرکت ایتمه دیلر . پاردیی اودرجه پارلاق وجوان مردانه ،
اودرجه علوی برذکوت ایله صرف ایتمشلدرکه ، باصدقلری
یرلرده هر نوع نفیس اثرلر ، آبدملر ، موزهلر ، خلاصه قیریق
دوکوک حاللریله برابر ، حالا انسانلرک انظار حیرت و تماشاسنی
جلب ایدن بوتون برعالم هیاکل یوکسلمشدر . یونانیلرک ؛
بیکارجه آرتیستی کمال رفاهیتله اعاشه ایده بیلمه لری ، اونلری
نه درجه یه قدر تقدیر ایتدکلرینی ارائه ایدر . بوندن طولاییدرکه ،
اسکی یونانیلر ؛ افکار عالمده مستحق اولدقلری موقع علوی و محترمی
اشغال ایله مشلدردر . ایشته پاره ؛ بویولده کسب و صرف ایدلدیکی
زمان مقبول و مبجل اولور .

رومالیلرک پاره قازانلق طرزى باشقه در . رومالیلر تجار
زراع ایدیلر . یالکیز (لائیوم) قطعہ سی ایله اکتفا ایتمه دیلر . بوتون
ایتالیایی ، زیر حاکمیتلرینه کیرن بوتون ممالک واسعه یی زراعت
و حراثت ایله دیلر . یوقوی چفتجیلر ، بوتون دنیایی (رومایوللری)
دنیا ن آتار جسیمه ایله قاپلامشلدردر . چفتجی عسکرلردن عبارت
بولان (لژیون) لر ؛ بوشوسلر واسطه سیاه سوق ایدیاپردی .

کیتدکاری هر یرده؛ رومانك مشهور اولان مستعمرلريله مسكون
برمستماكه ظهور ايدر ایدی . هر مستعمره نك جوارنده ؛
کندی نظارتلری آلتده اولق اوزره، برچفتجی زمره سی
باشایان حسابسز (ویللا) لرو جوده کتیرمش، حیوانات وحشیه به
ماوی بویوک اورمانلری قابل حراشت اراضی به قلب و دنیایی؛
رومانك صالح و مدینته کشاد ایله مش ایدیلر. رومالیلر، بو هدفه
وصول ایچون، هیچ بر مصرفدن چکنمیدیلر. ذخائرک نقلی،
صولرک سیلاننی تأمین ایتک مقصدیه انشا ایتدکاری مبانی
جسیمه و آثار عظیمه؛ بوقضیه یی اثبات ایلر. زراعتدن پاره
قازانیله جغنی و زراعت ایچون پاردنك طرز صرفی برنجی
دفعه اوله رق دنیایه کوستریدیلر. قرون وسطانك بویوک
چفتجیلری؛ بالاده کوستردیکم وجهله، دها مجهول فقط آز
پارلاق اولمايان بر اثر عظیم وجوده کتیریدیلر. زیرا قرون
عقیقه به پک فائق اولان قرون جدیدنك اساسلرینی قوران و حتی
لباس مدینتی بیچن اولردر .

بو چفتجیلر؛ بشنچی عصر دن اون دردنچی به قدر، رومالیلرک
مدنیت زراعیه سی ردای مجهولیت ایچنده توسیعه دوام
ایله مشلردر .

قراکلق اورمانلری آچق ، آراضی غیر مزروعیه یی
حراثت ایتک، تارالاری زرع و اعمار ایتک خصوصنده کی

مساعی عظیمه لری عقللره حیرت ویرر .

مشئوم شوالیه لك ؛ كندیلرینی چفتلرندن ، طور اقلرندن
آیروب ، سلاح بدست اوله رق حرب میدانلرینه آندی ، صوكره
قراللر طرفندن سربايلرك عطالت سفهانسه نه ودها صوكره
(ورسای) مجالس عمومیه صالونلرینه سوق اولندقلری زمانه قدر ،
بومشكل و کوچ مساعیده ثبات ایتشلر ایدی . انموزج سابقه
برابر ، كندیلرینه ایشته بویرده تصادف ایتدك . قوتلی ، متین
چفتچی قالدقلری مدتجه ، پاره قازانمش و اونی پارلاق و مشمر
صورتده صرف ایده یاشلر ایدی . قازاندقلری پاره یی ؛ اوله
صره سیله ، اراضینك غایت کوچ و مصرفی بر تشبث اولان كشاد
واعمارینه ، بوندن صوكره ، قرون وسطی شهرلرنده کی صنعتكارلره
مدار تعیش اولان منابع مجهوله ثرونك ایجادینه صرف ایتشلر
ایدی . بوسنتكارلرك ، مآثر سعی و هنرلرینی اودرجه ایلری
كوتورملرینك باشلیجه سببی ؛ یكانه مشتریلری اولان بویوك
مالكانه صاحبلرینك ، آثار نفیسه یی تقدیر ایتملری و قیمت حقیقیه .
لرینی ویرمكدن چكینمه ملریدر .

زماننرك قولكسیون مراقیلری ، بو هنرورانك ، صنعتی
نه درجه یه قدر ایلری كوتوردكلرینی بیلیرلر .

خلاصه ، پاره یی ؛ عصر حاضرک ، بویوك ثروت و معرفتیله برابر

تنظیمه مقتدر اوله مادینی، ابدیه و معابد جسیمه نك انشاسنده ده استعمال ایله مشلدر .

اگر تاریخ؛ نابینا اولماش اولسه بدی، حکمدارلره، فاتحلره بدلاجیه سنه و کمال سماحتله و یردیکی موقع بالاترینی بو آدمیره تخصیص ایتلی ایدی... الحاله هذه پاره یی قازانق و صرف ایتک استعدادینی اک یوکسک درجه ده حائر اولان عرق؛ آغلور- ساقسوندر .

آغلور- ساقسونلره پاره قازانق قابلیتینی بخش ایدن سبب؛ اوراده برکنجک، صرف کندی سعی ذاتیسیله کنج یاشنده بر موقع اشغال ایتک مجبوریتنده یولنسیدر. حین ازدواجنده نه پدرینک معاونه و نه ده زوجه سنک جهازینه انتظاره محل کوره مدییکی جهته، کوچوکلکندنبری، مبارزه حیاتیه قارشینی بوتون قوتیه کندینی حاضر لامغه باشلار. خدمت حکومت یرینه، بو مصارعده کسب شوق و قوت ایدرک، بوتون تربیه سنی بوجهته صرف ایلر .

بوصورتله مظفریتی تأمین ایدن صفات اساسیه یی و تشبث ایدیلن ایشده لازم کلن عزم، ثبات، متانت، مشاغل شاقیه قابلیت، مجاهده متوالیه، سهولتدن نفرت ایله موافقه غلبه خاصه لرینی اکتساب ایدر. بویله بر محیط؛ پدرینک ثروتنده کوزی اولان (عائله چو جوغنی) نمونه سنی یتشدیرمز. بو آموزش اجتماعینک

طبیعتی دیگر بر اثر مده توصیف ایتدیکم ایچون بوراده تکرارینه لزوم کورم .

ده با غزته سیله نشر ایدلمش اولان. مذکور غزته نك آمریقا مخبرینك خلاصه بیاناتی بورایه نقل ایله اکتفا ایدرم. بویانات؛ آمریقانك بو محیط اجتماعی، ایش آدمك بولتیقه جی به نه درجه به قدر تفوقی تأمین ایتدیکنی واضحاً اثبات ایدر.

واقعا، بر قومك رفاهیت اقتصادی سی؛ مبارزات داخلی سیاه سیه یه اولان تمایله معکوساً متناسب اولدینی هر زمان تکرار اولنور. بوناظره؛ بالخاصه ممالك مجتمعه ده بر حقیقتدر. اوراده، (قومون و ملت) دنیلن ایالتلرده اوطورانلر؛ حیات داخلی لرنده علی العاده سیاسته متعلق اموری آکلامق ایچون، ذاتاً بك محدود بولنان مراقلرینی تسکین ایده جك بر غدای کافی بولدقلری جهته، پای تحتده جریان ایدن وقایع سیاسی یه بك آزعطف نظر اهمیت ایدرلر. شونیده اونو تماملیدرکه، ملتک ارکان و اعاضی؛ تشبثات زراعیه و تجاریه یه اوبله بر مجذوبیت حس ایدرلرکه، اونلره؛ مهالك مسئولیت و قیود اسارتدن باشقه بر شیئه ممالك اولمایان بولتیقه؛ سعی مشمر ایچون طوبدقلری مفتونیتی هیچ بر زمان بخش اید-من. واقعا مبعوثان و اعیان مجلسلرنده مملکتک اک بویوک واک یوکسک ارکانندن برقاج ذات تعداد اولانه بیلیر. فقط بونك، حال استثنائی تجاوز ایتدیکی و «محیط شورائی» نك سویه فکره

واخلاقیه سی؛ عالم تجاری و صناعینک سویه سندن پک دون اولدیغنی اعتراف ایتمک لازم کلیر .

مباررات انتخابیه؛ ملتک نه طبقات عمیقہ سنہ نفوذ ونهده طبقات علویہ سنہ صعود ایده مز . ۱۹۰۲ تاریخنده وقوعبولان مجادلات انتخابیه؛ اصول معتاده سنده جریان ایتدی . هر وقت کبی نطقدر، ضیافتلر، جسم اعلانلر، آچیقده متیغلر، اعلانلی ترنلر کبی وسائط نشریه به توسل اولندی .

آنحقی بوکورلتیلر؛ بالنفس ملت آرہ سنده وقوع بولان بر مجادله در زیاده، مبارزات انتخابیه ایله یاشامغه آیشمش بر قومیتہ نک اثر مجادله سی ایدی .

بوانموزج اجتماعی؛ پاره نک صرفنده دخی قابلیت فوق العاده کوسـتر . بحق دنیله بیلیر که ، آنغلو-ساقسون؛ پاره بی عادتا سوقاغه آتار . خانه سنده کمال رفاه ایله یاشار . داثما سیاحت و بول بول پاره صرف ایدر .

بوتون مؤسسات خصوصیه وعمومیہ بی تشبث شخصی منبع یکانه سیله تغذیه ایلر . بر دہلت بودجه سنک تأسیس و ادامه سنہ مقتدر اوله مایه جفی مؤسسات عظیمه ومهمہ بی، ساده جہ عطیلر ویاخود وصیتلر ایله وجوده کتیرر . بونی دہ اوله برساخت، اوله برساخت، اوله بر علویت ایله اجرا ایلر که، انسانی غریق حیرت قیلار .

دنیا نك هر طرفنده تمديد و انشا ايتديكي خطوط جسيمه
 حديدیه و بحریه شبکه لری کره ارضك سطحنی طانیلماز بر حاله
 کتیر مشدر. خلاصه، بوعرق؛ اویله بر مستعمر درکه، رومالیرک
 مآثر استعماریه لرینی پک اوزاق، پک کری بر درجه ده بر اقمشدر.
 آنغلو - ساقسون پاره قازانلق و صرف ایتک خصوصنده
 شمدی یه قدر موجود اولان ماکنه لرك اک مکملیدر .
 آنغلو - ساقسونک تفوقنی تأمین ایدن باشلیجه سبب ؛ پاره یی
 مشقتله قازانمک یولنی بیلمک و بول بول صرف ایتک قابلیت
 مضاعفه سی آره سنده بولنان توازندن نشأت ایدر . بونک
 ایچوندرکه قدرت سعی و ثمره مساعیسی اولان پاره نك صرفنده کی
 وقوف و سماحتی ایله جهانی متمادی ایلری طوغری سوق ایلر.
 بوصفک پاره قازانلق قابیلی اودرجه یه وارییورکه، برکنجک
 ایشه ثروته باشلامسی افکار عمومیه جه مضر عد اولنور !
 بوموضوعده ، بویوک برانکلز غزته سنک « پاره حیاتده
 موفقیتی تأمین ایدرمی؟ » سرلوحه سبله نشر ایتدیکی غایت مهم
 اولان شوبندی او قویکیز :

« حیاتده یکی ایشه باشلایان برکنجه، پاره نك فائده سی اولوب
 اولمایه جنی مسئله سی ؛ برچوق دفعه فکرمی قورجالادی. »
 « ثروته مالک برکنج ؛ سبیک لزوم قطعیننه اینانماز. کنجک ؛
 مساعی شاقیه متمایل اولمادینی ایچون، اولنمکه مسارعت ایتیه رک،

بر آزار انتظاری مرجع کورمی و بوندن صوکره بر حیات
عاطله به دوشه رك، بالنتیجه كندی نفسنه ملال بخش و جمعیه
بی لزوم بر حال آلمی و بایكه بوندن دهافنا بر دركه به دوشمی
محملدر. چونكه تام الصبحه اولان هر آدمك، سبی و عملده قرار
بولمازسه فناقلده استقرار ایدمه جك قدر عزم و غیرته مالك اولدیغنه
شبهه یوقدر. بوصورتله عطالتده بولنان کیمسه، ذكاسی تماماً
سونجهیه قدر قهوه لرده، مسابقه لرده، قلوبلرده امرار اوقات
ایدر. آت مسابقه لرینه متعاق (بحث) اكرامیه لرینك تدقیق
و مطالعه سی، صرفه مستعد اولدینی غیرتك حد اعظمینی
تشکیل ایلر.

«طبیعیدر كه، فعال و چالیشقان برکنج، میرانه قونارسه،
بر اورتاغك حصه سنه اشتراك ایتك صورتیه، پاره سز آرقداش لر.
ینك استحصال ایدمه یه جکی و اردائی تأمین ایدمه ییلر. فقط
پارده سی فائضه ویرمك ایسته یین برکنجك، حال و موقعك
نه درجه وخیم اولدینی بیان ایتكه حاجت یوقدر. چونكه
پاره طوتان کنج لرك تجربه سز لکنی وسیله جر منفعت عد
ایدن طولاندر یجیلر بك چوقدر.»

پاره یه مالك اولان برکنج، مردیونك ایلک قدمه سندن
باشلامق ایسته مز. طوغربدن طوغری به (پاترون) ارمق ایستر.
تشبثانده تجارب مقتضیه مفقود اولدینی ایچون، بالطبع پاره

قازاناماز . بوتون کنجاکننده آدم عقلی برصنعته کسب وقوف ایدمز. بلکه واردات جزئیة سینه مغروراً اولنمکده قیام ایدر. و برعائله بسلمکه مجبور قالیر. حتی بو حالده بیله، بر میراث غیر مترقب؛ فلا کتلی بر اقبال عد اولنور . اولاده و اولنره میراث برافه حق ثروته مالک اولان هراوین ایچون؛ بومسئله نك اهمیت عملیه سی غیر قابل انکاردر . »

ظن ایدرم که بویانات؛ انکاتره افکار عمومیه سنجه نه قدر تقدیراته شایان کورلدیسه . فرانسه ده هان متحداً بر حس ناخوشنودی به باعث اولمشدر . فی الحقیقه افکار عمومیه مز ؛ بر کنجک ته قدر چوق پاره سی اولورسه حیاتده اورتبه نائل موفقیت اوله جفنه قائل اولیور .

عجبا کیم حقلی، کیم حقمنز؟..

هرایکی طرف ده حقایدر. بوده غریب کورونور ایسه ده، بون آکلامقدن قولای برشی یوق!

انکلیزلر حقایدرلر. چونکه انکلیز کنجلیری ، عزم قوی و فکر متشبثانه ایله مألوف و تر جیحاً میال اولدقلری مسالک مشمره بی شاعراده موفقیتیه ایصاله مقتدر اولدقلری ایچون، کندی کندیلرینه تعالی به واکتساب ثروته مستعددرلر . پدرلرندن نائل اوله بیله . جبکلی معاونت نقدیه به احتیاجلری اولماقله برابر، مقاله محررینک

دیدیکی کبی، بومعاونتک اونلر حقنده تولید محاذیر ایتیمی بیله
محتملدر .

کذلک فرانسزلرده حقایدرلر . چسونکه کنجسلری
تماماً معکوس بروضعیتده بولنیورلر . مقتضای محیط تربیه‌لری
اوله‌رق، مساعی ذاتیه‌دن زیاده ثروت پدردا عتماده میال اولدقلری
ایچون، سرمایه‌سز برایشه کیریشنلرک اکثری؛ کندی جهدلریله
پاره قازانمغه مقتدر اوله‌مازلر . آزمعاشلی یاخود غیر مستقل
مساکلرده سورونمکه مجبور اولورلر . بوملاحظه مضاعفدن
استخراج ایده‌جکمز نتیجه ؛ انکلیز کسب ثروته مقتدر
اولدینی ایچون، پاریه فرانسزدن ده‌آز محتاج اولدینی در . بو
کیفیت، انکلیزه برتفوق باهر تأمین ایدر. بونکله برابر، بوانعوزج
اجتماعینک؛ کندیسی ایچون وخیم برتهلکه و بزم ایچون، موقع
استفاده‌یه قویه بیلدیکمز حالده، موجب انتباه بردرس و حتی
باعث استفاده اوله‌جق کیزلی بریاره‌سی وارددر ...

حیات و صحت رونما ارلان قوی وجودلرده اولدینی کبی
آنغلو - ساقسون بنیه جسیمه‌سی اوزررنده ظهور و تعیش ایدن
بعض نباتات طفیلیه وارکه، یواش یواش بوتون عضویتی افساد
ایتمک اقتدارینی کوسستر مکده در . انکلیزک تعالی و نفوقی ؛
برتشبثی نتیجه موفقیته ایصال ایتمک ایچون، فعالیتک، عزم و شباتک
بوتون ماحصاتی صرف ایده‌بیلیمک استعدادندن متولددر .

فقط بواقترار سعی ؛ عرقه خاص اولان بومزایای عزم و متانت، فنانغه، تشبثات مضره‌یه، یاخود وسائط جنایتکارانه‌ده استعمالی صورتیله کذب و ریایی آلت موفقیت اتحاذه ، ضعیف و ساده‌دل کیسه‌لری افعال مذمومه‌یه سوق و تشوبقه صرف ایایه‌جکی فرض اولنورسه، بوندن تحصیل ایده‌بیله‌جک ضرر؛ یوز دفعه دهابویوک اولور...

او حالده سوء استعمال ایدیان بو قوه طاعیه‌یه ممانعت ایچون، بش یوز دفعه دهابویوک بر قوت صرفنه احتیاج حس اولنور. یوقسه، حق و حقیقتک و عدالتک؛ درجه تکمله وارمش و وسائط مخوفه ایله مجهز بولنش اولان حیلّه‌یه، کذب و ظلمه مغلوبیتی محققدر...

عرق مزایاسنی مساوی‌یه تحویل ایتمه آماده اولان حوینات مضره؛ طبقات سفلیه‌ده، بوتون اوروپا جانیلر ندن دهاماهر اولان یان کیسیجیلر، دهابوقاری طبقه‌ده، قوت عزم و وسعت وسائط ایله سرسریلر یزک پک فوقنده بولنان (جسون) طرزنده کی سرسریلر، الیوکسک طبقه‌ده ایسه، (تامانی) جمعیتی طرزنده بولنان و پولتیقه‌یی، مکلفین اهالی‌یی منتظمأ صویق ایچون ماهرانه قورلمش بر سیاست دوله‌بندن باشقه بر نظاره کورمه‌ین وجدانسز پولتیقه‌جیلر تولید ایدر. دیگر مملکتلرده اولدینی کی، آغلو-ساقسونلرده دخی

بولتیقه جی ؛ الك ابی بر عنصر اخلاقینك مثل اولماقدن باشقه ،
 عرقه مخصوص عزم خشینانه دن طولایی ، خطالری دیگر مملکت
 بولتیقه جیلربنك معایب مشترکه مخصوصه سندن دها شدتله
 تظاهر ایدر . بعضاً ، مشئوم اولان مقاصدینك تعیننده شدید
 ومؤثر اولمق اوزره ، اویله بر قوه ارادیه ، اویله بر عزم و انتخاب
 و سائطده اودرجه ، بر لایقیدی ارائه ایدر که جدأ وله بخشا
 ونحما فرسادر .

اشبو طبقات سافله و عالیله آره سنده . کاه عانی و کاه خفی اوله رق
 بعضاً انکلتزه و بعضاً ممالك اجنبیه ده اجرای فعالیت ایدن بر
 سوری متوسط سیالره تصادف اولور .

بونلر ؛ فعالتلرینه ممالك اجنبیه ده دها موافق بر ساحه
 بولورلر .

اوراده تصادف ایده جککری دها آز عز مکار ، دها آز
 نبات پرور اهالی بی آلداتیق اونلر ایچون دها قولایدر .

آغلو - ساقسون عرقی ایچنده مقر و عوام ایچون مدهش
 اولان بوسه فیل شخصیتلر درکه ، بوتون انکلتز عرقه (خان
 آلیون) لقبی قازاندر مشدر .

بزم یایه جغمز شی ؛ آغلو - ساقسون عرقنك مزایاسنی اخذ
 و تمثیل ایله برابر ، بو مزایانك سوء استعمالندن عبارت اولان
 سیادتدن اجتناب ایتمکدر .

شمیدی به قدر کوردیکمز مختلف نمونه لرك تدقیق
ومقایسه سندن شایان دقت بر نتیجه وجوده کلیور :
پاره ؛ اخلاقاً بر عنصر تهذیب واجتماعاً بر سائق ترقی
اولمق، ایچون، ایکی شرط مبرمک وجودینه محتاجدر .
اولاً، پاره‌یی؛ مقدمانه وناموسکارانه قازانه ییلمک قابلیتته
مالک اولمق.

ثانیاً، پاره‌یی سمیحانه صرف ایده‌ییلمک .
مقدمانه قازانش پاره؛ آدمی مجاهده‌یه سوق عزم ومتاتی
تقویه ایدهرک، موانعی سومکه واونی اقیحامه آیشدیرر...
بشریت ؛ سوق احتیاجک جبرمبری آلتنده بولمازسه،
دوشه‌جکی کرداب انحطاطه پایان اولماز. مثال اوله‌رق، شرک
تنبلیرینه، قراللرک اسکی ندماسیله بندکاننه (عائله چوجوقلرینه)
باقکمز .

اصیلانه وسمیحانه صرف ایدیان پاره ؛ روحه علویت
واصالت بخش ایدر . بویله‌جه ، پاره ؛ بره‌دف دکل ، احوال
بشریتک اصلاحنه، انسال حالیه ومستقبله‌یه خدمت‌ایدن خیرات
ومبرانک تأسیسنه برواسطه اولور ..

بوصورتده پاره‌یی؛ آنجق نوع وطرز خدمتنه کوره تقدیر
ایتمکی اوکرنه‌جکمز .

انسان؛ آخرته کیدرکن پاره‌یی برابر کوتورمز .

پارده‌ی حد ذاتندن سومك منفور وعادی بر خصلتدر .
 پارده‌ی ؛ ایجاب ابتدییکی فعالیت و - بب اولدینی خبرات ایچون
 سومك ، فضیلتلرك اك علویسی و اك متمریدر . کدیمین ایله پاره
 قازانه حق و اونی منافع عمومیه‌یه صرف ابدہ جك قابیل آدملر
 یتشدیرمك ؛ تربیه و مربیلرك اك یوکسك بر هدف مساعیسی
 اولمالیدر .

عین زمانده ، چوجقلمزى مأموریتلردن تبعید ایتمك
 و انسانه باعث شرف و شان و اجتماعاً موجب تفوق اولان
 مسالك مستقله‌یه سوق و اماله ایله مك ! ایشه اك انی شامراه
 بودر .



فهرست

تجربه

مقدمه ۲

برنجی باب -- مبارزاتمز انجق موقع اقتداره صاحب

اولق ایچوندر ۳

ایکنجی باب -- قوای حکومتک سوء استعمالی یونان

قدیمک، روما ایمپراطورلقنک، اسپانیانک

انقراضلری انتاج ایتمشدر ... ۱۱

اومنجی باب -- قوه حکومتک سوء استعمالی فرانسهک

انخطاطی انتاج ایتمشدر ۲۶

دردنجی باب -- قرون عتیقهده حکمران اولان جمعیتلرک

اسباب تفوقی وجوده کتیرن تشبث

شخصیدر ۶۵

سنجی باب -- تشبث شخصی، زمانزده حکمران

اولان جمعیتک بادیء تفوقی اولمشدر . ۹۰

التنجی باب — قوه شخصیه سنه استناد ایدن آدملره ،

قوای عمومیه به استناد ایدن آدملردن زیاده

نفوذ اجتماعی بخش ایدن اسباب ۱۲۳ . .

برنجی باب — تشبث شخصی ؛ حریخی ، آرای عمومیه

اصولندن زیاده ، تأمین ایتشدردر ۲۵۳ . .

سکرنجی باب — قوای عمومیه نك اتساعی (حرب) ، قوه

تشبیه نك اتساعی (صلح) در ۱۸۶ . .

طفوزنجی باب — موقع اقتدارك سوء استعمالی مکتببری

افساد ایتدی ۲۷

اوتنجی باب — سی ایله پاره قازانمق و پاره بی صرف

ایتمك استعدادینی تنیه ایتلیدر . ۲۵۶



فيثاني (١٠) غروشدرد

ملت كتابخانه سنك نشر اولنان جلدلري

عدد	
١	قره دكز وبوغازلر مسئلهسى — بومسئله نك تاريخچه سياسياتى حاكيدر. فيثاني (١٠٠) پاره در.
٢	١١ نيسان انقلابى — حادثة ارتجاعيه نك اك مكمل بر تاريخيدر. فيثاني (٥) غروشدرد.
٣	اوغللر مه تربيه اخلاقيه، سياسيه و اجتماعيه — ساحه حياتده اك مكمل بررهبر، دور مشروطيتده اك كوزل براملاق كتابيدر. مؤلفى (بول دومهر). فيثاني ١٠ غروش.
٤	حكومت عوام وطن و انسانيت — تربيه عوانك اك مهم نقاطدن بحث ايدر. فيثاني (٥) غروشدرد.
٥	فن تربيه — دارالمعلمين مديرى ساطع بكك فن تربيه دائريازدقلى مهم اثر ك برنجى جلديدر. فيثاني (٥) غروش.
٦	تاريخ مدنيت — مؤرخ شهير سيدنبوسك اك مشهور بر تاريخ عموميسيدر. (برنجى جلد) فيثاني (١٢) بچق عروش
٧	رهبر معاشرت — آروپا آداب معاشرتندن بحث ايدر. فيثاني (٥) غروشدرد.
٨	اداره حيات — حياتك حسن استعالفى سعادتك اسبابى كوسترد. سير جون لوبوكك اثريدر. فيثاني (٦) غروشدرد.
٩	تاريخ مدنيت — (ايكنجى جلد) قرون وسطى به عائددر. فيثاني (١٥) غروشدرد. مترجمى احمد رفيق بك

- ۱۰ تاریخ مدنیت — (اوجنچی جلد) ازمنه جدیدهدن
باحشدر . فیثاتی (۱۲) بحق غروشدر . مترجمی احمدرفیق بك
- ۱۱ سوسیالیزم — سوسیالیستلرك وطائفندن بحث ایدر . حیدر
رفت بكك اثریدر . فیثاتی (۵) غروشدر .
- ۱۲ بالطه جی محمد باشا و بیوك پترو — پروت مظفریتندن
بحث ایدر مؤرخ احمد رفیق بكك اثریدر . فیثاتی (۵)
غروشدر .
- ۱۳ مسئله شرقیه — شرق مسئله سندن وقایئارجه معاهده سندن
بحث ایدر . مؤانی (آلبر صورمل) فیثاتی (۱۰) غروشدر .
- ۱۴ اخلاق، وظیفه شخصیه واجتماعیه — ژول پایونك
اثر مشهورینك ترجمه سیدر . فیثاتی (۶) غروشدر .
- ۱۵ ایش ایمبراطورلنی — آمریکا میایارددرلندن مشهور
آندره قارنهیك ایش عالمی حقنهدی یازدقلری بر اثر
مشهورك ترجمه سیدر . فیثاتی (۸) غروشدر .
- ۱۶ علم اجتماعی — حیات اجتماعیك صفحات مختلفه سندن
بحث ایدر . مصطفى صبحی بكك اثریدر . فیثاتی (۶) غروش .
- ۱۷ تربیه اطفال، انتخاب اطفال — بتون مكتب مدیر
ومعلمربله اولیای وطنه عاندر اثردر . فیثاتی (۱۰) غروش .
- ۱۸ موقع اقتدار — مملكتتمزك ای بیوك بر درد اجتماعی
اولان مأموریت وموقع مجازله سندن باخشدر . مولانی (ادمون
ده مولان) فیثاتی (۱۰) غروشدر .
- ۱۹ فن تربیه — (ایکنجی جلد) ساطع بكك اثریدر . فیثاتی
(۵) غروشدر . تربیه حاضرهمه عانده فوق العاده مهم برادره .

بیروت : مکتبہ المشرق و مکتبہ المجددین
بیروت

